



PVTEOLANA
HISTORIA

A IVLIO CAESARE CAPACIO
NEAPOLITANAE VRBIS

A SECRETIS ET CIVE
CONSCRIPTA.

Accessit eiusdem

DE BALNEIS LIBELLVS.



NEAPOLI,

Excudebat Conflantinus Vitalis. MDCIIII.

OMNIA SUMMI PONTIFICIS AVCTORITATI
ET S. ROMANÆ ECCLESIAE EMENDA-
TIONI SVBICIVNTOR.



EXCELLENTISSIMO
MATTHAEO A CAPVA
CONCHANORVM
PRINCIPI
REGNIQ. MAGNO ADMIRATO
& Consilij supremi ordinis Decano.

IVLIVS CAESAR CAPACIVS NEAP. S.



VAE admirabilia in Putcolano, Baiano, Misenate, & Cumano sinu veteres scriptores Latini, Graeciq. proposuere, in hosce meos labores compuli Princeps Excellētissime vt nihil reliqui esset quod curiosum hominū genus eò accedens, maximo studio desideraret. Quae ad antiquitatem pertinent, planissimè sunt explicata. Quae ad historiarum methodum, non intermissa. Quae in terrae visceribus,

ribus, calidis aquis, ignibusq. & sulphure ac bitumine recondita & perfusa, philosophiae *ληκυθους* in lucem reuocata. Lapidēs aut coeno, aut sordibus eruti, locupletes erunt veterum monumentorum testes. Numismata Religionem, tūm sacra mysteria declarabunt. Quae verò Christianam Religionem decent, tanto pietatis studio colligere libuit, vt nec Martyrum celebritates, nec Sanctorum Reliquias aut translationes, nec Episcoporum series quisquam aliundè haurire quàm ex hoc fonte (absit verbo inuidia) cupiet. Opus in tot antiquitatis anfractibus elaboratum tibi dicaui Excellentissime Princeps cuius memoria mihi est multò iucundissima, vt tuam gratiam aucuper, animiq. tui magnitudine & splendoribus, aliquid laudis in his lucubrationibus enitescat. Cum Putteolos accesseris, subcisiuis horis lege; & æternum vale Princeps optime, Neapolitanae nobilitatis ornamentum. Neapoli Calend. Augusti
CIC. DC. IIIL.

AD CIVES PVTEOLANOS.



NON ea debuerat vestra esse fortuna, vt omnem gloriam aut barbarorum furor, aut terrae motus labes, vel ignis vesania sepeliret. Atque, (o rem deplorandam) nec lapides ipsi ad contegendam sepulturam satis. Muti enim, fracti, & abasi. Quid restat? Vix vestigium; idq. aratri importunitate deturpatum. Vestigium tamen quod ignis pietas seruauit, quem cum aliquādo Vesuij interiora eructassent, Herculanium, & Pompeios florentes vrbes, cum theatris, cum ciuibus, cum aëre ipso contumulauit. Non sic impiè vobiscum actum est. Addo Stabias Romani Senatus indignatione solo aequatas, Cumas, Misenum, Baias dirutas, quas inanes vós tanquam è specula conspicietis. Ergò ne tot vrbium interitus, vestrae vrbis vitam etsi miseram quippe quae ex cadaueribus reuiuiscit quodammodo, non consolabitur? Adhuc Puteolani estis. Adhuc in vulnerato felicitis Dicaearchiae corpore cicatrices obductae cernuntur, & vestrum adhuc solum ex numismatum lapidumq. seminibus quae Puteolani pulueris gleba contegit, amplitudinem Romanam, quae suo splendore vestris luminibus luxit, cum aliqua antiquarum rerum vbertate redundat. Illudq. vos recreet plurimum, quòd cum Emporium celeberrimum Puteoli Cumanorum fuerint; hoc tempore Neapolitanae vrbi, cuius aedificio vester quoque labor interfuit, non tantum oleum fructuumq. ad commoditatem, sed etiam Balnearum ad sanitatem tuendam suppeditet annonam. Quod si à Neapolitano ad vitam reuocari aliqua ex parte non displicet, mihi tantum tribuite, vt aut cum vestra laude non viuam inglorius, aut sint Puteoli nominis & laboris mei sepulcrum. Valete.

A D L E C T O R E M.



PRIMUM *tantum labris degustandos latices Puteolarum antiquitatum scriptores proposuere, qui ex earum monumentis eos deducere conati sunt. Sitis tamen adhuc reliqua. Quae enim inter earum fragmenta secretiora delitescabant, non sibi reperienda duxerunt. Quae propinanda erant, impie reiecere. Quae curiosorum animos explere poterant, proponere aut dubitarunt, aut ignorarunt. Tacenda, loquuti. Dicenda, obliti. Quid maius Puteolis aut Philosophia meditabitur, aut Naturalis Magia obloquetur, aut sacris mysterijs obuoluta prophana pronunciabit historia? Obijcitur totus ille sinus miraculis praeclarus, quae mediisfidiis & admirationem excitant, & timorem spectantibus praebent, & in maximam abditarum rerum opinionem homines adducunt. Admiror ignem qui nullo inde impulsu facile pelletur. Ignem, qui cum consumere deberet, vitalem omnibus rebus, quae ibi nascuntur, impertit calorem; & qui non focis publicis à Vestalibus, sed ab ipsa terra & materia sempiternus custoditur. Quid prata in ignibus? Virent, florent, vernant semper campi, quos nescio utrum roscido purissimi coeli humore, an ignis fluminibus dicam irriguos. Admiror aquas, non Sextias, aut Caballinas. sed calidarum perennitates, Balneasq. earum tot saeculis nutrices & alumnas. Ecquae nam aquae? Admirabiles*

biles profecto, quae neque conclusae corrumpuntur, nec
frigoribus congelant, nec pruina concresecunt. Quae
dum per terrae venas sensim permeant, ex iugibus dein-
de fontibus ad hominis vitam & salutem extrahuntur.
At qui nam in ijs venis sulphuris, aluminis, chalcanti,
chalcitis, auri, ferri, argenti thesauri? Ut in orbe ter-
rarum Naturam vterum tulisse, & Puteolis peperisse di-
cas. Aërem laudabis procellis non obnoxium, crassis nu-
bibus nunquam concretum, ex respiratione medicatarum
aquarum circumfusum, placidissimos humores colligentem,
agrum illū augere imbribus; ut Anaximenis Deum aërem
Puteolis statuas, & Chryssippi Neptunum dum per maria
& sinus illos manat, qui semper tranquilli, navium sta-
tionib. tuti, natantibus salubres, & commoditati vber-
rimi piscatorum. Quid semiruta simulacra, quae imagi-
nē antiquae venustatis referunt, atq; ita ut veluti pompa
& spectaculo maximè circum oculi teneantur? Insepultam
tot cadaverum sepulturam lugeo dum sedeo ad parietinas
squalentes, uepribus obrutas. at verò saepius spirantium
Imperatorum capita, bustis voluntate impono dum mani-
bus nequeo. Enumero aliquando maximorum Principum
Villas, procerum Romanorum domicilia in quibus prae-
fulxit saepius fascium amplitudo, & Romano Senatui
dignitas erepta est, quando adhuc Augusti, Neronis, Ti-
berij, Caij, Traiani, Adriani, Antonini audiuntur vo-
ces, notantur gesta, seruantur imagines. Et meritò ad
ignes Romani fastus tumor efferbuit. Et qui ad honores
fumosarū imaginum obrepserunt, libenter fumantis terrae
solum

*solum cōmendarunt . Heroes splendide viuentes , sumptuo-
sore cultu Lucullos , nimio ocio Vacias , piscinarum vasti-
tate Hortensios , Hirrios , Philippos , reprehendo sanè , sed
ab eorum laudibus non abstineo , qui ganearum nidorem ,
profusam in summa vbertate luxuriam , luculenta tran-
quillitatis ocia , Romani animi maiestatem Puteolis osten-
tarunt . Quid igitur Puteoli ? Res magna profecto . Qui
non ita sunt depingendi vt claritati obstruat obscuritas ,
aut desideratae à doctioribus obscuritati desit color . Quae
bono animo in hoc volumen reieci recto iudicio secernas .
Vale.*



ELENCHVS AVCTORVM.

A

A Bz Tritemius.
A Acta Apostolorum.
 Acta Regum Neap.
 Acta S. Maximi.
 Acta S. Iulianae.
 Adrianus in oratione.
 Adrianus Turnebus.
 Aelianus.
 Aelius Lampridius.
 Aelius Marchesius.
 Aelius Spartianus.
 Agathias.
 Agathostenes.
 Agellius.
 Albertus Magnus.
 Alexander ab Alex.
 Alexander Trallianus.
 Alexis.
 D. Ambrosius.
 Ammianus Marcellinus.
 Anacreon.
 Anastasius Bibliothec.
 Andreas Baccius.
 Angelus Constantius.
 Antigonus.
 Antonius à Falconibus.
 Antonius Bonfinius.
 Apollonis Scholiaſtes.
 Appianus Alex.
 Arnobius.
 Aristophanes.
 Aristophanis Schol.
 Aristoteles.
 Athenaeus.
 Angerius Gisleus.
 Aufustius.
 D. Augustinus.
 Auicenna.
 Aupertus.
 Aurelius Cassiodorus.
 Aurelius Victor.
 Aufonius.

B

B Bartholomaeus Facius.
 Bartholomaeus marata

Bellonius.

Blondus.

Breuiarium Capuanum.

Breuiarium Salernitanum.

Briffonius.

C

C Caesar Baronijs Car.
 dinalis.
 Caesaris Commentaria.
 Carolus Sigonius.
 Catullus.
 Cenforinus.
 Chariclades.
 Chronica Cassinensis.
 Chronica Ioannis Villani.
 Cicero.
 Ciprianus.
 Claudianus.
 Clemens Alexandrinus.
 Collegium Conimbricēse.
 Collenucius.
 Columella.
 Concilia generalia.
 Constantinus.
 Cornelius Celsus.
 Cornelius Seuerus.
 Cornelius Tacitus.

D

D Ecretum.
 Dio.
 Diodorus Siculus.
 Dionysius Afer.
 Dionysius Halicarnassens.
 Dionysius Lambinus.
 Ditmarus.
 Donatus.
 Dorotheus.

E

E Nnius.
 Epigrammata Graeca.
 Eugipius.
 Euripides.
 Eusebius.
 Eustathius.
 Eutropius.

F

F Estus.
 Flavius Vopiscus.
 Franciscus Aretinus.
 Franciscus Lombardus.
 Franciscus Petrarcha.
 Frontinus.
 Fulgius Vrsinus.

G

G Alenus.
 Georgius Agricola.
 Georgius Cedrenus.
 Glosae.
 Glyca in annalibus.
 D. Gregorius.
 Gordianus.
 Gulielmus Apulienſis.

H

H Arpocratio.
 Hegeſippus.
 Hellanicus Lesbios.
 Herempertus.
 Hermias.
 Herodianus.
 Herodorus.
 Hesiodus.
 D. Hieronymus.
 Hieronymus Borgius.
 Hieronymus Cardanns.
 Hieronymus fracaſtorius.
 Hippolytus Martyr.
 Homerus.
 Homeri Scholiaſtes.
 Honorius III.
 Horatius.
 Huberrus Goltzius.
 Hyperocus.

I

I acobus Sannazarius.
 Iamblichus.
 D. Ignatius.
 Innocentius III.
 Inſcriptiones antiquae.
 Ioannes Albinus.
 Ioannes Antonius Capanus.
 Ioannes Boccaccius.

†† Ioannes

Ioannes Diaconus.
Ioannes Elifus.
Ioannes Xiphilinus.
Iosephus.
Iouianus Pontanus.
Iulius Bulengerus.
Iulius Capitolinus.
Iulius Firmicus.
Iulius Obsequens.
Iulius Pollux.
Iulius Scaligerus.
Iulius Solinus.
Iustinus Martyr.
Iustus Lipsius.
Iuuenalis.

L

Laberius.
Lactantius Firmianus.
Laurentius Surius.
Leo Baptista.
Leo Hostiensis.
Licinius Mutianus.
T. Lilius.
Livijs Pisonis Annales.
Lucianus.
Lucanus.
Lucillius.
Lucius Florus.
Lucretius.
Luitprandus.
Lycophron.

M

Macrobius.
Marcus Antonius Sabellius.
Marcus Antonius Flaminius.
Marinus Freccia.
Martialis.

Martianus Capella.
Martyrologium.
Matthaeus Salernitanus.
Maximus Tyrius.
Menghus Fauentinus.
Messala Corvinus.
Michael Sauanarola.
Moschion.

N

Naeuius de bello Punico.
Natalis Comes.
Nauclerus.
Nonius Marcellus.
Notitia vtriusq; Imperij.

O

Officiu Sanctorum Neap.
Onuphrius Panuinius.
Oppianus.
Orpheus.
Orus Apollo.
Ouidius.

P

Paulus Diaconus.
Paulus Iureconsultus.
Pausanias.
Petronius Arbitr.
Petrus Bembus.
Petrus Damianus.
Petrus Diaconus.
Petrus de Natalibus.
Petrus Razanus.
Petrus Stephanus.
Petrus ad Stephanum Praesulem Neap.
Philippus Beroaldus.
Philo Iudaicus.

Philostratus.
Pindarus.
Plato.
Plinius.
Plinius iunior.
Plautus.
Plutarchus.
Polybius.
Pomponius Laetus.
Pomponius Mela.
Porphirius.
Procopius.
Propertius.
Prudentius.
Ptolemaeus.

R

Regino.
Scholiastes Dionysij.
Scholiastes Aristophania.
Scholiastes Pindari.
Sedulius.
Segebertus.
Seneca.
Seruius.
Sextus Aurelius.
Sextus Pompeius.
Sibyllina Oracula.
Sidonius Apollinarius.
Silius Italicus.
Simon Porcius.
Sophocles.
Spartianus.
Statius.
Stephanus de Urbibus.
Strabo.
Suetonius.
Symmachus.

I N D E X

R E R V M M E M O R A B I L I V M .

<i>A</i>		<i>Aquae è Serino Misenum</i>	<i>virginem.</i>	61
<i>Bas Odillo Cluniacensis.</i>		<i>ductae.</i>	133	<i>Bituminis plura genera.</i> 64
<i>fol 57</i>		<i>Argillae Cimmericiorum.</i>	100	<i>Bitumen an materia sit ignis.</i>
<i>Academia Ciceronis.</i>	46	<i>Arena Puteolana.</i>	16	64
<i>Acheronte varij.</i>	99	<i>Aristodemus Cumanorum Ti</i>		<i>Boaula, vide Bauli.</i>
<i>Acherusia palus.</i>	185	<i>rannus.</i>	143	<i>Bossa Puteolana familis.</i> 76
<i>S. Acutius ciuis Puteol.mar-</i>		<i>Armamentaria fabrica.</i>	31	<i>Bruti Patroni Puteolanorū</i> 13
<i>tyr.</i>	60	<i>S. Artibemas martyr Puteola-</i>		<i>Bullae aureae Tiberij Baij.</i>
<i>Adenulphus Comes Puteol.</i>	73	<i>nus.</i>	79	111
<i>Adrianus Imp. obiit Baij.</i>	20	<i>Asiaticus libertus Puteolis.</i>	42	
<i>Aetna Vulcano facer.</i>	49	<i>Afinius Pollio Patronus Pu-</i>		<i>C</i>
<i>Agrippae Piscina mirabilis.</i>		<i>teol.</i>	13	<i>Calciarium quid.</i> 33
133. <i>Portus Misenis.</i>	128.	<i>Auernus lacus.</i>	93.	<i>C. Caligulae pons Pu-</i>
<i>Nummus.</i>	129.	<i>descriptio.</i>	101	<i>teolis.</i> 17
<i>Agrippinae interitus ad Bau-</i>		<i>Auerni plures.</i>	93	<i>Caligula inuidiae, et Neptu-</i>
<i>los.</i>	123	<i>Auernus pro inferno.</i>	104	<i>no sacrificat.</i> 18
<i>Alexandrinae naues.</i>	42	<i>Augustales ludi Neapoli.</i>	6	<i>Calyptus statua ad Auernū</i> 96
<i>Aligernus Cumas defendit.</i>				<i>Campaniae diuiso.</i> 139
151		<i>B</i>		<i>Cāpani Cumanorū hostes</i> 149
<i>Alumen Puteolanum.</i>	13.	<i>Baccus Puteolanorū.</i>	25	<i>Campi Pblegraci.</i> 50
<i>teolis interdictum.</i>	53.	<i>Bacchi sacerdotes.</i>	25	<i>Capreis beluarum ossa.</i> 42
<i>con-</i>		<i>Baiiae mari submersae.</i>	113	<i>Capuccini in Vulcani Foro</i> 62
<i>ficiendi ratio.</i>	54.	<i>Baiiae scortorū diuersorū.</i>	114	<i>Carbonarij, et Dendropbori</i> 31
<i>eius locum</i>		<i>sinus, et amoenitas.</i>	107.	<i>C. Cassius Puteolanorum se-</i>
<i>Pontifex coemit.</i>	53	<i>aquarum luxus.</i>	108	<i>dicionis placat.</i> 9
<i>Ambrosius medicus Puteo.</i>	45	<i>bae 111. eius sinus vitia,</i>		<i>Cassius et Brutus Patroni Pu-</i>
<i>Ambubaias scorta Baij.</i>	114	<i>111. piscinae 116. eius tem-</i>		<i>teol.</i> 13
<i>Amphibeatrū Puteolanū.</i>	34.	<i>pla 117. numismata 118.</i>		<i>S. Celsus Petri discipulus Pu-</i>
<i>leges spectandi dedit.</i>	36.	<i>pisces.</i>	18	<i>teolis.</i> 78
<i>eius celebritas.</i>	37.	<i>Baianensis Episcopus.</i>	121	<i>Centonariorum corpus.</i> 31
<i>Sanctos</i>		<i>Baij obiit Adrianus.</i>	20	<i>Chalcēthum Puteolanum.</i> 54
<i>martyres habuit.</i>	37	<i>Baius Vlyssii socius.</i>	108	<i>Chimica in Vulcani Foro.</i> 52
<i>Andronicus Puteolanus.</i>	45	<i>Basilicae, et Curiae.</i>	8	<i>Christianorum ludibrium in</i>
<i>Annibal Puteolos obsidet.</i>	68	<i>Bauli, et Boaula.</i>	122	<i>Amphibeatris.</i> 38
<i>ad Auernum sacrificat.</i>	97	<i>Baulis Agrippina circumuen-</i>		<i>Ciceronis Academia 46. villa</i>
<i>Annona Puteolanorum.</i>	40	<i>ta 123. piscinae Horten-</i>		<i>Puteolis 20. horti.</i> 46.
<i>Antisipus vetus Puteolis.</i>	47	<i>sij.</i>	125	<i>Cimmerij Stygiam paludem</i>
<i>Antiniana villa.</i>	199	<i>Beneuentum S. Ianuarij cor-</i>		<i>an habitarent.</i> 100
<i>Antrum Sibyllae Cumis.</i>	159	<i>pus translatum 61. Sancto-</i>		<i>Cinerei montis eruptio.</i> 89
<i>Antrum Sibyllae ad Auernum.</i>	102	<i>rum Festi, et Desiderij cor-</i>		<i>Circus Puteolanus.</i> 34
<i>Apollinis templū Cumis.</i>	175	<i>pota translata.</i>	60	<i>Circus Baulis.</i> 125
<i>Aquae sulphureae in Vulcani</i>		<i>Beneuento corpus S. Ianuarij</i>		<i>Classarij Puteolis.</i> 32
<i>foro.</i>	52	<i>transfertur ad Montem-</i>		<i>Claudius Faustinus Misenis</i> 10
<i>Aqua, et ignis simul coctus.</i>	55			†† 2 Cocceius

Cocceus Architectus. 189
Coloniarum genera. 11
Colonia Puteolana. 10
Collegia & corpora aurificum Put. 27
Collegium Pisforum 28. suaviorum & confecturarium 28. **Dendrophororum 28**
Collegia Equitum, Augusta-lum. 32
Colores Puteolani. 41
Comitua Puteolana. 73
Comitua Misenas. 137
Constantiorum familia. 75
Constantinus arenam Puteolanam Bizantium perducit. 16
Cornelia Misenis. 135
Corpora Puteolana. 28
Corpus Equitum Neapoli. 32
Crypta Neapolitana. 187
Cumae, à quo aedificatae 138
munitissimum oppidum, 138.
tyrannide occupatae, 143.
à Xenocrita liberatae 146.
à Romanis recipitur 151.
occupantur à Longobardis, 152.
occupantur à Narsete, 151.
recipiuntur à Ioanne Neapolitanorum Duce, 152.
euertuntur à Neapolitanis, 153.
ab Aligerno defenduntur, 151.
possidentur ab Aversanis, 153.
Colonia, Municipium. 157
Cumanorum antiquitas 140.
hospes varij, 148.
Emporium Puteoli, 2. felicitas, 141.
inimicitia cū Campanis, 141.
Ecclesia, 177. Episcopi, 178
Martyres, 180.
Iudi, 178.
nomen, 141.
prodigia, 176.
Cumana, caementa solidissima, 16.
vasa, 174.
lina, 175
cimae, ibid.
Cumis, obiit Tarquinius superbus, 147.
ibefauros Totilas & Teia seruauit, 151.

nausfragis facit classis Romana, 173.
Bellum nauale committitur, 173.
Iustinus martyr commoratur, 159.
quomodo animaduertebatur in adulteras, 177.
obit Petronius Neronis familiaris, 175.
templum Apollinis, ibid. obiit Palladius Dux. 151

Cumani scriptores. 176
Curia Anniana Puteclis. 8
D

Daemones in Vulcani Foro. 56
Daemones, & Laren. 24
Delphini amores. 87
Dendrophori varij in locis. 31
Dendrophori lauacris destinati. 31
Denunciatores. 33
S. Desiderius martyr Puteolis. 37
60.
Diana Puteolanorum. 25
Dianae templum Baijs. 117
Dicacarchia, Puteoli. 2
Dicacarchiae Respublica. 5
Dicacarchiae nomen mutatum. 14

Dicacopolis. 1
Dicacus Neptuni filius. 3
Ditis Ianua, quae, 93. 97. 99
Duumviri Puteolis. 8

E
Ecclesia Cumana. 177
Ecclesia Misenas. 135
Ecclesia Puteolana. 78
Echini Nesidis. 204
Echini Misenates. 135
Emporium Puteolanum. 2
Episcopi Cumani. 178
Episcopi Misenates. 136
Episcopi Puteolani. 80
Erymantbi apri dentes Cumis. 175
Euploea insula. 204
S. Euticles Puteolanus mar-tyr. 37

Euxinius finis ad Baulos. 126
F

Fabrica armorum varij in locis. 31
S. Festus martyr Put. 37
601
Forum Vulcani, & Leucegei montes. 49
Fori Vulcani describitur. 51
Martyres celeberrimos habuit. 59
Fossa Neronis, & eius Archi-tesli. 103
Franciscus Puteolanus. 45

G
Allinaria flus. 14. 149
Gauri mtes plures. 104
Genius Puteolanorum. 24
Genius Balsami, Vipera. 24
Genius in nummis Imperatorum. 24
Genius Caesarum. 25
Germani satidici. 166
Gigantum ossa Puteolis. 41
Gigantes in Pblegra. 49
Goffridus à Montefusco lo-Neapolitanus. 153
Gotibi Puteolos incendunt. 68
Graphia apud antiquos. 207

H
Asitaria fabrica. 31
Hebo Puteolanorum. 5
Hebonis religio. 19
Herculeae porta Puteolis. 4
Herculea via. 86
Hercules Puteolanorum. 26.
eius templum Baulis. 122
Herculis cognomina. 26
Hiera Vulcani antrum. 49
Hippodromus, & Circus. 34
Honoris, & Serapidis religio Puteolis. 21
Hortensij piscinae ad Baulos. 125
Horti Ciceroniani 46. Cluui-ns, Pihani, Toletani. 47

I
Iacobi Sannazarij sepulchrum. 199
Iacobus

Iacobus Sannazarius templum in Mergellina aedificauit.	200	Luculi villa Misenis.	134	Neptuno sacrificat Puteolis Caligula.	18
Ianna Diis, quae.	97	Ludouicus Imp. in Balneis Puteolanis.	69	Neptunus tutelare Numen Puteolanorum.	20
S. Ianuarius in Amphit. Puteolano, 37. eius martyrii.	59	M		Neronis libido ad Baias.	114
Neapolin Puteolis translatio, 60. sepultura, 61. eius corpus à Sicone ablati, 61.	61	Anipharis quirit. 132		Neronis fossa ad Auernū.	103
aedes Puteolis à Neapolitanis condita 62. à Montaurigine Neapolin translatio, 61. sanguis.	59	Marcus Pulex Put. 77		Nero ad Pisonem Baijs diuertebat.	116
Ignis, & aqua simul coeūs.	55	Marise Puteolanae robur.	44	Nestis insula.	203
Ignis subterraneus bitumine nutritur.	64	Marinus Boffa Puteolanus	76	Nicaea mater S. Proculi martyris.	23
Ignes Puteolani.	56. 63	Martyres Cumanis.	180	Nitrum Puteolanum.	55
Inuidiae Caius sacrificat.	18	Martyres Misenates.	135	Nobilitas Puteolana.	75
Inuidiae religio Puteolis.	21	Martyres Bestiarū dicebantur.	38	Nymphae Puteolanae.	26
Ioannes de Basso perduellis	43	Massamuti Puteolos spoliāt	70	O	
Ioannes Andreas Cioffus Puteolanus.	76	Mergellina unde dicta.	199	Lae Vulcani.	57
Ionum Colonia Puteoli.	20	Metalla fumo sulphureo diffipantur.	52	Orci ostium multis in locis.	97
Iouis sacerdotium.	32	Miseni promontorium.	127.	Ordo et Populus Puteolanus.	6
S. Iulianae martyris Cumis translatio.	180	portus Agrippae.	128. Pharus, 85. Ecclesia, 135. Episcopi, 136. villae, 134. Echini, 135. Comitina, 137.	Orgia.	25
Iuppiter cyffos, Puteolis.	27	à Sarracenis solo nequatur, 136. eius Ecclesiae bonas.	207	Oryophantae.	25
Iuppiter Pausilippus.	27	Mifenus Aeneae tubicen.	128	Ossa Gigantum Puteolis.	41
Iurati 20. Puteolis.	23	Missiones in militia.	131	Ossa belluarum Capres.	42
S. Iustinus martyr Cumas adi.	159	Moabitae Puteolos spoliāt.	70	Ostrea Luerina.	83
L		Moles Puteolana.	16	Ostrea Baiana.	118
Labyrintus Puteolani.	36	Mons Christi ad Auernū.	104	Ostrearum inuentor Sergius Orata.	128
Labyrinti varij.	36	Mons Gaurus ad Auernū.	104	P	
Lapides in aquis ardentes.	65	Mons Grillus ad Baias.	121	Palladius Dux Cumis obit.	151
Lapides Puteolani.	74	Municipium Puteolanum.		Palmarū folia Sibyllina.	167
Legio Pretensis.	150	Muraenarum numerus Baijs.	118	Pausilypi descriptio, 191. villae, 192. vine, 194. fructus.	195
Leuterini Gigantes.	50	N		Paschalis Cioffus Puteol.	76
Leitores Municipales.	33	Artes Cumas obsidet.	151	S. Patrobas Puteolanus Episcopus.	78
Lignarij Iouis.	57	Nauis fulmine ictae.	40	Patroni Puteolarum.	13
Littera, & Litteria familia.	154	Naues Alexandrinae.	16.	D. Paulus Apostolus Puteolis.	79
Lucrinus Lixur.	69. 83	40. 42		Petri Damiani relatio.	57
Lucrinus, bonum omen.	86	Naues onerariae Puteolis.	15	Petronius Neronis familiaris Cumis obit.	175
Lucrini Delphinus.	87	Nauis solutilis Agrippinae.	123	Petrus Littera Neapolitanus.	154
Ludi Pij Puteolani.	5	Nautium nomina apud antiquos.	131	Petrus Salius.	67
Ludi Cumanis.	174	Neapoli aegrotat Pöpeius.	40	Petrus è Toledo hortos Puteolis aedificat, 47. subuenit Puteo-	
		Neapolitani Cumas vastant.	152.		
		reliquias inde asportant.	154		

[illegible]

<i>Tbesaurorum inuentores.</i> 66.	<i>Turcae Puteolos expugnant.</i>	<i>Virgilius an Magus.</i> 188
106	71	<i>Virgilij sepulcrum.</i> 196
<i>Tiberius obiit in villa Lucul- li.</i> 134	<i>Vandalis Puteolos perdi- derunt.</i> 69	<i>Vulcaniae insulae.</i> 49
<i>Tiberij bullae aureae Baijs,</i> 121	<i>Vasa Cumana.</i> 174	<i>Vulcani Fori descriptio,</i> 51.
<i>Tiro Ciceronis libertus.</i> 47	<i>Veneris templum Baijs.</i> 117	<i>chimica,</i> 52. <i>aquae, et ignes,</i>
<i>Totilas Cunnas in deditionem recipit,</i> 69. <i>Tbesauros Cumis reponit.</i> 151	<i>Viae Puteolanae restituae à Severo et Antonino.</i> 4	55. <i>Cbalcantum,</i> 54. <i>Dae- mones,</i> 56. <i>ollae,</i> 57. <i>mar- tyrium S. Ianuarij.</i> 59
<i>Traconaria crypta.</i> 133	<i>Via Herculeae.</i> 86	<i>Vulturum Colonia.</i> 11
<i>Traianae pilae ad Danubiū.</i> 15	<i>Villae Baianae,</i> 115. <i>Misena- tes,</i> 134. <i>Pausilypanae,</i> 192	X
<i>Tripergulis Xenodochium.</i> 86	<i>Serulij Vaciae.</i> 185	<i>X Enocrita Cumas à ty- rannide liberat,</i> 146.
	<i>Vipera Genius Balsami.</i> 24	<i>in Cereris sacerdotem eligi- tur.</i> <i>ibidem.</i>



Errata corrigito.

Pag 3. in marg. Futeolus. Futeolos. pag. 5. vers 12. plenè. planè. 6. 34. trans-
 latum. translatus. 7. 10. Respublicae. Reipublicae. 21. 11. adyti. adyta.
 32. 24. cuius homini. cuius homini. 33. 24. Praetores praebant. Praetoribus.
 37. 19. Diocletiani Maximini. Diocletiani & Maximiani. 39. 8. Maximino. Ma-
 ximiano. 44. 6. alicui ex Amazonum. alicui Amazonum. 45. 10. fimbrias. fim-
 briae. 73. 3. legimusq. Apuliae vel prouinciae. Legimusq. vel prouinciae.
 79. 9. quibus quicquid Paulo. qui quicquid Paulo. 135. ver. vlt. *σωας. σωας.*
 136. 3. anno 289. anno 305. ibid. 30. Cummae Ecclesiae. Cumanae Ecclesiae.
 137. 3. Antemium subdiaconorum. Antemium subdiaconum. 138. 16. Chalciden-
 ses aedificatum. à Chalcidensisibus aedificatum. 156. 2. Paguros. Pagurus.
 146. 2. flagrant. fragrant. 136. 9. describit Eugipius. describit Ioannes Dia-
 conus apud Surium. 16. 2. sequutae. sequutur. 37. 24. Festum Diaconos, De-
 siderium Lectorem. Festum diaconos & Desiderium Lectorem, Beneuentanos.
 38. 15. infidilate. infidelitate. 46. 9. Putolis. Puteolis. 53. 24. Ioannem Mor-
 milem. Ioannē Camillum Mormilem. 58. 15. praeupta. praerupta. 64. 1488. 1458
 69. Eugipius. Ioannes Diaconus in translatione S. Sofij apud Surium. 81. 5. inter
 alios Episcopos. inter alios Theologos. 57. 1. est monitus. monuit. 109. 14. lequi-
 ro. requiro. 111. 32. Hic.



PVTEOLANA HISTORIA
AIVLIO CAESARE CAPACIO NEAP.
CONSCRIPTA.



PVTEOLANAE VRBIS NOMINA.

Cap. I.



APPELLARVNT hanc Urbem Puteo-
lam Seruius, Puteolas Franciscus Petrar-
cha, Putiolium Galenus, Dicarchum San-
nazarius,

*Puteola
Puteo'ae
Putiolium
Dicarchum*

— *Dicarchi littora Pagros,*
Dicarcham Lucilius apud Festum,

Dicarcha

Inde Dicarcham populos Delong. minorem,

Dicarchidem Petronius, Urbem Dicarchaeam Silius Itali-
cus,

*Dicarchis
Vrbs Dicar-
chaea.*

A

Putioli

cus, Sinus Dicarchaeos Statius, Putiolos antiquus lapis apud Marcellum Muscettolam Neapoli.

IMP. CAESARI

IEROPOLITANI

PERYTENSES

QVI. PUTIOLIS. CONSISTVNT.

Dicaeopolis
Putioli
Dicaearchia
Dicaea
Lib. de Vrbe.

Dicaeopolim ait Suidas appellari urbem in Thracia. Alteram deinde eiusdem nominis commemorat, quam & Puteolos dicit, a Dicaeo Neptuni vel Herculis filio sic dictam. Putiolos, Dicaearchiam, & Dicaeam Stephanus; *Δικαιάρχεια πόλις Ἰταλίας ταύτην δὲ φασὶν κεκληῖσθαι Ποτιόλους, ἐν ᾗ τὸ συμπόσιον ὁ Ἡρώδιανος ἔγραψε. πότις δὲ, τὰ φρέατα καλοῦσι Ῥωμαῖοι; Dicaearchia Urbs Italiae. Hanc dicunt appellari Potiolo, in qua Conuiuium scripsit Herodianus. Quae nunc Graeci phreata, Latini puteos appellant. Sed cum in dictione Δικαία, multa dixisset, tandem ait, ἡ αὐτὴ δὲ ἐκαλεῖθαι Δικαιάρχεια, καὶ Ποτιόλοι; Haec eadem appellatur Dicaearchia, & Potioli. Poetae secundam & tertiam syllabam cōtrahunt, si mauis elidunt secundam, & Dicarchiam, pro Dicarcheam efferunt, nam Dicaearchia propriè appellabatur. Quidam Dicaearchiam scribunt, quidam vero, Dicaearchiam propter α Graecum.*

Putioli.

Lib. 5.
Puteoli vn-
de.

Strabo vetus nomen fuisse Dicaearchiam scribit, Puteolos nouum, quandò sub Annibale nomen inditum à puteis, quos ad hauriendas aquas effoderant vel ab aquarum putore, quod torus ille sinus sulphure, igne, aquis calidis scatet. Hinc Varro, *A puteis (inquit) quod sint circa eum locus aquae frigidae & calidae multae. Nisi à putore potius, quod putidus sit odoribus saepe ex sulphure & alumine. Extrà oppida à puteis Puticulae, quod ibi in puteis obruebantur homines. Nisi potius, ut Aelius scribit, Puticulae, quod putrescebant ibi cadauera proiecta. qui locus publicus ultra Aesquilias.*

Puticulae.

Puteoli Em-
porium Cu-
manorum.

Subdidit Strabo, Dicaearchiam Cumanorum fuisse Emporium, in supercilio montis conditum, *ἐπιὺντιον Κυμείων*, quae vox, Nauale, & Emporium significat. Praeter Strabonem ea utitur Thucidides. Fuisse autem celebre Emporium, idem innuit;

innuit; ἡ δὲ πόλις ὑπερεῖον γαγίνουται μέγιστον. Et Festus affirmat; *Minorem Delon Puteolos esse dixerunt quòd Delos aliquàdo maximum Emporium fuerit totius orbis terrarum, cui successit postea Puteolanum.* Cicero ad Atticum; *Qui potui non videre, cum per Emporium Puteolanū iter facerem?* Id in littore maris fuisset, officinarum aedificia facile ostendunt. Loffredus, maritimas eas habitationes ad delicias comparandas & piscinas immittendas arbitratus est. Puteolorum longitudinem Ptolemaeus partium x x i x. cum deunce, latitudinem L i. metitur.

Lib. 3. ep. 9.

Aedificatio.

Indè à Cumanis aedificatum oppidum existimarunt. Stephanus à Samijs affirmat, Ποτίολοι, πόλις Τυρρηνίας, κτίσμα Σαμίων, ἡ τικὴ Δικαίαρχια; Puteoli, urbs Italiae, condita à Samijs, quae ciuitas & Dicaearchia dicitur. Et in dictione Δικαία; Ionum Coloniam facit, ἐστὶ καὶ ἑτέρα ἐν τῷ Τυρρηνικῷ κόλπῳ Ἰώνων ἀπικος; Est & alia in mari Tyrrbeno, Ionum Colonia. Pausanias bis meminit, primum in Messenijs; ὅπου γε καὶ ἐφ' ἡμῶν ἐν Λικαρχείᾳ τῇ Τυρρηνῶν ἐξεύρηται ὕδωρ σφοῖς θερμόν, οὕτω δὲ τι ὅξυ ὥστε τὸ μόλοβδον (διεξίστοι γὰρ διὰ μόλοβδον ῥέον) ἔτσι κατέτηξεν οὐ πολλοῖς; Cum aetate nostra ad Puteolos, quod & Tyrrbeni maris accolarum oppidum, Dicaearchia Graecis dictum, aqua extiterit tam acuto calore efferuescens, ut intra paucos annos, plumbeos per quos fuit tubulos resoluerit. Deindè in Arcadicis; πρὸ Δικαρχείας δὲ τῆς Τυρρηνῶν ὕδωρ τε ἐν θαλάσῃ ζέον, καὶ νῦντος δὲ αὐτοῦ ἐστὶ χειροποίητος, ὥς μὴδὲ τοῦτο τὸ ὕδωρ ἀγρὸν τῆς, ἀλλὰ σφοῖς θερμὰ λουτρά; Et iuxta Dicaearchiam Tyrrhenorum, calidae efferuescunt in mari aquae, ubi de industria exstructa est insula in Balneis aquarum calidarum, nec eius muneris vllus est vfus. Eius tamen conditoris mentionem nullam facit. Idq. idcirco scripti, quòd temerè aliqui conditorem apud Pausaniam reperiri affirmant. Placeat aliquibus Suidae opinio, qui Dicaeum Neptuni, vel Herculis filiū asserit, si nouam maluerint sequi opinionem.

Puteolus aedificauit Samij.

Dicaeus.

Amplificatio.

Oppidum à Romanis Imperatoribus auctum, ornatum,

*Ad Att. lib. 5.
ep. 2.*

multisq. locis restitutum, paruam deinde Romam appellarunt. Cicero aduenientium multitudini nomen tribuit; *Habuiamus in Cumano quasi pusillam Romam*. Hinc templa, portus, academiae, theatra, statuae, thermae, & alia memorabilia, quorum parua quae supersunt vestigia, animi Romani magnitudinem, Imperatorum in ijs locis cōsuetudines, maximarum rerum memoriam praefereunt. Murorum, & portae Herculeae praclarè hoc Epigramma meminit,

Murietur porta Herculeae.

D.D.N.N. IMP. CAES. TRAIANVS. P.P. INVICTVS.
AVG. MVRIIS. CVRIONEN. AEDIFICIIS. PROVIDENTIA SVA INSTITVTIS. ATQ. ERECTIS. PORTAM. PVTEOLANORVM HERCVLEAM. VOCARI. IVSSIT.

Lib. 2. Silu.

Muris idcirco & turribus celebre fuit oppidum. Papinius turres & moenia Puteolana commemorat,

Omnia Gbaledicas turres obuersa salutant.

Et, ————— *quae te genuere Dicarchi*

Moenia —————

Viae Puteolanae.

Barbarorum saepius in Italiam illuione collapsa, & solo aequata. Vias quoq; stratas à Septimio Seuero, atque Antonino legimus quem libētissimè ibi fuisse versatum, praeter lapides, nummorum copia quae quotidie reperitur ostendit.

IMP. CAES. L. SEPTIMIVS. SEVERVS. PIVS. PERTINAX AVG. ARABIC. ADIABEN. PARTHICVS. MAXIMVS TRIB. POT. IX. IMP. XII. COS. II. PP. PROCOS. ET. IMP. CAES. M. AVRELIVS. ANTONINVS. PIVS. AVG. TRIB. POT. IIII. PROCOS. E... VIAS. RESTITVIT. A PVTEOLIS

Et à Vespasiano,

IMP. CAESARI. VESPAS. AVG. PONT. MAX. TRIB. POT. III. IMP. IIX. PP. COS. III. DES. IIII. SEN. PVTEOL. QVOD. VIAS. VRBIS. NEGLIGENTIA SVPER. TEMP. CORRVPTAS. IMPENSA. SVA. RESTITVIT.

Ex quibus oppidi amplitudinem nō tantum supercilio contineri

tineri cognoscimus, cùm in mediterraneis nobilissima aedificiorum monumenta cernantur, & ad viam Campanam plurima supersint. Atque templa, theatra, parietinas illas ad quatuor millia passuum fortasse circumplectebantur. Nescio an Dicaearchaei Cumanos felicitate superauerint. Aliquo id tempore factum nō vereor, cùm scilicet Romani Imperatores Puteolanas delicias Cumanis praeposuerint.

DE PUTEOLANORVM REPUBLICA.

Cap. II.



DICAARCHIAE Antiquam Rempub-
licam, eadem ratione qua Neapolitana,
fuisse institutam plenè affirmo, quando à
Graecis duxit originem, quod lapides cō-
firmant, & explicat Hebo quem Puteolani
venerabantur (licet Neapolitanorū Deum,
illum fuisse scribat Macrobius) ad Theseum quoque fortasse
originem referentes. Quapropter, Cumanos, Puteolanos,
Neapolitanos, eosdem genere, religione, lingua fuisse non
dubitarem. Hoc tamen sibi maximè Puteolani tribuerunt,
quòd eorum Rempublicam iustae administrationis titulo in-
signitam, Dicaarchiam (id enim Graeca vox sonat) appel-
larunt. Suidas; Δικαίᾱρχεῖα δὲ ἡ Δικαίως ἀρχοῦσα Apud Strabonem
Neapoli, lapidis extat fragmentum, quod cum Pios lu-
dos commemoret, qui Puteolis peragebantur, indè Neapo-
lim translatum patet. Ibi Consulis atque Demarchi mentio
facta est, vt ordinem & populum Puteolanum dignoscamus,

*Republica à
Graecis.*

*Hebo Puteo-
lanorum quo
que Deus.*

*Iusta Respu-
blica.*

Σ.... ΤΗ ΠΑΤΟΣ, ΔΗΜΑΡΧΗΣ ΑΣ. ΑΓΩΝΑΣ. ΠΙΟΤΣ
ΝΟΜΟΤ ΡΩΜΑΙΚΩΝ ΔΙΚΑΙΩΝ ΚΑ....
ΑΠΟΚΑΤΑΣΤΗΣΑΣ. ΤΟ ΒΑΛΑΝΕΙΟΝ. ΑΝΕΘ....
ΕΠΕΣΚΕΤΑΣΕΝ. ΟΚΤ.....

Fieri potuit, vt Colonia iam deducta Archontes desierint,
&

*Consules et
Demarchus
Ludi Pij.
Augustales.*

& Consules cum Demarcho administrarint. Ludos praeterea habemus Puteolanos, qui Pij dicebantur, ad Antonini Pij honorem instituti, qui cum Augustalibus Neapolitanis fuere percelebres. sic enim in antiquo lapide Romae in aedibus Cardinalis Farnesij, inter caetera,

ΝΙΚΗΣΑΣ ΑΓΩΝΑΣ ΕΤΕΒΕΒΙΑ ΕΝ ΠΟΤΙΟΛΟΙΣ
ΣΕΒΑΣΤΑ ΕΝ ΝΕΑΠΟΛΙ *Pios ludos Puteolis, Augustales*

Neapoli. Quod si Antonini aetate eorum Magistratum nomina supererant, existimandum est adhuc reliquam Puteolanorum fuisse Rempublicam, ne Coloniae seruitute Reipub. amitteret rationem, quod etiā contigit Neapolitanis. Splendidissimi Puteolani ordinis memoria extat in lapide in monte Coelio sub Pio IV. reperto,

Ordo splendidissimus Puteol.

L. ARADIO. VALERIO. PROCVLO. V. C. AVGVRI.
PONTIFICI. MAIORI. XV. VIR. SAC. FACIVND.
PONTIFL. FLAVIALI. PRAETORI. TVTEL. LEGATO.
PROPRAET. PROV. NVMDIAE. PERAEQVATORI.
CENSVS. PROVINCIAE. GALLICIAE. PRAESIDI.
PROV. BYZACENAE. CONSVLARI. PROV. EVROPAE.
ET. THRACIAE. CONSVLARI. PROV. SICILIAE.
VICE. SACRA. IVDICANTI. EIDEMQ. IVDICIO.
SACRO. PER. PROVINCIAS. PRO. CONSVLAR.
ET. NVMDIAM. BYZACIVM. AC. TRIPOLIM.
ITEMQ. AC. MAVRETANIAM. SITIENSEM. ET.
CAESARIENSEM. PERFVNCTO. OFFICIO. PRAEFECT.
PRAETORIO. COMITI. ITERVM. ORDINIS. PRIMI.
INTRA. PALATIVM. PRAEFECT. VRBI. VICESACRA.
ITERVM. IVDICANTI. CONSVLI. ORDINARIO. VIRI.
PERFECTISSIMI. ET. PRINCIPALES. ET. SPLENDIDISSIMVS.
ORDO. ET. POPVLVS. PVTEOLANORVM. PATRONO.
DIGNISSIMO. CVRANTE. SEPTIMIO. CARITONE. V. P.

Qui lapis Romam Puteolis fortasse translatus. In eo quicquid Romani Imperij dignitas possidebat, quicquid in notitia vtriusque Imperij proponitur, elucet. licet declinantis Imperij

Imperij imaginem proponat, quod tamen Romani nominis amplitudinē & propagationem retinebat per tot prouincias in orbe diffusas. Idq. summae laudi sibi tribuant Puteolani, quòd amplissimum virum patronum (quid si ciuem?) tot dignitatibus ornatum habuere. Maiorem tamen redolet antiquitatem Epigramma ad aedem Neptuni Puteolis,

C. HOROLOGIO
RESPUBLICA. REFECIT.

In littore Puteolano lapis repertus, qui etsi Neapolim ductus fuerit, Puteolis tamen non est abducendus. In eo Respublicae simulacrum apparet, & Senatusconsulti formula legitur. Citat Briffonius;

L. ANNIO. L. F. COL. MODESTO. HON. EQVO. PVBL.
K. IVN. IN CVRIA. AVGVST. ANNIAN. SCRIBVND
ADFER. T. OPIVS. SEVERVS. VIGNETIVS. LI-
BERALIS. IVLIVS. CALPETANVS. GRANIVS. LON-
GINVS. QVOD. C. AVFIDIVS. THRASEA. D. CLAV-
DIVS. QVARTINVS. II. VIRI. V. F. DE. CONFIR-
MANDA. AVCTORITATE. MEMORIAE. HONORAND.
STATVAE. PONENDA. ANNIO. MODESTO. ANNI.
NUMISIANI. ORNATI. VIRI. FILIO. Q. D. E. R. F.
P. D. E. R. I. C. CVM. ANNIVS. NUMISIANVS. VIR. AD
SINGVLORVM. TESTIMONIUM. PERTIN. QVA.
PROBITATE. MORVM. QVA. QVIETE. VITAE.
QVOD. VIRO. IN. DOLORE. PRAESIDIUM. EST.
MERVERAT. AD FECTVVM. NOSTRORVM. CON-
SOLATIONEM. AD QVE. CANDOREM. ORDINIS.
NOSTRI. BONVM. CIVEM. PIVM. PATREM.
IN. TAM. GRAVI. FORTVNAE. INIVRIA. QVA. PO-
TEST. INDIGNATIONE. A TANTA. AVOCARE. TRI-
STITIA. PLACERE. HVIC. ORDINI. AVTORI-
TATE. IN. EAM. REM. ANTE. HANC. DIEM. FA-
CTAM. CONFIRMARI. PERMITTIMVS. ANNIO
ADIECTO. LIB. EIVS. STATVAM. PONERE. AN-
NIO. MODESTO. LOCO. ASSIGNATO. A. II. VI-
RIS. NOSTRIS. QVO. TESTATIOR. SIT. ERGA. EVM
AD FECTVS. REIPUBLICAE. NOSTRAE. COLLAV-
DANTIS. QVOD. IN. VITA. PRAESTITERIT. CEN-
SVER. ADIECTVS. LIBERTVS. L. D. D. D.

*Duumuiri
Puteol.*

De Decurion.

Simillimus hic lapis Graeco lapidi Neapolitano, in quo eius ciuitatis Respublica, Colonia etiam deducta conspici-
tur, licet pro Duumuiris, quorum hic mentio facta est, ibi Archontes exponantur. Et Duumuiro ex Decurionibus eligebantur, ij. q. vel Capitales & Iurisdicundi, praecipuae auctoritatis erant, quamobrem Paulus Iurisconsultus; *Is qui non sit Decurio, Duumuiratu, vel alijs honoribus ciuilibus fungi non potest; vel Aedilitij, qui sacras aedes dedicabāt, omniq. generis expiationes quae ad auertēdas Deorum indignationes pertinebant. Ambo in lapide explicantur. Alter quoque lapis Puteolanus Neapoli est in sacra Turri D. Gregorij, in quo in eadem Curia Anniana decernit Senatus de statua ponenda Octauio Agathae. Quem in Corporibus Puteolanis descripsimus.*

Curia.

Basilici.

Quibus in lapidibus Curias, & Basilicas animaduertamus. Erant siquidē Curiae, maiores Iudicum consessus. Aristophanes appellauit *Φορτισία*. A Philosophorū curiosa contemplatione, ad Forum transtulit. Sed aliquandō aliae à Senatu erant Curiae, easq. cum Basilicis coniunctas aedificauerunt. Ideoq. in alio lapide.

IN. CVRIA. BASILICAE. ANNIAN.

Formula Senatusconsulti.

Ab Annio aedificata, veluti Hostilia, quam primus Hostilius Rex aedificauit. Vndecim descripsit in Vrbe Roma P. Victor. Ibi priuata iudicia quasi sub tecto cognoscebantur. Caeterae enim quaestiones in Fori area nuda referebantur. Et antiqui morem Atticum repraesentarūt, qui sub dio causas perorabant. Romae Basilica Porcia, à Censorio Catone, praeclara fuit; & Fulvia inter cōteras, quam Paulus Consul magnificentissimē extruxit. Quemadmodum haec Puteolis Anniana, ab Annio Modesto, vel Numisiano aedificata. Notae illae. Q. D. E. R. F. P. D. E. R. I. C. *Quod de ea re fieri placuit, de ea re ita censuerunt*, formula erat Senatusconsulti. Neque verendum Basilicas, Aerario, Carceri, Curiae coniunctas quibus cum & Chalcidica extruebantur, pecuniae

cuniae cudendae officinae, quae & Chalciaecae dicebantur. Hinc Minerua Chalciaeca apud Thucididem. Alij loca ampla interpretantur, in qua magistratus conueniebant, more Chalcidensium aedificata. Cornelius Tacitus, in Republica Puteolana discordias notat; *Iisdem Consulibus auditae Puteolanorum legationes, quas diuersas Senatorius ordo plebsq. ad Senatum miserant. Illi, vim multitudinis; hi, Magistratum & primi cuiusque auaritiam increpantes. Cumq. seditio ad saxa & minas ignium progressa, necem & arma perliceret, G. Cassius adhibendo remedio dilectus. Quia seueritatem eius non tolerabant, precante ipso ad Scribonios fratres ea cura trāsfertur, data cohorte pratoria, cuius terrore ac paucorum supplicio redijt oppidanis concordia.* En tibi Senatorium ordinem & plebem Puteolanam, quae tamen Respublica, Romanis subdita, Magistratus, cohortes, supplicia subibat Romanorum.

Lib. 13.

COLONIA, MVNICIPIVM, PRAE-
fectura Puteolanorum. Cap. III.



ANNO ab v. c. 554. L. Cornelio, P. Vilio Coss. Castrorum portorium, quo in loco, nunc oppidum est, Censores fruendum locarunt, & Colonos eò trecentos (is numerus à Senatu finitus erat, vt loquitur Liuius) adscripserunt. Post biennium verò,

Castrorū Portorium.

C. Cornelio, Q. Minutio Coss. C. Acilius Tribunus plebis legem tulit, vt quinque Coloniae in oram maritimam deducerentur, duae ad ostium fluminis Volturni; vna, ad Puteolos; vna, ad castrum Salerni. His Buxentum, quoque adiectum. Tricenae familiae in singulas Colonias iubebantur mitti. His deducendis ij Triumviri qui per triennium magistratum haberent, creati, M. Seruilius Geminus, Q. Minucius Thermus, T. Sempronius Longus. Triennio deinceps interiecto, P. Scipione, T. Longo Coss. Coloniae deductae

Coloniae deductae.

B

Puteoli,

Puteoli, Linternum, Vulturnum. Tunc verò Romanorum Colonia deducta est. Hac de causa Frontinus, *Puteolos Coloniam Augustam Augustus deduxit. Iter uno latere populo debetur p. xxx. ager eius in iugeribus veteranis, & Tribunis Legionarijs esse assignatus.* Sic etiā nominat Plinius lib. 3. c. 5. *Dein Puteoli Colonia Dicaearchia, dicti Magnam tamen affert Cornelius dubitationem lib. 14. Annalium cū scribit, In Italia vetus oppidū Puteoli; ius Coloniae & cognomentum à Nerone adipiscuntur.* Cur igitur Liuius, & Velleius à Puteolis Coloniam esse adeptam dicunt, iam tūc à Scipionis aetate? Ecquid ea significant?

AEDIL. COLON. PVTEONORVM;

&

GENIO. COLONIAE. PVTEOLANORVM;

atque,

AB. COLONIA. DEDVCTA. AN. XC

N. FVFIDIO. N. F. M. PVLLIO. DVOVIRI

P. RVTILIO. C. M. MANLIO. COSS.

OPERV. LEX. II.

item,

Q. FILIVS. L. TILIVS. RVFVS. ET. Q. ACRIE-
LVS. Q. FILIVS. CELER. PRÆTOR. DVVMVIRI
LANARIAS. ET. QVÆ. IN. HIS. SVNT. SVA PE-
QVVNIA. FECIT. VT. EX. EO. VECTIGALI. QVO-
TANNIS. COLONIS. MVLSVM. ET. CRVSTVM
NATALE. CAESARIS. AVGVSTI. DARETVR.

praeterea,

PRO. SALVTE. ET. VICTORIA. AVGVSTORVM
DEO, MAGNO. GENIO. COLONIAE. PVTEOLA-
NORVM. ET. PATRIAE. SVAEQ. AVRELIVS
HERMODION. SEVIR. AVGVST. ET. CVRATOR
EORVM. EXTRVXIT. ET. DONVM. DAT

L. D. D. D.

& Neapoli,

COLONI. ET. INCOLAE. PVTEOLANI
OB. MVNIFICENTIAM. EIVS.

Et quāuis Cicero Oratione pro M. Coelio, Municipium faciat, *Nam quod est obiectum municipibus adolescentem non esse probatum tuis, nemini unquam praesenti Putcolani maiorem bonorem habuerunt; ex Frontino tamen collegimus, recētiori aeuo ab Augusto fuisse Coloniam deductam. Quapropter cum Agellio dicerem, saepe commutari solere Colonias in Municipia, & contrā. Lipsius ait, Cornelij verbis eam vim esse, vt velit vniuersum oppidum incolaeq. (plures autem inquilini eius loci ob commercia & mare) praeter eos qui restabant ex Colonis Augustaeis Colonico iure donatos. Colonia deindē perdurauit. Nam cū classē Misēnensem Claudius Fauentinus Cēturio Vespasiano imperante ad defectiōnē duxisset, subdidit Tacitus, *A quibus Municipia Coloniaeq. impulsae, praecipuo Puteolanorum in Vespasianum studio, contrā Capua Vitellio fida, municipalem aemulationem bellis ciuilibus miscebant.* In quibus etiā Municipij & Coloniae mixtionem consideramus. Aliqui Cornelij verba sic emendant; *Nam cū prius Colonia Augusta, tū etiam Augusta Neroniana dici coepit; vt nouum ius & cognomētum tū etiam adepta fuerit.* Quatuor praetera numerantur Coloniarum genera; *Romani iuris, Latinae, Augustales, Veteranae.* Colonia Romani iuris, aut habebat Romanos ciues tantū deductos; aut cum ijs alios mixtos habitatores; aut quamuis barbari habitarent, legibus tamen Romanis erāt obnoxij. Primi Coloniarum generis eae sunt, quas Liuius bello Punico secundo enumerat. Secundi, cuius meminit idem lib. 9. Dec. 1. *Soza ad Samnites descenderat interficētis cōpnis Romanis. Quō cum prior Romanus exercitus ad vlciscendam ciuium necem, recuperandamq. Coloniam magnis itineribus peruenisset &c.* Tertiij generis multas Claudius constituit, cū quaedam ciuitas ius Latij à Romanis, vel Augusto, vel Senatu acquisiuisset. Et comuni Caesarum vocabulo, Augustae fuerunt appellatae. *Quarti generis illae habebantur, quae à Veteranis erant habitatae, & ab Imperatoribus Romanis deductae, & militibus emeritis concessae, quales multas Augustum & Antonium**

Putcoli Municipium.

Lib. 16. c. 13

In Tacitum.

Hist. lib. 3.

Coloniariū genera quatuor.

Coloniae Augustae.

*Capua
Nuceria.*

deduxisse victis Bruto & Cassio, Appianus auctor est. Eius ordinis Agrippina apud Rhenum, in Italia Capua atq; Nuceria. Eius itaq; Coloniae deductae aliqui primum annum M. Porcio Catoni, & L. Flacco Coss. tribuunt, Urbis, 568. Augustus cum bellis civilibus victor Ianum clausisset, distributis Veteranis militibus premijs, inter duodetriginta Colonias, Puteolos Coloniam militarem fecit. Tum post Neronem, Flauia eadem Colonia appellata est sub Vespasiano, Antonino, & coeteris, Puteolis,

.... CAESARI NINO THICI
NEPOTI. DIVI. NINO. AVG. PIO
COLONIA. FLAVIA. VPER COETERA
..... VS. PILARVM. VIG. V.
..... QVO ET. MVNITIO.

*Puteoli, Sa-
lernum, Bu-
xentum.*

*Puteolani nō
erant Roma-
ni ciues.*

*Praefectura
Puteoli.*

Decuriones

Erat haec inscriptio in arcu marmoreo qui Antonino Pio erectus fuerat, quod restaurando operi subuenisset. In ingressu Molis erat, gratitudinis monumentum. Scribit enim Plutarchus in Sylla, cum decem ante mortem diebus Dicaearchensium seditionem composuisse, legesq; ijs praescripsisse. Antè Augusti tempora, inter alia Coloniarum genera cum Linio fuisse affirmabimus. Qui habuisse eam Coloniam priuata aliqua ciuitatis iura, vt coeterae Coloniae, non autem publica, ostēdit scribens, Colonos qui Puteolos, Salernum, & Buxentum adscripti nomina dederant, cum ob id se pro ciuibus ferrent, Senatum iudicasse non esse ciues Romanos. Quamobrem nomine ciues Romani erant, re verò ipsa coloni tantum Puteolani. Idemq; confirmat P. Scipionem Africanum, & P. Aelium Paetum Censores, portoria rerum venalium Capuae & Puteolis fruenda locasse. Cicero Municipium appellat. Pompeius, Praefecturā. Antea tamen Praefectura fuerat, ac eo mittebantur Magistratus ad ius dicendum à populo. Ciceronis aetate Municipali tantum iure fruebantur, neque Praefecti mittebantur, sed ipsi suos Magistratus habebant. Deductae tamen Coloniae, praesuiere Decuriones

riones. *Puteolos vero* (inquit Cicero 2. Orat. contra Rullum) *qui nunc in sua potestate sunt, suo iure libertateq. utuntur, totos novo populo atque aduentitijs copijs occupabunt.* At libertate donati fuerant, quòd Emporium illud esset populi Romani, & quotannis eò Quaestor mittebatur, cui obtigerat Aquaria prouincia. A Symmacho qui Theodosij aetate vixit, Municipales Puteolani appellantur; *Ne ciuitas quae lauacris publicis digna, & calcem reparandis moenibus subministrat, defectu subito exhausta succumberet V. M. & Dec. mod. Puteolanis municipibus derogatos, Terracinensum vsui deputauit.* At si Municipia Patronos sibi deligebant, Cicero Antonium accusat idcirco Puteolanos infestantem, quòd C. Cassium & Brutos sibi patronos adoptassent. Et anno 1602. dùm Franciscus Castrius Neapolitani Regni Vicarius esset effectus à Philippo III. dissecto piscatoris cuiusdam domus pariete, fundamenta patrefacta essent, marmoreum sepulcrum repertum est ad quod cum Dominico Fontana Regio Architecto descendens, hoc reperi inscriptum epigramma,

C. N. ASINIO

POLLIONIS. ET. AGRIPPAE. NEPOTI
PVTEOLANI. PATRONO. PVBLICE:

Meliore conditione esse Colonias quàm Municipia dixit Agellius. Adrianus verò in oratione pro Italicensibus, mirari se dicit, quòd quaedam antiqua Municipia, in ius Colonialium mutari gestierint. Praefecturarum iure deuinctos legimus Puteolos, atque eo genere Praefecturae, in quam Praefecti mitterentur à populo creati, in quo Cumae, Casilinum, Vulturnum, Linternum, Acerrae, Sueffula, Atellae & Calatia etiam erant annumeratae.

Colonij praerant.

Puteolani libertate donati.

Puteolanorū patroni Bruti.

Lib. 16. c. 13.

Quo genere Praefecturae Puteoli.

PRAESIDIUM PUTEOLANVM.

Cap. IV.

Puteoli praesidio muniti.




CONSVEVERE Romani in ripis Limitaneis Castella, munitionesq. aedificare, quae Praesidaria munimenta appellabatur, Praesidia Liuius dicit, idemq. lib. 4. Dec. 3. Puteolos ita constitutos scribit cum de Annibale loquitur; *Peruassato agro Cumano usque ad Miseni promontorium, Puteolos repente agmen conuertit, ad opprimendum praesidium Romanorum. Sex millia hominum erant, & locus munimento quoque, non natura modo tutus.* Coepit illud Emporium ob bella quae in Italia Annibal gerebat frequentari. Idcirco Q. Fabius ex Senatus auctoritate illud communijt, praesidiumq. statuit, & tunc mutato Dicaearchiae nomine, Puteoli vocari coepti sunt. A praesidiarijs militibus, classem in Gallinaria silua aedificatam scribunt. Praesidiariorum numerus Puteolanae urbis ostendit magnitudinem.

Gallinaria Silua.

PORTVS, PILAE, PVLVIS

Puteolanus.

Cap. V.



Ponti in Danubi.

PORTVS ille Puteolanus negotium saepe studiosis facessuit. Aliquando pontem potius existimarunt, propterea quod Pilis constructus est, quas ponti Traianus in Danubio concinnauit. Bellum in Daciam moturus is Imperator, potem in eo flumine constrauerat, octauum ferè orbis miraculum. Pilae ex Dionis descriptione xx. fuerant ex lapide quadrato, singulae altitudine pedum L. latitudine pedum L. x. quae inter se aberant
inter

interuallo pedum c lxx. Alias ostendi Pilas in montibus Transilvaniae à Turcis ostendi aiunt, dum Nissam ad Danubium iter faciunt, & Augerius Gisleus Orator ad Solimanum missus, in itineralio quod scripsit, se vidisse testatur; Traianus quoque appellant. Idq. magis affirmabant quòd portum Pilae, quae maris aestus faciliè recipiunt, efficere non posse videntur. Strabonis tamen verba, Pilas illas portum efficere testantur, cum ait; ἡ δὲ πόλις ἑμπορίῳν γαζήνεται μέγιστον χειροποιήτους ἔχουσα ὄρμους (de Puteolis loquitur) διὰ τὴν ἐννεσίαν τῆς ἁμμῆς; *Urbs ea Emporium facta est maximum, & habet stationes nauium manu constructas, natura arenae eam commoditatem praestantis.* Deinde; Προβάλλουσι χώματα εἰς τὴν θάλασσαν, καὶ κομποῦσι τὰς ἀνατεκταμένας ἰῖονας ὥστ' ἀσφαλῶς ἐνορμίζουσι τὰς μεγάλας ἐλκίδας; *Pilas in mare producunt, sinuantq. littoris partes maxime apertas, ita ut subduci tutò possint maxime onerariae naues.*

Lib. 4.

Quo nihil apertius ad Pilarum opus, portusq. comoditatem exprimi potest. Lapidea in Pilis retinacula, quid ad pòtem? Quod si non magnarum nauium stationes videri possent, ut Strabo loquitur; ea aetate magnae naues videbantur quae ibi tutò anchoras iacere potuissent. Idem auctor lib. 3. scribit ex Turditania maximas onerarias naues ad Dicaearchiā & Ostiam Romanorum nauale appellere solitas, quae numero Africas aequarent. Eas vero Pilas littus sinuasse, neque rectà ad Baias, sed ad Tripergulas potius tendentes, substructas fuisse, praeter haec Strabonis verba, superior lapis dilucidè declarat, in quo Pilas xxv. fuisse legimus, PILARVM. VI G. V. qui numerus Baias pertingere nullo modo poterat. Confirmat idem Paulus Diaconus, qui de Caij ponte loquens, ait; *In spacio trium millium quod in sinu Puteolana intra molem iacet, duplici ordine naues contexens, & quae sequuntur.* Intrà molem, cum dicit, Pilas intelligit; ut portum Puteolanum vetustissimum esse sciamus, & cum ipsa Dicaearchia constitutum. Confirmat quoque Liuius qui scribit anno ab V. C. 575. M. Iunio Bruto, & A. Mālio Volsone Coss. in portu Puteolano duas naues de caelo tactas fuisse,

Pilarum retinacula.

Onerariorum nauium stationes
Pilae Puteolanae quòd diueriebant.

Portus Puteolanus vetustissimus.

Seneca

Ep. 18.

Seneca sic describit; *Hodie naues Alexandrinæ nobis apparuerunt quæ præmitti solent, & nunciare sequutæ classis aduentum Tabellarias vocant. Gratus illarum Campaniæ aspectus est. Omnis in Pilis Puteolanorum turba consistit; & ex ipso genere velorum Alexandrinæ (quamvis in magna turba nauium) intelligit. In ea mole hic lapis appositus erat, qui mari obrutus anno tandē 1577. à Puteolanis maximo labore erutus, in quo Antonino opus restitutum tribuitur,*

IMP. CAESARI. DIVI. ADRIANI. FIL
DIVI. TRAIANI. PARTHICI. NEPOS
DIVI. NERVAE. PRONEPOS. T. AELIVS
ADRIANVS. ANTONINVS. AVG. PIVS
PONT. MAX. TRIB. POT. II. COS. II. DESI
GNAT. III. P. P. OPVS. PILARVM VI
MARIS. CONLAPSUM. A. DIVO. PATRE
SVO. PROMISSVM. RESTITVIT.

Quod si portum veteres illi humanarum rerum peritissimi apertum ferè aedificauerint, maximæ prudentiæ tribuendum est, quandò id quod inter Pilas vacui relictum est, accessu maris atq; recessu, coeno & arenae aggeribus portum purgat, atque ita expeditior est ad retinendas naues.

*Puteolanae
arenae solidi-
tatis.*

Huiusmodi in mari solidissimè iactum aedificium, arenae Puteolanae (quam Dicæarchaeam appellat Sidonius) magnam gloriam attulit. Eius enim natura calci maximè respondet, validamq; conglutinationem atque concretionem suscipit. Quo factum est vt ferrugineam arenam plerisque in locis Puteolanā appellent. In Puteolano tractu in mare deiecta aedificia cernimus, quæ sunt scopulis solidiora. Vt non ab re dixerit Plinius, *Pulverem appellatā in Puteolanis collibus apponi maris fluctibus, merumq; protinus fieri lapidem unum inexpugnabilem undis. & fortiozem quotidie, utiq; si Cumano miscatur coemeto.* Et Pontanus lib. de Magnificentiâ, Cōstantinum Augustum, quo Moles Byzantina diuturnior esset, è littore Baiano Puteolanum pulverem nauibus comportandum iussisse scribit, nunquam pecuniae parcentem vt animi

*Cap. 2.
Pulvis Pu-
teolanum By-
zantius dedu-
xit.*

patefa-

patefaceret maiestatem. Ignem eius bonitatis esse efficientem scribit Vitruuius. *Est (inquit) genus pulueris quod efficit naturaliter res admirandas. Nascitur in regionibus Baianis, & in agris Municipiorum quae sunt circa Vesuium montem, quod ammixtum cum calce, & caemento, non modo coeteris aedificijs praestat firmitatem, sed etiam moles quae construuntur in mari sub aqua solidescunt. Hoc autem fieri hac ratione videtur, quod sub his montibus & terra feruentes sunt fontes crebri, qui non essent si non in imo haberent aut de sulphure, aut alumine, aut bitumine, ardentis maximos ignes. Igitur penitus ignis ac flammae vapor per interuenia permanans & ardens efficit leuem eam terram; & ibi qui nascitur tophus exugens est, & sine liquore. Ergo cum tres res consimili ratione ignis vehementia formatae una cohaerescant, & celeriter humore duratae, solidentur; neque eas fluctus, neque vis aquae potest dissolvere. Qua de re sic apud Sidonium Apollinarem,*

itur ad aequor

*Molibus, & veteres tellus noua contrahit undas,
Namque Dicarchae translatus puluis arenae
Intratis solidatur aquis: durataq; massa
Sustinet aduersos peregrino in gurgite campos.*

Carm. 2.

DE CALIGULAE PONTE.

Cap. VI.



Caligula ut Baiarum medium interuallum, & Puteolanas moles, trium millium & sexcentorum fere passuum ponte coniungeret (sic loquitur Suetonius) contraxit undique onerarias naues, & duplici ordine ad anchoras collocauit, superiecto aggere terreno a directo in Appiae viae formam. Indè commeauit ultro citroq. biduo continenti. Primo die phalerato equo, insignis quoque Querna (Quercica, Quercia, ab alijs
C dicitur)

Incessus Caligulae per pontem.

dicitur) corona & gladio, aureaq. chlamyde. Postridiè quadrigario habitu, curriculo biingi famosorum equorum, praeferebens Darium ex Parthorum obsidibus, comitante Praetorianarum agmine, & in effedo cohorte amicorum. Idq. ab eo factum narrant, vt Persarum Regem Xersem imitaretur, qui ex Asia in Graeciam ponte transmisit, & angustiore Hellespontum contabulauit. Extât Philippi Macedonis Epigrammatarij versus. Vel vt Germanos & Anglos, quibus cum bellum erat gesturus, magnorum operum laboribus perterreret. Vel, cum sciret à Thrasillo mathematico dictum fuisse Tiberio, tunc Caium in Imperio successurum, cum equo mare Baianum praeternavigaret, voluisse ostendere Thrasillum vera dixisse. Dio in Claudio hæc scribit; Γαῖος ὃ ἐκείνης ᾗ τῆς πομπῆς οὐδὲν προετίμησεν (οὐδὲ γὰρ μέγα τι ἐνόμιζεν ἔτι) ἰτπθ δὲ ἡπείρου θαλάσσαι) διὰ ὃ τῆς θαλάσσης πρὸς ποντὶνὰ δι' ἰτπθσαι γεφυρώσας τὸ μεταξὺ ἦλθε Πουτεύλων καὶ ἦν Βαύλων. τὸ γὰρ χάριον τοῦτο κατ' ἀντιπέραν τῆς πόλεως ὄρεϊ, διέχον αὐτῆς σαδίου ἐξ καὶ εἰκοσι; *Verum Caius rem haud magnā esse censens si equo per continentem terram inueheretur, ouationem eam sumpsit, ac per mare equo vebī intendit ponte iniectō ei maris parti quae est inter Puteolos & Baulos. Is locus è regione urbis situs, & distant inter se Bauli & Puteoli milibus passuū tribus & quadrante* Addidit praeterea antequam

Inuidiae sacrificauit Caius.

pontem ingrederetur sacrificasse Neptuno, & φθόνῳ, Liiori scilicet, ne qua opprimeretur inuidia; deindè in urbē quasi in hostes irruisse celeriter, tunica auro intexto amictum. Xiphilinus scribit in eo ponte diuersoria, quaedam itā aedificata, vt in ea aqua bibendi causa deduceretur; ἀλλὰ καὶ ἀναπαύλαι ἐν αὐτῇ καὶ καταλύσεις, ὥστ' ἐ καὶ ὕδωρ αὐτὰς πότιμον ἐπὶ ῥῆτον ἔχεν. Barbarus homo deindè nemini parcens, omnes ex ponte ludibrij causa deturbanit, eosq. qui aliquo pacto se continebant, deiiciēdos quoque iussit; in rebus enim etiam iocosis nefarij homines à crudelitate nequeunt abstinere. Iosephus de hoc ponte loquens ait, Caligulam aquae etiam elementum sibi subijcere voluisse, eaq. gessisse in fluctibus, quae terrae natura sustinet. Dūm verò trecentis stadijs continen-

inentē abesse dicunt interpretes, hallucinati sunt non animaduertentes *σάδους τριάκοντα*. Iosephus accedit ad Suetonium. Dionis tamen verba *xxi v.* tantum stadia interesse declarant,

PUTEOLANORVM ANTIQVA

Relligio.

Cap. VII.



X nummis Puteolanis **HEBONIS** religionem elicimus, habent enim ex altera facie Apollinis caput, ex altera Hebonem (quem Campaniae communem fuisse in Neapolitana historia ostendimus) cum inscriptione, *ΠΟΤΤΕΟΛΙΤΩΝ*. Puteolani

quoq; Graeci ad Theseum (vt diximus) originem referunt. Hebo idem qui & Mithra, aut Serapis. Taurina forma barbatus is Deus est, nam Hieropolitani barbatum Solem depingebant. Graecis Bacchapaëa, apud Macrobiū, idemq; Liber, Apollo, & Dionysius.

AVGVSTI. In media vrbe quae nūc reliqua est, templum opere Corinthio pulcherrimum videmus, quod nec tempus edax, nec hostium furor, nec flammaram iniuriaē perdere potuerūt. Augusto Caesari dicatum. Idq. sub Iouis nomine factum praedicant. Haec ibi leguntur,

Templi Augusto dicatū.

L. CALPVRNIO. L. F. TEMPLVM

AVGVSTO. CVM. ORNAMENTIS. D. D.

Ex quadratis marmoreis lapidibus itā cōpactum, vt vno tantum saxo erectum censeatur. Atque huiusmodi omnes conditum existimarent, nisi tympani dexter angulus decidens, rimas aliquot aperuerit. Architecti nomen adscriptū,

L. COCCEIVS. L.

C. POSTVM. L.

AVCTVS. ARCHITECTVS

C 2

Qui

*Templorum
dedicatio.*

Qui Ioui dicatum arbitrati sunt, Servio assentiuntur, qui Ioui urbium arces fuisse dicatas scribit; & scopulum illum arcem Puteolanam iudicarunt. At quo pacto templa dedicarentur, de eiusdem templo Romae dicato, hæc scribit Dio de Caio; ἐκ δὲ τούτου τὸ ἡρώων τὸ τοῦ Αυγούστου ὡσιώσε τιμῇ ἐπινικιον πολλῶ ἐν δῶς καὶ οἷτε ἐν γυμνασίοις παῖδες ὅστις καὶ ἀμφιβαλεῖς ἦσαν, μετὰ παρθένων ὁμοίων τὸν ὕμνον ἦσαν, καὶ ἡβουλήσιν ταῖς γαμεταῖς σφῶν, ὅ τε δῆμος εἰσιδὼν θέαυτε παντοδηπαὶ ἐγένοντο, τὰ τε γὰρ τῆς μουσικῆς ἐχόμενα ἰσχυρῆ &c. Deinde Caius habitu triumphali templum Augusti dedicavit, nobilissimis pueris ætate florentibus, cum virginibus eiusdem ordinis hymnum canentibus, epulumq; Senatoribus & eorum uxoribus ac populo datum, variaq; spectacula edita, & omnis generis musica introducta.

*Neptunus
tutelare Nu-
men Puteol.*

NEPTUNI templi ruinae adhuc vigent cuius Cicero meminit Acad. 4. O praeclarum prospectum. Puteolos videmus, at familiarem nostrum Avianum, fortasse in porticu Neptuni ambulante non videmus; Et Appianus lib. 1. de bello Civili, tutelare loci Numen vocat, cui sacra fecit Caesar contra Antonium profecturus; ὁ δὲ Καῖσαρ ἐκ Δικτατορίας, θύων ἀμασπένδων ἀπὸ τῆς ναυαρχίδος νεὼν ἐς τὸ πέρατος ἀνέμοις ἐνδίοις, καὶ ἀσφαλθεῖρα Ποσειδῶνι, καὶ ἀκύμονι θαλάσῃ; Caesar Puteolos cum prius è Prætorio porrectis extis in mare litasset, Tutelari Neptuno, & tranquillo mari, &c.

*Adrianus Pu-
teolis sepeli-
tur.*

Hoc templum idem aliqui esse aiunt, quod Adriano sepulcri loco dicatum innuit Spartianus his verbis; *Post hæc Adrianus Baias petijt, Antonino Romæ ad imperandum relicto, ubi cū nihil proficeret, accersito Antonino, in conspectu eius apud ipsas Baias periijt die vi. Iduum Iuliarū* (maior sexagenario addidit Aurelius Cassiodorus in Chronicis morbo inter cutis aquae Ruffino, & Torquato Coss.) *invisusq; oibus sepultus est in villa Ciceroniana Puteolis.* Paulò post; *Templum denique ei pro sepulcro apud Puteolos constituit, & Quinquennale certamen, & Flamines, & Sodales, & multa alia quæ ad honorem quasi Numinis pertinerent.* Repertæ ibi Adriani Statuæ, corona laurea, & paludamentis, & chlamyde ornatae. In hortis Sangrijs, tres sunt columnæ stantes, quas ad id templum pertinere sum arbitratus. Lapis præterea,

MAGNO INVICTO. IMP. CAES.
 D. TRAIANI. PARTHICI. F. DIVI. NERVÆ
 NEPOTI. TRAIANO. ADRIANO. AVG.
 PON. MAX. TR. POT. V. COS. III. OPTIMO
 MAXIMOQ. PRINCIPI. P. DECRETO. D.
 POPVL. . . . CONSENSV.

Eius templi amplitudinem sæpè admiratus sum cū Claudio Blandicio viro acri ingenio & curioso, quocum ibi esse maluissemus, quàm in hortis Hesperidum. Arcus, fornices, thecæ in quibus statuas collocabant hederæ corymbis occupatae, subterranea circum loca, atque adyti faciebant animos vt effodiendo aliquid curiosum reperiremus.

INVIDIAE. Nam Caligula ^{Θρόνος} sacrificauit. Hanc *Inuidia, mascula.*
 Deam Graeci masculam effingunt. Et Lucianus in Dialogo *Διαβολῆς*, virum non dū planè ex morbo conualescentem proponit. Ab Ouidio domum, & formam requiras.

SERAPIDIS, & HONORIS religionem coluisse Puteolanos, iisdemq. aedem statuisse, nobilissimus ille *Serapis bonor.*
 lapis declarat, quem Puteolis Neapolim transtulerat Spataphorus, eoq. mortuo in Arpinam villam transtulit Alphonsus Sancius, Grottulanorum Marchio, quem tamen in Puteolanorum gratiam adscribam, vt sciant quantum iacturae in rebus antiquis fecerint. Cognoscet veterem illam religionem, legem operis faciendi tanta Romanae linguae puritate, quantam vix in coeteris lapidibus inuenient; tum praeterea eorum Magistratus, & Magistratuum splendorem.

A. COLONIA. DEDVCTA. AN. XC.
 N. FVFIDIO. N. F. M. PVLLIO. DVOVIR
 P. RVTILIO. CN. MANLIO. COS. OPERVM. LEX. II.
 LEX. PARIETI. FACIVNDO. IN. AREA. QVAE. EST
 ANTE. AEDEM. SERAPI. TRANS. VIAM
 QVI. REDERIT. PRAEDES. DATO. PRAEDIAQ. SVBSIGNATO
 DVVMVIRVM. ARBITRATV.

*Lex parietis
 faciundo.*

IN.

IN. AREA. TRANS. VIAM. PARIES. QVI. EST.
 PROPTER. VIAM. IN. EO. PARIETE. MEDIO
 OSTIEL. LVMEN. APERITO. LATVM. P. VI. ALTVM
 P. VII. FACITO. EX. EO. PARIETE. ANTAS. DVAS
 AD. MARE. VORSVM. PROIICITO. LONGAS. P. II.
 CRASSAS. P. INSVPER. ID. LIMEN. ROBVTVM
 LONG. P. VIII. LATVM. P. I. ALTVM. P. S. IMPO-
 NITO. INSVPER. ID. ET. ANTAS. MVTVLOS. RO-
 BVSTOS. II. CRASSOS. S. ALTOS. P. I. PROI-
 CITO. EXTRA. PARIETEM. IN. VTRAMQVE
 PARTEM. P. IV. INSVPER. SIMAS. PICTAS. FER-
 RO. OFFIGITO. INSVPER. MVTVLOS. TRABI-
 CVLAS. ABIEGNIAS. II. CRASSAS. QVOQVE
 VERSVS. IN. PONTO.

In secunda facie.

FERRO. FIGITO. INASSERATO. ASSERIBVS
 ABIEGNEIS. SECTILIBVS. CRASSEIS. QVOQVE
 VERSVS. DISPONITO. INPLVS. OPERCVLA.
 ABIEGNIEA. IMPONITO. EX. TIGNO. PEDARIO
 FACITO. ANTEPAGMENTA. ABIEGNIEA. LATA
 CRASSA. S. CYMATIVM. IMPONITO. FER-
 RO. PLANO. FIGITO. PORTVLA. TEGITO. TE-
 GVLARVM. ORDINIBVS. SENEIS. QVOQVE. VER-
 SVS. TEGVLAS. PRIMORES. OMNES. IN. ANTE-
 PAGMENTO. FERRO. FIGITO. MARGINEM.
 IMPONITO. EISDEM. FORES. CLATRATAS. II.
 CVM. POSTIBVS. AESCVLINEIS. FACITO. STA-
 TVITO. OCCLVDITO. DICATO. ITA. VTEI. AD
 AEDEM. HONJNIS. FACTA. SVNT. EIDEM.
 MACERIA. EXTREMA. PARIES. QVI. EST. EVM
 PARIETEM. CVM. MARGINE. ALTVM. FACITO
 P. X. EISDEM. OSTIVM. INTROITV. IN. AREA
 QVOD. NVNC. EST. ET. FENESTRAS. QVAE IN
 PARIETE. PROPTER. EAM. ARAM. SVNT. PA-
 RIETEM. OBSTRVITO. ET. PARIETI. NVNC
 EST. PROPTER. VIAM. MARGINEM. PERPE-

TVVM. IMPONITO. EOSQ. PARIETES. MARGI-
NESQ. OMNES. QVAE. LITA. NON. ERVNT. CALCE
HARENATO. LITA. POLITAQ. ET. CALCE. VDA
DEALBATA. RECTE. FACITO. QVOD. OPVS STRV-
CTILE. FIET. IN. TERRA. CALCIS. RESTINCTA
PARIETEM. QVARTAM. INDITO. NIVE. MAIO-
REM. COEMENTA. STRVITO. QVAM. QVAE
COEMENTA. ARDA. PENDAT. P. XV. NIVE. AN-
GOLARIA. ALTIOREM. FACITO.

.In tertia;

LOCVM. PVRVVM. PRO. EO. OPERE. REDDITO
EIDEM. SACELLA. ARAS. SIGNAQ. QVAE. IN
CAMPO. SVNT. QVAE. DEMONSTRATA. ERVNT.
EA. OMNIA. TOLLITO. DEFERTO. COMPOSITO
STATVITOQ. VBEI. LOCVS. DEMONSTRATVS. ERIT
DVVMVIRVM. ARBITRATV. HOC. OPVS. OMNE
FACITO. DVOVIR. ET. DVOVIRATIVM. QVI. IN.
CONSILIO. ESSE. SOLENT. PVTEOLIS. DVM. NI
MINVS. VIGINTI. ADSIENT. CVM. EA. RES
CONSVLETVR. QVOD. EORVM. VIGINTI. IVRATI
PROBAVERINT. PROBVM. ESTO. QVOD. II. IM-
PROBAVERINT. IMPROBVM. ESTO. DIES. OPE-
RIS. K. NOVEMB. PRIMEIS. DIES. PEQVN.
PARS. DIMIDIA. DABITVR. VBEI. PRAEDIA
SATIS. SVBSIGNATA. ERVNT. ALTERA. PARS
DIMIDIA. SOLVETVR. OPERE. EFFECTO. PRO-
BATOQ. C. BLOSIVS. Q. F. HS. ∞ D. IDEM. PRES.
Q. RVFFICIVS. Q. F. CN. TETTEIVS. Q. F. C. CRA-
NIVS. C. F. TI. CRASSICIVS.

Quae ad parietem perducendum, quae ad calcem arenan-
dam, & quae cum calce vda dealbanda. Duouirates, vox
mihi noua. Sed Duumvirum auctoritas in sacris praecipue
rebus patefacta. Cõsiliij quoq; Puteolani depingitur imago,
in quo non minus viginti aderant, ad res discernendas. Lo-
cus purus, qui mortuis corporibus non esset funestatus. Et
in

Duouirates.

in eam rem Decuriones incumbabant, ex quibus Duumviri eligebantur.

Genius Puteolanorum.

GENII. Genio Coloniae Puteolanos monumenta dicasse supra in Colonia lapis ostendit. Declarat item aerea tabella in mari à piscatoribus reperta quam Leonardus Vairus Episcopus Puteolanus ad me Neapolim misit.

GEN. COL. PVT. P. ACILIVS
HERMERON.

Lapis praeterea Cumanus;

AVGVSTO. SACRVM. ET. GENIO
CIVITATIS. PVTEOL.

*Genius cuiq;
lyco tributus.*

*Genij Balsami
vipera.*

*Genius hominum
tutela.*

Leſtus Genialis.

Vniuscuiusque loci Deus Genius erat. DEO tutelae, idcirco in multis lapidibus legimus. Et Genio Coloniae, Cēturiae, Municipi, Horreorum, Exercitus, Conuentus, La-uacrorum, Theatri. Sospolim patrium Eleorum Genium certis celebratū honoribus scribit Pausanias in Eliacis; qui in Boeoticis viperas quoque Balsami Genios existimatas ait, quas ibi occidi magna esset religio. Hominibus item nascentibus numina dari credebāt. Idcirco hominum parentes vocat Aufustius, & hominum tutelas Plutarchus. Eosdemq. Apuleius asserit esse Daemones, & Lares. Censorinus, obseruatorem nobis datum esse Genium scribit. Et apud Suidam Philo Genios appellat animae facultates, eosq. tūm salutare, tūm exitiosos constituit. Hos Deos Medioxumos Latini daemones dixere, quippè minùs lucidae naturae quàm coelestes. Videbatur laetitiae & propagationis vel auctor, vel seruator Genius; quapropter, lectus GENIALIS, quòd Genius naturae Deus fingebatur, & in lectis generandis liberis datur opera. Tantumq. laetitiae & voluptatis continere videbatur, vt in Imperatorum nummis cuderetur, militari imagine, veste ad crura circumuoluta, dextera pateram porrigens quasi sacrificatura, & sinistra Amaltheae cornu amplectens cum inscriptione,

GEN.

GEN. P. R. Quòd si quis per Genium Principis peierasset, in eum fustibus animaduertebāt. Adeas Iuriscultos. In Adriani, & Diocletiani extat numismate. Neapoli cum GENIO CAESARVM lapidem habemus.

BACCHI. Cuius numinis lapides Puteolani memoriam retinent. *Bacchus Puteolanorum.*

LIBERO. PATRI. SACRVM

T. T. FLAVII. ELECTIANVS. ET. OLYMPIANVS

FIL. RIVS. SACERDOTES. ORGIOPHANTAE.

Orgia, sacra *μυστήρια*. Et si omnibus sacris nomen conveniat, Liberi tamen sacrificia dicuntur. Vtrumque testatur Seruius, qui ἀπὸ τοῦ ὄργης, à furore, dicta esse affirmat. Apollonij Scholiastes lib. 5. παρὰ τὸ ὄργειν τοὺς ἀμυνήτους αὐτῶν, quòd prophani indè arceantur; vnde Catullus,

Orgia quae frustra cupiunt audire prophanì.

Hanc vocem in Sannazario reprehēdit Scaligerus, quipè diuinis rebus non erat inferenda. *ὄργιασμός*, à Plutarcho, Sacrorum peractio dicitur. Sunt etiam apud Pollucem in Onomastico multa Sacerdotum epitheta; *θεομάχαις, ὑποφῆται, νεωκόροι, ζῆλοροι, θύται, τελεταί, παναγείς, πυρφόροι, ὄργεῶνες. Ὀργεῶνες, δὲ εἰσιν* (inquit Harpocratio in Lexico x. Rhetorum) *οἱ ἐπὶ τιμῇ θεῶν ἢ ἡρώων συνιόντες*. coeteraq. huiusmodi. Hoc tamen extremum cum Orgiophantis convenit, qui cruda voratione litabant. Eusebius lib. 2. praep. Evang. *Διόνυσον μανόλῳ ὄργιαζουσι βᾶλχης ὁμοφασία τῷ ἱερομανίῳ ἀγοντες*; *Sunt tandē Orgiophantae sacrorum mysteriorum Antistites.*

DIANA E. Eius statuam se vidisse Puteolis, testatus est Matthaeus Salernitanus quindecim cubitos in altitudinem erectam, alatum, leonem ad dexteram, ad sinistram pantheram habentem. Templum in loco, quem Pisaturum dicunt Puteolani, fuisse dictitant. Nec sine Diana Hebe, eaq. Artemis cum Apolline Sanatore; & plurimum culta in Circo ob venationes. Ideòq. eius aedes Puteolis ad Amphitheatrum quoq; Circumq. extructa est. Et Dianae Scythicae

Orgia.
Sacerdotum
Bacchi episteta.

Diana Puteolanorum.

Hercules Puteolanorum. thicae inquit Cassiodorus.

HERCVLIS. lapis.

HERCVLI. GYLIO. INVICTO. SANCTO

SACR. VOTO. SVSCEPTO. L. CRASSVS

DE. SVO. F.

Hercules Gylus.

Choerogyllus lib. 4. de ling. lat.

Gylus Hercules dictus est, quod Gylion pleriq; Graecorum leonem, vel suem dicunt. Isq. sic appellatus est ab ijs bestiis occisis. Choerogyllum, ait Suidas, Gylion significare, hoc est, porcum spinum. Sancti verò cognomen Sabinis. Varro; *Aelius Gallus* Διόσκουρον *Castorem* *Diouis filium*, *Dium Fidium* dicebat, & putabat hunc esse Sanctum ab *Sabina* lingua, & *Herculem* à *Graeca*. Nuper in aedibus Scipionis Loffredi, cuius ager qui circum est, antiquitatum monumentis scatet, lapis repertus in quo hæc leguntur,

SANCTISSIMO. DEO. PATRI

EX. VOTO. CONSVMMAVIT. IVLIVS

SECVNDVS. FAONIVS

Herculem intellige. Sic enim in alio lapide Cumis,

SANCTISSIMO. HERCVLI. INVICTO

DO LL. ARGYRIVS. LANARIVS

H S. P. D. D. DEDICAVIT. KAL. IVL

. SEX. VTVL. COSS.

Videtur profectò inter praecipuos tutelares Deos Puteolanos, Hercules, cùm Herculeam portam Traianus Puteolis vocari iusserit.

Nymphae Puteolanae.

NYMPHARVM. Nympharum templum sub Domitiano commemorat Philostratus in vita Apollonij, narrans hunc Damidi, & Demetrio discipulis apparuisse extra Puteolos, de fontis natura; quod ad templum erat, disputantibus. Ex albo ait lapide extructum, & vaticinijs celebre. Aquam ibi perennem fuisse, quae nunquam extremas fontis partes excederet, & quae nunquam decrescere exha-

exhaustiendi visa fuerit. Ad mare paucis ab hinc mensibus
perennis aquae scaturigo erupit. (nent,

IOVIS CVSTODIS. ex lapide item memoriã reti-

*Iuppiter cu-
stor Puteol.*

IOVI. CVSTODI. SACRVM

EX. INDVLGENTIA. DOMINORVM

SUCCESSVS. PVBLICVS . . . SER. . . AEDEM.

A Fulvio Vrsino Puteolis citatur tabula, in qua Iuppi-
ter optimus maximus.

IOVI. O. M. SACRVM

CVM. PORTICIVS. A. SOLO. SVA. PEC. F.

Seruatorem Iouem, Sosпитatorem etiam dixere. Memi-
nit Διός σωτήρος in Corinthiacis Pausanias, eiusq. ad lacum
quendam aedem positam in Laconicis eximiam statuam
idem in Arcadicis describit quae ad sinistram Artemidis
Seruatricis quoque signum habebat. Hic Iuppiter ille est,
qui Παισίλυπος quoque dicitur à Sophocle in Nauplio,

*Iuppiter So-
spitator.*

Ζεὺ πασίλυπε

Καὶ Διός σωτηρίου σπονδὴ τρίτου κρατῆρος.

Iuppiter Pausilipe

Et Iouis Seruatoris libatio tertij poculi

*Iuppiter Pau-
silipus.*

Idq. in conuiujs. Primum enim poculum coelestium erat,
alterum Heroum, tertium Iouis Seruatoris. Legimus tamen
primum poculum Seruatori sacrum apud Athenaeum, omni-
nis boni gratia; vt meminerint mortales se vinum (tempe-
raturum tamen) bibentes seruatum iri.

COLLEGIA, ET CORPORA

Puteolana.

Cap. VIII.



ERVMPVBLICARVM partem Corpora, & Collegia constituebant; Σαματα Graeci
dixere; & huiusmodi Athenaeus habet ex
Moschione qui de naui Hyeronis Syracusani
commentaria scripsit, κατήγαγε διαλύων σωματάων, paucorum

Lib. 5. cap. 8.

D 2 corporum

Varia Corpora in Rep.

torporum adluminio deduxit. Infimum igitur hominum genus erat seruilibus operibus occupatū. Numerat inter Corpora Notitia vtriusq; Imperij Architectos, Statuarios, Lesticarios vel Arcarios, Clauicarios, Quadratarios opus vermiculatū facientes, Deauratores, Albinos, Argētarios, Barbaricarios qui ex auro. (vt inquit Dōnatus) coloratis filis exprimebant hominum & animalium imagines, Aerarios, Fusores, Diatrerarios margaritas perforantes, vel calices torno polientes, Figulos, Vitriarios, Pelliones aliosq; id genus. Constantinus in rescripto ad Maximum recenset. Addidit Vrinarios, Lupanarios, Caligarios Lampridius.

Lib. 5. ep. 13.

Alios etiam numerat Symmachus, *Nouerat horum Corporum ministerio tantae urbis onera sustineri. Hic lanati pecoris inuektor est, ille ad victum populi cogit armentum, hos suillae carnis tenet fumatio, pars lauacris ligna vrenda comportat. Sunt qui fabriles manus augustis operibus accommodant, per alios fortuita arcentur incendia.* Iam Gauzones & obsequia pistoria frugis & olei baiulos, multosq; id genus patriae seruientes. Supra appellauit

Lib. 1. ep. 28.

Pistores Puteolis.

Corporatos negociatores membra aeternae urbis. Apud eundem, corpus Collectariorum, quibus arca vinaria statutum precium ministrabat. Pistores Puteolis reperimus,

ILLE. EGO. SVM. PROCVLVS. TOTVS. QVI. NATVS. HONORI. AVT. DICO. VT. SIT. NONOS. QVEM. MITTI. INESSE. NEGAS
COLLEGIVM. PISTORVM
PATRONO. PRAESTANTISSIMO.

Suauij & Confeturarij.

Ibidemq; Collegium Suauiorum, & Confecturariorum. Accedunt Dendrophori quos Puteolanus lapis, in turri sacra D. Gregorij Neapoli positus, patefacit;

C. DOMITIO. DEXTRO. II. L. VALERIO. MESSALA. THRASIA. PRISCO. COSS. VI. ID. IAN. IN CVRIA. BASILICAE. AVG. ANNIAN. SCRIBENDO. ADFVER. A. AQVILIVS. PROCVLVS. M. CAECILIVS. PVBLICIVS. FABIANVS. P. HORDEONICVS. SECVND. VALENTIN. T. CAESIUS. BASSIA.

NVS. QVOD. POSTVLANTE. CN. . . . DE. FORMA
 INSCRIPT. DANDA. STATVAE. QVAM. DENDRO-
 PHORI. OCTAVIO. AGATHAE P. G. N. STATVE-
 RVNT. CN. PAPIRIVS. SAGITTA. ET. P. AELIVS
 EYDAEMON. II. VIR. RETVLERVNT. Q. D. E. R.
 F. P. D. E. R. I. C. PLACVIT. VNIVERSIS. HONE-
 STISSIMI. CORPORIS. DENDROPHOR. INSCRI-
 PTIONEM. QVAB. AD. HONOBEM. . . . DARET. . .

In quo eadē Puteolana Respublica apparet in Curia Ba-
 silicae Annian. quae suprà de Annio Modesto proposita est,
 & ferè eadem Senatus auctoritas videtur intercessisse, in
 qua Duumviri retulerunt. Confirmat hunc lapidem, alius
 quem in fundo quodā Episcopus Puteolanus inuenit pau-
 cis ab hinc diebus, & quem in lucem edere conatus sum vt
 satis Antiquarijs faciam, locupletem enim huius Collegij
 testem, curiosi viri libenter amplectentur. Is quidem est,
 & ex vtraque facie eadem continet verba, quod rarissimè
 in alijs lapidibus contingit.

EX. S. C. DENDROPHORI. CREATI. QVI. SVNT
 SVB. CVRA. XV. VIR. ST. CCVV.

PATRON. L. AMPIVS. STEPHANVS. SAC. M. DEI. Q.
 DEND. DEDICATIONI. HVIVS. PANEM. VINVM
 ET. SPORTVLAS. DEBIT.

C. VALERIVS. PICENTIVS	T. IVLIVS. CALLINICVS
C. IVLIVS. HERCVLANVS	Q. CVRTIVS. SCEMANVS
LONGINIVS. IVSTINVS	L. OPIIVS. LESIGINVS
A. FIRMIVS. POLTBIVS	M. HERENNIVS. ZERAX
C. LISIVS. CRESCENTINVS	C. LISIVS. PVDENTINVS
L. DECIMVS. FELINVS	A. FIRMIVS. FELICIANVS
C. CVPIENNIVS. PRIMITIVS	M. BABBIVS. SODALIS
T. MINICIVS. SABINVS	L. MODESTIVS. HILARVS
M. IVNNIVS. AGRIPPINVS	L. ORFIVS. MAXIMINVS
A. CAMELIVS. PROTOCENSIS	C. IVLIVS. GAVDITVRVS
A. AGNANIVS. FELICISSIMVS	L. LOLLIVS. VIATOR
C. LITRIVS. FORTVNATVS	C. IVLIVS. COGITATVS

C. IVLIVS. CERIALIS . C. ANTONIVS. LVCILIANVS
 C. HERENNIVS SABINVS C. MAGIVS CRESCENTIANVS
 L. ORFIVS. MAXIMVS C. CARTILIVS. IRENICVS
 N. POLLIVS. PRIMVS. SEN. N. POLLIVS. PRIMVS. IVN.
 C. LITRIVS. MAIOR C. TITILIVS. PRIVATVS
 L. DECIMVS. FAVSTVS L. MARCIVS. MARVLEIVS
 C. IVLIVS. SEVERVS Q. GRANIVS. GEMELLVS
 C. NAVTIVS. PINTROPVS C. CLODIVS. MERCVRIVS
 N. VIBIVS. SPERATVS N. VIBIVS. SVPER
 L. PACIVS. MAVIMINVS C. TVSCENIVS. COMMVNIO
 Q. GRANIVS. GEMELLVS M. STENNIVS. MARCELLINVS
 M. GRANIVS. MARCIANVS M. VALERIVS. EVTICHES
 Q. SERVIVS. NICETIANVS C. RVFVS SELEVCVS
 C. LISIVS. SECYNDINVS M. MALLONOVS. SEVERIANVS
 C. PVBLILIVS. GENIALIS L. GENTIVS. NICO
 L. CONNIVS. CASTRENSIS L. PEDANIVS FAVSTINVS
 Q. GRANIVS. CHORINTVS NAEVIVS. POLLIVS. PRISCVS
 TI. IVLIVS. ATAINOPO IVLIVS. DECIVS. FELICIVS
 Q. CRANIVS. IANVARIVS M. SAGARIVS. SEDATVS
 C. TVRRANIVS. PRISCVS C. TVSCENTVS. PRIMITIVS
 L. PLAVTIVS. VICTOR M. SAMIANTVS. CRESCENS
 A. FIRMIVS. SEVERVS P. CARSICIVS. FLORIANVS
 C. FVLLONIVS. TERTIVS C. STATRIVS. FELICISSIMVS
 T. FLAVIVS ARCHILAVS T. MINICIVS. VERATINVS
 M. VALERIVS. SYNTROPVS M. PLAVTIVS. HILARVS
 M. VALERIVS. IANVARIVS M. SAMILARIS. FORTVNIVS
 N. LVCIVS. CYRICIVS C. IVNIVS. MERCVRIVS
 C. IVLIVS. CARITO C. IVLIVS. CRESCENS
 M. CVRIVS. NIANVS C. AVRVCVLEIVS. . . .
 C. MARTIVS. VITALIS L. FLAVIVS. CELER
 AERELIVS. LVCIVS SAMIARIVS. SILVANVS
 C. IVLIVS. DIANENSIS.

DEDICATA. VII. ID. OCT. III. ET. SEMEL. COS.

Nihil ex tota antiquitate de hoc Corpore elicere potue-
 ram, nisi Symmachus dixisset inter Corporatos, partem
 vrenda lauacris ligna comportare solitam. Quamvis enim
 optimè

optimè sciamus fabricandis armis constituta esse ab Imperatoribus loca veluti in oriente Damascus vbi fabrica Scutaria, scutis cōficiendis; Clibanaria Antiochiae armis quae cataphractos protegerent; Scutaria, & Armamentaria Aedessae in Mesopotamia; & Hastaria Irenopoli Ciliciae vrbe, quae omnia in Ponto, Asia, Thracia, Illirico etiam commemorantur, & singulis hisce fabricis seruos ad opus illud publicum damnatos, eosq. aliquandò mercede fuisse conductos, & inter hos Carbonarios, & Dendrophoros quae ligna fabricis suppeditabant, de quibus Valentinianus, *qui publicorum seruorum fabricis seu alijs operibus publicis deputati domibus se alienis, & priuatarum ancillarum cōfortijs adiunxerint, conditioni pristinae, laboriq. restituantur.* Corpus tamen illud ad lauacrorum ministeria in his regionibus Puteolanis & Baiānis refero, cū praecipuè siluas ad eam rem Imperatores dedicauerint, & Puteolanis annonae pars fuerit derogata & Terracinenis addicta, quoniam lauacris publicis ligna, & calcem moenibus reparandis subministrabant Iuliano moderante Rempub. & Lupo Consulari iure Campaniae praesidente.

*Loca fabricis
armorum
designata.*

*Syluae dedi-
catae.*

In multis praeterea ciuitatibus Dendrophori, Fabri, Centonarij, Tignarij coniunguntur, sic enim Romae,

*Dendrophori
et alia cor-
pora.*

FAVSTINAE. AVGVSTAE

MAGISTRI. QVINQVENNALES. COLLEGI. CORP.
FABRVM. FERRAR. TIGNAR. DENDROPHOROR
ET. CENTON. LVST. XXVII. T. OVINIVS. T. F.
THERMVS. L. FVSCIVS. Q. FILIVS. SABIN. FLA-
VIVS. ANTIDIVS. SEX. F. EROS. C. FVLVIVS
C. F. NIGRVS. Q. CASSIVS. P. F. ALBINVS. MA-
GISTER. ET. FLAMEN. QVINQVEN. L. CHRISCIVS
L. F. VENVSTVS. SEX. MAETIVS. SEX. F. VERVS

DD. KAL. IANVAR

C. MANLIO. TORQVATO. ET. CORNELIO

MESSALINO. COSS.

Eadem

Eadem in hoc lapide cernitur dedicatio Dendrophorum, idemq. magisterium Quinquennialitatis. Et in alio Romano lapide Ti. Claudius Chresimus ob Quinquennialitatis honorem Collegio Dendrophororū quibus ex S. C. coire licebat argenti pondo x. & HS decem millia reddidit, quae diuisa sunt populo per gradus Nummio Albino & Fulvio Aemiliano Coss. Sacerdotium quoque obijcitur, ait enim *Magister & Flamen*. Sassinæ in Flaminia inscriptio est qua collegis Dendrophorum, Fabrum, & Cētonariorum ex testamento HS senamillia dantur, oleumq. singulis annis diuiditur die natali testatoris. Ad Lirim amnem ex Manutio Q. Iunio Seueriano veterano Quaestori Reip. Ausculanorum, patrono collegij Centonariorum & Dendrophororū statua à liberta dedicatur, & datur coena Decurionibus quibus & populo pecunia quoque diuiditur. Vbique vero eius Collegij patroni viri primarij reperiuntur. Qui verò arbitrati sunt hoc Collegium ad illud referri quod ex Iouis famulatu ab Hercule fuit institutū qui apud Eleos Pelopi ad scrobem quandam sacra fecit, ad quam annui magistratus nigros arietes mactabant, vt scribit Pausanias in Eliacis, meminerint eum Sacerdotem cui negotium committebatur *Ξίλας* appellatum esse quoniam certo precio ligna ad sacrorum vsum vel publicè ciuitatibus, vel priuatim cuius homini suppeditabat, & ligna ex alba populo erant. Quid igitur *Ξίλας* cum *Δενδρόφορος*.

In Orthogr.

Sacerdotium Iouis.

Ligna populea.

Collegia Equitum.

Classiarij Puteol.

Corpora tamen & Collegia non semper ex seruis fuisse, ostendunt equitum Corpora quae in Neapolitana historia dilucidauimus, ex quibus EQVI PVBLICI & HONORATI EQVO PVBLICO, dicebantur. Collegia item Augustalium in antiquorum monumentis plurimis legimus. Quinquennales verò, Aediles Colonici.

CLASSIARIJ. Aliud Puteolanum corpus. Nauales hi socij erant, quos Nero ex remigibus iustos milites fecerat, vt ait Suetonius. Ex eorum corpore quidam vltro citroq.

citròq. Ostia Romam pedibus commeabant, vt idem auctor in Vespasiano; *Classarios qui ab Ostia à Puteolis Romam pedibus per vices commeant, petentes constitui aliquid sibi calciarij nomine; quasi parum esset sine responso abegisse, iussit posthac exalceatos cursitare, & ex eo ità cursitant.* Calciarium dixit Suetonius, vt Clauarium Tacitus lib. 3. Hist. pro donatio quòd vel in calceos, vel in caligares clauos impenditur. Sic Camelatia, vel Camelaria apud Iuriscòsultos, quae pro alendis Camelis dabatur. Cursus erat publicus ab Imperatoribus constitutus, qui à Persis antea inuentus, Angaria, dictus est. Et Plutarchus ait veredos & rhedas singulis circiter L. miliarijs ad currendum certis locis dispositos, vt iter diei conficerent, atque ità res celeriter nunciarentur. Reliqua Collegia in hoc habentur lapide,

*In Galba
cap. 12.*

Calciarium.

Clauarium.

Angaria.

IMP. CAESARI. DIVI. TRAIANI. PARTHICI
NEPOTI. D. NERVAE. PRONEP. AELIO. ADRIA-
NO. ANTONINO. AVG. PIO. PONT. MAX. TRIB.
POT. V. IMP. II. PP. CONSTITVTORI. SACRI
CERTAMNIS. SELASTICI. SOCII. POPVLARES
LICTORES. DENVNCIATORES. PVTEOLANI.

Gladiatorios ludos iam intermissos, Antoninus Augustus concessit L. Egnatio Inuento, vt in lapide recitato in Colonia Puteolana. Denunciatores commemorantur à P. Victore in I v. Regione Romana. Sacrum tamen certamen, Graecum dicitur à Suetonio; omnia scilicet scenica, musica, gymnica. Aliqui gladiatorios ludos excipiunt. Lictores Coloniae & Municipia habebant qui Praetores praecibant. Virgas ferebant, ideoq. *παίδοῦχοι*. veluti vbique hoc tempore Magistratibus publicis debentur.

*Denunciato-
res.*

Lictores.

THEATRVM, AMPHITEATRVM.

Circus Puteolani. Cap. I X.



HE ATRI, Amphitheatri, & Circi ornamenta praeclaras vrbes maximè exornarunt. Summo hac de causa studio in ijs aedificandis antiquitas elaborauit. Nulla veterum animos ad eas moles impèsa perterruit. Marmora ex abditissimis venis eruta, maxima cum industria terra mariq. comportata.

Ichnographiarum species, picturarum venustas, statuarum certauit numerus & amplitudo. Constituto siquidem Foro (vt inquit Vitruuius) locum Deorum immortalium diebus festis, ludorumq. spectaculis in Theatro eligeabant, vt quaedam ibi celebrarentur actiones quae paci & ocio essent oblectamento. Poetarum numeri, Oratorum thecnæ, Musicorum harmoniae. Nescio an Romana Theatra à Graecis, & quo tempore in hoc differant. At saltem in vtrisque Theatris mimos varias effigiasse ad voluptatem personas, non ignoramus. Ad armorum vero & bellorum studia quaedam referebantur in Amphitheatro. Addo cursus & saltus in Circo; atque ita ingenij & corporis vires robur & virtutem compararent. Quamobrem, ad ingenium Theatrum; ad cruorem & feras Amphitheatrum; ad cursus & Pyrrichias atque Olympionicas Circus. In Theatro, actores, histrionesq. In Amphiteatro Gladiatores, Retiarij, Sequutores, Bestiarij, coeteriq. In Circo Decursiones, quas Equirias vocant Varro & Ausonius, & Quadrigariorum factiones, atque ij ludi quos Cicero describit; *Iam ludi publici quoniam sunt Cauca, Circoq. diuisi, sint corporum certationes cursu & pugilatione, luctatione curriculiq. equorum vsque ad certam victoriam Circo constitutae.* Stadium quoq; dicitur, & Campus, & Hippodromus & *στάγον ἱππιδρομος* Trium vero horum locorum

Lib. 5. cap. 3.

Post Forum,
Theatrum.

Lib. 2. de leg.

corum Tertullianus describit actiones Circi furentis, Caueae saeuientis, & Scenae lasciuientis. Alibi Scenicos, Xysticos, Arenarios in ijs ludētes appellat. Et Imperator lege VI II. Circēsia, Theatralia, & Arenarum spectacula dicit. Arena vero sternebatur ne sanguinis copia foedarentur.

In Circo primo loco venationes editae sunt cum à Tarquinio Prisco inter Auentinum & Palatinum colles (vel à Romulo ut ait Ciprianus) fuit aedificatus. Quare Amphitheatralem postea Circi venationem appellarunt, qua inter se aut homines, aut ferae pugnabāt. Quae duo pugnarum genera Martem & Dianam dixit Tertullianus, & de Diana Amphitheatri praefide disertè loquitur Cassiodorus. Venationem Circi Dianae sacram omnes affirmant. Claudianus,

*Circus ubi pri-
mò aedifica-
tus.*

*Lib. de spect.
lib. 5. cap. 42.*

Amphitheatrali fauceat Latonia pompae.

Sed post Amphitheatri vsum rarò in Circo venationes fuere. Ipsumq. à Dione *Kunztior* est appellatum, propterea quòd ad venationes potius quàm ad munera gladiatoria fuit extructum. In Theatris etiam venationes editae leguntur, ut in Scauri Theatro Aedilitate sua, & in Theatro Pōpeij, quod ea de causa Amphitheatrum (& si mendosè legi, pro Theatro scribat Lipsius) appellare Plinius non dubitauit, qui haec quoque scribit, *Sed ut in Theatro venationes subinde editae sint, primus tamen omnium Iulius Caesar Asia & Aegypto domitis Theatrum venationi extruxit, quod Amphitheatrum appellatum, quia sedes absque scena in ambitum haberet.* Quae verba planissimè Theatrum ab Amphiteatro secernunt, quipè in Theatro scena erat, Proscenium, Orchestra. In Amphiteatro area tantum (quam Circum etiam aliqui appellarunt, hinc Circi & Amphitheatri confusio) & spectatorum sedes, *ἐν τοῦ περιεπαταχίβης ἐδρας ἀντὶ σκηνῆς ἔχεν προσσκήνιον.* Et duplex Theatrum Amphiteatrum constituebat. Cassiodorus; *Hoc Titi potentia principalis diuitiarum profuso flumine cogitauit aedificiū fieri, vnde caput urbium potuisset, cum Theatrum, quod est hemisphaerium, Graecè dicatur Amphitheatrū quasi*

Lib 36. c. 15.

Lib. 5. ep. 41.

in unâ iuncta visoria, rectè constat esse nominatum. Qui speciem eius arena concludens, ut concurrentibus aptum daretur spacium, & spectantes omnia faciliùs viderent, dùm quaedam prolixitas uniuersa collegerat. Quae tamen vberius à doctissimis Lipsio & Bulengero de Amphitheatro & Circo sunt explicata.

Labyrinthus. Magnam Theatri partem Pureolis in hortis Hieronymae Columnae stantem maiores nostri viderunt, quae aut ter-
raemotibus deiecta, aut vetustate dissipata & obruta, periit. Hoc ibi inuentû fuisse epigramma affirmant, GENIO THEATRI AVGVSTI. Ad D. Iacobi aedem Amphitheatrum, ovali forma cernitur, quod aream longitudinis pedum c l x x i i. & longitudinis, pedum lxxxvi i i. continet; vulgò Gironem appellant. Multa circum habet concamerato opere aedificia. At quaedam subterranea tam perplexa ostiorum ambage (sic loquitur Antonius Sanfelicius quem honoris causa nomino) ut absque duce & non circumducto funiculo negetur exitus. Labyrinthum idcirco nominant, ibiq. Daedalum artes exercuisse videtur innuere Virgilius. Id aedificiorum genus seruadis aquis fuit excogitatum, ad spectatorum commoditatem. Quinq; tamen Labyrinthos comemorat Franciscus Petrarca, Aegyptium, Lemnium, Creticum, Clusium & Rhodani.

In Aug. c. 43. Ex Puteolano Amphitheatro spectandi leges visae sunt prodijssè, cum scribat Suetonius, confusissimum & solutissimum spectandi morem Augustum idcirco ordinasse quòd cum Senatorem per celeberrimos ludos frequenti consessu Puteolis nemo recepisset, Romano nomini iniuriam esse factam ratum, decreto Patrum iussisse ut in spectaculis publicis primus subselliorum ordo vacaret Senatoribus, Legatis loca distribuissè, militem secreuissè à populo, maritis è plebe proprios ordines assignasse, praetextatis cuneum suum addixissè, pullatis mediam caueam interdixissè, virginibus Vestalibus contrà Praetoris tribunal locum dedissè. Habes Theatri ordinem. Maxima item Romanorum in hoc
Puteo-

Ordo subselliorum in Theatris.

Puteolano Amphitheatro gloria eluxit cùm Theridatem Armeniae Principem Nero accipiens, splendidissimos ludos edidit. Atque vt in eo ludicro aliquam Romanae amplitudinis partem barbarus cognosceret, Patrobium Liberum ludis praefecit. Cuius apparatus splendorem his verbis Dionis epitomator explicauit in Nerone; *Καὶ ποσαύτη γὰρ τῇ λαμπρότητι καὶ τῇ δαπάνῃ ἐχρήσατο, ὥστε ἐν μιᾷ ἡμέρᾳ μὴ ἓνα ἄλλον πλὴν Λιβύων καὶ ἀνδρῶν καὶ γυναικῶν καὶ παιδῶν ἕως τὸ θιάζον εἰσελθεῖν;* *Tantaq. fuit eorum magnificentia atq; sumptus, vt vnus diei spacio nemo praeter viros, & mulieres, & pueros Aethiopes Amphitheatrū ingrederetur.* Quin & ipse Teridates è superiore loco belluas trajiciens, duos tauros vno ictu vulnerauit.

B. Ianuarius & Socij.

Omnes verò spectaculorum splēdores Ianuarij Beneuentam Episcopi, Neapolitanorum patroni & sociorum agon in hoc Amphitheatro superauit. Fortunati profectò Puteolani appellandi sunt qui *Θηριομάχοις* cum bestiis pugnatōres insignes, & victores spectarunt. Ianuarius quidem à Timotheo Diocletiani Maximini iussu bestiis dilacerādus obiectus est, cùm paulò antè in ardentis ignis fornacem fuisset immissus Nolam Beneuento accersitus, & ignem lacrimis ex charitatis fideiq. fonte emanantibus restrinxisset. Habuit in arena socios Sosium Misenatem, Proculum Puteolanum, & Festum Diaconos; Desiderium Lectorem, Eutichetem & Acutium laicos, Puteolanos ciues. O spectaculi celebritatem. Vbi brutorum sanguis efferbuerat, bruta à Sanctorum sanguine abstinere coguntur. Noluit locus Sanctorum sanguine aspergi, quem ferarum cruor cum humano cruore foedauerat, quem diabolus superstitiosa Idolorum ambitione elicere conabatur. Noluit vnguibus dilacerari CHRISTI martyres, qui testes debebant esse infaniae tyrannorum antequàm coronam essent adepturi. Nec locus in quo venabulo bestiae transuerberabantur, debebat eos occidere qui Fidei telo inhumanos homines, & brutos

brutos essent trāsuerberaturi. Emitterentur in caueam è carceribus bestiae, & quae credebantur audiores in martyres impetum facturæ, ferociam omnem abijcientes, ad eorum prouoluuntur pedes atque venerantur. Capitur luminibus Timotheus qui diuini auxilij munus inspicere non merebatur, mox Ianuarij praecibus qui diuino fuerat lumine illustratus, pristinam lucem adipiscitur. Quo facto, spectatorium ad quinque millia cum maxima acclamatione, rei nouitate permoti, indignitatem sceleris detestantes, Christiana religione initiari cupierunt. Auditus ne vnquam est in hoc Amphitheatro huiusmodi plausus? Quae maior subfellijs gloria; Vestalium, Senatorum, Consulum, an Angelorum qui palmas è Libani mōte pertulerant, consensu? Et si hoc spectaculi genere in transfugas Africanus minor vsus est, rectè in Ianuarium sociosq. vsi sunt, qui ab infedilate, à praestigijs, à daemonum cultu abhorrentes, ad Christianae fidei asylū, ad veri cultus honorem, ad Euangelij veritatem transfugerunt. O misera tūc Christianorum condicio qui Bestiarij veluti serui & captiui sub Imperatoribus habebantur, vt à feris humana corpora dissiperentur, ait Tertullianus. Hinc, CHRISTIANI AD LEONEM, vel, CHRISTIANI AD BESTIAS. Et Ciprianus de seipso, *Totes ad Leonem petitus in Circo, & Clamore popularium denuò postulatus in Circo*. Vbi Circus cum Amphitheatro confunditur. Nam Paulus Diaconus, *Populus coepit clamare in Amphitheatro, crudeli bestiae artifex parabolis pugnet*, hoc est carnificibus. Contices, παραβολους appellant Glossæ. Quod Tertullianus, *Ad bestias pronunciari*, dixit. Et Ignatius cum feris pugnare cupiebat, qui etiam apud Hieronymum in Catalogo, à Christianis saepè feras abstinuisset asserit. Et tamen à feris dilacerari, ludus dicebatur; idcirco Firmicus, *Damnationes sunt. metalli, operis publici, exilij, ludi*, scilicet ferarum; vt Vopiscus in Claudio, *Ludo publico deputatos*. Quae nam igitur voces, quae sibila,

qui

*De spect. c. 12**Epist. 55.**Lib. 14,**Lib. de Pudicia.**Lib. 6.*

qui tumultus in sanctos illos martyres in Amphiteatro Puteolano fuerunt excitati? Quoties in agone auidius eorum sanguinem, quàm bestiae tyranni sitierunt? Illud profecto doleo quòd locus hoc tēpore sentibus obsitus est; deberētq. fordibus à Neapolitanis purgari, vt tanti patroni, lateres, lapides, arena, porticus encomia & testimonium dicerent.

Ea de re haec habentur in eiusdem martyris officio; IANUARIUS Beneuenti Episcopus, Diocletiano & Maximino in Christianos saeuientibus, ad Timotheum Campaniae Praesidem ob Christianae fidei professionem, Nolam perducitur. Ibi eius constantia variè tentata, in ardentem fornacem coniectus, ita illaeus euasit vt ne vestimentum, aut capillum quidem flamma violauerit. Hinc Praeses accensus iracundia, martyris corpus imperat vsque eò distrabi quoad neruorum compages artuumq. soluantur. Festus interea Diaconus, & Desiderius Lector qui ad Episcopum suum visendum accefferant, comprehensi, & ipsi vinētiq. vna cum Episcopo antè rbedam Praesidis Puteolos pertrahuntur, & in eundem traduntur carcerem in qua Sosius Misenas, & Proculus Puteolanus Diaconi, Eutiches etiam & Acutius Laici ad bestias damnati detinebantur. Postero die omnes in Amphitheatro feris obiecti; quae naturalis oblitae feritatis ad B. Ianuarij pedes illièd prostrauere sese. Id Timotheus magicis cantationibus tribuens, cum sententiam capitis in CHRISTI martyres ferre non dubitasset oculis repente captus, orante mox B. IANUARIO lumen recepit, quo sanè miraculo hominum millia ferè quinque CHRISTI fidem susceperunt.

At verò quid de Puteolano Circo dubitabimus? Habuere & Baiae quò Nero Agrippinam ad ludos euocauit. Nec degentes Puteolis Imperatores, Romanis caruissent voluntatibus. Et semper in Graecis ciuitatibus Circi & Stadia. Habuerunt quoque suas venationes Circi. Liuius Censorius Carceres in Circo locasse scribit, è quibus veluti è Cauea bestiae mittebantur. Habuere & Gladiatores vt Forum & Septa.

Lib. II.

QVAE PVTEOLIS NOTATV DIGNA.

Cap. X.

In Romanos studiosi Puteolani.

*Tuscul. quest.
Pöpei: aegro-
at Neapoli.*



VM aegrotaret grauitè Pompeius Neapoli, *Neapolitani* (inquit Cicero) *coronati fuerunt. nimirum etiam Puteolani vulgò ex oppidis publicè gratulabantur. Ineptum sanè negocium, & Graeculum, sed tamen fortunatum.*

Licet conijcere, Puteolanorum nomine Baianos, Misenates coeterosq. intelligere, cum ait eos ex oppidis vulgò gratulatos esse. Coronati verò cum tibijs & cymbalis festū diem celebrabant, vt apud Athenaeum. Et Cicero ad Atticum lib. 14. ep. 14. *Coronatus Quinctus noster Parilibus.* Nisi ad sacrificia retulerimus, nam coronatos fuisse Sacerdotes dùm facerent docent Liuius & Plutarchus.

Lib. 8.

Annona.

Symmachus lib. 1. epist. 39. scribit, Puteolanis Municipibus D, Constantinum CLM. modiorum in alimoniam ciuitatis indulsisse, quae summa à D. Constante regente Remp. media parte mutilata est, postquam Cōstantius annonam Puteol. populi xxv. M. modiorum adiectione cumulauit; atq; ita factum esse vt C.M. modiorū eiusdem populi victus acciperet. Sed Iuliano moderatè Remp. cum Lupus Consulari iure Cāpaniae praesideret, Terracinenesium contemplatus angustias V. M. & DCC. modios Puteolanis derogans, Terracinēsium vsui deputauit. Classē Alexandrinam fortasse Augustus instituit quae quotannis frumentum adueheret. Suprà Senecae verba retulimus, *Alexandrinae naues apparuerunt.* de quibus Statius in Propertico Metij Celeris

*Terracinenfes
Puteolani.*

— *modò nam trans aequora terris*

Prima Dicarchaeis Pbarium grauis attulit annum,

Et cum Claudianus dixisset,

Tot mihi pro meritis Libyam Nilumq. dedere

Subdidit, *geminog. vicissim,*

Litore diuersi complerent horrea venti.

Colores.

Cùm de Sile colore loquitur Plinius, quo pingebant Polygnotus & Mycon, coeruleum quoque comemorat, quae arena est; cùmq. eius tria genera faciat, duo scribit esse Aegyptium & Scythicum, tertium Hispaniense & Puteolanum, arena ibi confici coepta. Mox de eius coloris vsu; *Idem & Puteolani vsus, praeterquam ad fenestras; vocant, Coelon.* Et lib. 34. c. 7. Purpurissum colorem Puteolanum potius quàm Tyrium aut Getulicum, vel Laconicum vndè practiosissimae purpurae. Causa est, quòd hyfgino maximè inficitur, rubiumq. cogitur forbere.

Lib. 23. c. 13.

*Coeruleum,
Puteolanum.*

Purpurissum.

Prodigia.

Anno ab V. C. 577. C. Claudio Pulcro, & T. Sempronio Graccho Coss. Puteolis duae naues fulminis ictu concrematae. Nefatium tunc oppidum Iulius & Manlius oppugnarunt. Mutila & Faueria vi captae. Ilienstes & Ligures, deuicti. Anno 618. in aquis calidis Puteolanis riui manarunt sanguine. Ab Achaeis exercitus Romanus caesus.

Ossa Gigantum.

Neapoli diximus ex Philostrato Gigantum ossa ostendi. Puteolanam fortasse Regionem cum Neapolitana coniunxit, quandò & Puteolis ea verè ostensa affirmant. Pomponius Laetus,

Hic quicumque venis stupefactus ad ossa Gigantum,

Disce cur Etrusco sint tumultata solo.

Tempore quo domitis iam victor agebat Iberis

F

Alcides

*Alcides , captum longa per arua pecus ,
Colle Dicarcheae clauaq. arcuq. Typhones
Expulit , & cessit noxia turba Deo.*

Capreis ostensa scribit Suetonius praegrandia belluarum membra quae ossa Gigantum dicerentur . Nec sibi persuadeant ij qui se Puteolos conferunt ossa, Gigantum esse, quae nunc Coeti in hortis Toletanis ostenduntur. Narrat tamen in Corinthiacis Pausanias in Aesculapij aedis porticu Balenae os ingenti magnitudine fuisse locatum.

Afiaticus libertus.

Vitellius Imperator magnam Imperij partem histrionum consilio administruit. Exprobrat illi Suetonius Afiaticum libertum, quem adolescentulum mutua libidine constupratum, mox taedio profugum, Puteolis poscam vendentem, cum deprehendisset, coniecit in compedes, & statim habuit in delicijs. Aureis praeterea donauit annulis, ut Icelum suum Galba. Et quamuis à Principe ius aureorum annulorum donari solitum, non tamen factum absque Equestris ordinis macula. Poscam, Loram multi suspicantur. Brodaeus in Miscell. Oxycratum Plinianum existimat, non Zytum. Res longe aliena.

Alexandrini.

Nautae Alexandrini, cum Augusto.

Augusto Puteolanum sinum praeteruehenti, nautae de naui Alexandrina quae tunc appulerat, candidati, coronatiq. thura libantes, fausta omnia, & eximias laudes congesserunt; per illum se viuere, per illum nauigare, libertate atque fortunis per illum frui. Qua re admodum exhilaratus, quadragenos aureos comitibus diuisit, & iusiurandum, & cautionem exegit à singulis, non aliò datam summam quam in emptionem Alexandrinarum mercium absumpturos. Distribuit togas & pallia. Romanis Graeco, Graecis Romano habitu & sermone uti permisit.

Pharus.

Pharus.

In portu Puteolano Pharum fuisse, Turrim scilicet ad praelucendum noctu, notat Plinius qui illud optimè nosse poterat, quippè Romanae Classis Praefectus fuit; *Vfus Phari nocturno nauium cursui ignes ostendere ad praenuncianda vada, portusue introitum; sicuti compluribus locis flagent ut Puteolis & Rauennae.* Neque Miseno defuit.

Adde Smyrnae Pharum celebrem. A Pharo aliqui, Menelai nauta nomen habuisse dicunt. Alexandrinam alij celebriorem duxere quae coeteris nomen indidit. Strabo So-
 Lib. 17.
 stratum Gnidium architectum eam aedificasse scribit cum hac inscriptione, Σώστρατος Κνίδιος Διεξιφάνους θεοῖς σωτῆρσιν ὑπὲρ
 Lib. 22.
 τῶν πλωζομένων; *Softratus Gnidius Dexiphanis Dijs Seruatoribus, pro nauigantibus.* Ammianus Marcellinus, à Cleopatra excogitatam scribit. A quo etiam dictum, *Et promontorium Cepas praelucētem nauibus uebens construet celsius turrim, quapropter Pharos appellatur.* Hegefypus; Pharos quasi Phanos ἀπὸ τοῦ φαίνομαι. Homeri Scholiastes, ἢ ἀντὶ τοῦ ἡλίου φησιν, ἢ εἰς φῶς ἦγαγε. *Quod pro Sole apparet, vel ad lumen agit.* Herodianus in Antonino harum turrium aedificium comparat Moli lignorum in qua fiebat Imperatorum consecratio, addiditq. φάρους δ' αὐτὰ πολλοὶ καλοῦσιν. Statius antiquā Pharum Neapoli commemorat,

Lumina noctiuagis tollit Pharos aemula Lunae.

Extat & noua. Lucas Biam annuente Federico I. aedificauit. Deinde à Ludouico Rege Gallorū qui sibi Regnum cum Hispano Rege diuiserat anno 1501. tradita Ioanni de Basso, Gallo viro. Cui paulò post, cū perduellis factus esset, ablata est. Anno tamen 1503. à Ferdinando Rege Catholico, data Benigno Egidio, vt eam ex Basso extorqueret, qui Gallorum partes sequutus Neapoli profectus erat. In Ioannis Vincentij, & Ioannis Baptistæ fratrum ex Egidia nobili & perantiqua familia hoc tempore est potestate.

Pharus Neapolitana.



Maria Puteolana.

Franciscus. Ambrosius. Andronicus.

Ep. 4. lib. 5. **E**T virorum & mulierum splendoribus Puteoli varia temporum vicissitudine fuerunt illustrati . Vnius tamen mulieris lumine inter Italas vrbes maximè enituere . Maria haec illa est Francisco Petrarchae cognita, alicui ex Amazonum vel ex bellatricibus Italis, duce Camilla, similis . Duo in ea non humili loco nata florere , robur , & castitas . Cohortis inter ciues dissidijs, & armorum flâmis vndique excitatis , virilem ipsa formam induit , & continenter armis testâ nullam subire pugnam inter bellatores recusavit , omnia adire pericula ausa est , adeoq. se formidabilem pugnando reddidit cùm prima in aciem prodiret , prima hostem prouocaret , prima telorum ingruentes ictus exciperet , vt nemo profectò cum ea congredi auderet . Cum finitimis bellum haereditarium deindè gessit tanta, & animi & virium pròptitudine , vt saepè sola hostibus timorem

rem incuteret. Frigoris, caloris, famisq. patiens sub dio pernox versabatur. Herbosum sibi cespitem vel clypeum sternebat, atque humi iacens robora ossibus conabatur addere duriora. Peruicax inter armatos semper viros versata est; tantumq. in ea virilitatis inerat, ut nemo vnquam eius attentare virginitatem ausus fuerit. Non telas (ut Petrarcae verbis utar) sed tela; non acus, & specula, sed arcus & spicula meditabatur; non illā oscula, aut proterui dentis vestigia, sed vulnera & cicatrices nobilitabant. Dūm pectebantur aliae & comebantur, dūm cincinnorū fimbrias madebant, horrido ipsa & inculto capillo confertam galeam exornabat. Dūm muliebribus coeterae adsuetae luxibus, perditae libidinis ostentabant ardorem, refecandae & coercedae ipsa petulantiae, varijs laboribus & exercitationibus edebat exempla, & flammās Cupidinis militari sudore restinguebat. Experiendae mulieris aliquandō cupiditas aliquos incescit, Puteolosq. profecti, ut aliquod suarum virium argumētum ederet obsecrarunt. Graue saxum & ferream trabem insit afferri, quae cum in medium proiecisset, ut tollerent hortata est. Diutius inter competitores certatum. Ipsa facili iactu, cunctis facilē antecessit. Quae nam tamen in muliere excelsior virtus, quā inter armatos viros perpetuam virginitatem tueri? Habent quid viraginis mulieres Puteolanae, quae cū excellant forma, sanctam tamen student seruare castitatem. In hoc quidē plurimū laudandae quod ad Romanas vini abstinentia accedunt.

Franciscum Puteolanum Beroaldi praeceptorem, ipsemet maximē laudat, cū multa doctissimē scripserit. Ambrosium vetustissimum medicum celebrat Marcellus. Et Andronici meminit Cicero ad Atticum, quo familiariter utebatur. Caij praenomen tribuit. Tūm praeterea Pherionum familiae, cuius consuetudinem, de qua scripserat Atticus, valdē se risisse idem significat, *Itaq; ioca tua plena facetiarū de baeresi Vectoriana, & Pherionum more Puteolano risisse me satis, nihil est necesse rescribere.*

Lib. 5. ep. 15.

Lib. 14. ep. 14.

HORTI CLUVIANI, PILIANI, LENTULANI, Ciceroniani, Toletani. Cap. XI.



ORTOS Cluuianos, Pilianosq. memorat Cicero ad Att. lib. 14. *Quinto nonas cōscendēs ab hortis Cluuianis in phasylum episcopiū, has dedi literas cūm Piliae nostrae villam ad Lucrinū villicoq. procuratores tradidissē.* Et lib. 15. ep. 1. *Lentuli hortos; Lentulus Peteolis inuentus est vix, in hortis suis se occultans. Quorum amoenitate ductum arbitror dixisse; In Puteolana & Cumana regna nauigare. O loca coeteroqui expetenda, interpellantium autem multitudine penē fugienda.*

Ciceronis
Academia.

Lib. 31. cap. 1

Hortos inter hos praeclaros Ciceronianos Academia & balneo nobilissimos adnumerato. Redolet locus adhuc Hermatenas, Mineruas γυμνασιώδην, Signa Megarica, Pentelicianos Hermas cum capitibus aeneis. Adhuc ferē deambulātes in Xysto cernimus, tūm de philosophia disceptantes, tūm victorem belli ciuilis Caesarem, & Augustum Imperij propagatorem, praeter coeteros qui tanti viri desiderio tenebantur, ibiq. Romam esse censebant, vbi Cicero comorabatur parens Romanae eloquentiae. Haec autem Plinius; *Digna memoria tu Villa es ab Auerno Lacu Puteolos tēdentibus imposita littori, celebrata porticu, quam & vocabat M. Cicero Academiam ab exemplo Athenarum, ibi compositis voluminibus eiusdem nominis; in qua & monumentum sibi instaurauerat; ceu verō non in toto orbe terrarum fecisset. Huius in parte prima exiguo post obitum ipsius, Antistio Vetere possidente, eruperunt fontes calidi salubres oculis, celebrati carmine Laureae Tulli, qui fuit ē libertis eius,*

Quo tu Romanae vindex clarissimae linguae

Silua loco melius surgere iussa viret.

Atque Academia celebratam nomine Villam.

Nunc reparat cultu sub meliore Vetus.

Hic etiam apparent Lymphae non ante repertae

Lan.

*Languida quae infuso lumina rore leuant.
Nimirum locus ipse sui Ciceronis honori
Hoc dedit, hac fontes cum patefecit ope;
Vt quoniam totum legitur sine fine per orbem,
Sint plures oculis quae medeantur aquae.*

C. Antistius Vetus, qui Caesaris partes bello civili sequutus fuerat, post Ciceronis caedem, villam possedit. Ibiq. M. Tullium Tironem Ciceronis libertum usque ad C. annum consenuisse scribunt Eusebius & Isidorus, ibiq. tribus libris Ciceronis vitam fuisse complexum, scribit Asconius Pedianus. Hoc sibi tribuant Puteolani, Puteolanam Academiam nihil Atticae cessisse, & Platonis aemulatorem Arpinatem Philosophiae latices in eo gymnasio, in ijs horis aperuisse, & in eam Villam Musarum omnium domicilium esse traductum. Non itaque Vrbs feliciora sua prospectauit Rostra, quam Dicaearchia porticus Ciceronianas. Nec feliciorem Romam appello quoniam Patrem patriae coluerit, quam Puteolos, qui Academiae cultorem fuerint venerati. Hoc tamen luceant, quod eloquentiae locus, ouium balatum, & pastorum iurgia resonat, & tanti viri voces inter vepres perierunt. Dum littori villa imposita erat, ut ait Plinius, mare nunc recessisse cognoscimus, propterea quod Toletanus ager mari eo tempore erat perfusus. Aedificij amplitudinem, id quod parietinarum reliqui est, patefacit. Hodie, Cicerones, vocant. Repetere haud piget, Adrianum Imperatorem, cum Baijs obijisset, in hac Villa fuisse sepultum; & Antoninum, sepulcri loco, templum ibi aedificasse.

*Antistius ve-
tus.*

*Tiro libertus
Ciceronis.*

Celebres adde his hortos quos Petrus à Toletto exaedificauit, quando reuocatis Puteolanis qui terrae motu perterriti, prorupto cinereo monte, in alias sedes commigrarunt, vrbis frequentiam restituit. Aquam perennem perduxit, quae & si calidam bibentibus se offert, (calidiorem inter ignes existimarem) saluberrimam tamen degustadam obijciunt terrae venae per quas fluit. Sed optimus Prin-

*Horti Tole-
tani.*

ceps

ceps sitientes accolas publico fonte recreauit. Hortis hoc
inscriptum epigramma,

PETRVS TOLETVS MARCHIO VILLAE FRAN-
CHAE CAROLI V. IMP. IN REGNO NEAP. VICA-
RIVS VT PUTEOLANOS OB RECENTEM AGRI
CONFLAGRATIONEM PALANTEIS AD PRI-
STINAS SEDES REVOCARET HORTOS PORTVS
ET FONTES MARMOREOS EX SPOLIIS QVAE
GARSIA FILIVS PARTA VICTORIA AFRICA-
NA REPORTAVERAT OTIO GENIO Q. DICAVIT
AC ANTIQVORVM RESTAVRATO PVRGATO Q.
DVCTV AQVAS SITIENTIBVS CIVIBVS SVA
IMPENSA RESTITVIT AN. A PARTV VIRG.
M. D. XL.

*Garfias To-
letanus.*

Ex ijs spolijs quae Garfias ex Africa attulit, columella
marmorea Puteolos allata, quae Arabum more, vndique
eorum characteribus inscripta est. Addidit his hortis Pe-
trus, villam complanatam, arboribus consitam, vitibusq.
refer tam, longo muro perducto, quae Ciceronis villae su-
biecta est.

Quis autem locus Puteolis est qui amoenissimos hortos
non referat? Pomona cuiusvis generis fructus Neapolita-
nis indè suppeditat. Ficus praecoces optatissimos, prima
aestatis munera affert. Quid Ficus? Fragas, Pifa, Fabas,
quicquid intèpestium horti possunt afferre. Vuarum plu-
rima genera ex quibus vinum conficitur ad Falerni suaui-
tatem accedens. Cimae, Cumanis gloriam eripuerunt. Pru-
nis, pyris, malis, coeterisq. fructibus, iumenta, cymbas
onerant. Vndique solum fructibus, oleribusq. redundat.



VULCANI FORVM. Cap. XII.

STRABO de Puteolis loquutus, mox subdidit; ὑπέρκειται ἢ τῆς πόλεως ἰσθμὸς ἢ τοῦ Ἡραίου ἀγορὰ, πεδῖον περικλεισμένον διαπύροις ὄρεσιν, καμνῶδεις ἐχούσαις ἀναπνοὰς πολλαχού καὶ βρομῶδεις ἱκανῶς. τὸ δὲ πεδῖον θείῃ πληρὴ ἐστὶ σурτου. Rectè super hanc urbem situm est Forum Vulcani, campus circumquaque inclusus supercilijs ignitis, quae passim t̃aquam e caminis incendium magno cum fremitu expirant. Campus autem sulphure tractili est plenus. Ideòq. Vulcani antrū Hieram nominat Iuuenalis

*Vulcani an-
trum Hieræ.*

ἢ Aeolij vicinum rupibus antrum

Vulcani

Et Vulcanias insulas existimant per occulta commercia aut mutuari Aetnae incendia, aut subministrare. Et Solinus, Vulcano Aetnam sacram dicit.

*Vulcanias
Insulae.*

Leucogei montes ab albedine dicuntur. Et vltra Salerninos idem Strabo collocat Leucam oppidum, vbi foetidae aquae fons, quod Gigantes qui è Phlaegra Cāpaniae eua-

*Lib. 6.
Leucogei
montes.*

G ferant

Phlaeagra. ferant eò vsque ab Hercule fuere exagitati, ibiq. terra obruti, & ex eorum sanie scaturigo enata; ideò Leuterinos eos esse dictos, & eam maris oram Leuterinā vocari. Campos tamen Phlegraeos Diodorus Siculus in Vefuuio collocat. Theagenes & Eudoxus, in Pallene Thraciae vrbe. De qua sic Stephanus, *Παλλήνη δ' ὅτι χερρῶν σος πηγῶνος, τὴν βάσιν ἔχουσα πρὸς μισημβρίαν ἑσραμμένην. ἐκαλεῖτο ὃ φλέγρα τὸ παλαιόν, καὶ ὠκεῖτο ὑπὸ τῆς γιγάντων καὶ τῆς θεῶν καὶ τῆς Γιγάντων μάχης ἐν ταύτῃ μωβδεταί θυεῖδε.*

Pallene. Veteri igitur nomine Phlaeagra Pallene vocabatur, eamq. tenuerunt homines, quibus immanitas & superbia morum,

Gigantes. Gigantum cognomen peperit. In hos innuente proelium

Hercules. Hercule, fulmina de coelo missa sunt, donec ij fugere coacti sunt, & ingenti victoria superati. Ex hac re rumor in vulgus ortus est, Gigantes Dijs bellum mouisse. Idq. ij auctores fictum asserunt, quoniam ea regio plurimo sulphure scatet. Et quoniam *φλέγειν* exurere, & ardere significat, quicunque locus sulphur nutrit, *φλέγρα* dici potest. Eandem fabulam ob sulphureos ignes, Vefuuio, & Puteolis accommodarunt. De Vulcani foro sic cecinit Petronius Arbitr,

*Est locus exciso penitus demersus biatu
Parthenopem inter magnaq. Dicharebidos arua
Cocyta perfusus aqua. nam spiritus extra
Qui ferit effusus, funesto spargitur aestu.
Non haec autumnus tellus viret, aut alit herbas
Cespitae laetus ager; non verno persona cantu
Mollia discordi strepitu virgulta loquuntur;
Sed Chaos, & nigro squalentia pumice saxa
Gaudent ferali circumtumulata cupressu
Has inter sedes Ditis pater extulit ora
Bustorum flammis, & cana sparsa fauilla.*

Lib. 17.

Et Silius, ——— illic quos sulphure pingues
Phlegraei legere finis ———

Et Cornelius Seuerus, ——— Neapolim inter

*Et Cumas locus est, multis iam frigidus annis
Quamuis aeternum pinguescat ab ubere sulphur.*

Et

Et Claudianus.

*Omnia monstrifero complebat tartara coetu
Inuisum genitura nefas. Phlegramq. retexit
Tanta prole tumens, & in acbera protulit hostes.*

Planus quidem locus est, ouali forma, theatrum ostentans. M. CCXLVI. pedum longitudo; M. & eo amplius, latitudo metitur. Alti cadentesq. eum colles ambiunt, ex quibus vndique atrae fumidaeq. exhalationes erumpunt, quarum sulphureus odor, ventorum impetu saepè Neapolim vsque deferitur. Aluminis & Nitri venis foecundi. Fossum tamen ignibus depastam in vallem subsedisse dicas. Crepitat sub pedibus solum, aquasq. igne mixtas per tubos fluentes emittit. Idcirco ea re saepè commoueor, quòd facillimè ibi veluti in Xysto quamplurimi deambulare gestiunt, quasi verò non illicò possit ignis effervescere, & hiatu in subterraneas scrobes terra deglutire. Ad duo millia ignearum scrobium numerantur, ex quibus fumus sulphureus, aluminosus, salis armoniaci, atque aliorum mineralium exhalat, qui frigidis atque humidis morbis salubrem solet afferre medicinam, Quamobrem mensibus Maio & Iunio, superiori etiam aetate Aprili, nunc vero Iulio, non modo ex Neapolitano regno sed vndique ex Europa morbo affecti accedunt. Atq; dignum illud visu esse solet, quo quisq; modo affecti corporis partibus fumum auribus, oculis, alijsq. membris applicet; utq. calefaciat & non vrat; à quo ramen graciles arcentur & sicci quibus non inest humor, quem sulphur elicit. Coeterum nervos emollit, visum acuit, lacrimas vomitumq. coercet, capitis & stomachi dolores aufert, steriles foecundat, febres cum rigore accedentes tollit, infectaq. scabie membra purgat. Audiamus vero Elisium; *In summitate montis qui ciuitati Putolorum praeminet, planicies maxima adhuc quasi tota circumdata montibus, ex quibus extrahitur innumerabilis thesaurus ex sulphuribus, & aluminibus, & vitriolo, qui ex lapidibus ex terra ipsius montis fiunt. Et ibi quaedam aqua nascitur, quae cum maximo impetu bulliens,*

*Vulcani fori
descriptio.*

in altum saepe ad duas, & aliquando tres cannas eleuatur. Et in hac planicie montis quamplurima fiunt naturaliter foramina, ex quibus maximus & impetuosus exhalat fumus, ut si in eadem foramina lapis etiam magnus proieciatur, impetuositate & potentia fumi reijcitur, & quae sequuntur. Notentq. illud curiosi,

Sulphuris cultura.

cum fumus ex terrae visceribus exhalet, totusq. sulphur dignoscatur, accolae diligenter terram vndiq; ferro vertere, vt cum ea fumus ille misceatur, eamq. ab Ianuario mēse ad Octobrem huiusmodi colere, veluti hortos consueuerunt.

Chimica.

Inde in vas sulphur excipiunt, quod ferè aureum per orbis terrarum regiones diuenditur. Cūmq. eliciantur singulis annis triamillia pondo, decima pars ad Episcopum Puteolanum pertinet. Elicuit indè Leonardus Vairus cum vitreo vase aquam, ardenti similem, quae ad dentium dolorem atq; candorem plurimum confert, si tamen illicò dentes vino vel naturali aqua lauentur; sin secus pallentes euadent. Oleum quoq; sulphureū effecit, quod cicoreae aquae infusum, febribus prodest. Metalla fumus ille xxxi i i i. horarum spacio dissipat, atque in album cinerem conuer tit.

Sulphur ad dentium dolorem & candorem.

Metalla à fumo sulphureo dissipantur.

In dissipando auro, diuturniori tempore opus est. In scrobibus, Sal armoniacum album, aliquandò fuluum est, quo vtuntur ij qui argentariam faciunt. Pertinet quoq; ad Episcopum. Aquae praetereà conspiciuntur albae, nigrae, fuscae, quae tanta vi pollent, vt subitò carnes exedant, quod paucos abhinc annos Germano cuidam accidisse scimus, qui temerè in ea se loca equo iniecerat. Haec quidem per terrae meatus ad littus Puteolanum scaturiunt, ibidēq. prodesse volunt; quippè aegrorum multitudo arena obruta, ea potissimum quae articulorum doloribus laborat, paucorum dierum spacio sanitatem adipiscitur. Testem affert Episcopus Puteolanus Cardinalem Sauellum (dùm Nuntius Neapoli commorabatur) manibus, pedibus, capite affectum, à quo morbum ea arena longissimè expulit.

Aquae sulphureae.

Nec praetermittendum sulphur illud quod non igne excipitur, sed in terrae cauernis reperitur, quod virginem appellant, mulieribus ad flauos capillos comparandos esse familiare; quod ouo immixtum si quis sorbuerit, splenis dolorem sanat, licet & coetera sulphuris genera id efficiant. Praeterea, sulphureum oleum in vase vitreo sigillo Hermetis cooperto, igne adhibito, durum euadit. Fracto vase, & sulphure in humido loco posito, aqua efficitur. Idemque septies cum factum fuerit, tandem liquidum sulphur obdurari amplius nequit. Chemicis rebus utilis medicina. Quod si lixiuium paraueris cum calce virgine & cinere, atque in coferbuerit sulphur, ut combustibili pinguedine exuatur, sulphur deinde siccum in vase vitreo cum aqua ardenti ex salnitro, vitriolo Romano, & alumine effecta posueris, quod cum suo recipiente constituatur, mox quatuor vicibus sulphur, ea aqua maduerit, in humido loco relictum, oleum euadet, & omnia quae cum eo in aqua inuoluta fuerint, à putredine erunt aliena.

*Sulphur virgo**Oleum sulphureum.**Sulphur ex lixiuium.*

Alumen.

Ad montis huius radices quàm Orientem spectat, ex lapidibus Alumen conficitur quod optimum in toto terrarum orbe existimatur. Scissile reperies & lapidosum. Xenodochio Reges derogarunt, in D. Martae, & D. Annuntiatae postea erecto. Pars altera nescio quo pacto ad Ioannem Mormilem deuenerat, qui ea loca Petro Stephano xxx. M. aureorum vendidit. Ne verò Aluminis redditus, qui à Romana Curia percipitur, diminutio fieret, opificibus interdixit potifex ne ad ea loca accederent. Deinde à Pio iv. M. & cc. aurei Mormili & Stephano singulis annis soluti sunt, ne ex ijs locis Alumen eliceretur. Mox Gregorius xii. ut solutionem annuam abrogaret, ijsdem xxv. millia aureorum soluit, cum interim Xenodochij Aeditui nunquam se eo opere detineri velle iurassent.

*Ioannes Camillus Mormilis.**Petrus è Stephano.*

Con-

*Alumen quo
pacto conficitur.*

*Alumen Ser-
rium.*

Conficiendi Aluminis rationem explicat Bellonius cum de Cypsella antiquissimo Thraciae oppido loquitur, quod Chapsylar dicitur à Graecorum & Turcarum vulgo. Erui-
tur ad Serrij montis radices vena. Lapides ibi praeduri mal-
leo & cuneis sunt perfringendi. Vrantur veluti gypsum &
calx. In tuguriolis postea alvei lignei defossi sunt in quibus
lixivium infusum relinquitur, donec Alumen in glaciem
coeat. Ex combustorum lapidum cineribus lixivium con-
flatur. Leui tamen flamma lapides vstulati, duri permanent
ac si nullam ignis sensissent iniuriam. Aliquot dies sub dio
permanentes, nocturno rore & diurna pluuia huiusmodi te-
nerefcunt, vt breui in cineres resoluantur. In cineres tan-
dem vel naturali, vel artificiali pluvia redacti, decoquuntur
in lixivium, quod in quadratos alueos ligneos, vel fictiles
ollas effusum, decem aut duodecim dierum spacio coit, &
congelatur. Diciturq. in Italiam aduectum, Alumen Les-
bium, siue Metelim. Reperitur album & rubrum. Ex Alumi-
nis spuma, massa rubra fit qua pictores vtuntur. Cum eo
quoque conuenit id quod ad Tolsam conficitur sub Ponti-
ficum potestate. Ad montis tergus in Ioannis Vincentij de
Ponte fundo, vena quoq; reperta in qua sunt lapides alu-
minosi; & cum decimam Ecclesiae Puteolanae soluere re-
cusaret, ad Regij patrimonij Praesides confugit Episcopus.
Ij vero, quod huiusmodi lapides ad Reges pertinet, quodq.
Ioanni Vincentio ab Regibus mons non esset delatus, in
Patrimonium montem illum erogarunt.

*Alumen Fi-
sco debetur.*

Sal, Chalcantum, Nitrum, Chalcitis.

In montis culminibus albam quamdam reperies materiam
quae salem maximè sapit. Haec alibi pedem habet altitu-
dinis, alibi vero duos tresue digitos. Pellionibus vsui esse
solet. Salnitrum ille non est, nec Alumen, nec Sal armonia-
cus. Conficitur tamen ex eo aqua quae characteres ex pa-
gina delet, quam penitus consumeret, nisi naturali aqua
con-

conspargeretur.

Chalcantum vbique in montis ambitu reperitur, quod Romano melius esse arbitrantur. Pellucidum est & sapphiro simile. Et ex Chalcanto percolat aqua crurum vlceribus perutilis. Dentibus quoque prodest, aeris venae argumentum. Id enim vox apud Graecos sonat, χαλκας ανθος, flos aeris. In medio monte album, & rubrum Nitrum habes. tum etiam Chalcitim, qui Chalcantum rubrum creditur.

Ignis & aqua simul coeunt.

Dionis in vita Augusti verba libetissimè adscribam, tum quòd ea loca se vidisse testatur, tum quòd neminem inter inter scriptores ea de re nactus sum doctius differentem; τα δ' ὄρη ταῦτα πρὸς ταῖς ἑνδον θαλάσσης ὄντα, πηγὰς πυρότε ἀμα πολλοῦ καὶ ὕδατος συμμηγούσας ἔχει, καὶ αὐτὸ μὲν καθ' ἑαυτὸ ἑκάτερον ὕδατος ἐνυρίσκεται (οὔτε γὰρ πῦρ αὐτὸ, οὔθ' ὕδωρ ψυχρὸν αὐτὸ φαίνεται) ἐκ δὲ δὴ τῆς ὁμιλίας φασὶν τοτὲ ὕδωρ θερμίνεται, καὶ τὸ πῦρ ὑγρίνεται. Καὶ ἐκεῖνο μὲν πρὸς τὴν θάλασσαν διὰ τῶν προπόδων εἰς τὰς διεξαμένας χωρεῖ τὴν δ' ἀτμίδα αὐτοῦ εἰς οἰκήματα μετέωρα διὰ σολωνῶν ἐνάγουσι καὶ ταῦτα ἀντίπυρῶνται. ὅσα γὰρ ἐν ἐπὶ πλεον ἀπὸ τῆς γῆς καὶ ἀπὸ τοῦ ὕδατος ἀναδράμει, ξηρότερα γίνονται. Hoc est; Nam in his montibus quos iuxta sinus maris paulo ante dictum est, fontes sunt ignis & aquae plenissimi; & qui confluit ex altero separatim omnino nullus inueniri potest. Nec verò per se ignis aut aqua frigida esse videtur, sed quia commiscetur aqua calida, & ignis quodammodo humidus est, atque cum aqua per canales in cisternas influat, eius vaporem ij qui ea loca incolunt, inducunt per tubos in altissima domicilia, ac postea calefunt in illis. Nam is vapor quanto longius à terra absuerit & ab aqua, tanto magis exiccatus & aridus est. Physicam deinde rationem exprimit, & terrae natura effici scribit, vt mons igni exuri non possit, quippe vim eius & flammam contraria vis aquae, quae cum eo commiscetur, restinguit. Sed cum ignis, ea quae proxima sunt dissipet atque consumat, fieri vt ea pars terrae quae mollis & humida est, calore liquefacta & dilapsa diffundatur; quae verò aspera est & dura, consistat. Ex quo necessarium esse in glebis eius terrae cauernas existe-

re,

re, quasi in locis aridis collocatae fuerint, in puluerem rediguntur; coniectae autem in aquam & mixtae puluere, consistunt, atque adeò quandiù in aqua sunt, concrescunt magisq. obduratur. Cuius rei causa afferri potest, quòd ea pars quae arida est, igni augetur propter naturae similitudinem, ab eoq. frangitur; sed admixta re humida, ita refrigeratur, vt propterea crescat, atq; omnino consolidetur.

Relatio.

Quamuis physicè loqui delectet, arbitror tamen ignes, calidas aquas, sulphur, & bitumen Pureolana, atque ea quae in alijs locis constituta narrantur, ad Christianorum fidem confirmandã, ad nocentibus tetrorem incutiendum, ad hæreticorum audaciam compescendam propagari. Discant stolidi, obtusae mentis homines, eruginem hoc igne tandem aliquandò purgare. Discant qui prauis opinionum erroribus detinentur, Inferni, & Purgatorij ignes confiteri, quos vbique Deus maximus rerum opifex hominibus obijcit, vt à gehennae angustijs & laboribus lōgè studeant esse alienos. In Vulcani Foro daemonibus vexari saepè testantur Sacerdotes Capuccini qui aedem D. Ianuarij incolunt. Voces atque vlulatus, tum terrificos rerum motus exaudiri consentitur. Appulus quidam iuuenis, qui studijs Neapoli operam dabat, xxi i i i. annum agens, quòd ferè de suis fortunis desperauerat, Diabolum nactus, eius verbis audiens fuit, qui iuueni persuaferat, vt chirographo sanguine suo scripto, se totum eius potestati deuoueret; effecturum se breui vt amissa bona recuperaret. Amentia ductus iuuenis, fidem praestigiatori adhibens, chirographum scripsit in Vulcani Foro, quò noctu profectus fuerat. Ibi daemonum multitudine perterritus, Capuccinos adiit, & cum caenobij Praefecto quae fecerat, quae acciderant, communicauit. Praefectus omnia ad Episcopũ retulit. At Episcopus religioni totus incumbens, Romanum Pontificem

*Daemones in
Vulcani foro.
Capuccini.
Aedes D. Ianuarij
Iuuenis à Diabolo
deceptus.*

eam

eam rem est monitus. A quo iussum ut iuuenem in carceres raperent. indeq. triremium poena damnavit. Idem Episcopus qui haec mihi retulit, in balneo Hortodonico vnde ad sulphureos ignes etiam descendunt, à plerisque cognovisse affirmavit, luctus ibi maximos & gemitus saepenumero exaudiri, & locum similem illi facit in quo Gregorius Pontifex Pascaſij animam à Germano Episcopo inuentam tradit, ideòq. Purgatorij locum nominat. Eiusmodi loca Purgatorij appellat Sigebertus in Chronicis, quae Ollae Vulcani ab accolis vocantur. Quod cum cuidam religioso viro Hierosolymis in Siciliam profecto retulisset quidam ciuis à quo fuerat hospicio acceptus (Ansfrido monacho ab Eremita quodam relatum scribit Tritemius) animas defunctorum diuerſa ibi pro meritis supplicia luere, & daemonum voces audiri, & per eleemosynas & praeces fidelium animas ab ignium flammis erui, idq. à peregrino Abas Odillo Cluniacensis accepisset, veluti Cal. Nouembris omnium Sanctorum festum celebratur, ita & sequenti die omnium defunctorum memoriam per sua monasteria instituendā curavit, qui ritus ad Ecclesias transiens, sollemnis factus est.

*Purgatorij
icla.
Ollae vulcani.
anno 998.*

*Ansfridus mo-
nachus.*

Abas Odillo.

Petrus Damianus Episcopus Ostiensis & Cardinalis, ab Umberto Archiepiscopo ex Apulia reuertente audiuisse refert, in regione Puteolis adiacente, inter aquas nigras & foetidas promontorium eminere saxosum, ex quibus teterimae videbantur auiculae repente consurgere quae à vespertina Sabbati hora vsque ad ortum secundae feriae solitae essent humanis aspectibus apparere, per montem spaciari, alas extendere, pennas rostro prosequente despectare, quae nec vnquam vesci viderentur, nec vllò aucupis ingenio posse capi. Aduenientem deinde coruum post eas auiculas crocitare, quamobrem & illae aquis sese immergerent. Perhibere (ait) nonnullos, eas hominum esse animas vlticibus gehennae supplicij destinatas quae nimium reliquo totius hebdomadae tempore cruciantur, Do-

*Petrus Da-
mianus.
Umbertus Ar-
chiepiscopus.*

Sabbatum.

minico autem die , pro Dominicae Resurrectionis gloria , refrigerio fruuntur, quod Prudentius testatur in hymno v. ad Incensum Cerei Paschalis,

*Sunt & Spiritibus saepe nocentibus
Poenarum celebres sub Styge feriae,
Illa nocte, sacer qua redijt Deus
Stagnis ad superos ex Acheronticis.*

*Desiderius
Abbas.*

Asserit praeterea idem Damianus , à Desiderio Abate Cassinensis Monasterij hanc opinionem fuisse reiectam, cum eius scripta legisset. Sed cum Umbertus dixisset se id accolis relaturum, rem neq; affirmare, neq; negare eum voluisse.

*Viso quae-
dam.*

Idem in Epistola ad Damianum Loricatum, ab eodẽ Desiderio qui Romanus Pontifex Urbanus Secundus fuit, accepisse tradit, seruum Dei Neapolitanae regionis in praerupta rupe ad viam publicam habitasse solitariam vitã degentem, eumq; nimirũ dũ diuturno tempore psalleret, & fenestram cellulae horarũ explorator aperiret, vidisse multos nigros homines veluti Aethiopes iter carpere, & longo tractu sarcinas ferentibus comminari. Et cùm ab ijs percunctatus esset, qui nam gentium essent, & qua de causa iumentorum pabula deuectarent? malignos respondisse spiritus esse, qui non pecoribus pabula, sed hominibus fomenta pararent ignibus comburendis. Citat Illustriss. Cardinalis Baronius: Ad Principem Capuae Pandolphum, & Ioannem Ducem Neapolitanorum ea transferre videtur, vt Principes ad inferos condemnatos ostenderet. Quapropter Ioanne mortuo Vesuvium in flammis erupisse narrat, vidẽ videlicet gehenna frequenter eructat.

*Tom. 10.
Pandulphus
Capuae Prin-
ceps, Ioannis
Dux Neap.*



Diui Ianuarij martyrrium.

Quid verò Vulcani Forum tot rerum miraculis celebramus, quod Ianuarius & socij inter CHRISTI heroes celeberrimi martyrij lumine illustrarūt? Post tot amoris & fidei Christianae argumēta quae praeclara edidit Ianuarius tandem à Timotheo anno salutis 305. vel vt alijs placet 399. xiii. Cal. Octob. ad eum locum ductus, capite mulctatus est. Atque tantum facijt in Sanctum martyrem carnifex, vt cum capite supplicum manuum etiam digitum obrunauerit. Sanguinem nobilis quaedam mulier quae spectaculo inrerfuit (quam Neapolitanam fuisse docuit Gabriel Lotterius Theatinus Sacerdos doctrinarū omnium varietate ornatissimus) in duabus ampullis vitreis summa cum charitate seruandum curauit, in altera puriorem, in altera sanguinem cum palea mixtum.

Proxima nocte cum multi ex Christianis in vicina sese loca abdidissent, vt Sanctorum eorpora tollerent & sepelirent, & Misenates suum Sosium, Puteolani Proculum, Eutichetem,

Illustrarunt

*D. Ianuarij
martyrium.*

*Sanguis D.
Ianuarij.*

*Christiani ob-
seruans ma-
tyres.*

tichetem, Acutium, Beneuentani Festum, Desiderium, Neapolitani Ianuarius obseruarent, Neapolitano cuidam apparuit Ianuarius, dixitq. *Frater, cum corpus meum tuleritis, & digitum manus meae illo in loco exilisse cognoscite, requirite eum, & pariter cū corpore meo ponite, vt in eius Actis, quae in sacris Neapolis & Campaniae monumentis accuratissimè refert Bartholomaeus Chioccarellus. Quod sūma charitate Neapolitani exequuti sunt, corpusq. cum capite & digito in loco quem Marcianum dicunt, sepultura honestarunt.*

Seuerus Antistes Neap.

Aliquot post annos Christianorum persecutionibus restinctis, cum eius rei fama iam inde percrebuisset Seuerus Neapolitanus Antistes indè Neapolim corpus transferendum decreuit, & cum clero & populo hymnos concinente, eò profectus, sanctis repertis relliquijs, quanta omniū animi laetitia fuerint perfusi, quantum sibi gloriae & honoris comparasse praedicauerint, quis narrabit? Laetitiae tamen & gloriae maior accessio facta est, cum mulier quae sanguinem seruauerat, Seuero illum libentissimè obulit, qui cum ad capitis corporisq. prospectum positus esset, obduratus antea; subitò mollitus est. O praeclarum sanctarum Relliquiarum miraculum. Accedant haeretici; explorent, obseruent, stupeant, & fidem catholicam miseri amplectantur. Ianuarius ad probandam fidem vnus satis esset. In eius sanguine, omnium sanctorum martyrum sanguis videtur esse concretus. Liquatur sanguis; corda liquentur necesse est. Motus in sanguine diuinitus excitatur, quid tandem infidelium corda ad Romanae Ecclesiae veritatem, & pietatem non excitantur? Sertibus redimiti, floribusq. ornati Neapolitani cum admirandis Relliquijs laetissimi ad urbem rediere. Illustrior quàm quoscunq; vidit Capitolium, hic triūphus habitus est, & magis quàm fasces Imperium, sanguis & corpus beati Martyris Romanam Ecclesiam exornauit, Neapolim locupletauit, Christiani nominis orbem

Sanguis S. Ianuarij.

Translatio S. Ianuarij.

bem amplificauit . Hinc factum est deinceps vt mense Maio, primoq. eius mensis Sabbato, quando hoc festum celebratur, Sacerdotes circumferentes per ciuitatem relliquias floribus redimiti incederent . Quem tamen morem sancta antiquauit Ecclesia.

Seuerus in aede ab ipso condita, quae ad mille passuum extrà ciuitatem aberat, relliquias condidit sub Constantino . Licet Ioannes Diaconus in Episcoporum Neapolitanorum Chronicis, tantae sepulturae Ioannem Episcopum Neapolitanum interfuisse, & manibus suis in eadem aede condidisse dicat . Quod vero simile hand est, quandò asserit eundem sub Damaso, & Siricio Pontificibus floruisse
x i i i i . Neapolitanae Ecclesiae Antistitem, & tamen eius martyris translatio Puteolis facta est, subito Diocletiani & Maximiani persecutionibus restinctis vt diximus, florentibus Siluestro Pontifice, & Constantino Imperatore quorum viguit Seuerus aetate, veluti ex eius & Ianuarij constat Actis.

*Sepultura S.
Ianuarij.*

Neapoli à Sicone Beneuentanorum Duce qui eam urbem maxima obsidione occupauerat, eius martyris corpus anno 818. ab ea quam diximus aede à Seuero aedificata ereptum est, ductumq. Beneuentum, vbi in maiori ecclesia cum sanctis Festo & Desiderio cōiunxit, vt Herempertus in Longobardorum Historia, & Leo Ostiensis scribunt, quos tamen Beneuentum transfulerat Cyphius Senator .

*Sico Dux Beneuentanorū
absulit D. Ianuarij corpus.*

Lib. 1. c. 12.

Annum circa 1154. cum Gulielmo 1. Beneuentum maximo cum exercitu recuperaturo, S. Amatus Montis Virginis monachus, & S. Gulielmi eius monasterij fundatoris discipulus victoriā prædixisset, pollicitus est Rex victoriae Mōtis Virginis Ecclesiam participem facturum . Qua consequuta, multa Sanctorum corpora & relliquias quae Beneuenti reperit, ijs dono dedit. Et quamuis Sanctorum nomina in vita S. Amati, & in eius loci Historia reticeantur, coniectura tamen praeuidemus tunc martyris Ianuarij corpus

*Ad Montem
Virginē translatum.*

pus

*Ab Oliuerio
Carrafa Nea-
polim ductu.*

pus eò fuisse traductum. Anno postea 1497. ab Oliuerio Carrafa Cardinali, & olim Neapolitano Archiepiscopo impetratum ab Alexandro VI. Pontifice vt in Basilicam Neapolitanam transferre liceret, quod Alexander Carrafa Oliuerij frater Neapolitanus tunc Archiepiscopus, sollempni celebritate fecit, vbi tandem cum ingenti Neapolitanorum gloria Urbis defensor, ciuium adiutor & consolator requiescit.

Aedes D. Ianuario à Neapolitanis Puteolis condita.

Aedes ibidem à Neapolitanis Puteolis est condita anno 1574. vbi aedicula priùs erat, cum marmoreo Ianuarij capite, quod hoc tempore in noua aede cernitur, & ob antiquitatis religionem veram Martyris esse imaginem arbitrantur. In ea cōmorantur Sacerdotes Capuccini, qui tanto cultu locum auxere, vt apertè confiteantur Puteolani, terraemotus maximos quibus vehementer afflictabantur, eorum aduentu planè desijisse. Ipse illud videns animaduerti, in eo horrido loco suauissimos fructus enasci, & inter ignes hortorum delicias multa commoda elargiri. Vt meritò sanguis ille flammam quae possent prouolui, restinguat, & agri solum aridum ad fructus parturiendos cū maxima vbertate foecundet. Neapolitani vt sui iuris aedem esse significarent, hoc epigramma adscripserunt,

DIVO. IANVARIO

DIOCLETIANI SCelere OBTRUNCATO
NE QVOD SACRI CORPORIS SANGVINE MA-
DVERAT SOLVM SINE HONORE DIVTIVS
REMANERET NEAPOLITANA CIVITAS P. P.
AERE. P. P. 1580.

In altari haec leguntur,

LOCVS DECOLLATIONIS S. IANVARII
ET SOCIORVM EIVS.

Canonicis Puteolanis soli causa pendet singulis annis
Neapolitana ciuitas x l i . ceræ pondo, aut pecuniam ce-
rac

rae loco ; quae quòd aliquàdo carius emitur, pecunia quoque aucta est . Praefecti ad eam rem ex nobilibus & popularibus constituti , qui perpetuò illud curent.

SULPHVR, IGNES, TERRAE MOTVS.

Cap. XIII.



LRVM PIT in Vulcani Foro inter densos igneos vapores sulphuris congeries , quae vndiquè locum igne concretum esse non dubitamus ; & aquae circum calidae , & littora calore aestuant, & dùm crebris terrae motibus quatitur solum , aut flammam illicò erupturas , aut saxa , agrosque atque mare ipsum conflagraturum tibi facile persuaseris . Admiratur ea loca Statius,

*— medij altè permissus anbelat
Ignis aquis , & operta domos incendia seruant.*

Quod si Philosophorum placitis ad ea probanda uti velimus, non placet eorum sententia qui accendi aiunt subterraneos ignes calore quem Sol aliaque sidera lucis interuentu emittunt . Qui enim fieri posset ut in abditissimos terrae meatus, & specus, solares radij penetrarèt, quos terrae tantum superficiem peruadere nos docet experientia ? Neque illud fieri posse dicemus, ut calor à sideribus emanans tanta vi ad loca sulphure & bitumine plena perueniat , ut igne valeat excitare . Quamobrem quae cum optimis Philosophis Collegium Conimbricense decreuit sequutus, dicam, subterraneum ignem inflammari ab exhalatione ; spiritumque cauernis incluso, qui spiritus dùm in locorum angustias peruenit, ipso attritu & conflictatione accenditur . Quandoquidem motus non caloris tantum causa est , sed etiam flammæ

Sol non accendit caloris subterraneos.

Collegium Conimbricense.

*Georgius
Agricola.*

*Bituminis plu-
ra genera.*

*Terraemotus
Puteolani.*

mae, cùm idoneam materiam nactus fuerit. Fomitē verò ignis subterranei, Georgius Agricola statuit esse sulphur & bitumen. Et quamvis sulphur factitium quoq; reperitur, fossile tamen, & spontè nascens hisce in locis cernitur, viuumq; appellant. Bituminis plura genera enumerat Plinius. Is verò de quo agimus admodum pinguis succus est, & calidus oleacei liquoris. Interdum aquis innatat, ignium naturae cognatus. Hinc terraemotus. Non tantum enim vi frigoris cum terra constipatur, & hinc inde exprimit exhalationem, terram identidem ferit; sed etiam cùm exhalatio obsistente frigore per antiparistasim (vt diximus) calorem introrsum colligit, deinde rarefcit. Et veluti pulvis tormentarius igne correptus impositam turrim commouet & disturbat; sic incensa exhalatione terra quatitur & labefactatur. Anno 1198. sub Federico II. Vulcani Forum maximè exarsit, & terraemotu tota regio coccussa est. Sub Alphonso Aragoneo pridè Cal. Aug. anno 1488. domorum & hominum internecio facta est. Anno 1538. memorabilis ille terraemotus, ex quo mons cinereus excitatus est. Hoc debuerat Munsterus dicere, non ad Vesuium eā conflagrationem transferre.

Ignis materia.

*Marga
Sulphur
Bitumen.*

*Ignis subter-
ranus Bitu-
min e nutri-
t ur.*

Quoniam verò pinguis quae intrà terram gignitur sunt diuersa, Marga, Sulphur, Bitumen, quod nam ex ijs materia illius ignis esse censetur? Margam sanè rejicimus cùm non ardeat, neque vlla terra pinguis, nisi sulphurata fuerit, aut bituminosa. Sulphur ardet quidem, sed veluti haec citò aqua extinguitur. Non igitur occulti ignis sunt materia. Quocirca bitumine nutritur, licèt sulphur ignis pabulum aliquos scripsisse, in aquis explicabimus. Fomes ignis illud est, ardet enim in aquis, earumq; humore pascitur; & Tacitus sub Nerone scribit in agro oppidi Vbiorū ignem arua & villas combussisse, qui, quoniam materia erat bituminosa

minosa, neque fluijs, nec alio quouis humore poterat re-
stingui. Quocirca qui ignes apparant admirabiles, quos
in aquam coniectos extinguere non videmus, semper aliquid
bituminis aut pissasphalti admiscunt, aut eorum quae ex
bitumine constant; & lapides ad Ephesos Lyciae montes,
in ipsis aquis ardentes, vt ait Plinius, bituminosos esse in-
telligimus. Negat tamen id Baccius, qui scribit nouā hanc
esse Germanorū opinionem, nam si ita esset, omnes essent
calidi fontes bituminosi, & assecles egerent flammās. Et
sulphuri calorem materiā tribuit. Quae tamen in hoc loco
nostra non est disputatio.

*Lapides in
aquis ardentes,*

Sulphur.

In ardentibus semper locis sulphur reperies, quod pin-
guitudo terrae est, quam & ipsa vis caloris expressit, quae
in monte Puteolano maxima cernitur. Ad Hasdam quoque
pagum fons erupit, qui viciniam sulphuris foetore imple-
uit. In Islandia tres montes Heda, Crucis, Hegla ad coe-
lum elati, fodinas sulphuris narrant, vnicum incolarum
mercimonium, & vectigal insulae, ex qua mercatores onu-
stas naues euehant. Mons ipse cum furit, sulphur euomit,
& ingentia saxa emittit. Tā autem in bituminis tota tem-
perature quā sulphurris, inest aer & ignis, ideòq. faci-
lè concipiunt ignem. Poeticè philosophatus est Silius Ita-
licus lib. 12.

*Sulphur va-
rijs in locis.
Aquae sulphu-
reae, Purgato-
rium dictae in
Pannonia.
Feruētis la-
cus in Gotbia,
in Islandia.
Campi arden-
tes in Caria,
& Phrygia.*

*Ac iuxta caligante sita longumq; per acuum
Infernis pressas nebulis, pallente sub umbra
Cymmerias iatuisse domos, noctemq; profundam
Tartareae narrant urbis; tūc sulphure & igni
Semper anhelantes, coeſtoq. bitumine campos
Oſtentant, tellus atro exundante vapore
Suspirans, vſiſq; diu calefacta medullis
Aſſuat, & ſtygius exhalat in aëre ſtatus.
Parturit, & tremulis metuendum exſſibilat antris*

*Interdumq. cauas luctatus rumpere sedes
Antexire foras, sonitu lugubre minaci
Mulciber immugit, lacerataq. viscera terrae
Mandit, & exesos labefaciat murmure montes.*

THESAURI PUTEOLANI.

Cap. XIII.



MIRVM quàm hominum opinionē ad sulphuris cauernas, ad ignium & scrobium diuerticula, thesaurorum excogitatio decipiat. Animam profectò habere diuitem non cogitant. Quid verò ad animam pecunia? Nunquam legerunt Alexidem,

Πυχὴν ἔχειν δὲ πλουσίαν. τὰ δὲ χεῖματα

ταῦτ' ἔστιν ἔψις, παραπέτασμα ᾧ βίου.

Animam habere diuitem oportet. Pecuniae autem

Hae nihil quàm ostentatio sunt, & velamentum vitae.

*Theſaurorū
inuentores de
luſi.*

Conueniunt ex tota Europa mendici. Magorum libros se habere iactant. semper tamen oleum & operam perdunt. Vulgi ignari fabulis allec̃ti in cryptis, & specubus auri dolia occlusa esse sibi persuadent. Algent, sudant inuestigando collium iuga, anfractibusq. petrarum latitant, signa in littorum scopulis, agrorumq. furculis, & arborum radicibus quaeritantes. In Vulcani Foro aurum nasci credunt.

Collonucius.

In Gauro monte, quem Barbarum dicunt, Reges esse ex auro dicunt carbunculis splēdidissimos, custodiri tamen laruis, spiritibusq. ideoq. aditum non patere. Se ipsos spectra videre asserunt, sed somniasse videntur cū renunciant. Decepit multos Collenucij historia qui Robertum Nortmannum captiui Sarraceni opera multos Puteolis thesauros euertisse scribit. Fabulosam eam narrationem ostendit statua ē marmore, redimito capite, aenea vitta, in quam rem totam incisum carmen significaret. His similia carmina &

na & nugae coeteros alliciunt ignaros, Psello fidem adhibentes qui huiusmodi multa de daemonibus fabulatur. Illud maiori admiratione dignum, viros coeteroqui doctos, relligiosos, prudentes (si tamen vnquam in huiusmodi hominibus prudentia possit inesse) ad eundem scopulum allicere solitos.

Auri sacra fames quid non mortalia cogis

Pectora?

Periere saepissimè thesaurorum cupidi, aut aquis submersi, aut corrupti aëris foetore exanimati, atque insanæ auaritiæ sic dederunt poenas. Petrus Salius vrbanus homo, ridiculo spectaculi genere Germanos aliquot Gallosq. in Puteolanis cryptis irrifit. In ea loca eos comitabatur; prae-mittebat tamen socios ad eas artes instructos. Dùm ipse characteribus signandis studebat (has technas moliebat) prodibant personati clientes, ignibusq. arte excogitatis, & tumultu nimio metum afferentes, paratis fruebantur mensis, cùm thesaurorum inuentores fugientes, ne vultum quidem vertere auderent. Thesaurum tunc hospes inuenies, cū fors ipsa obtulerit. Qui characteribus pecuniam inuenire conatus est, semper se carbones inuenisse affirmavit. Haec etiam insaniae species. Nec tamen negauerim aliqua saepè in agro Puteolano reperiri, quae magnarum rerum monumenta praeferunt. Nuper colonus dùm for-

Petrus Salius.

Puteolis multa reperiuntur.

Lib.7. ep.7.



De legatione
ad Caium.

OPPIDVM felicissima coeli regione collocatū, placidissimi maris vndis perfusum, fructuum vbertate inter Tyrrheni maris ciuitates notissimum, splendidissimis villis ornatum, vt loquitur Philo Iudaeus, quò Caligulam ex Vrbe sequutus fuerat, ab omnibus fuit maximè desideratum, quamobrem & cū Dictatura L. Cornelius Sylla se abdicasset, eò ad bene & feliciter viuendum diuertit. Bellicis propterea motibus turbatum aliquandò.

Annibal.

Annibal in Auernum lacum descendit per speciem sacrificandi
Lib. 4. dec. 3. (inquit Liuius) reipsa, vt tentaret Puteolos, quiq. ibi praesidio erant. Et paulò post; Sacro indè perpetrato ad quod venerat, & dū ibi moratur, peruaflato agro Cumano vsque ad Miseni promontorium, Puteolos repenti agmen conuertit, ad opprimendum praesidium Romanum. Triduum ibi moratus Poenus, ab omni parte tentato praesidio. Deindè vt nihil procedebat, ad populandum agrum Neapolitanum, &c.

Gotthi. Vandali.

Alarici.
Stilico.
Anno 406. cū Imperij maiestas paulatim esset declinata, hostium quoq. temeritatem in se concitauit. Cum praecipuè Gotthi Alarico duce, & latè vagarentur, & Gallis bellum inferrent, maximis copijs Italiam adorti. Tunc à Stilicone Arcadij & Honorij Praefecto reiecti, Romā contendentes. Honorio tantū imperante, & Pontifice Innocentio 1. Urbem vi receperunt & diripuerunt. Mox tridū ibi cōmorati, Neapolim se recepere, maxima clade Campaniam afficientes, quam Puteoli haud euasere publicis priuatifq. aedificijs incensis.

Quam

Quam nec euadere potuerunt cùm Italiae fines Genserius Rex Vandalorum ingressus, Campania vexata, Puteolanos concidit & perdidit anno 456. cùm tamen antea Totilas per Galliam Cisalpinā, Etruriam, Vmbriam, Marsoq. Campania penetrata Beneuenti moenia disiecit, Neapolim obsedit, & in suam potestatem redegit Cumas. Puteolanis vim facere conantibus, Gotthi ciuitatem populati sunt, vastarunt agros, & moenia funditus euerterunt, nihilq. fuit reliqui quod vastitatē, squaloremq. non ostenderet. Decedente ex Italia Totila, vrbs Puteolana habitatores desiderauit. Quòdq. prius oppidum Imperatorū fuerat domicilium, & Romanorum deliciae, armentorum & reliqui pecoris sordes ex parietinis eluere nequiuit. Lucrini lacus comodo piscatores adductos urbem instaurasse scribunt, ijsq. adiumento fuisse Graecos qui ex Calabria soluentes, in hanc oram aduecti, regionis felicitate irretiti, cum piscatoribus inita societate, aedificia restituenda curarūt, & multis ex finitimis in ciues adscitis, frequentem urbem reddiderunt. Nouae innituntur opinioni.

*Genserius.**Totilas.**Gotthi.**Puteolana
miseria.**Oppidum in-
flauratur.*

Longobardi, Sarraceni, Massamuti, Nortmanni.

Longobardos maximas iniurias Puteolanis intulisse, ijsdem de causis credendum est, cum praecipuè Cumis potiri fuerint. Sarracenos omnia vastasse crediderim, & de Puteolanis locis affirmat Eugipius; tùm anno 568. à barbaris foedissima in Neapolim facta irruptione. Tunc Longobardi fracti viribus Ludouicum Imperatorem accersuerunt, tertio in Italiam aduentu, qui Puteolanis balneis vsus est vt scribit Leo Ostiensis. Nortmannos item, conciliata sibi voluntate Puteolanorum à Rainulpho qui cum Sergio Neapolitanorum Duce coniunctus erat. Quamobrem Pandolphus Capuae princeps, quocum Rainulphus bellum gerebat, hostilia ijsdem arma intulit. Atqui anno 1038. quòd cum

*Longobardi
Sarraceni.**Ludouicus
Imperator in
balneis Pu-
teol.
Lib. 1. c. 38.*

cum Archiepiscopo Mediolanensi Cōradus Imperator inimicitias exerceret, in Italiam se contulit. Allatoq. nuncio à Casinensium Monachorū iniuria Capuae Principem Rinnulphum non abstinuisse, auditis eorundem querimonijs, Principatu eum priuauit, suffectusq. in eius locum Guaimarus Salerni Princeps, ad quem liberam detulit Puteolanorum ditionem, & Adenolphum Capuanum Archiepiscopum à Principe in carceres detrusum liberauit. Anno 1136. Cū Lotarius Campania esset egressus, quod Rinnaldus Abas Casinas Sanctum Germanum oppidum recepit, & ad Abatiam occupandam accessit, Guibaldus ad Lotarium ad petendum auxilium misit, atq; haec scripsit; *Post professionem à nobis vestram, Sarraceni, Nortmanni, & Longobardi in Campaniam irrupere, & direptione incendio, ac caede omnia miscuere. &c. Nostrorum verò ditionum sunt ciuitates Puteolana, Allifana, & Telesina, quae nihil aliud nisi olim se fuisse demonstrant, & si quae supersunt, solo aequantur, ut Capua, nam postquam fortunas & homines exbauferunt, incendium subiecerunt.* Apud Sigebertum, Massamuti (quos & Moabitas dicunt) post vsurpatum Mauritaniae regnum, Regēq. patibulo affixum, etiam Regem Bulgiae occidentes, Regnum eius inuasere, ipsam Siciliam, Romam quoque se inuasuros minitantes anno 1151. Et anno 1154. Cū Guilielmus Siciliae Regno potiretur, iidem Puteolis in Italiam castrum spoliant, sed Siculis persequētibus profligati sunt.

In vita S. Seueri legitur, Ioannem Neapolitanorum Magistrum militum, & Campaniae Ducem annum circa 1014. eo tempore quo Henticus Conradi filius Romani Imperij coronam ab Apostolica sede suscepit, cum exercitu Puteolos inuasisse, castrisq. positis oppidū expugnare conatum. Atque tunc miraculo clauit Seuerus, nam Capuanus quidam ab oppidanis confossus oculum sagitta, Seueri auxilio sagittam extruxit, quod nulla medicamentorum genera efficere potuissent.

Lotarius.

Chron. Cass.
lib. 4. c. 127.

Moabitas.

Ioānes Neapol.
Dux.

S. Seuerus.

Rena-

Renatus. Alphonfus.

Maximum in re bellica hoc oppidum Alphonfo cum Renato contendenti, negotium faceffuit, magifq. Puteolos quàm Neapolim poft multos labores defiderauit; neque aliud hoftile oppidum in Campania relictum fuerat. Cum igitur recepta Auerfana Arce, Caietam profectus effet, inde Capuam reuerfus, in Puteolos impetum faciens, oppidanos terrore illato in deditiōem compellere fperabat. At quoniam oppugnationem irritā loci natura faciebat, quod fcilicet & praecipiti rupe, & maris altitudine, & muro circumducto, & ponte per quem peranguftus dabatur aditus, oppidum muniebatur, quamobrem nunquam fe dedituros animaduertebat, hominum obfidionem, in vitium arborumq. concifionem tranfculit. Quare ad oppugnandam Oftauij Turrim ad Vefeuum castra mouit. Multifq. cum Antonio Caudola peractis, Puteolos iterum tētare decreuit, quod nunquam Renati fidem violare voluerant. Roftratis nauibus accerfitis iuffit vt maritimos cōmeatus impedirent. Ipfe tormentis inuectis oppidanos perterrebat. Cum diū reftitiffent, atque omnium rerum fpes eos defeciffet, re potiffimum frumentaria interclufi, miffis qui cum Rege de deditiōe agerent, acceptifq. vtrinq. conditionibus, tandem portas Alphonfo aperuere.

Arx Auerfana.

Antonius Caudola.

Turcae.

Anno 1554. plurimū Puteolanis detrimenti imminabat cū Oenobarbus Solimanicae classis Ductor, vaftata Inarime & Prochyta, iuffit vt Salecco duce Turcarum cohortes è nauibus descenderent, & tormentis urbem expugnarent. Petri tamen è Tolero prudentia, eorum furori celeriter occurrit. Qui mille equitibus nobilibus, proceribusq. Neapolitanis confestim conuocatis, multis praeterea cum peditū cohortibus Puteolos aduolans, Saleccum, Praefe-

*Oenobarbus.
Saleccus.*

*Petrus è Tolero
fubuenit
Puteolanis.*

*Iannettinus
Auria.*

Saiauedra.

Praefectumq. terga vertere cogit, Iannettino Auria no-
uissimum classis agmen insequente, vt cum sese occasio ob-
tulisset, aliquid damni barbaris inferret. Obijt tunc Puteo-
lis bombardae ictu strenuus Dux Saiauedra Hispanus, qui
maximos Puteolanis viuens faciebat animos, dum summa
vigilantia moenia perlustraret. Hanc Petri victoriam dili-
gentissimè in sepulcro marmoreo sculpsit Ioannes Nola-
nus, quod in Diui Iacobi Hispanorum aede integerrimè est
positum.

Comitiua.

*Comites
varij.*

*Comites
aulici.*

*Comites pro-
uinciarum.*

In visa Terri.

Plura Comitum genera habes in Notitia, & apud Iuris-
consultos. Qui tamen ab Augustorū comitatu nomen tra-
xerunt, in quorum aula primi ordinis viri erant, ijq. for-
tasse Augustaes. Hinc Comitiua domesticorum, sacrarum
largitionum, rei priuatae, sacri patrimonij, sollemniorum,
thesaurorum, horreorum, scholarum & huiusmodi. Ad
aulicum quoque iudicium redacti, Comites Consistoria-
ni, de quibus Spartianus in Herodiano, *Cum iudicaret, in
consilio habuit non amicos suos, aut Comites solum, sed Iuriscon-*
sultos &c. Maximè verò ad prouinciarum iudicium. Habes
etiam apud Graecos *τον ἀρχον*, & apud Francos Landgra-
uios. Capitolinus scribit eos Comites, confecto bello, Ve-
rùm Imp. distribuissè prouincijs regendis; & Orientis Co-
mites à Marcellino commemorantur. Hi profectò cū Prae-
sidibus sub Praefecto Praetorio erant. Ideoq. Suetonius de
Tiberio, *Gaium (inquit) Orienti praepositū, cū visendi gra-*
tia traieciisset Sauum, alieniorem sibi sensit ex criminationibus M.
Lollij Comititis & rectoris eius. Sic etiā cū in Praefecti Prae-
torio Illyricano, Thracias, Pontum, Dacias, Maesias,
totamq. Graeciam legamus, legimus etiam apud Marcel-
linum, Comitem Thraciae Iulium, qui scilicet illius pro-
uinciae Praefectus erat, quā alius Praetoriani regebat po-
testate Praefecti. Huiusmodi Comitiuam Neapolitanam fa-
cio apud Cassiodorum, *qua ciuilia negotia aequi trutinatores*
exami-

examinarent, & gemmatum tribunal considerent. Transijt nomen ad Nortmannos, honorisq. fuit insigne, vt ait Gulielmus Apuliēsis, legimusq. Apuliae vel prouinciae, vt Apuliae Comites, vel ciuitatum vt Aquini, Fundorum, Aversa. Ad eum honoris gradum accesserūt Puteoli, iam tūc fortasse cū Guaimaro oppidum delatum est, quod suprà retulimus. Anno igitur 1144. Salerni Diploma Rogerius Rex subsignat in quo hæc leguntur; *Confirmamus iam dicto Monasterio (de S. Maria de Cappellis loquitur) hortum qui vocatur de Lubenullo iuxta continētiam oblationis, quam per cartam Adenulphus quondam Comes Puteoli ei fecit.* Subscribunt etiam Comes Cuperfani, & Comes Tricarici.

LITTVS, AER, CIVES, NOBILITAS,

Lapides.

Cap. XVI.



PROPTER mare, Auernum lacum, & *Aër Puteolanus temperatus.* aquam passim scaturiētem, Puteolanum aërem humidum esse quidam senserunt. Alij ob sulphureas mineras siccum prædicant. Ea tamen quæ à Miseno monte ad oppidum ora protenditur, collibus & montibus ad orientem, Septentriones, & occidentem circumuallata, ad meridiem est peruia, vbi calidæ aquæ benignè passimq. manant, aut sulphureæ, aut aluminosæ, aut salæ, aut bituminosæ, quarum plurimæ partim conflagrationibus, partim terraemotu latent, cuius terra luto-sa, pinguis, fertilis, arboribus refertissima, temperata dicenda est, atque idcirco præcociores fructus quàm aliae proximè regiones producant. Morbi tamen incolis biliosi, *Morbi.* breues, salubresq. quæ optimam coeli temperiem patefaciunt. Viri colorem subflauum habent; ad contentiones *Color. Contentiosus.* procliues, quibus Romani remedium afferre coacti sunt;

K à so-

Clima.

à societate & cultu abhorrentes , agriculturae addicti . In Climate Dia Romes collocati , quod temperatius Auerroes & Galeus esse defendunt . Atq; ità (addo enim terrae viscera igne repleta) Puteolanus aër calido citra primū gradum exuberat , & in humido & sicco est temperatus . Meridionalibus ventis perflatus , gelidorum ventorum iniurias propellit .

*Corneole
lapides Pu-
teolani.*

Littus , praeter aequoris thesauros , olera in arena producit , quae hortensia alibi desiderantur . Ad Dominicanorum aedem , furente maris aestu , varia lapillorum genera fluctus projiciunt , Corneolas praesertim in quibus variae incisae Imagines , antiquorum superstitionem referētes . Et quamvis Albertus scribat eas non ità facilè intelligi , nisi ab ijs qui Astrologiam & Magiam callent , & Thebitus adijciat imagines in lapidibus sculptas , nunquam ornatus causa fuisse positas , sed ut ab ijs gemmae virtutes aliquot sortiantur ; ea tamen christianam pietatem minimè decent , quae isthaec ludicra & puerilia contēpnit . In Puteolanis lapillis , Mercurius , saepissimè incisus cernitur , quo cum crumenam & gallum adpingunt , ut fortassè homines ad mercaturas exercendas , vigilantes impellerent . Quapropter & Formicam in ijs depictam arbitror , ut ostenderent rerum providentiam omnibus cōuenire . Gallum quoque in Agatide inueni , quem si quis in annulo gestaret , contra aëreos spiritus valere existimabant . Haec etiam vulgò reperiuntur ; Gallina , ad rerum copiam & prolis numerum . Aquila in cristallo , quae homines efficerent victores & eloquentes . Mustella , ut febrim depelleret . Ciconia & Cancer , ad hostes propellendos . Noctua , ut doctos redderet viros . Rana , ut piscatores . Lepus in Diaspro , qui timorem depellit . Serpens in Onice , qui ventos reprimat . Vitis aut spicae , Principibus homines beneuolos reddunt .

Mercurius.

*Formica.
Gallus.*

*Gallina.
Aquila.
Mustella.
Ciconia.
Cancer.
Noctua.
Lepus.
Rana.
Serpens.*

Homini Imago in Chalcedonio , viae securitatem . In lapillo haec leguntur , C V I V S . quae ad coercendum sanguinis

guinis fluxum valere aiebant. In alio, ΕΤΔΗΜΙΑ; *Bona popularitas*, ad popularium animos sibi alliciendos. Et si *ivbiuian*, scriptum quoq; arbitraret, quae animi hilaritatem & securitatem significat. In Sardonio qui in eodem littore repertus est imago virilis quaedam ad cuius dexteram legitur, ΔΙΑΚΤΡΛ ad sinistram, ΑΡΤΑΤΕΙC sub pedibus, ΑΑΤ in altera facie, bouis caput sculptum, suprà quod Iouis fulmen cernitur ad renum dolores conferre dictitabant. In quodam Diaspro, imago Terminali ferè similis, quae tamen ad foemora alas habet cum his notis, ΒΥΔΑΙΒΩΘ. In alio, ex vna facie quodā tropheum in Iouis fulmine collocatum; ex altera hi characteres, ΑΒΡΑΧΑΞ. Multa item similia quae longū esset recensere. Pollubra argentea quoque inuenta scimus praeter auri scobes. Eius artis officinas ibi fuisse constitutas nemo est quin iudicet, vt potissimam Emporij partem.

Nobilitas.

Nobilitatem Puteolis profitentur Constantij, Boffi, Ruffi, Aquilerij, Capomatij, Frangipanes, Adamiani, Pisces, Cioffi, Arcani, Berrilli, Cōpostae, Bonhomi. Anno 1255. Augusto mense, die Bartholomaeo Apostolo dicato, naualem pugnam describit Matthaeus è Iuuenatio, quatuor nauium, quarū vna Simonis Vintimilij Siculi erat, alia Paulonis Donursi, tertia Henrici Spatinfacciae Constantij, quae in nauim Anconitanā impetum fecerant, cum ad rem frumentariam comparandam Barolum appulisset. Proculi etiam Venati mentio fit, qui cum Iosepho Dominomarino, & Sergio Mastroidice Surrentinis, captiuus in ea naui ductus est.

*Puteolanae
familiae no-
biles.*

Venati.

CONSTANTIOS ex Germania cum Federico I. anno 1154. Puteolos aduenisse quis dubitat? Neapolim deinde sedes transfulere, in qua ea familia omnibus nobilitatis splendoribus, Regum familiaritate, Magistratuum de-

*Constantij ex
Germanis.*

Fulvius Constantius.

core, titulorum amplitudine emicuit. Cui tamen maximè addidit lumina Fulvius Constantius, in quo Neapolitana ciuitas omnia gloriae ornamenta collocauit, & qui praeclaro virtutis & comitatis encomio omnium in se ora conuertit, Philippis II. & III. charus, supremo Neapoli Magistratu, & Marchionatus titulo insignitus.

Marinus Boffa.

BOFFAM familiam Puteolanam, Marinus ille apud Ioannam Reginam Magni Cancellarij officio functus (quod ei munus delatum est anno 1415. dùm Regina Regno posita esset) illustrauit, cuius deindè successores à Ioannella Extendarda quā vxorem acceperat, Extendardi dicti sunt. Procuratorem primo Francisci Sfortiae fuisse asserit Aelius Marchesius. Deindè Iurisconsultum. Eius matrimonij causa multa sibi oppida comparauit. Apud Facium, Alphonsus Rex castra in Nolanum mouens, inducias per aliquot dies fecit cum Marino Boffa, qui Vallem Caudinam occupauerat. Quem tamen ad Arpaiam Castris positus, scalis admotis, propugnatoribus reiectis, vsus naualibus socijs quòd in oppugnationibus eos perutiles esse arbitrabatur, captiuum duxit. Cumq. Argentum Regi dedisset, veniam impetrauit. Tanta cum Boffa & Renato Rege intercesserat necessitudo, vt diffidij inter Alphonsum & Ioannam, Boffam existiment fuisse auctorem.

Lib 5. de reb. Ezz. Alpb.

EX CIOFFIS, Ioannes Andreas Praefes Regiae Camerae fuit sub Regibus Aragoneis. Paschalis verò apud Ioannam II. à Secretis fuit. Is cum Antonio Malitia Carrafa ad Pontificem Legato, calamitoso Reginae tempore, collega missus est. Qui ex Lygurino portu Florentiam, vbi Pontifex erat, profecti, cum auxilium frustra petissent, aliud sibi consilium ineundum statuerunt. Alphonsus Aragonum Rex cōparata classe Cyrnum insulam quae in Genuensium erat potestate, aggredi decreuit. Et accersitum Garciam Cabalinium Valentinianum equitem, Legatum quoque ad Pontificem misit, qui belli causas aperiret, ne
animo

animo à se abalienato eum Pótifex iudicaret . Cum hoc loquuti Carrafa & Cioffus , & in Sardiniam Regem advenientes , Reginae calamitate exposita , Regni Neapolitani proposita felicitate , ad opem Reginae ferēdam à coeteris bellicis apparatibus eum reuocarūt . Cioffus ex Sardinia Neapolim , indè in Populoniam vbi eum Malitia expectabat , septem dierum nauigatione appulit . Ad Regem in Sardiniam redire , & adoptionis voluntate patefacta negotium confecerūt . Sed dùm Cioffus praemittitur , vt omnia quae gesta fuerant Reginae & Neapolitanis nunciaret , ad Palaeopolim ab Aloisio Andegauensi qui Neapolim cum classe contendebat , captiuus factus est .

Ex coeteris familijs nihil certi habui , neque hoc tempore seruandae memoriae homines student cū praecipuē scriptores naēti fuerint . Aliquorum praetereā Puteolanorum memoriam non praetereundam censui . Stephanus cognomento Partiuinacia , multa obtulit Ioanni Abati monasterij Sanctorum Anastasij , & Basilij (quod in Regione Neapolitana ad Melia situm erat) quod sub Basilio Magno , & Constantino eius fratre coniunctum erat monasterio Beatae Mariae quae ad Cappellam dicitur . Eius rei scripta ibidem seruantur . Marcum Pulicem , non parentum origo , sed virtutis gloria nobilitauit . Singulari certamine (praeter multa praeclarè gesta) inspectante Andrea Auria se accerrimum pugnatorem ostendit . Gabriel à Fraia Ferdinando I. Regi M. & D. aureos mutuatus est . Brundusinae arcis idcirco praefectus . Et post eius obitum , Manfredoniae arcis Bartholomaeum filium praefecit , qui à Magno Consaluo , restituta pecunia , arcem Aragoneis restituit .

Afflict. decif.
375.

ECCLESIA PUTEOLANA.

Cap. XVII.



EMPLVM Augusto dicatum, à Christianis D. PROCVLO Martyri, Puteolanae Ecclesiae Diacono, sacrum, & maior Basilica cōstitutum est sub Diocletiano. Proculi ibidem seruat^r corpus. Urbis Patronū Puteolani maximo cultu venerantur. Hūc antea cum Eutichete & Acutio ciues transfulerāt in Praetorium Falcidij ad triuium quod S. Stephani cōiungitur aedi, vbi martyrio sunt coronati. D. CELSI, Petri Apostoli discipuli in eodem templo corpus colunt ex traditione. Tradunt ibidem esse corpora S. NICEAE Proculi matris de qua Petrus de Natalibus in Catalogo, *Proculus. & Nicea mater eius, ipso die in ciuitate Puteoli martyrij palmam percipiunt.* Tūc etiam corpus. PATROBAE Puteolani Episcopi, vnus ex LXXII. discipulis cuius meminit Paulus ad Romanos, & cuius & Philologi natalis pridie nonas Nouembris celebratur. Citat Dorotheam in Synopsi Illustris. Baronius, qui Neapoli praefectum Episcopum tradit, licet Hyppolitus martyr, testetur fuisse creatum Episcopum Puteolanum, Non rectè de ONESIMO Pauli discipulo senserunt, qui Ephesiorum Episcopus creatus est post Timotheum. Romae lapidibus martyrium pertulit, ibiq. sepultus; indè Ephesum delatus. Qui QVARTVM Episcopum numerant (hinc ad Quartum locus & aedes) nesciunt ip̃a diuinari. Illud profectò maximae Puteolanorum laudi tribuitur, quòd inter primos CHRISTI fide fuerint initiati, cū D. Paulus Rhegio discedens, Puteolos profectus, ibi septem diebus fuerit commoratus; *Et cū venissemus Syracusam, mansimus ibi triduo. Indè circumlegentes deuenimus Rhegium; & post vnum diem stante Ausiro, secunda die*

uenimus

Lib. II. c. vii.

In Martyrol.

Lib. de 72. discip.

Act. Apost. cap. 28.

venimus Puteolos, ubi inuentis fratribus rogati sumus, manere apud eos dies septem. & sic venimus Romam. Catenis vincum Paulum Puteoli viderūt, qui doctrinae eloquio omnia antiquae legis aenigmata esset soluturus.

Audiuit Paulum praedicatē (quo enim pacto linguae & cordis facundiā praedicator eximius septem diebus continuisset?) oppidum Puteolanum; cuius antra nobilioria oracula quā fatidicae mulierulae responsa resonant. O beatos Puteolos, quibus quicquid Paulo Adrumeto per Asiam, per Aegeum, per Italiam nauiganti contigit, septem dierū consuetudine audiuerunt. Vidisse Augustos, praecclarum fuit, at augustissimum Christianae religionis principem habuisse omnem excedit amplitudinis opinionem.

S. Athemas.

A Petro quodam qui ad Stephanum Praefulem Ecclesiae Puteolanae huiusmodi scribit, *Venerabili Patri & sanctae Puteolanae Ecclesiae inclito Praefuli Domino Stephano, Petrus* & quae sequitur, Arthemae scribitur passio quam incompositē editam prius asserit, & Stephani hortatu al cultiorem ab ipso stilo redactam, veluti Ambrosius S. Agneris, & Aupertus S. Fortunatae gesta puriori ecclesiastico dogmate conscripserunt. Seruantur manuscripta Longobardis literis à Bartholomaeo Chioccarello. Hic Arthemae nobili genere natus, Cathigentae saecularium litterarum praeceptoris auditor, cum cœteris pueris ob singularem indolem à praeceptore praepositus esset ea docturus quae ipse didicerat, non tantum docebat quae à Christianis parentibus ipse audiebat, sanctissimae praecipuè Trinitatis mysterium, quo puerorum animos imbuere laborabat. Et cum Cathigenta à Christiana religione eum reuocare nequiret, & ad Praesidem id detulisset, eo sic iubente, graphijs (gladij ferrei sunt quibus scribendo utebantur) pueri alij pueri occiderunt. Ex cuius martyrij constantia, multi

multi ex Puteolanis ad fidem conuerſi ſunt. Martyrio coronatus eſt VI I. Calend. Februarij. Haec inter alia leguntur à Petro addita,

*Ergo benigne Pater, quia claro dogmate fulges,
Martyrium ſacrum praefati martyris almi
Sume ſagax placidè grates referendo tonanti,
Atque ſacrae plebi ſtudioſè tradere cura,
Gaudeat vt ſemper de vero dogmate ſacro,
Ac domino CHRISTO laudem decantet ouanter.*

Quae & ſimilia huiusmodi refero, vt niſi ſancta probauerit Eccleſia, improba ſunto. Libet tamen aliquando quae ad aliorum fortaiſſe manus non peruenerunt in medium afferre ad ſanctorum gloriam.

Epifcopi.

Nulla ex noſtris vicinis Eccleſijs Epifcoporū ſeriem ſeruauit. Ideoq. nec ſacrarum rerum hiftoriam contexere poſſumus. Aliquos eo pacto quo licuit in numerum digerere ſtudiui ex tota Campania, veluti Puteolanos hoſce in hunc ordinem compuli.

IVLIANVS, ſub Leone Pontifice, & Theodoſio & Valentiniano Imperatoribus, cū Leo Theodoſium reprehendiſſet qui ex toto orbe Epifcopos Ephēſum conuenire iuſſerat, nec digna videbatur cauſa qua Synodus Oecumenica eſſet celebranda, & tamen ab ea ſententia eum dimouere non potuiſſet, conſtituit Sanctus Pontifex, vt Eutichetem eiufq. fautores in ſua hæreſi refrenaret, è latere Legatos mittere Ephēſum ad Concilium, atque eiſdem ad Flauianum Conſtantinopolitanum epiftoſas dare, qui cū yniuerſa Synodo veritatē de Verbi Incarnatione decernerent. Ad tantam rem obeundam miſſi Iulianus Epifcopus Puteolanus, Renatus Cardinalis tituli S. Clementis, & Hilarius Diaconus Cardinalis. (lis.

THEODORVS, iſſdem ferè tēporibus. Lapis Puteo-

HIC REQUIESCIT S. THEODORVS EPISCOPVS
QVI DEPOSITVS EST III. ID. MAIAS CONS.
THEODOSI XV. ET VALENTINIANI .IIII.

Misenatem hunc Episcopum plerique arbitrati sunt. Lapis tamen Puteolis est, & mortuo Leonardo Vairo à sordidis indoctisq. viris ad focum appositum, fractum, combustumq. reperi, à qua calamitate in haec scripta vindicauit.

STEPHANVS. Hic ille est ad quem scripsit Petrus.

CLAVDIVS, sub Hilario in Romano Concilio, anno 471.

AVCVPIVS, cuius mentio fit in Concilio sub Symmacho, & cum eo subscribunt Stephanus Episcopus Neapolitanus, Adeodatus Formiensis, & Rosarius Surrentinus, anno 517.

MATTHAEVS. Huic Episcopo, à Carolo I. Neapolitanorū Rege praecipitur, vt decimae soluātur anno 1274.

A. EPISCOPVS. Sic legitur in eiusdem Actis anno 1284. *Venerabilis Pater I. Episcopus Insulae Caprearum, & Dominus A. Episcopus Puteolanus.*

IOANNES Brito. In ijsdem Actis anno 1288. *Die Dominico 14. Aprilis. Ista die fuit consecratus Dominus Ioannes Brito Episcopus Puteoli, & comederunt cum domino Rege, dominus Cancellarius, & plures alij Praelati & Clerici.*

NICOLAVS Sconditus. In Choro Basilicae Puteolanae,

.... IACET CORPVS REVER. DNI DNI NICOLAI
SCONDITI DEI ET APOSTOLICAE
..... PUTEOLANI QVI OBIIT AN. D.
M. CCC. VIII. ... MENSIS SEPTEMBRIS.

G. EPISCOPVS. Sic in Actis; anno 1314. *Ioanni Marenti de Sallone, venerabilis P. fratris G. Puteolani Episcopi, Sanctae Reginae Confessoris, annua pensio vnciarū 20. conceditur.*

Anno 1327. Ludouico Bauariae Duci Regnum Neapolitanum inuasuro, Episcopus & Capitulum Puteolanum opem tulerunt.

LAVRENTIVS. Anno 1410. in Statutis Collegij Theologorū Neap. vrbis, institutis sub Ladislao Rege, editis à Nicoláo Muczapede Aquilano Regni Siciliae Cancellario, & confirmatis ab Leonardo de Afflicto eiuldem quoq; Regni Cancellario, inter alios Episcopos, Magister Laurétius de Neapoli est ordinis Heremitarum S. August. Puteolanus Episcopus, deindè Tricaricensis.

ALOISIVS de Constantio.

ANTONIVS Iaconia. In eadem Basilica eius memoriae lapis dicatus est,

ANTONIVS IACONIA LICIENSIS EPS PVTEOL
MAIORQ. REGINALIS CAPPELLANVS LXX.
ANNIS CVM OMNI VITAE INEGRITATE VIXIT
SVAM PONTIFICIAM DIGNITATEM XX. ANNOS
OFFICIOSE GESSIT VITAE MVNERE DEFVN-
CTVS M.D.XV. CHRISTI. ANNO VERO
III. SANCTISS. PAPAE LEONIS CONDITVR
TAMEN HIC SIBI TVMVLVS VBI SVOS INSI-
GNES SVARVM VIRTVTVM TITVLOS ETIAM
POST FVNERA SERVAT OMNES HIC IN CHRI-
STO LEGENTES VALETE ET PRO EO SEMPER
IPSVM ORATE.

SIMON de Vernaculis, anno 1519.

I. MATTHAEVS Castaldus, xliiii. annos Ecclesiae Puteolanae praefuit ex familia Oliuetana monachus. Antè Basilicae fores iacet epigramma.

TEMPLVM IOVIA CALPV RNIO L. F. PRIVS
DEINDE D. PROCVLO DICATVM
MIRABILI TERRAEMOTV AC MEMORABILI
INCENDIO PENE COLLAPSVM ANNO D.
M. D. XXXVIII.

IOANNES MATTHAEVS CASTALDVS
PVTEOLANVS ANTISTES INSTAVRAVIT.

LEONARDVS Vairus, Beneventanus Canonicus
Regu-

Regularis, inter Collegij Neapolitani Theologos adscriptus anno 1570. Philippo II. Regi cui aliquot annos in Hispania sacra fecit, ob singulares animi dotes, maximè acceptus. Ecclesiam Puteolanā ornamentis, religionē, reditu plurimū auxit, cū nunquam Episcopatus iura diminui passus fuerit, quamobrem cum Neapolitano Archiepiscopo acerrimè contendit, & victor euasit. Scripsit de Fascino libros tres in quibus & stili cultus, & doctrinae veritas elucet. Obijt anno 1603. pridie nonas Decembris.

DE LUCRINO LACU, ET PORTU.

Iulio.

Cap. XVIII.

Ostrea.



LUCRINVS Lacus Ostreorum piscatione celeberrimus; *ἡ δὲ ὀστρεῖων ἀδύπαστος ἔχειν ἀφθονοτάτην*, inquit Strabo. Ideoq. Varro, in nuptijs eos commendat,

Tunc nuptiae videbant Ostreas Lucrinas.

Et ad omnem voluptatem Martialis,

Ostrea tu sumis stagno saturata Lucrino.

Idemq.

Puella senior, dulcior mihi Cygnis,

Aгна Galeſi mollior Phalantini,

Concha Lucrini delicatior stagni.

& alibi,

Non omnis laudem pretiumq. Aurata meretur,

Sed cuius erit Concha Lucrina cibus.

Et quāvis Clemens Alexandrinus, Ostrea Abydena gulosis exprobet, & Licinius Mutianus sic multa genera laudet, *Cyzicena maiora Lucrinis, dulciora Britannis, suauiora Bdulis, acriora Lepticis, pleniora Lucensibus, sicciora Coryphan-
tenis, teneriora Iſtricis, candidiora Circeiensibus;* & Plinius pal-
mam tributam dicat ijs Ostreis quae suprà Rhodani ostia in

*Ostrea varijs
in locis.*

Lib. 22. c. 6.

lacu *σομαλίμης* appellato nascūtur; & Catullus laudet quæ sunt in Hellesponto,

colit ora

Hellespontiaca, coeteris ostreosior oris;

Et Lucanus quæ in Chalcedone,

ostreiferum dirimat Chalcedone cursu;

Dialogus Asellij Sabini.

Lucrina tamen omnibus antecelluisse, Romani luxus magnificentia demonstravit. Suetonius Tiberium, ait, Asellio Sabino donasse CC HS pro Dialogo in quo Boleti, Ficedulae, Ostreae & Turdi certamen induxerat, quæ omnia menfarum erant præcipua condimenta. Lascium idcirco lacum appellat Martialis,

Lib. 1. epig.
137.

Dum nos blanda tenent lascui stagna Lucrini.

Portus Iulius.

Plinius à Lucrino Tyrrhenum mare seclusum ait, quod inter Italiae miracula collocat. Id quidem PORTU IULIO factum est, cuius adhuc antè Lucrinum vestigia extant, adhuc conspiciuntur saxa quæ ad molem muniendam iaciebantur. Etrantq. proculdubio qui ad Misenum Portum Iulium fuisse contendunt. Quid enim Virgilij verba innunt?

Lucrinoq. addita clausura?

Atque indignatum magnis stridoribus æquor?

Iulia quæ ponto longè sonat vnda refluxo

Tyrrhenusq. fretis immittitur æstus Auernis.

Vbi Seruius ait; In Baiano sinu Campaniæ contra Puteolam ciuitatem Lacus sunt duo. Anernus & Lucrinus, qui olim propter copiam piscium vestigia magna præstabant. Sed cum maris impetus plerumque perumpens exinde pisces excluderet, & Redemptores gratia damna paterentur, supplicauerunt Senatui. Et profectus Caesar, ductis brachijs, exclusit partem maris, quæ antè infesta esse consueuerat, reliquit breue spaciū per Auernum, quo & copia piscium possit intrare, & fluctus non essent molesti, quod opus Iulium dictum est. Reprehenditur à Beroaldo quod Iulium Caesarem Dictatorem intellexit. Reprehenditur à Suetonio qui de Augusto ait; *Viginti seruorum millibus*

Portus Iulius à quo aedificatus.

bus manumiffis, & ad remum datis, Portum Iulium apud Baias immiffio in Lucrinum & Auernum Lacum mari, effecit. Iuuenalis fic defcribit, cū anteā dixiffet,

————— tū gratus Iulo &c.
Tandem intrat pofitas inclufa per aequora moles
Tyrrenamq. Pharon, porrectaq. brachia rursum,
Quae pelago currunt medio, longèq. relinquunt
Italiam; non fic igitur mirabere portus
Quos natura dedit ———

Lib. 4. Satyr.
12.

Miror Ioannem Brittanicum, portum hunc Hoflienſem intelligere magnis molibus à Claudio extructum, quem à Diuo Iulio faepius deftinatum ſcribit Suetonius, cū ſubdat Iuuenalis,

Hoflienſis
portus.

————— ſed trunca puppe magiſter
Interiora petit Baianae peruia cymbae
Tuti ſiagna ſinus ———

Portum natura factum fortaffe intelligens, quem ad Miſenum parauit Agrippa, quem in medijs vndis aedificando laude ſuperauit Auguſtus. Phari in eorum altero brachio veſtigia conſpiciuntur. Et Iulium appellafſe exiſtimarem, maternum genus reſpicientem. Sic enim Sextus Aurelius; Oſtavianus patre Oſtatio Senatore genitus, maternum genus ab Aenea Iuliam familiam ſortitus. Vel quoniam à Iulio Caefare fuerat excogitatus vt ait Lambinus in illud Horatii in Poetica,

Iulius à gene
re materno.

————— ſiue receptus
Terra Neptunus claſſes Aquilonibus arceſt
Regis opus, ſteriliſue diu palus aptaq. remis
Vicinas vrbes alit ———

Petrarcha in Itinerario ſcribit à Iulio conditum, ab Auguſto immutatum. Strabo verò, ο' δ' Λοκρῖνος κόλπος πλατύνεται μέχρι Βαίων, χώματι περιόμνος ἀπὸ τῆς ἔξω θαλάσσης δεκταδῖψ τοῦ μῦθος, πλάτος δὲ ἀμαξίτεῦ πλατείς, ο' φασιν Ηρακλέα διαχωῶσαι, τὰς βούς ἐλαύνοντα τὰς Ἰντρονὸς δεχόμενον δ' ἐπιπολῆς τὸ κύμα τοῖς χειμῶσιν ὥς τε μὴ πιεῖν εἶναι ραδίως, Ἀγρίππας ἐπεσκεύασεν. εἰς πλοῦν δ' ἔχει πλοίοις ἐλαφροῖς, ἐφορμίσαντα μὲν ἄχρηστοις, τῶν ὁστρίων δὲ θήραν ἔχων ἀφθονοτάτῃν.

Εἴκοσι

Εἶναι δὲ τοῦτον αὐτὸν, ἢ τὴν λίμνην εἶναι τὴν Ἀχαρῶναιαν φασιν. Porro Lucrinus sinus in latum producitur usque ad Baias, interclusus ab extremo mari aggere longo stadia VIII. tanta latitudine, quantam lati currus orbita occupat, Eum aggerem aiunt ab Hercule factum dum in Geryonis boues ageret. Cum autem tempestatibus mare agitantibus undas multis locis admitteret, & difficulter terrestri itinere posset peragrari, ab Agrippa est quod deerat structuræ additum. Naues admittit leues, stationi inutilis; sed capturam ostreorum habet copiosissimam. Nihil de portu Strabo scribit, sed de stagno tātum, à quo ad Baias ab Hercule ad littus via producta fuerat, quam Agrippa instaurauit. Quod iter his verbis commemorat Silius Italicus, qui & Cocytum appellatum fuisse à veteribus Lucrinum scribit,

Lib. 12.

Cocytus dictus
est Lucrinus.

*Asi hic Lucrino mansisse vocabula quondam
Cocyti memorat, medioq. in gurgite ponti
Herculeum commendat iter, quā dispulit aequor
Amphityoniades armenti victor Iberi.*

Lucrinus boni nominis
omen.
Lib. 1. de nat.
Deor.

Lycophron in Cassandra, Lucrini mentionem facit. Hoc tamen non praetereundum, tam boni nominis Lucrinum lacum apud Romanos fuisse, ut primus nominaretur in vetigalibus, veluti ut primus miles fieret bono nomine obseruabant Consules, ut ait Cicero. Et Festus; *Lacus Lucrinus in vetigalibus publicis primus locatur eruendus, omnis boni gratia, ut in dilectu censuue. primi nominatur Valerius, Saluius, Statorius.* Huius lacus diuitias vnà cum Tripergulae, vel

Trisopotum.

Trispoti delicijs, quo in loco arx, thermae, & aedificia plurima erant, cinerei montis subita exhalatio miserrimè contumulauit. Perijt quoque pauperum praesidium quippe Xenodochium ibi conditum fuerat à Carolo Illustri anno 1307. quod D. Marthae dicatum, agri Cumani partem praeter coetera possidebat. In vita Placidi scribit Gordianus, à Tertullo Romae patricio dimidiam lacus Lucrini partem, & insulam Caprariam (ut ipse loquitur, Capreas autem intelligit) in salo Neapolitano, B. Benedicto dono datas cū eum ad Cassinum inuississet. Sic enim Surius, mēse Octobri 522. A lucro, Lucrinum dictum esse, cum coete-

Lucrini pars
D. Benedicto
dada.

ris confirmat Ioannes Boccacius ; *Lucrinus lacus est Campaniae inter Misenum Baiarumq. caput, & Euboicas Cumas. Lucrinus ut veteres dicunt, à lucro dictus, nam cum in eodem multitudo magna piscium caperetur, ex quibus maximum mercatores consequebantur lucrum, Lucrinus dictus est.*

Lib.9. cap.8.

Delphini amor.

Quae Plinius de Delphino in hoc lacu pueri amasio narrat, quæ ex Baiano Puteolos in ludū litterarium dorso ferebat, quòd eum Simonem appellauerit, & panis fragmento, allegerit, & hoc nomine appellatum in Gallia Narbonensi quasi in hominū societatem adscitum, saepenumero piscari asserit Plinius, qui voluerint credāt. Moecenatis, Flauiani, & Flauij Alsij testimonio illud cōprobat. Appionem eius rei testem citat Agellius, & aliquot seculis antè apud Naupactum Theophrasti auctoritate Delphinos amatores fuisse cognitos scribit. Appion vero ex Aegyptiacorum libro 5. narrat historiam cui est initium, *περὶ Δικαιαρχίαν Δελφίνα ἐρωῶντα παῖδος, καὶ πρὸς παιδὶν αὐτὸν ἐπισημειῶντων*, & quae sequuntur cōtra Aristotelis opinionem qui lib. 4. Historiarum nullum esse piscem dicit qui habeat *φωνή* sed tantum *ῥόφον* quendam aut *πρισμόν, sirepitum & siridorem*. Et quamuis linguam habeat, non tamen ita soluta & articulata est, vt vocem edere possit. Atque adijcit rem non minus mirandam, puero mortuo, neque ad littus accedente, eius obitum animaduertisse Delphinum, atque esse exanimatum, & in sui pueri sepulcro humatum. Solinus per multos annos tandiū gestum esse puerum narrat, donec assiduo spectaculo desineret miraculum esse quod gerebatur. Haec quidem est illa *φιλοπαιδία* apud multos auctores, ideoq. amasij, venerei, lasciuientes dicuntur. Fabulā scripsisse Herodotum de Arione idem Agellius ait. Et vt fabulam cōmentus est Ouidius,

Lib.7. cap.8.

Herodot. lib. 1.

*Indè (fide maius) terga Delphina recuruo
Se memorant oneri suppositisse nouo.*

*Ille sedet cytharamq. tenet, pretiumq. vehendi
Cantat, & aequoreas carmine multet aquas.
Dij pia facta vident; asiris Delphina recepit
Iuppiter, & stellas iussit habere nouem.*

*Pausanias de
De'phino.*

Et fabulam narrare mihi visus est Pausanias, qui Delphinum Melicertae cadauer extulisse in littus, & Phalantum in Italiam transuehisse scribit. Et tamen audacter hoc commemorat in Laconicis se vidisse, Τὸν ἐν Προσελλῶν Δελφίνα τῷ παιδὶ σωτῆρα ὑποδιδόντα, ὅτι συγκοπίντα ὑπὸ ἀλίων αὐτὸν ἰάσατο, τοῦτον δὲ Δελφίνα εἶδον, καὶ καλοῦσιν τῷ παιδὶ ὑπακούοντα, καὶ φέροντα ὅποτε ἔποχῃ δαίει βούλοιο; Ego sanè in Proselene delphinum vidi, qui puero à quo sanatus fuerat cùm à piscatoribus vulnus accepisset, quasi mercedem curationis penderet, dicto se audientem praebebat, & eundem quocumque ille iussisset dorso transuebebat. Quid si in hac re Graecus fuit Pausanias? Ad easdem nugas accessit Aristoteles qui mortuum Delphinum ab alijs in summa pelagi dorso euectum scribit, ne ab aliqua marina bellua deuoretur. Et Aelianus lib. 16. c.6. eos pisces mortuorum memoriam non abijcere contendit, & ad summam eos aquam alleuare, vt hominibus sepeliendos tradant. Quasi vero cū piscibus loquutus, eorum didicerit ritus. Quid de puero Iasense somniant? Quid de Leucothea ad Corinthum à Delphino exposita? Quod monstrum de Caerano narrat, & de naui quae naufragium fecit Plutarchus? Et de Palaeomone Delphino insistente? Oppianus in Halieuticis pro parricida & impio eum habet qui Delphinū occiderit, hominem enim ab eo pisce obseruari existimabant. Ideoque Epigrammatarius.

— ἔσθον εὐσεβέστε

Quare idem Oppianus fabulatus est homines à Dīōny-
sio in pisces mutatos esse. Ab hominum tamen eum piscem
consuetudine non abhorrere, quotidiana nos docet expe-
rientia, quandò naues atque cymbas videntur comitari, &
ferè cum nauigantibus colloqui.

NOVI MONTIS ERUPTIO.

Cap. XIX.



ANTIQUARVM rerum monumenta Puteolis, eam habent admirationem, quam quae Romae sunt reliqua, quae maximum animo & oculis afferūt stuporem. At verò quae in ijs locis aut ignes, aut thermae, aut montes obijciunt, omnem superare admirationem facilè videntur. Quid admirabilius monte illo cinereo, qui vnus diei noctisq. spacio, tantum creuit, vt cum alijs circum montibus contendat? Anno siquidem 1538. cum antea biennio Puteolana regio maximis terraemotibus fuisset agitata, cumq. viginti perpetuis diebus loci adiacentes, atque ita vt domus nulla superesset, integra, & quae proximam non minaretur ruinam; pridie Cal. Octobois, qui dies Michaeli Archangelo sacer est, prima noctis vigilia (vt Antonius à Falconibus, & Simon Portius scribunt) terrae cumulus erectus est, cum prius mare CC. passibus recessisset, accolis piscium copiam capientibus, & dulcium aquarum scaturigine erumpente, nascentis subitò montis figuram imitatus. Aperto deindè veluti ore miros euomit ignes, lapides, tantumq. foedi cineris, & pumicum, vt obruerint aedificia, & frugibus atque arboribus ad VI. vsque lapidem funestā iacturam intulerint, pendentemq. vindemiam verterint in cinerem, dùm necata iumenta passim iacerent, & Puteolani cum liberis & vxoribus, nudi, squalidi, lugentes, calamitatem detestantes Neapolim se reciperent. Barbarorum maximas Puteolani iniurias pertulere; hanc autem quam natura ipsa intulit, & perferre coacti sunt, obliuioni nunquam tradent, & iniuriae testem coram oculis montem ipsum quotidie contemplantur.

tur. Hieronymus Borgius in carmine ad Paulum III. sic deplorauit.

*Quis fumus turpat niger ora nitentia Solis ?
Sulphureis tenebrosa palus effusa cauernis
Fluctuat Aetneis eruētans altius ignes.
Nunquid Auernales Pblegeton prorupit in undas
Terribiles fluctus & saxa sonantia torquens ?
BAIANAE reboant undae simul agmen aquarum
Dulce fluit, celeri fugiens contraria cursu.
Excidit è tremula Miseno buccina dextra
Rauca sonans, metuit rursus Prochyta aegra ruinam.
Bruta visceribus fumantis murmura terrae
Horrificis complent piceas mugitibus auras.
Tristis ab occasu facies, & torua minatur,
Vnde lues Latias infecit tetrrior vrbes,
Tum quae saxa furens ingentia saepè sub altum
Spiritus emittit coelum celi Circinus orbem
Amphitheatralem struxere ad multa repente
Millia, saxosos reuomente voragine fluctus.*

Voragineum appellat Porcius cinerem illum & siccum, sed longè lutosum & humidum cecidisse scribit, ad lx. ferè passuum millia; illudq. superare omnem admirationem, montem circum eam voraginem ex pumicibus & cinere M. passuum & eo amplius altitudine vna nocte esse cōgestum, & ex multis quae in eo inerant spiramenta, duo eius aetate superfuisse alterum iuxta littus ad Auernum procurrens, alterum in ipso montis medio, atque durare ad eam vsquè diem incendium, quod tamen intermitteretur aliquandò. Deindè rem physicam considerans, multa profert quae ad Meteorologica, & ad Astrologiam pertinent, illudq. potissimùm, quòd cum porosum littus illud fuerit, & cauer-nosum, facilè exhalationes motu velocissimo raptae, materiam in ea regione bituminosam atque perustam inflam-marunt, & propulsam eiecerunt hiatum illum efficientes. Quòd autem mare recesserit, exhalationibus tribuendum, quae

quae exire volentes , terram rarefecerunt , & veluti sitiens aquam per rimulas hausit . Ardebatq. materia bituminis , propterea quòd quae iuxtà scatebāt aquae , calidae erant , & exhalationum impetu, incendio robur est additum. Idem contigisse scribit Aristoteles in Ponto Heracleae. Magnos quoque eructauit ignes Vesuuus sub Tito. In Arime quoque Insula L. Martio & Sex. Iulio Coss. in Epomeo , apertum incendium maxima voragine.

Georgius Agricola ait , manifesta montium incendia, si perpetua sint , intelligere nos nullam esse obstructionē viarum per quas modò quasi fluuium quendam ignis , modò flammās, nunc verò tantum fumum eromunt. Sin per temporum interualla increſcunt, internis vijs oclusis, eius viscera nihilominus ardere ; superioris autem partis incendia propter fomitis inopiam nonnihil ad tempus remittere. At vbi spiritus vehemētior rursus reclusis vijs iisdem, vel alijs, è carcere magna vi erumpit, cineres, arenam, sulphur, pumices, massas, quae ferri habent speciem, saxa, aliasq. materias foras eijcere ; cuius exemplum mōtis Aetnae incendium , & multò maximum , mōs nouus ad Auernum. Idem motū nullo hiatu factò , molem egerere dicit ; qui ipse quidem proprio caret nomine , sed opus ἀναψύσμα Graeci nominant , quòd ipsi inflato sint plerunq; spiracula , quomodo tumulus propè Troezena ortus est , & hic mons nouus , multaeq. Insulae enatae (vt arbitrantur) Delos , Rhodus , Anaphe , Nea , Thera , Theresia , Aenaria . Afferit montem spiraculis fuisse plenum iam tūm cūm enatus est . intus flagrare & fremere , fumumq. multis in locis emittere , in quibusdam etiam riuulos effundere calidissimos, & descendere in craterem nonnullos tentasse , qui misere perierunt . Hoc tempore crater hortus est . Sic autem philosophatur , Lib. 6.
Lucretius ,

*Scire igitur licet innumeras vastasq. cauernas
Sub terris esse , atque illic quandoque creari*

*Ingentes ventos: qui dùm crudelia miscēt
 Proelia, concutiunt terram, nimioq. furore
 Congressi evertunt totis cum moenib. vrbes.
 Donec parte aliqua erumpunt factō agmine, & auras
 Diffusi in vacuas non longa pace quiescunt.
 Gignuntur verò bi venti telluris in aluo
 Ex fumis, quos vicina trahit ignis ab vnda.
 Quippe ignes in se muleos magnosq. perenni
 Tempore nutrit humus (dictu mirabile) sed non
 Falsa tamen refero; credet qui viderit Aetnam,
 Qui latebras calidarum vsquam spectarit aquarum;*

Qui nempe Puteolos viderit, multis anfractibus cauer-
 nosos, venis & poris peruios, vbi spiritus vehemētes aqua-
 rum concursum motumq. concitant; vbiq. collisi inter saxa
 venti efferuescunt, ignesq. incendunt maximos. Et miror
 profectò cur in ea regione huiusmodi montes saepiùs non
 exiliant. Virgilius grandiloquo suo more loquutus eā ignis
 vim sic exprimit,

*— sed horrificis iuxta tonat antra ruinis,
 Interdumq. atram prorumpit ad aethera nubem
 Turbine fumantem piceo, & candente fauilla,
 Attollitq. globos flammarum, & sidera lambit,
 Interdum scopulos, auulsaq. viscera montis
 Erigit eructans, liquefactaq. saxa sub auras
 Cum gemitu glomerat —————*

Silius verborum & sententiarum magnitudine, proximè vi-
 detur accedere,

*————— tellus atro exundante vapore
 Suspirans, vstisq. diu calefacta medullis
 Aestuatur, & Stygios exhalat in aëra flatus.
 Parturit, & tremulis metuendum exhibilat antris,
 Interdumq. cauas lucetatus rumpere sedes
 Ante xire foras, sonitu lugubre minaci
 Mulciber immugit, lacerataq. viscera terrae
 Mandit, & exesos labefactat murmure montes.*



DE AVERNO LACU.

Cap. XX.



VERNVS, Ἀορνός, καὶ Ἀορνίς dicitur Tzetis auctoritate. Sinui huic mari propè ipsum littus profundo, faucibus commodè ad recipiendas naues instructo, à Lucrino prohiberi portus vsum, scribit Strabo; ἐπὶ δ' ὁ μὲν

Lib. 5.

Ἀορνός κόλπος ἀγχιβαθὴς καὶ ἀρτίστειμος λιμὲνός τε μέγας καὶ λιμένος φύσιν ἔχων, ἡεῖαν δ' οὐ παρέχεται λιμένος, διὰ τὸ προκείμενόν τε τὸν Ἀορνίον κόλπον προσβραχὺ (vel προσβραχῆ) καὶ πολὺν; Εἰ αὖτε *Auernus sinus maris profundus, plano ostio, magnus, & portus naturam habens.*

Portus verò vsum non praebet sinus Lucrinus, qui antè illū iacet praelongus & altus Paludem laqueo circumductā vocat Lycophron ἀμφοτεροπάλω βρέχω, quoniā rotunda figura circumducitur. Locum quem Ditis ostium esse credebāt veteres superstitiosi, Auernum vocabant. Quamobrem multa Auerna Lib. 6.
commemorat Lucretius,

Nunc

Nunc age Auerna quae sint loca cunque lacusq.

Expediam, quali natura praedita consent

Et Virgilius, ————— & *Auerna per alta*

Lib. 6.

Congressus —————

Et Aristoteles lib. *περὶ θαύματος ἀκουσθ.* quandam Auernam paludem describit, non longè ab Insulis Electridibus, fluuiioq. Eridano in Epiro cuius aquae calidae odorem exhalant grauem & retrum; in qua nec animal vllum bibat, neque auis volet; quod si volare conata fuerit, continuò in eam decidat & intereat. Hinc, *Αορνα, sine auibus.*

Virgilius, *Quam super haud vllae poterant impunè volantes*

Tendere iter pennis, talis se balitus atris

Faucibus effundens supera ad conuexa ferebat

Vnde locum Graij dixerunt nomine Auernum.

Dixerat quoque antea Lucretius,

Lib. 6.

Principio quod Auerna vocantur, nomen id ab re

Impositum se, quia sunt auibus contraria cunctis

E' regione ea, quod loca cum aduenire volanteis

Remigij oblitae pennarum vela remittunt,

Praecipitesq. cadunt, molli ceruice profusae

In terram, si fortè ita fert natura locorum,

Aut in aquam, si fortè lacus subfiratus Auerno'se.

Tzetzes ait aliquos scripsisse, Auernum calidum esse lacum ramosum, ibiq. esse quae ad Phaetontem pertinent, & Electrum nasci. Alios in Alexandri gestis, montem fecisse Auernum qui *ΧΥΡΙΙ*. stadiorum altitudinem contineret, à quo ob frigiditatem aues abhorrebant. Sotionem, Agathosthenem, Dionem, coeterosq. historicos, non lacum, neque montem, sed Os quoddam dixisse apud Diabenem Mesopotamiae & Syriae regionem propè Asphaltitidem lacum. Quasi verò ex eo Naphtha emanaret. Et Pausanias in his quae de Thracio Orpheo scribit, ait credidisse aliquos illum ad Auernum Thesprotiae mortua vxore venisse, quod ibi peruetus esset oraculum per vmbrarum euocationem

nem

nem, ibiq. Eurydicis animam sequutum, & deceptum, sibi ipsi mortem consciuisse. Quis diuinare poterit, an hac de causa Laberius apud Agellium lib. 11. cap. 5. in lacu Auerno dixerit pro amante muliere, *Amor abundam?*

Necya.

Ea propter cuique Auerno Necromantia cum maximo humanae prudētia dedecore applicarunt. Et de nostro loquens Strabo; ἐμύθεν ἐν τῷ Αὐρῷ τὰ περὶ τῶν νεκρῶν τῶν Ὀμηρικῶν; quandò aiebant mortuos ibi responsa dare, ideòq. Vlysses eò aduenisse. Vlyssis verò Auernum apud Cimmerios ad Bosphorum Cimmerium, ad Septentrionem describit Homerus, ad cuius imitationem Virgilius hunc Auernum Aeneae explicauit. Quod verò detestabilis Magiae genus ab Homero narratur? quanam fabulae? quid à Christiana religione magis abhorrens?

Cimmerij Septentrionales.

Homeri Necya.

Λμφ' αὐτῷ δὲ χόας χόμην &c.

Scrobem fodi cubitalem quoquo versus;

Odys. 11.

Circà eam autem libamina fundebamus omnib. Manibus

Primum mulso, postea vero dulci vino,

Tertium vero aqua, insuper farinam albam commiscui.

Multum autem precatus sum mortuorum infirma capita etc.

Et si alij addiderint lac, oleum, spumam Canum, Lyncei viscera, oculos Draconum. Quae veluti placenta in ignem conijciebātur. Euripides de placenta & Scrobe Menelaum loquentem inducit,

Σὲ τῶ ὄρυγμα δεινὸν ἡμιλλημέτεω

Τύμβου καλῶ κὶ δ' ἐμπόρους τ' ὀρθογατάς.

Μεῖνον τί φεύγεις;

Te festinantem ad terribilem fossam

Sepulcri, & ad sacras placentas in ignem coniectas voco.

Mane. Quid fugis?

Nigratum deindè pecudū sanguine fossa implebatur, quae Herois ense fodiebatur; & horum suffitu corporibus iungi animas

animas credebant, futura hoc pacto praedicentes. sic enim ibidem de Tiresia,

Αἱματος ὄφρα πίω, καὶ ταῖς τιμῆσι ἔπω.

Sanguinem at bibam, & tibi vera dicam.

2. *Tus.*

Platonis spiracula.

Idcirco *Ψυχομαντεῖαν* in hoc Auerni lacu fuisse scribit Cicerō, Appiusq. *νεκρομαντεῖα* illic facere solebat. Eam Virgilio causam fuisse, inquit Turnebus, fingendi Aeneam per Auernum ad inferos descendisse, quod esse crederentur illic Platonis spiracula animas remittentia Magico ministerio, & retrō recipientia. Sed in ea parte Italiae (inquit Max. Tyrius serm. 6.) quae Magna Graecia dicitur, apud Lacum cognomine Auernum, diuinatorium antrum fuit, antriq. ipsius Sacerdotes ductores animarum ab ipsa re denominati; quō qui oraculi causa venisset, praecatione in primis facta, victimis caesis, liquoribusq. effusis, vel patris, vel amici cuiuspiam animam excitabat ab inferis. Hinc Aeneae quoq; cum Sibylla ad eum Lacum cōgressus, hinc etiam Scrophae diuinatio, quam à Lacu Auerno dimissam, scribit Messala Corvinus lib. de Augusti progenie, condendae Urbis locum demonstraturam. Quae ad ripam Tybridis confedit, & Scrophae vexillum tunc elatum, de quo Virgilius,

Vide age, & ingentem factis fer ad aethera Troiam.

Lib. 48.

Simulacrum Calipsus.

Terminalis Deus.

Quam vanitatem coarguit Augustus excisis siluis, quae caliginosum & obscurum reddebant locum. Quod Agrippae opera factū scribit Dio; idemq. refert tunc supra Auernum simulacrum quoddam sudore tāquam humano repletum inuentum esse. Id CALIPSVS fuisse existimant cui sacrum locum illum esse dicebant, quamquam & Terminalem quoq; Deū ibi constituat Lycophron, qui de Auerno loquens subdidit, in Cassandra,

ἐνθα Τερμεύς

Ὀρκωμότους ἔτευξεν ἀφ' ἑθίτοιο ἔδρας

ubi Terminalis

Iusiurandi constituit Dijs sedes —

Termi-

Terminalis siquidem Iuppiter dicitur, *ὡς ἀρχὴ καὶ τέλος πάντων*. Ad eas superstitiones obeundas, Annibal quoque ad Auernum hunc accessit vt sacrificaret, quod scribit Liuius. *Annibal ad Auernum. Lib. 4. De. 3*
Tunc sanè truculentior ne atq; horridior fuerit barbari viri, an Auerni aspectus, ignoro. Ad eum tamen tunc quinque iuuenes nobiles Tarento venerunt ad Thrasimenū & Cannas capti, & maxima comitate ad domos sunt dimissi. Diti sacrum fuisse locum hac de causa idem Strabo ait, & Orci *Orci ostium.* ibi ostium esse credebant. Cicero 1. Tusculana è vetere poeta,

Indè in vicinia nostra Auerni lacus

Vndè animae excitantur obscura umbra, aperto ostio

Alti Acherontis

Quod Manalem quoq; lapidem fuisse appellatum ait Festus. Et, Manium postem, etiam dictum reperi. In locis pestilentibus ostium Orci esse dicebant. Plautus Trinummo, *Manalis Lapis.*

Acherontis ostium in nostro est agro.

Lib. 6.

& Lucretius, *Ianua nec puteis Orci regionibus illis*

Credatur

& licet Virg dicat, *quando hic inferni ianua Ditis*

Lib. 6.

Dicitur

Non tamen illud intelligebat, hunc tantum Auernum inferni fuisse ianuam. Nam cum animas omnes ad inferos descendere putarent, multis in locis Orci ostium esse credebant, quibusuis scilicet locis pestilentibus, vt quae spiracula erant quae foeditate, & grauitate animam extorquerent. Arnobius, scribit Protumnum quendam ignominiosum Dei amatorem, ianuam Ditis, atque Acherusiae aditum pollicitum esse indicaturum Libero Semeleio, si sibi facilis ille Deus morem gereret.

Lib. 5. contra gentes.

Sed quae à Latinis Ostia Ditis nominantur, ea Graeci

Πλουτώνια, & χαρόνια dicunt. Plinius, *In Sinu ssano agro & Puteolano Spiracula vocant, alij Charoneas Scrobes mortiferum.* *Lib. 2. c. 93.*

Spiritus exhalantes. Et Cicero, *Non videmus, quàm sunt varia Lib. 1. de Diu. terrarum genera, ex quibus mortifera quaedam pars est, vt &*

N

Ampsancti

*Problem.
Pyriphlegeton*

Ampsancti. & in Asia Plutonia quae videmus. Aristoteles totum illum tractum quondam Pyriphlegetontem appellari solitum scribit, qui deinde haec de Auerno nostro; *περί τῶν Κούμῳ περί Ἰταλίαν λίμνη ὅστις ἡ προσαγορευμένη Αἰρνος. περικυκλωθεὶς γὰρ λέγουσι περι αὐτὴν λόφους κύκλῳ τὸ ὕψος οὐκ ἔλαπτον τριῶν σταδίων, καὶ αὐτῶν τῶν περὶ ἡμῶν κυκλοπερὶ, τὸ βάθος ἔχουσαν ἀνὰ πέντε βλητόν;* *Apud Italas Cumas Lacus est Auernus appellatus forma circulari, profunditate immersa tumulis undique septus, trium ad minus stadiorum altitudine.*

Subdidit nihil habere admiratione dignum. Hoc tamen ibi esse mirandum, quod densissimis circumpositis arboribus nullum in lacu cernitur natans folium. Aquarum puritati illud videtur tribuere. Eundem vocat *Αἰρηῶν* Antigonus, apud quem vide elegantem Timei locum. Pyriphlegetontem etiam in Auerno cum Oraculo commemorant alij (quapropter Apollinis templum ibi collocant) ex aquis calidis Acherusiae vicinis, & vicinum aquae potabilis fontem, à qua omnes abstinebant Stygis aquam putantes. In Epiro locus Aornus quoque dicitur qui pestilenti exhalatione insignis, non sinit volucres coelo frui libero. In India non procul à Nysa, Saxum, est Aornum. Et quaedam exhalationes & si terra nullos habeat specus, animantes solent necare, ut Lepores Ithaca, Noctuas Creta, Canes Sigarus, Scorpiones Galata circa Africam.

Lucretij locus de Auerno.

Lib. 6.

Cum de Auerno loquutus est Lucretius,

Is locus est Cumas apud, Etruscos & montes

Pompeij calidis ubi fumant fontibus aucti,

*Advers. lib.
22. cap. 19.*

locum corruptum existimat Turnebus, quid enim Auerno cum Etruria & atque legit,

— *Cumas apud Ocris Vipera montis;*

Quae lectio Sibyllae interpretatione & Oraculo indiget. Neq; huiusmodi loquutus est Lucretius ut Oscan linguam redoleret, ut Ocris, montem confragorū significaret, & Vipera exitiosum & pestilentem locum. Rectius aliqui legunt,

Cumas

— *Cumas apud montemq. Misenum*
 vel, — *montemq. Vescuum,*

propterea quòd Pompeios deindè videtur commemorare. Antiquam ipse lectionem retinerem, vt Etruscus mons sulphureus appelleretur, à Gigantum parte quae in Etruriam in Phlegrea illa pugna eiecta est. Audi Pomponium Laetum,

*Huc quicumq; venis stupefactus ad ossa Gigantum,
 Disce cur Etrusco sint tumulata solo, etc.*

Acheron.

Acherontem quoque Auernum appellatum dixere, quòd in eum Acherusia palus, quae ad Cumas est, influeret per subterraneos meatus, quamuis & Acherusiam in Lucania commemoret Futropius. Eandem, & in Epiro alteram memorat Liuius dum scribit, Alexandrum Epiri Regem, vt caueret Acherusiam aquam, & Pandosiam urbem ex oraculo Iouis Dodonaei, quae vrbs, & qui amnis in Epiro sunt, ociùs transmississe in Italiam, vt quàm maximè abesset ab Epiro. Qui tamen propè eam urbem atque amnem occisus est ab exule Lucano. Amnem in Epiro Acherontem ex Molosside fluentem in stagna inferna accipit Thesprotius sinus, vt apud eundem Liuium. Et arborem albae populi reperit Hercules ad amnem Acherontem in Thesprotide, ex cuius lignis victimarum femora Ioui Olympio cremabat. Seruius ex aestuarijs Acherontis, vel Acherusiae, vel Acheruntiae, Auernum nasci scribit. Ad quod allusit Silius lib. 12.

*Acherusia in
 Lucania*

In Breviario.

Dec. 1. lib. 8.

*Acheron in
 Epiro.*

*Hinc vicina palus, fama est, Acherontis ad undas
 Pandere iter cauas stagnante voragine fauces
 Laxat, & borrendos aperit telluris hiatus,
 Interdumq; nouo perturbat lumine Manes.*

Et Petrarcha in Itinerario, *Ea autem buiuscemodi apta loca, quod ibi sint Auernus atque Acheron tartarea nomina, ibi Ditis ostia limen irremeabile, & ille facilis descensus Auerni.* De Acherusia, Cumis aliqua scripsimus.

Stygia palus . Cimmerij.

Stygiam quoque paludem fuisse dictum Auernum , idem Silius scribit ;

*Ille olim populis dictum Styga , nomine verso
Stagna inter celebrem nunc mitia monstrat Auernum.
Tum tristi nemore , atque umbris nigrantibus horrens
Et formidatus volucris , letale vomebat
Suffuso virus coelo , Stygiaeq. per vrbes
Religione sacer sacrum retinebat bonorem.*

& Lycophron in Alexandra ,

*Δίμνιν τ' Αορνὸν ἀμφιτορῶ τῶ βρόχῳ
καὶ χαῦμα κωκυτοῖο λαβρωθὲν σκότῳ
Στυγὸς κελαινὺς νασμὸν* ———

*Paludemq. Auernam laqueo circumductam
Et Cocyti fluuium tenebris absortum
Nigrae Stygis riuum* ———

Lib. 5.

Argillae.

Ex ea obscuritate Cimmerios ibi habitasse crediderunt . De quibus Strabo dùm loquitur , ait includere Auernum supercilia , rectà sursum enata , & vndique praeterquàm in aditu imminetia , silua olim magnarum arborum inaccessa . Quam postcà cùm ipsius Strabonis aetate caecidisset Agrippa , & loca aedificijs essent occupata , & actus infrà Auernum Cumas vsque cuniculus, omnia haec Cimmeriorum fabulam deleuerunt, vt ipse innuit Ephorum reprehendens , qui Cimmerijs locum illum dicans , scripsit eos in subterraneis aedificijs habitasse quae Argillas vocabant . Idcirco deludere videtur antiquos, qui lacum non nauigabant , nisi priùs Genios Manes in tenebris illis placassent , Sacerdotibus ad id constitutis . Sed Cicero Acad. quæst. l. 2. *Cimmerij populi (inquit) in Italia ad Baianum & Auernum sinum , incolentes vallem ingenti iugo circumductam , quae neque matutino, neq; vespertino Sole contegitur, vnde prouerbiū Cimmeriae tenebrae.* Lycophron vero ,

καὶ Κιμμέριον ἱ παυλὰ κ' Ἀχαιρουσίαν. & ,

ὄβριμοῦς τ' ἄλσος οὐδαίας κόρης

Πυριφλεγὲς τε ρεῖθρον, ἔσθα δ' ὕσβατος

Τένει πρὸς αἶθραν κρᾶτα πολυδέγμων λόφος.

Et Cimmeriorum domicilia, Acherusiamq.

— *Proserpinaeq. nemus infernae puellae,*

Et Pyriphlegetontem fluvium, ubi inuius

Tollit in coelum verticem capax collis.

Ergo nemus illud Proserpinae dicatū erat. Haec in Baijs cōmemoravit. Eorum habitationes ad Bosphorum descripsit Homerus. Indè ad omnia loca obscura significatio emanavit. Eorum domum, ignavi somni penetralia appellavit Ovidius. Et tristes noctis tenebras, Homerus. Et quemadmodū Auerni locus, sic & Cimmerij aliundè huc sunt trāslati. Vltrà.n.Oceanū Cimmerios summus Poetarum posuit, *Odysf. 11.*

Ἡ δ' ἔς πεῖραβ' ἱκανὴ βαθυρόου Ωκεανοῖο

Ἐσθα δὲ Κιμμέριον ἀνδρῶν θυμός τε πῖλος τε.

Ille ad fines peruenit profundi Oceani,

Hic verò Cimmeriorum erat virorum populufq. ciuitasq.

Idq. credula obseruauit antiquitas quippè constitutis ab Hercule Colūnis, indicante nullum praetereā inueniri posse littus, vltrà illas inferos constituerunt vbi Sol diū nōn lucet, sed fulguris in modum praeteruchitur, vt scribit Isacius. Quāmobrem Clāudianus,

1. in Eutrop.

Est locus extremum pandit qua Gallia littus

Oceani praetentus aquis, quā fertur Vlysses

Sanguine libato populum mouisse silentum.

Illic umbrarum tenui sordore volantum

Flebilis auditur questus, simulacra coloni

Pallida, defunctasq. vident migrare figuras.

Omnem lacum Auernum, trium stadiorū altitudine circundari scribit Aristoteles, falsis vndis, nigroq. colore ob profunditatem, sulphur oluisse, & densam foetidam caliginem, quoniam obscœnum sacrum humano sanguine conficiebatur. Sulphuris odorem occidisse aues scribit Seruius.
Vibius

Lib. de fium.

Vibius Sequester immēsam aquis altitudinem tribuit, quae ramen ducentas vlnas non excedit . Pisces paucos gignere eosq. paruos atque nigros , nec humano vsui commodos , scribit Ioannes Boccacius.



Antrum Sibyllae.

Lib. 5.

Quod vulgus antrum Sibyllae ad Auernū nominant, haud vereor antri faucem fuisse quod Cumis ad Auernum ductum erat, vt testatur Strabo, qui montem excisum à Cocceio ob Cimmericos affirmat ; ἀπὸ δὲ τοῦ Αἰώνου διαπύργος ὑποπόμου τμηθείς μέχρι Κούμης ; *Aetnae infra Auernum Cumas usque cuniculus.* Quamobrem cū Sibyllae antrum Cumis fuisse non sit dubitandum, ad oracula & sacrificia, ad Auernum se contulisse affirmarem. Cellam in hoc cuniculo vermiculatam, coeruleoq. colore depictam, balneum, non Sibyllae habitationem omnes affirmant necesse est ; nam calorem illum & tenebras, quis perferre habitando potuisset ? E regione magni aedificij vestigia supersunt. Apollinis tēplo tribuunt. Alij thermas existimarunt . Extat hoc tempore Balneum Subcellarium.

FOSSA

FOSSA NERONIS. MONS CHRISTI

Mons Gaurus. Cap. XXI.

AGISTRIS & machinatoribus Seue-
ro & Celere utebatur Nero, quibus inge-
nium & audacia erat etiam quae natura
denegauisset per artem tentare, & viribus
Principis illudere, vt scribit Cornelius Ta-
citus. Ab his cognitū Neronis ingenium.

Lib. 5.

Aedificiorum delectabatur luxu, vt etiam in vestibulis Co-
lossos centum viginti pedū posuerit, porticus triplices mil-
liarias aedificauerit, cuncta gemmis & vnionum conchis
distincta, & auro lita ornanda iusserit, vt etiam ex coena-
nationibus vnguenta spargerentur & flores. Exquiliarum
mons totus aureus aurea domo visus est. Ideòq. ab lacu
Auerno nauigabilem fossam vsque ad Ostia Tyberina de-
pressuros promiserant squalenti littore, aut per montes ad-
uersos. Suetonius huiusmodi nauigationem describit, vt
nauibus, nec tamen mari iretur, longitudinis per clx. mil-
liaria, latitudinis qua cōtrariae quinquereemes cōmearent.
Ad quod opus perficiendum fontes qui morte plectendi es-
sent, damnati sunt; & quicunque in carceribus deuincti es-
sent toto Romano Imperij orbe, in Italiam deportati. Id
enim apud Suetonium significat, *Quod ubiq; esset custodiae;*
quicunque custodiebantur. Et Custodias, vinctos ipsos ap-
pellant Iurisconsulti. Sed quae nam Imperatoris infania?
praeter Imperij vires, nitebatur thesauris. Vecordem sanè
hominem, ea tantum vanitas ostentauit. Antiquissimam
Didonis gazam ex Tyro aduectam, eques Romanus polli-
citus est. At ipse pecuniarum, animae, corporis, ingenij
profusor, adhibuit fidem. Mox, quòd eum spes sefellit, ra-
pinis se totum dedit. Opus praeclarum, sed quod absolu-
nunquam potuisset. Licolam vulgò, dicunt.

In Ner. c. 31.

Ad

Ad Auernum etiam, Mons CHRISTI est. Miror doctos viros in dubium reuocare, an CHRISTVS Saluator, ad Auernum resurrexerit in hoc mōte, & ab Auerno Puteolano praedā tulerit, nam poeta quem Eustasium falsò dicunt,

*Est locus Australis. quo portam CHRISTVS Auerni
Fregit, & eduxit mortuos indè suos.*

*Haec domus est triplex, hinc iure Tripergula dicta,
Vna capit vestes, altera seruat aquam, etc.*

Et Alcadinus apud eosdē eandem ignorantiam sequutus,

*Est locus effregit quo portas CHRISTVS Auerni,
Et sanctos traxit lucidus indè Patres;*

Cū sciamus Redēptorem operatum esse salutem in medio terrae. Quid Hierusalem cum Puteolis? Quid Auerno lacui, cum Sepulcro illo celeberrimo, in quo iam Sanctarum mulierum redolent aromata? An Angelos in monte CHRISTI fuisse dicemus eos, qui in Sepulcro Hierosolymis dixerunt, *Surrexit non est hic?* Quasi vero Auerno lacu opus fuerit summo illi conditori, & fabulosum locum ipsa veritas ad sui ipsius gloriae monumenta declaranda elegerit, Auernum verò pro Inferno acceptum Theologis quoque exprimit D. Ambrosius qui in hymno cecinit,

*Auernus pro
Inferno.*

*Ne foeda sit vel lubrica
Compago nostri corporis
Per quam Auerni ignibus
Ipsi crememur acrius.*

Quemadmodum Prudentius in Hymno ad omnes horas, tartarum dixit,

*Quia ipsum (ne salutis Inferi expertes forent)
Tartarum benignus intrat* —

Et Sedulius grauiissimus auctor tartarum, erebum, & chaos appellauit.

Quod ad GAVRVM pertinet, tres hoc nomine montes appellatos reperio. Primus is est qui ad Massicum propè Minturnas Suefsamq. surgit. De quo Cicero, *Hac lege Tribunicia Decemuiri vendent agrum Campanum. Accedit & mons Gaurus accedui*

2. Agraria.

accedunt sibieta ad Minturnas. Adiungitur & illa via vendibilis
 Herculeana multarum diuiciarum & magnae pecuniae. Et Livius; *Lib. 7. Dec. 1.*
 Consules ambo cum duobus ab Urbe exercitibus profecti, Valerius
 in Campaniam, Cornelius in Samnium; ille ad montem Gaurum,
 hic ad Sutriculam castra ponit. Massico sic coniungit Statius, *Lib. 4. Silu.*
 in Via Domitiana,

Atque Echo simul hinc & inde fraëlam

Gauro Massicus vifer remittit.

Miratur sonitum quietae Cyme

Et Linterna palus, pigerq. Sauo.

Quod vitibus plenus erat, idem Statius Icarium appellat, *Silu. 1.*

Icario nemorosus palmitè Gaurus.

Icarus Oebali Laconum Regis filius accepto à Libero pa-
 tre vino, rusticis distribuit, qui toxicum accepisse arbitra-
 ti, eum interfecerunt. Frondentem vitibus, & Nysaeum ap-
 pellat Silius, *Lib. 8.*

& frondentia laeto

Palmitè deuastat Nysaea cacumina Gauri.

Quippè in Nyfa vrbe Arabiae quae Agypto contermina
 est, Bacchus à Nymphis fertur educatus. Per Falernos
 Gauranosq. saltus Fabium sic macerasse Hannibalem scri-
 bit Iornandes, vt qui frangi virtute non poterat, mora
 comminueretur. *Lib. 1. de
 Regn. ac tēp.
 succ.
 Lib. 12.*

Secundus, qui Stabijs imminet. Silius,

Illic Nuceria & Gaurus naualibus apta.

A quo Gauranum oppidum ad Stabias appellatum con-
 firmant indigetæ, Surrentinis collibus & Nucertino naua-
 li conterminus. Tertius, qui Puteolis est ad Auernum,
 quem Barbarum nominant, de quo Lucanus, *Lib. 2.*

vel siconuulso vertice Gaurus

Decidat in fundum penitus stagnantis Aue: .:

Et Iuuenalis Satyra 9.

Te Trifolinus ager foecundis vitibus implet,

Suspectumq. iugum Cumis, & Gaurus inanis,

Quo epitheto vel montem significat ad agriculturam in-
 O eptum,

Idyll. 9.

eptum, nullo arbore confitum, sed nudum, quare non credendum vitibus fuisse abundantem, & cùm de vino loquimur, Gauranum propè Massicum intelligamus necesse est; vel inanem dicit, nam cauernis olim abundabat. Sulphureum dici ab Aufonio arbitrati sunt,

Tales Cumano despectat in aequore ludos

Liber, sulphurei per iuga consita Gauri

Perq. vaporiferi graditur vineta Veseui,

Quem tamen de primo Gauro loquutū affirmo & ob scrobes Sueffanas. Gaurum qui imminet, sulphureum dixisse. At Sidonius Apollinaris de Puteolano cecinit,

Ipter delicias mollirent corpora Baias,

Et se Lucrinus quā vergit Gaurus in ondas.

In hoc monte quā variè Diabolus inuentoribus thesaurorum illudit? Quātam sibi in eius visceribus carbunculorum copiam proponunt? Ridiculum profectò, & homine indignum.



BAIAE.



B A I A E.

Cap. XXII.



INVM illum celebrem Baiarum, non quòd Aristobolus Romam proficiscens est admiratus, sed quòd ipse saepius eò contendens, Romani animi fragmenta quae reliqua sunt summa cum admiratione còspexi, cum aliqua Romanae vrbs ma-

iestate comparare ausim & thermarum copia, & amplitudine templorum, & terrae solo calidis aquis irriguo, quas tùm ad luxum, tùm ad morborum sanationem idoneas appellauit Strabo, & Dio vitae hominis & valetudini aptissimas, ideoq. magnificas ibi & sumptuosas aedes extructas, visus est in vita Augusti magnopere laudare. Sic à Blondo

Lib. 5.

describitur; *Terram ambit omnium Italiae pulcherrimam, in qua Baiæ fuerunt ciuitas opulenta. Idq. omne solum & si quinis, ut diximus, productum est millibus, latitudine tamen parum variata, duo alicubi, & minus alibi millia explet, ut digiti vnus speciem praeferat. Quo in terrarum, ut ita dixerim, digito tam multa cernuntur partim integra in subterraneis, partim superius* *In Ital. illustr.*

femiruta, partim in ruinas collapsa veterum operum monumenta, ut extrà urbis Romae moenia nihil illo toto orbe terrarum aedificiorum magnitudine ac pulcritudine par credam existimemq. fuisse, ut non iniuria dixerit Horatius,

1. epist. 17.

Nullus in orbe locus Baijs praelucet amoenis.

Lib. 6.

Volaterranus; Apud Baias amoenitas illa praedicata, & seces-

Lib. 8.

sus Romanorum. Situm & nomen his verbis cōiungit Silius Italicus,

——— illic quos sulphure pingues

Pblegraci legere sinus, Misenus, & ardens

Ore giganteo sedes Ithacesia Baij.

nam à Baio Vlyssis socio ibi sepulto, sic appellatas dicunt. De quo cū dixisset Lycophron de Gigantibus loquutus,

Βαίου δ' ἀμείψας τοῦ κυβερνήτου τάφος.

addidit Interpres, Baium hunc naus Vlyssis gubernatorem fuisse, & ad Siciliam sepultum. à quo dicunt vocari Baias insulas & ciuitates, & Baianum lacum propè Auernū Italiae. Plerique à baiulandis mercibus sic dictas existimant. insulsè. Neque praetermittam apud Aegyptios, B A I, animam significare, ut scribit Orus Apollo, si *βαία* tribuimus. Et B A I O N, genus esse compositionis medicum, apud Trallianum, si thermas consideremus. Iosephus paruam fuisse ciuitatem scribit, cū loquitur de Fortunato Agrippae seruo, qui Herodem subsequutus, Caesari litteras erat redditurus, quem apud Baias consequutus est. Imperatorum tamen habitationes magnificè aedificatas, principum villas, thermasq. maximè laudat.

Lib. 18. c. 14.

Baianarum aquarum luxus.

Quamuis Baianis aquis plurimū tribuamus, Horatius tamen ab Antonio Musa medico edoctus, ad voluptatem dumtaxat comparandam eas valere scribit, ad bonam vero valetudinem inutiles esse, epist. 1. ad Nummonium Valam,

——— nam mihi Baias

Musa superuacuas Antonius; & tamen ill's

*Me facit inuisum gelida cùm perluor unda
Per medium frigus* ———

Et Suetonius Augustum scribit quia calida fomenta non proderant, frigidis curari coactum esse. Medici hoc tempore (sed quis medicus? qui Galeni tantum methodum legerit? qui impunè homines occidit?) cùm nihil reliqui habeant medendis corporibus, vel cùm reipsa ignorent quo morbi genere aegri sint affecti, ad aquas Baianas eos reijciunt, quas nemini vnquam prodesse cognoui. Noui tamen stolidos nostrae aetatis homines, qui si caeci eò proficiantur, iam se videre coeciores indè reuersi contendunt. Nihil praeterea accedentes faciunt, quàm quod idem Horatius ait,

*Ad mare cùm veni generosum & lene lequiro
Quod curas abigat, quòd cum spe diuite manet
In venas, animumq. meum, quod verba ministret,
Quod me Lucanae iuuenem commendet amicae.
Tractus vter plures lepores, vter educet apros,
Vtra magis pisces & echinos aequora celent.*

Ad quod allusit Pontanus lib. i. Baiarum,

*Salaces refugis, Marine, Baias
Et fontes nimium libidinosos.
Quid mirum? senibus nocet libido
At non ò Tomacelle vina profunt?
Et prodest senibus liquor Falernus?
Et profunt latices Thyoniani?
An non & senibus Marine, somnus
Et prodest requies? soporq. prodest?
Baijs somnulosius quid ipsis?
Quid thermae. nisi molle, lene, mite
Rorantes cyathos merumq. poscunt?*

Alibi balneas inducit loquentes, quae hoc etiam tempore eadem obloqui possent, quandò Venus in balneis cupit impleri,

Nosirum

*Nostrium si titulum puella nescis,
 Hic est; Praegrauida recede aluo
 Quae venit vacua; hoc habet tabella.
 Quod verò officium tuum meumq.
 Quae partes, moneam; Virum ipsa tecum
 Adducas validum, ioci peritum,
 Cui telum viride, & virens iuuenta,
 Nec tu defueris comes iocanti*

Martialis innuit saepè Penelopes, Helenas in balneis euas-
 sisse;

*Casti nec antiquis cedens Laeuina Sabinis
 Et quamuis tetrico tristior ipsa viro.
 Dummodo Lucrino, modo se permittit Auerno,
 Et dum Baianis saepè fouetur aquis,
 Incidit in flammam, iuuenemq. sequuta relicto
 Coniuge, Penelope venit, abit Helene.*

Vtilia docet in Pedagogi lib. 3. cap. 5. Clemens Alexan-
 drinus, qui ait Viris & feminis communia aperta esse bal-
 nea, atque ibi exui ad intemperantiam perindè ac si sit eis
 pudor in lauacris obrutus. Athletas praeterea viros nudos
 se ostendere erubescerent, dùm certamen peragebant ac-
 cinctis subligaculis seruasse verecundiam; mulieres autem
 simul cum tunica pudorem exuere. Ideoq. Hesiodum Cor-
 pus femineo non exilarare lauacro, suadere.

Epist. 51.

Idcirco tepentes fontibus Baias, Lucrinum, & Auernum,
 quaedam maris ocia dixit. Eius loci vitia sic describit Se-
 neca; Nūquam Canopus eligit. ne Baias quidem. Diuersorium
 vitiorum esse coeperunt. Illic sibi plurimum luxuria permittit. Ibi
 tanquā aliqua licentia debeatur loco, magis soluitur. Non tantum
 corporis, sed etiam moribus salubrem locum eligere debemus. Quem-
 admodum inter tortores habitare nolim, sic nec inter popinas qui-
 dem. Videre ebrios per littora errantes, & comestiones nauigan-
 tium, & Symphoniarum cantibus persirepentes lacus, & alia
 quae velut soluta legibus luxuria, non tantum peccat, sed publi-
 cat. Et paulò post; Habitaturum tu putas unquam fuisse in Vtica
 Catonem ut praeternauigantes adulteras dinumeraret, & aspice-
 ret

ret tot genera cymbarum varijs coloribus picta, & fluitantem toto lacu rosam, & audiret canentium nocturna conuicia? non ne manere ille intrà vallum maluisset, quàm vnã noctem inter talia duxisse? Quae Cicero in oratione pro Coelio breuiùs complectitur, Accusatores quidem libidines, amores, adulteria, Baijs acta cõiugia; comestationes, cantus, symphonias, nauigia iactant. Et paulò post; Quae haberet palam decretum semper aliquem, cuius in hortos, domum, Baias, iure suo libidines omnes cominearent. Ammianus Marcellinus dùm nimium delicatorum hominum vitia notat, reprehendit eos qui si agros visuri processerint longiùs, Alexandri itinera se putant equiparasse, vel Caesaris; aut si à lacu Auerno lēbis inuecti fuerint Puteolos, aut Caietam, si inter aurata flabella lacinijs sericis insiderint muscae, vel per foramen vmbraculi pensilis radiolus irruperit solis, quaeruntur quòd nō sunt apud Cimmerios nati. Ex quibus delicatas Baiano littore conijcimus aduectiones. Hinc per excellentiam, Baiana cymba. Iuuenalis,

Interiora petit Baianae peruia cymbae

Quae omnia ad Pausilypanum littus hoc tempore traducta cernimus, vt semper hominum mentes iisdem illecebris irretitas fuisse cognoscamus. Ioannes Albinus eum luxum sic expressit,

*Tu qui Baianum venisti liber ad undas;
 Aligeri fies praeda cruenta Dei.
 Miscuit bis ardens Circe letale venenum,
 Dulcibium sperans detinuisse Duce.
 Iuppiter Europam falso sub nomine tauri
 Littore ab Herculeo per mare vexit amans.
 Tristior Alcides siluis errauit Auerni,
 Ereptumq. diu nomina clamat Hylam.
 Hū formam Aëtaeon mutauit, Myrrha nefando
 Concubitu in ramos brachia moesta dedit.
 Tindaris hic rapitur Troiani causā laboris,
 Hic tua Cidippe spicula iecit Amor.
 Occurrit pallens nigro Sophonisba veneno*

Cuius

*Culus morte gemit quicquid habet lacrimas.
Hic coluit Medea furens, fratremq. peremit,
Vt fugeret patris mox scelerata manus.
Phyllida suspensum Gaurus miratur, & illum
Inter aquas tantum cui sua forma placet.*

Quos tamen versus ita claudit,
*Omne nefas, atque omne malum his emerfit ab undis,
Desidia & lacrimis aptior ille locus.
Ergo Cumanum quiuis fuge littus & undas,
Si qua fides monitis carminibusq. meis*

*Eleg. 2. lib. 1. Ad hoc facit illud Propertij,
Tu modo quamprimum corruptas desere Baías,
Multis ista dabunt littora diffidiam.
Littora quae fuerunt castis inimica puellis,
Ab pereant Baiae crimen amoris aquae.*

Lib. 5. ep. 4. Franciscus Petrarca, nullam amoeniorem, nullam frequentiore quàm Baiarum stationem esse dicit, quòd & scriptorū illius aevi fidem, & ingentes murorū reliquias testari asserit. Subdidit praeterea hoc humanae voluptati magis, quàm Romanae severitati dignum fuisse domicilium, ideòq. Marium natura virum asperiores, & Pompeium, & Caesarem humanis moribus altiores, in montibus aedificasse, vnde, quod decuit, non immersi, sed subducti effeminantibus animos munditijs, nauticum strepitum, & Baianas ex alto despicerent voluptates. Quas verò dicimus Baijs lasciuias, easdem ex libertate emanasse dicemus, Iuuenalis,

Qui vertere solum, Baías, & ad Ostia currant.

Et Annibalem Campaniae soles (quis crederet?) & tepentes fontibus Baiae subegerunt, inquit L. Florus lib. 2. cap. 6. itaque inuictus Alpibus, indomitus armis, in ijs locis elanguit.

Laudauit tamen ciues Cicero eadem oratione; *Equidem multos vidi in hac ciuitate, & audiui non modo qui primoribus la-bris gustasset genus hoc vitae, & extremis (ut dicitur) attigissent,*
sed

sed qui totam adolescentiam voluptatibus dedissent, emeruisse aliquando, & se ad frugem bonam (ut dicitur) recepisse, grauesq. homines atq; illustres fuisse. Laudat sic Martialis sinum,

*Littus beatæ Veneris aureum, Baias,
Baias superbae dona naturæ,
Ut mille laudem, Flacce, versibus Baias,
Laudabo dignè non satis tamen Baias.*

Horatius splendida aedificia & superba,

*Tu secunda marmora
Locas sub ipsum funus, & sepulchrâ
Immemor struis domos,
Marisq. Baijs obstrepentis vrges
Submouere littora
Parum locuples continente ripa.*

Hoc est, terra continente non contentus, in mari aedificas, & mari littus adimere videris. Toto illo sinu aedificia littus occupant. Hac de causa facilius crederem Baias mari submersas, quàm à Longobardis, vel Sarracenis dirutas.

Quod etiam via silice strata pelago demersa ostēdit, & Leo Baptista in Architectura confirmat, & mutari littora cùm plerasque alibi aliàs vrbes, tùm in Italia Baias mari immerfas, testari asserit; & apud Aegyptum Pharum, quae prius mari fuerat circumdata, quae nunc veluti Chersonesus ad continentem haeret. Idem de Tyro, & Clazomenis scribit Strabo. Squallet nunc sinus ille, vepribus, serpentibusque plenus; & aër qui saluberrimus erat, inclemens nimium factus est. Humanarum rerum vicissitudo in ijs locis maxime cognoscitur. In lunato recessu portum habet celebrem, quem noua tuetur Arx in qua ad xxx. milites stipendium merent, & ruinarum prospectu potius quàm victu & cultus commodo fruuntur. Arcem aedificandam curauit Petrus è Toletò. Quae tamen ruinae in intimo Baiano sinu magnae conspiciuntur, Thermas fuisse structurâ ipsa docet, tubiq. per quos pluuiiales aquae in Thermarum piscinas immittebantur.

Lib. 4. c. 2.

Ciuitates submersae.

Lib. 13.

Ambubaiae.

Baiarum libidinem arguunt Ambubaiae, famosae mulieres, de quibus Horatius,

Ambubaiarum collegia ———

*Institores
Cauponae.*

Non tantum inter urbis scorta coenitasse Neronem, scribit Suetonius, sed quoties Baianum sinum praeternavigaret, per littora & ripas diuersorias tabernas dispositas fuisse insignes ganeae, & matronarum institorio copas imitantium, atque hinc inde orantium ut appelleret. Institorias operas, pro Institorio copas, vulgati codices habent. Institorem Iurisconsulti vocant qui negotio agendo, quaecumque fuerit, instat. Institorem Cauponae dixit Vlpianus. Ambubaiae siquidem dicebantur, quoniam circa Baianas versarentur, ut, Ambarualia. Ambu enim pro an, quod est circum, veteres dixisse, notat Turnebus in Aduersarijs, qui etiam ab ἀμφί, ambu deduci posse existimat. Quamobrem vel quoniam Romam quoque id genus mulierum impudicarum secessit Baijs, vel quoniam quaelibet scorta Ambubaiae possunt appellari, earum ministeria Neroni Suetonius exprobrat. Ambubaiae in specubus illis Baianis habitasse dicerem cum subterraneis locis yterentur mulieres quae meretricium quaestum faciebant à quibus χαμαίτυπται nominabantur. Et ganeas ἀπὸ τῆς γᾶς, quod essent in terra putat dici Teretij interpres. Huiusmodi cellae Romae fuerunt sub Circo Maximo, vocat fortasse Cicero tenebras & integumenta cum meretricias libidines Clodiae exprobrat in oratione pro M. Coelio; Nihil Baias denique ipsae loquuntur? Illae verò non loquuntur solum, verum etiam personant; hoc vnius mulieris libidinem esse prolapsam, ut ea non modo solitudinem, & tenebras atque haec flagitiorum integumenta non quaerat, sed in turpissimis rebus frequentissima celebritate & clarissima luce lactetur. Et paulò post meretriciam vitam Baijs collocat.

Integumenta.

Villae

Villae Baianae.

Inter Baianos luxus Villæ adnumerantur, quæ non tantum piscinis, sed etiam balnearum frequenti usu erant admirabiles. At cum innumeras crediderim ibi esse extructas, omnis enim Romana eò confluebat nobilitas, aliquantum tamen auctores meminere.

IVLIAE MAMMEAE, cui & matri, & affinibus Alexander Seuerus ut pietatem ostenderet in Baiano illustria aedificia, & stagna immisso mari facienda iussit, ut scribit Lampridius.

C. IVLII CAESARIS; cuius villa fuit in monte qui Baijs imminet. Tacitus scribit, Agrippinam occiso Nerone tandem domesticorum cura leuem accepisse tumulum, viam Miseni propter, & Villam Caesaris Dictatoris, quæ subiectos sinus editissima prospectabat. Statuam ibi repperam scribunt cum inscriptione, GEN. C. IVL. CAES. Qui viderunt, testimonium faciant. In hac fortasse Villa Marcellus à Liuia veneno sublatus est, cum ex Seruio & alijs in Baiano cum obijisse constet licet in Stabiano dicat Propertius. Eius mortis causam affert Dio, *αἰτίαν μὲν οὐκ ἔστιν αὐτῆς τοῦ βασιλέως τοῦ Μαρκελλοῦ εἶχεν, ὅτι τῶν υἱῶν αὐτῆς προετίμητο, Causam Mortis Marcelli Liuia habuit, quod is eius filijs anteponeretur.* Lib. 14.

POMPEII, MARI. Inter Auernum & Sudatorium Trituli Villam Magni Pompeij constituunt. Aliae in his collibus Villae. Seneca; C. Marius, & Cn. Pompeius, & Caesar extruxerunt quidem villas in regione Baiana, sed illas imposuerunt summis iugis montium. Videbatur hoc magis militare ex edito speculari longè latèq. subiecta. Aspice quam positionem elegerunt, quibus aedificia excitauerūt locis, & qualia. Seias non villas esse, sed castra. Petrarcha domicilium illud magis humanae voluptati quàm Romanae seueritati dignum dicit, ideòq. Marium natura virum asperiorem, & Pompeium, & Caesarem, humanis moribus altiores in montibus aedificasse, nauticum strepitum, & Baianas ex alto despicientes Epist. 51.

voluptates. Vt mirum nobis non videatur, si operum maximas moles in ijs locis conspiciamus.

*Pisces vocati
ad manum.*

DOMITIANI CAESARIS, Piscinas ibi narrat fuisse Plinius, in quibus pisces vocati ad manum venire solebant. Quare docet pisces auditum habere, sed praecipue Mugilem, Salpam, Chromidem, Lupum. In ijs piscari fas erat. Martialis,

Lib. 5. ep. 4.

*Piscator fuge ne nocens recedas;
Sacris piscibus hae natantur undae,
Qui norunt dominum, manumq. lambunt,
Illam qua nihil est in orbe maius.
Quid? quod nomen habent? & ad magistri
Vocem quisque sui venit citatus.*

HIRRII, Villam nobilem Muraenis laudat Varro.

Lib. 5. An.

PISONIS. Apud Baias Pisonis villam Tacitus, ponit, in qua de coniuratione in Neronem actum est. Eò diuertere Nero solebat, & epulas, & balneas inire; *Coniurationis tamen metu proditiōis placitum maturare caedem apud Baias in villa Pisonis, cuius amoenitate captus Caesar crebro ventitabat, balneasq. & epulas inibat ommissis excubijs, & fortunae suae mole. In ea enim villa Volusius Proculus per Epicbarim mulierem occidendi Neronis cōsiliū cum coniuratis inierat. Quod abnuī Piso, inuidiam praetendens, si sacra mensae dijq. hōspitales caede qualiscunque Principis cruentarentur. Thermarum vestigia haud procul à Tritulis absunt.*

Lib. 13.

DOMITIAE quoque villam Neronis amitae in Baiano ostendit idem auctor dum his verbis loquentem Agrippinam inducit; *Nunc per concubinum Atimetum, & bistrionem Paridem quasi seruae fabulas componit. Baiarum suarum piscinas excolebat, cum meis consilij adoptio, & proconsulare ius, & designatio consulatus, & coetera adipiscendo praepararētur. Dio quoque scribit, Neronem amitae Domitiae veneno sublatae, bona possessionesq. quae Baijs & ad mare Rauennas habebat, inuasisse.*

Lib. 54.

IVLIAE MAMMEEAE. Lampridius; *In matrem Mammeam (de Senero loquitur) unice pius fuit &c. Et in Baiano*

Baiano palatium cum stagno, quod Mammeæ nomine hodieq. censetur. Fecit & alia in Baiano opera magnifica in honorem affinium suorum, & stagna admissis mari.

Templa Baiana.

VENERIS templum in Baiano littore fuit. Martialis,
Littus beatae Veneris aureum —

Cur tamen Caesari opus tribuant, & Veneri Genitrici, haud scio. Huic Numini templum Romae à Caesare dicatum, *Quod eo nomine fuit mater, à Venere Iulij, cuius gentis familia est nostra, ut ipse laudavit pro Rosstris*, Suetonius, Appianus, Dio, Plinius scribunt, qui etiâ Thoracem ex margaritis Britannicis, Veneri Genitrici dicasse affirmat.

DIANAË ibidem templum ostenditur, non ex Inscriptione quam somniarunt, sed ex Propertij auctoritate

Ecquid te medijs cessantem Cinthia Baijs

Quae iacet Herculeis semita littoribus?

& ex animalium simulacris quae in eius templi aliquot lapidibus insculpta vidimus, Canes scilicet & Ceruos, Mullosq. quos venatores appellarunt veteres quippe qui leporem marinum insequuntur. Sed Plato in Phaone apud Athenaeum aliam affert causam,

Τρίγλη δ' οὐκ ἐθέλειν ἔυρων ἐπιύρανος εἶναι

Παρθένου Ἀρτέμιδος γὰρ ἔφθ, καὶ σύματα μιλῇ;

Dedignatur nullus, nec amat virilia,

Est enim Dianae sacer, propterea. arrectum pudendum odit.

Apud eundem Hecati Mullus ob affinitatem nominis tribuitur, Triotidim enim, Triuiam & Τρίγλην eam appellant, ac ei trigesimo cuiusq; mensis die mensam apponunt. Melanthius libro de mysterijs Eleusinis, ei Triglam scribit immolari, quoniam etiam marina est Hecate. Et Athenis Trigla, locus est in quo visitur Hecates Triglantinae statua. Hinc Chariclades,

Δέσπιν' Ἐκάτη Τριεδίτη, Τρίμορφη

Τριηρώσῳ πε, Τρίγλας κηλυμένη;

Mullus Dianae sacer.

Lib. 4,

Dianae nomina.

O hera,

*Obera, Regina. Hecate, triuorum praesens, triformis
Triplici facie spectabilis, quae Mullis propitiaris.*

Cervus Dianae sacer.

Cervus Dianae addictus est sacer. Ελαφιβόλος, idcirco cognominata. Et apud Festum, quod ελαφιβόλια dicebatur, Cervus erat placenta ex farina, melle, & sesamo, teste Athenaeo. Baijs numismata reperta, in quibus Dianae caput.

Pisces Baiani.

Baiana maximè laudabantur Ostrea. Ausonius ep. 7.

*Ostrea Baianis certantia, quae Medolorum
Dulcibus in stagnis restui maris testas opimat,
Accepi dilecte Theon, memorabile munus.*

In Numismate Baiano Ostreum, & hordei spica cernitur, veluti & in Cumanis.



Lib. 9. cap. 8.

Lib. 3. cap. 8.

Sergium Oratam primum in Baiano inuenisse Ostreorum viuiaria scribit Plinius; quem etiam Oratam dictum, quod Auratam piscem plurimi fecit, ait Macrobius; *Sergius Orata cognominatus est, quò dei pisces qui Auratae nominantur, carissimi fuerint. Hic est Sergius Orata qui primus balneas pensiles habuit, primus Ostrearia in Baiano locauit, primus Ostreis Lucrinis optimum saporem adiudicauit,*

*Lib. 3. de re
rust.*

Quid verò de Baianis Muraenis dicam, cum scribat Varro; Hirriū circum piscinas suas ex aedificijs duodena millia sextertia capere, vt eam omnem mercedem escis quas dabat piscibus consumeret, & hunc Caesari duomillia Muraenarum mutua dedisse in pondus, & propter pisciū multitudinem

titudinem quadragies sextertio villam emisse? Et cū scribat Plinius hunc eundem Hirrium coenis triumphalibus Caesaris Dictatoris sexmillia numero Muraenarum mutuò appendisse, cum noluisset permutare pretio, aliaue merce? Quicquid Muraenarum pelagus habebat, in Pausilypanum & Baianum sinum ad gulam erat admissum. Ibi Pollio non ad gulam, sed ad crudelitatem alebat, humana enim carne eas vesci docuerat. Et coenante apud eū Augusto, puer qui erat ad cyathos, fracto vase chrystallino, in piscinam Muraenis erat obijciendus, quem dimittendum Augustus iussit, & quicquid apud Pollionem esset chrystallinorum, perfringendum. Quis verò hic piscium luxus apud Varonem in quo luxuria propagauit leporaria, ac piscinas protulit ad mare, & in eas pelagios greges piscium reuocauit, nam propter hoc appellati Sergius Orata, & Lucius Muraena? Quis enim propter nobilitatem ignorat piscinas Philippi, Hortensij, Lucullorum? Pagros etiam eius loci laudat Sannazarius,

Lib. 9. c. 55.

Lib. 3. de re
rust.

*Dat Rhombos Sinuessa, Dicarchi littora Pagros,
Herculeae Mullum, rupes Synodontas Amalphis.*

Historia.

Adrianus ad Baias obiit anno Imperij 21. mense 10. & die 20. aetatis, sexagesimo & altero anno, Paulus Diaconus. Iulius Capitolinus, ait, absumpto Baijs Adriano cū Pius ad vehendas eius reliquias esset profectus, relictum Romae auo iusta impleuisse. Viuens tamen Adrianus, audito, Sarmatarum, & Alanorum tumultu, praemissis exercitibus, Moetiam petijt (inquit Spartianus) cūmq. praefecisset Martium Turbonem Pannoniae, cum Rege Alanorum composita pace, cū Nigrini insidias quas ille sacri-
ficanti Imperatori parauerat, euasisset, Palma Terracinae, Celsus Baijs, Nigrinus Fauentiae, Lusius in itinere, iubente Senatu, occisi sunt. Cū Antonius Libonis familia-
res

res admonuisset vt eum è Sicilia vocarent, in itinere Libo ad insulam Pithecusas appulit, ad quam vt Liboni litteras fidei mitteret populus Caesarè orabat. Vbi vero Libo animaduertit inimicos remissiùs agere, ipsorum Ducum colloquium postulauit, vt arbitrato suo rem componerent. Et postquàm id quoque maximis precibus obtinuit populus, profecti sunt Baias Caesar & Antonius. Tunc Pompeius è Sardinia soluens Puteolos superbè praeternauigauit, circà vesperam, hostibus inspectatibus. Illud vero dignum visu, quòd primo mane defixis in mari palis, interuallo modico pòtes instrati sunt desuper, in quorum alterum terrae continentem Caesar processit cum Antonio, Pompeius & Libo in alterum canali diremptum, atque ità vt nisi clara voce loquentes non audirentur inuicem. Re tamen infecta, discessum est. Coetera per amicos internuncios tractata, varias condiciones vtrinque ferentes tandem instàte Murcia, matre, & Iulia vxore, rursus tres conuenerunt, Caesar, Antonius, & Pompeius in veterem quendam aggerem mari cinctum vndique, collocatis in statione nauibus. Ibi condiciones pacis latae. Quae diffusiùs narrat Appianus. Vidit hic sinus maximos Imperatores, audiuitq. de maximis Reip. rebus disceptantes. Nobiliora profectò Imperatorum consilia, Baiani specus resonarunt. Quem tamen parua & fortunata insula gloriae titulum sustinebit, in qua tria belli fulmina coruscarunt? Cedat aggeri Tarpeius & Capitoliù, qui vno die tres maximos accepit triumphatores. Nūquàm maris aestus nobilissimum scopulum debuit obruere.

*Tres simul
Imperatores.*

*De Magni-
fic.*

Lib. 12. Reip

Fistulas plumbeas inter Baianas ruinas mirae crassitudinis, sua memoria, inuentas scribit Pontanus, in quibus Claudij Augusti nomen scriptum erat. Ex Pompeij praeternauigatione ad Dicaearchiam Lazius Praetoriù Puteolis extorquet, nam à Principe nomen habere dicit, *loco iustitiae administrandae suae iuris dicundi, hoc est Praetorio quod Puteoli fuerat.* At cur non in mentem venit Dicaearchiam

vetu-

vetustissimum esse Urbis nomen, & à iusta Republica, non Praetorio sic appellatam? Huic auctori Dicaearchia ab inclinante Imperio, non ab aedificio dicitur.

Bullas aureas quibus Tiberius à Pompeia Sex. Pompeij sorore in Sicilia donatus est, eius aetate durare, & ostendi Baijs, scribit Suetonius. Bullas verò clauorum capita intelligit quae ad ornatum cingulis militaribus apponebantur. Id siquidem cum chlamide & fibula rectius conuenit. Virgilius,

— *pulcras Rhamnatis, & aurea Bullis*

Cingula —

Lib. 9.

& extremo libro 12.

— *notis fulserunt cingula Bullis.*


Christiana religio.

Christianos Baias incoluisse dicerem ex Concilio Carthaginense primo sub Iulio I. Pontifice (non Siluestro) à quo Felix Episcopus Baianensis adducitur, nisi in hac voce asteriscus notaretur, & in margine legeretur, Byzantinensis. Quod ad Felicem pertinet, in illo Prouinciali Concilio, coeterorum Episcoporum sententijs suam addidit; *Nullum debere collegas suo facere iniuriam.* Montis Grilli ad Baias ager, ad Archiepiscopum Neapolitanum pertinet.





B A V L I. Cap. XXIII.



INTERIACENT Misenum & Baias
 Bauli. Herculis ibi Boauli templum à Ge-
 ryonis bobus, cùm bouum pompam du-
 xisset Iberorum, vt loquitur Martianus.
 Quo tēpore illud memorabile est, Italiam
 dictam quasi Vitaliam, à Vitulo qui ab
 armento resiliens profugerat & totam illam oram peragra-
 uerat, vt scribit Hellanicus Lesbius apud Halicarnasseum,
 & Silius lib. 2.

— & Herculeos videt ipso in littore Baulos.

Boaula, Caula bouum appellata; mox Baulum, vt dul-
 ciùs auribus sonaret;

— corrupta Boalia, Baulos

Nuncupat haec aetas —

inquit Symmachus. Pausanias in Eliacis in vrbe Pylo spe-
 lūcam describit in qua Nestoris & Nelei bouum stabulum
 fuisse dicit. Vtq. Boauli nomen exprimeret, huiusmodi di-
 uisit;

Bauli &
 Boaula.

uifit. Βοὸς δ' ἐν ταῦθα τὰς Νέστορος, καὶ ἐπὶ πρότερον Νηλεὺς φαεῖν αὐτῷ. *Lia. 1.*
 ξέει. *Ibi bouum Nestoris, & antea Nelei stabulum fuisse dicunt.*
 Et quemadmodum Iphicli boues Neleus expetiuit, sic Eurysteus imperauit Herculi vt eximia specie boues ad se abigeret. Bobus quidem inprimis priscos delectatos fuisse, ostendit Homerus in Iliade, qui Ip hidamantem Antenoris filium boues centum nuptiarum munus socero dedisse scribit.

Agrippina.

Agrippinae calamitate locus celebris est. Quae cum in magnam Neronis inuidiam adducta esset, non tantum omni honore & potestate priuata est; abducta militum & Germanorum statione (vt ait Suetonius) sed etiam contubernio & Palatio expulsa. *Cap. 34.* Ter venenum tentauit, & frustra. Semper enim antidotis illa erat praemunita. Lacunaria parauit, vt super dormientem deciderent, ipsa tamen consilij particeps effecta, sibi cauit. Tandem Baias eam euocauit, data naui solutili & machinosa, quae repente corrueret in medijs aquis. Corruit illa quidem, sed ipsa enatauit ad litus incolumis. Narrat Tacitus in littora obuium matri factum Neronem (nam Antio aduentabat) manu & complexu eam excepisse, & duxisse Baulos, villam (quae Hortensij antea fuerat) quae inter Misenum, & Baianum flexo mari alluitur. Ibi conuiuio & blandè habita. Et quoniam Baias ad Quinquatruum festos dies allegerat, imposuit eam naui quam Anicetus eius libertus, classis apud Misenum praefectus, pueritiae eiusdem educator, Agrippinae mutuis odijs inuisus, aedificari posse aiebat, cuius pars in ipso mari per artem soluta, effunderet matrem ignaram. Comitabantur eam Crepereius Gallus, & Aceronia liberta. Dato signo, tectum naui plumbo graue corruit, pressusq. Crepereius exanimatus obiit. Agrippina & Aceronia protectae sunt. Tunc visum remigibus in vnum latus nauem inclinare, atque ita eam submergere. Sed alijs eius consilij igna-

Lib. 4. Ann.

Naui solutii.

ris, contrà nitentibus, factum est vt leniter Agrippina & Aceronia in mare praecipitarent. Clamabat Aceronia vt Agrippinae opem ferrent, Principis matri, quam se ipsam faciebat vt mortem euaderet. At remiges Agrippinam rati, contis & remis Aceroniam interfecere, quae cum Crepereio sceleris particeps meritis poenas soluerunt. Saepèque vsu venit vt in proditiōis gnaros primùm à diuina vindicta animaduertatur. Agrippina silens, vno tantum in humeris accepto vulnere, nando, lembi occurfu ad villam quae in Lucrino habebat, vehitur. Quod cum Neroni nunciasset Agerinus (Lagenus Suetonio, Lagerinus, vel L. Agerinus alijs codicibus) per quem dicebat vt *ἐκφυγεῖν* sibi mitteret quòd salua esset, interfectus ab ipso est, submisso celeriter Aniceto percussore. Qui Herculeo & Oloarito ceturione classiario adhibitis socijs, circumfistentes lectum, prior trierarchus fusti caput eius afflixit. Quae Centurioni ferrum distringenti protèdens vterum dixit, *Ventrem feri*. Id dictum Aniceto scribit Dio, *Παῖς τὰύτῳ Ἀνικητός, παῖς, ὅτι Νίρωνα ἔτεκεν*; *Hunc percutit Anicete, percutit, quoniam Neronem peperit*. Multisq. vulneribus confecta est. Idem Tacitus crematam eadem nocte Agrippinam dicit, conuiuiali lecto & exequijs vilibus. Conuiuiale autem lectum sic describit Liuius; *P. Licinij funeris causa visceratio data, & gladiatores cxx. pugnarunt, & ludi funebres per triduum facti; post ludos epulum, in quo cum toto foro strata triclinia essent, tempestas cum magnis procellis coorta, coegere plerosque tabernacula statuere in foro*. At tantum honoris Agrippinae non fuit exhibitus. Quin dùm rerum potiebatur Nero, non congestā aut clausam humo scribunt. Mox domesticorum cura leuem tumultum accepisse viam Miseni propter, & villam Caesaris Dictatoris, quae subiectos sinus editissima prospectabat. Accenso rogo, libertus eius Mnester cognomento ferro sibi mortem consciiuit; incertum charitate in patronam, an metu exitij. Domus Baulis Agrippinae ostenditur, quam sepulcrum vocant. In fornicibus crustae, in quibus Sphinges

Aceronia re-
gis occiditur.

Agrippina oc-
ciditur.

Liv. 9. Dec. 4.

& Gryphes, aliaq. his similia depicta; quas tamen imagines fumus in dies perdit, ex luminibus quibus accedentes vtuntur.

Piscinae Hortensij.

In eo littore Q. Hortensij oratoris villa est, cuius ruinae aut mari teguntur, aut littore proiectae iacent. Piscinas & stagna ibidem habuisse, dicteria Ciceronis declarant, qui Tritonem, & beatum piscinarium illum appellare solebat, idq. tribus de causis. Quod pisces cicures ad manum venire solebant vocati. Quod Murenæ mortem fleuit. Et quod amico petenti duos mullos, duos mulos leſticae qua vehabatur dixit se libentiùs daturum. Hâc Villam Antonia Neronis Drusi mater possedit, quae amatae sibi Murenæ in aures addidit, vt ait Plinius, quamobrem visendi Baulos, multos cupido inuasit. Varro; *Q. Hortensius familiaris noster, cū piscinas haberet magna pecunia aedificatas ad Baulos, ita saepe cum eo ad villam fui, vt illum sciam semper in coenas pisces Puteolos mittere emptum solitum, neque satiserat cum non pasci piscinis, nisi eos ipsi pasceret ulterò.*

Murenæ.

Lib. 9. c. 55.

Lib. 3.

Circus.

Ad Baulos maximi aedificij ruinae cernuntur, quas Mercatum Sabati vulgus appellat. Alij censuere Circum ibi fuisse; eòq. matrem Neronem accersisse ad Quinquatriorum festum. Quid verò Baulis Circus, si Baias euocauit ad sollemnia Quinquatrium simul celebranda, inquit Suetonius? & si ex Taciti verbis cognouimus Baulos primum aduectam matrem, misisse deinde Baias cum naui solutili?

Quo circa Baijs Circum constituemus. Quodcumq; tamen hoc aedificium fuerit, ad Quinquatria accedamus. Erant dies festi Mineruae. Quinquatrus propriè appellandos contendit Lambinus, cum Cicero dicat ad Coelium; *Ita tu multuosa canciones, ita molestae Quinquatrus afferebantur.* Non Quinquatria.

Quinquatria festum Mineruae.

Lib. 2.

— puer vt festis Quinquatribus olim.

Ede-

Edebantur in Albana villa Cal. Martij . Romae , in monte Coelio , Mineruae captae VI I I . Cal. Martias . Quinquatria tamen , & Quinquatrus lego . De Albanis Suetonius in Domitiano ; *Celebrata & in Albano quotannis Quinquatria Mineruae , cui collegium instituerat .* De Romanis Livius ; *Legati ex Macedonia Quinquatribus ultimis ad eò expectati venerunt , ut nisi vesper esset , ex templò Senatum vocaturi Consules fuerint .* De eorum origine , Ovidius ,

Lib. 4. Dec. 5.

Lib. 3. Fes.

*Vna dies media est , & fiunt sacra Mineruae
Nomina quae à iunēdis quinque diebus habent.
Sanguine prima vacat , nec fas concurrere ferro,
Causa quòd est illa nata Minerua die.
Alte. a , tresq. super strata celebrantur arena
Ensisbus exertis bella Dea iacta est.*

Quod autem prima dies sanguine vacauerit , ità existimant aliqui , vt pugnarent quidem sed rudibus , non ferro . Aliqui quòd primo die fiebant sacrificia , & vacabant sanguine , hoc est humano . Alexander ab Alex. Quinquennales ludos , malè cum Quinquatribus confundit . In his festis ex Tranquillo in vita Domitiani intelligitur , praeter venationes , & scenicos ludos , Oratorum quoque & Poetarum fuisse certamina . Eodem etiam tempore , quod testatur D. Hieronymus , Munus Minervae appellatum , pueri quando vacabant , magistro offerebant . Sed ita appellatum Varro refert , vicinorum populorum exemplo , qui dies post sextum , & septimum Iduum , sexatrum , & septimatrum appellarunt . Paulatim tamen nominis errore consuetudinem irrepsisse , vt quinque dies crederentur .

Lib. 5. de ling.
Lat.

Sinus Euxinius.

Inter Misenum & Auernum sinus Euxinius interpositus est , de quo haec leguntur apud Aurelium Victorem ; *Adhuc praeterea quidam Aeneam in eo littore Euxini in cuiusdam Comititis matrem ultimo aetatis affectum circa stagnum quod est inter Misenum Auernumq. extulisse , atq; inde loco nomen inditum , qui etiam nunc Euxinius sinus dicitur .*

De origine
Vrbis.



MISENI PROMONTORIUM.

Cap. XXIIII.



INTER promontoria quae in maria procur-
runt, atque habentur rerum magnitudine il-
lustria, Misenum nobilissimum existimādum
arbitror, propterea quod coeli clementia, vil-
larum nobilitate, antiquarum rerum monumentis, ciuita-
tis quae in eo condita fuerat antiqua & noua relligione,
cum vicinis vrbibus facilè contendere potuit. Summorum
Imperatorum consuetudine praeclarum piscinis, portu, Ro-
mana classe, admirabili aedificiorum mole nobilitatum.
Eo tamen nobilius, quod indè veluti è specula in Cratere
illo nobilissimo, perpetuo littoris ambitu, aedificia quae
iacent, vnam ferè tantum ciuitatem oculi admirantur. Ne-
ronis oblectamētum & deliciae vt scribit Tacitus, quippe

Lib. 15.

*Et te mirantem Thessproto subdita regno
Proxima Misenis aequora nobilibus.*

vt ait Propertius, Habebatur tamen infame ob naufragia.

Lib. 1. Miseno nomen inditum à Miseno Aeneae tubicine ibi mortuo sic enim Dionysius Halicarnasseus in Aeneae Itinerario, *Ilinc verò delati in pulcriorē profundum in Opicis portum extinēto ibi quoque Miseno quodam viro nobili ab eo portum Misenum nominarunt*; vel ad Auernum immolato, & ibi sepulto. Immortale nomen locus retinuit, Virg.

Lib. 6. *Imponit suaq. arma viro remumq. tubamq.
Monte sub aërio; qui nunc Misenus ab illo
Dicitur* —————

idcirco Stadius, ————— *lituoq. remoq. notatus
Collis* —————

Aërium dicit, vel quia è littore vbi Miseni tumulus erat, mons videtur in magnam altitudinem protendi; vel quia speluncis plenus, pensilis videatur. Sepulcrum nobile existimat Silius nam Troiana nomina continebat,

Lib. 8.

*Nec non Misenum seruantem Idaeā Sepulcro
Nomina* —————

Strabo Cumis vicinum esse promontorium scribit, ijsq. interpositam Acherusiam paludem, & coenosam quandam maris effusionem. Vltrà Misenum sub ipso promontorio paludem dicit esse (λίμνη ὑβίς ὑπὸ τῇ Ἀκρᾷ) quae absque dubio erat, vbi nunc mare immissum, quod Mortuum appellant.

Portus Agrippae.

Lib. 48. Portus atque sinus Puteolani littoris, sic describit Dio; ἐν τῇ Κύμῃ τῇ Καμπανίδι χωρίον τι μετὰ ξὺ Μισηνοῦ καὶ Πουτεόλων μελωθεῖ-
δὲς ἐστίν. ὁρῶσιν γὰρ μικροῖς καὶ ψιλοῖς πλωῖ βραχέων περίλπται, καὶ θαλάσσαν
τριπλὴν κολπῶδες ἔχει. ἡ μὲν γὰρ ἔξω τε καὶ πρὸς τὰς πόλεις ἐστίν, ἡ δ' ὀλίγη
διαρρὴ ἀπ' αὐτῆς διέρχεται. ἅλη ἐν αὐτῇ τῷ μυχθῷ λίμνῶδης ὁράται, καὶ
καλεῖται αὕτη μὲν Λουερνὶς, ἡ δὲ μέση Λουκρινὶς. ἡ γὰρ ἔξω τοῦ Τυρρηνικοῦ
οὔσα, ἐς ἐκείνην καὶ τὴν ἐπανομίαν τελεῖ, ἐν ταύτῃ δὲ τῇ θαλάσῃ τῇ ἐν τῷ ἐκα-
στέρῃ τῶν τότε εἰσπλοῖς τὸ διέρχον τὴν Λουκρινίδα ἀπὸ τοῦ πελάγους ἐπ'
ἀμφοτέρω παρ' αὐτῷ τῷ ἡπείρῳ ὁ Ἀγρίππας συντήσας λίμνας ναυλοχε-
υάτους ἀπέδειξεν; Cumae, urbs est Campaniae, ibiq. locus quidam
in

in lunae formam curuatus inter Misenum & Puteolos. is enim ferè totus montibus paruis ac nudis circumdatur, habentq. tres sinus maris quorum unus extrà, propè ipsas urbes est, Tyrrhenum vocant, quòd ad mare Tyrrhenum pertinet. Secundus, exigua inter capedine à priore dirimitur, Lucrino nomen est. Tertius in ipso recessu interiori, Stagni in morem, extat Auerni nomine. Proinde Agrippa in ea maris parte propter ipsam continentem, ad interitusium quod Lucrinum lacum utrinq; à mari dirimebat, angustis faucibus, per quas naues introire possent apertis, perfodit, efficitq; portus nauium stationi aptissimos.

Quibus ex verbis liquet portum ad Misenum ab Agrippa excogitatum, in quo faucibus tantum apertis, & immisso mari, portus perbellè fuit accommodatus. Neque antè ea tempora eius continentis partes portum habebant. Et cum Caesar apparatu bellico in Põpeium nauibus comparandis intrà & extrà Italiam maximè studeret, opus Agrippa ad eam rem missus perfecit. Nummus ei cusus est, in quo Neptunus sinistra delphinum, dextra tridentem tenebat cum hoc epigrammate, M. AGRIPPA. L. F. PRAEF. ORAE. MARIT. ET CLASSIS. Huic portui natura factò, Portum Iulium praeponit Iuuenalis

Nummus
Agrippae.

Lib. 4. Satyr.
12.

— non sic igitur mirabere portus

Quos natura dedit —

In hoc portu deinde Augustus classem, alteram Rauennae ad tutelam superioris & inferi maris collocauit, vt ait Suetonius. Idemq. factum à Tiberio Caesare meminit Tacitus; Italiam utroque mari duae classes Misenum apud & Rauennam proximamq. Galliae littus rostratae naues praefidebāt, quas Aethica victoria captas Augustus in oppidum Foro Iulij sem miserat valido cum remige, & quae sequuntur. Vegetius scribit apud Misenum & Rauennam singulas legiones cum classibus fuisse ne longius à tutela urbis abscederent, & cum ratio postulasset, sine mora, sine circuitu ad omnes mundi partes peruenirent. Nam Misenatum classis Galliam, Hispaniam, Mauritaniam, Africam, Aegyptum, Sardiniam, atq; Siciliam proximas habebat. Rauennatum verò, Epirum, Ma-

In Tib. c. 49.

Lib. 4.

Lib. 4.

cedoniam, Achaïam, Propontidem, Pontum, Orientem, Cretam, Cyprum. Chiliarchus Neronis aetate nominatur Volusius Proculus. Sub Tito, Plinius, conflagrante Vesuvio. Sub Vitellio ea classis defecit cum antea è classicis Rauennatibus legionariam militiam poscētibus, ad copias quas ducebat Silvanus, post fractum exercitum Vitellij à Vespasiano, adscitus esset optimus quisque. Varij lapides in ea re classica illam oram decorarunt. In quibus & Praefectorum, & militum, & ipsarum nauium extant nomina.

TI. CLAVDIO. ILO. PRAE. CLASSIS. PRAETORIAE. MISENI. PVB. PROC. LVDI. MAGNI. PROC. CLAVDII. DACII. PROCOŞ. XX. HEREDITATIVM. PRAEF. VEHICVLORVM. PROC. CLAVDIA. ALEXANDRIN. PRAEF. TRIB. TRIB. LEG. VII. CLAVDIAE. PIAE. FIDEL. PRAEF. CON. II. GALLORVM. PRAEF. CON. II. BOSPHORANORVM.

Aliud,

L. SEMPRONIUS. PROCVLVS. VETERANVS. EX CLASSE. MISENIS. MIL. AN. XXVI. SIBI. ET CONIVGI. SVAE. ET. LIBERTIS. LIBERTABVSQ. POSTERISQ. EORVM.

Item,

D. M.

L. SELFVCIVS. NAT. SVLFICIENSIS. MILES CLAS. PR. MISENATIVM. MILIT. AN. XXX. SCENICVS. PRINCIPALIS. VIX. AN. L. ANTONIA THEODOTE. SOROR F.

Praeterea,

D. M.

C. SENIO. SEVERO. MANIPLARIO. EX. III. FIDE NAT. BASSVS. VIXIT. AN. LVI. MILIT. AN. XXVI. M. AEMILIUS. DOLENS. HERES. B. M. FECIT.

Ibidem,

D. M.

TI. PETRONI. CELERIS NAT. ALEX. EX. III.

ISIDE. VIX. AN. XL. MILIT. AN. XVII. TITIVS.
AQUILINVS. EPIDIVS. PANS. III. ISID. N.B.M
FECERVNT.

Aliud,

D. M.

C. IVLIO. QVARTO

VET. EX. PRAET. N. GALLO

CAECILIVS. FELIX. S. ICONIA. HERACLIA

S. E T. S.

In quibus, Fides, Isis, Gallus, navium sunt nomina. *Lib. 2. de his.
Graec.*
A Xenophonte commemoratur Paralus navis apud Athenienses. Talamegum reperies apud Aegyptios. E in Thucidice, *Δελφινόροπος*, in qua Delphinus erat ex aere. *Πύλαρος* etiam apud Graecos. *Ταύρος* apud Pollucem. Quamobrem navibus nomina imponere, antiquum. Praefectum Vehiculorum, Veteranum, & Manipularium notabimus. Praefectus Vehiculorum, intelligendus est is quem alio nomine Magistrum nuncupabant. Ea verò non Vehicula publica erant, de quibus Appianus de Pomponio loquutus, *Lib. 4. de bello Civil.*
ἵνα καὶ γνωσθῇ πρὸς ἑτέρου, καὶ παρὰ ταῖς πύλαις ὀχημάτων τε δημοσίων ἐπίβη;
Ne agnosceretur ab alijs, & ad portam conscenso Vehiculo publico; atq; haec quidem à Praefecto Praetorio, sumptu publico Augustorum populiq. Romani alebantur. Sed Vehicula in exercitu, quorum Praefecto & Magistro vectores & aurigae obtemperabant. Veteranus, inquit Suidas, à Romanis dicitur militia dimissus. In xx. autem annos merebant. Idcirco in Codice Iustiniani, Veterani definiuntur, qui post vicesima stipendia honestam vel causariam missionem sunt consequuti. Causaria tamen missio post expleta stipendia non datur. Soluebantur post emerita stipendia omni munere militiae, sed non pugnae in hostem. Nec iam sub signis aut Aquilis erant ut alij milites, sed sub vno Vexillo habebantur seorsim, & dicebantur Veterani, & Exauthorati. Ideoq. Miseni quoque,

Vehicula.

Veterani.

Missiones.

L. ATILIO. L. F. CRESCENTI. ET. AVG. MISSO
HONESTA. MISSIONE. EX. CON. VI. PRET. L.
ATILIVS. TROPHIMVS. ET. L. ATILIVS. EV-
THICIVS. LIB. ET. HERODES. PATRONO. OP-
TIMO. ET. B. D. S. M. FECERVNT. ET. SIBI. ET
SVIS. LIBERTIS. LIBERTABVS. POSTERIS.
EORVM. H. M. EX. TEST. NON. SEQVETVR. NEC
HERES. MONVMENTVM.

Augusti aeuo duplex haec missio facta est, vt plena mis-
sio in Colonias & domū deduceret. Exauthoratio, vt quam-
uis immunes à vigilijs & excubijs redderet milites, non ta-
men exciperet à pugna in hostem. Tiberius rarissimas Ve-
teranorum fecit, vt inquit Suetonius, ex senio mortem, ex
morte compendium captans. Et emeritus, dicebatur *ἐπι-
μος κατὰ στρατιωτικούς καμάτους*, quo circa immunes erāt, & ope-
rum vacui.

Quatuor tamen missiones numerat Lipsius. Honestam,
confectis stipendijs. Causariam, ob vitium vel morbum.
Gratiosam, per gratiam ab Imperatoribus impetratam. Et
Ignominiosam, qua criminum causa quis militia solueba-
tur. In pedite, xx. annorum conficiebatur stipendium. In
equire, x. In Nauticis, x xv. Manipularius is est, quem
Græci *Ἀρχηγὸν ὄχλου* dicebant. Atq; ita habetur in Glossis,
& si, *λόχου* legendum plerique existimant. Erat is manipuli
ductor, qui tribus vexillis constabat.

Aedificia.

TRACONARIA piscina inter varia Miseni aedifi-
cia cernitur Graecam vocem retinens, *τραχὼν* enim meatus
aquarum significat, quorum causa à Nerone fuisse inchoa-
tam scribit Suetonius, *Praeterea inchoatam piscinam à Miseno
ad Auernum lacum contestam*, Poiticibusq. habent manu scripti
conclusam, quò quicquid totis Baijs calidarum esset committeretur.
Spectabile aquarum Castellum, in quod per fistulas aquae
pluuiarum ex promontorio defluebant, in altum ad pedes

xx. exurgens. Longitudinem, & latitudinem collapsae testudines oppleuerunt. Medium eius spacium patet inter duos parietes in latitudinē pedes cc. in latitudinē xvi. In utroque latere medij transitus per portas quatuor aditus patet in cellas amplas quaternas, quarū testudines decussatim fornicibus iunctae parietibus intermedijs impositae sunt.

Piscina quam MIRABILEM vocant, admiratione profectò digna est. Opus illud Regium, concameratione, pilis xlv. innixa, pedes ternos vndique crassis. Quae quatuor ordinibus numero quaternario distributae, symmetriā quīduplicis porticus per elegantem longitudinem efficiunt. Longa, passus c. l. lata, c. lx. Lateritia ac solida structura, crasso muro, parietibus diligentissimo tectorio vestitis. Quod durissimum factum existimarem, quoniam diutissimè aquas retinuit. Foramina in testudine, vnde hauriebantur aquae. Per scalas lapideas ex duobus lateribus graduum xl. eò descendebant. Alteram hoc tempore obstructam conspiciamus. Pauimentum summa industria constipatum, adhuc pluuias aquas retinet. Luculli opus hanc piscinā arbitrati sunt propter eius villae vicinitatem, quam in sinu illo habuisse scribit Varro; *In Baiano autem tanta ardebat cura, ut Architecto promiserit ut suam pecuniam consumeret, dummodo perduceret specus è piscinis in mare, obiectaculo quo actus bis quotidie ab exorta Luna ad proximam nouam introire, ac redire rursus in mare posset & refrigerare piscinas.* Agrippae opus tribuo, ut aquis quoque classi consuleret. Quò etiam fluminis aquas quae è Serino emanant per aquaeductus fuisse immixtas scribit Bocaccius libro de Fluminibus. Aliquot eius operis extant vestigia ad Neapolim, quae per Hermitem & vicina loca, per Puteolos, Misenum deducebantur. Vallem Sebethi appellabant accolae petras vndè scatebant, deinde Sabatum dixere immixtum fluuiò Beneuentano. Anno 1593. cum ipse in Irpinis ad rem frumentariam comparandam Neapolitanae vrbì, cōmorarer, eiusdem

Lib. 3. de re
rust.
Cap. 7.

Vallis Sebethi.

eiufdem ciuitatis vſui eandem aquam deducendam Magiſtratus decreuerunt, & miſſi machinatores qui ad libellam exigerent, duce Ioanne Simone Moccia equite Neapolitano, vt ad ciuitatem ducta aqua, moles frumentarias conſtituerent, fontesſq. eminentioribus ciuitatis locis aperirent. Hominum tandem opinio refrixit. Ad aquas Luculli ſeruandas aliud Caſtellum aedificatum fuiſſe, quod centum cellas appellat, arbitrati ſunt. Id facilius do.

Villae.

*In Tib. c. 75.
Lib. 6.*

In villa Luculliana obijſſe Tiberium, ſcribunt Suetonius & Cornelius Tacitus. Quorum alter; *Repetere Capreas quodammodo diſtinxit, non temere quicquam niſi ex tato auſurus. Sed & tepeſtatibus, & ingraueſcente vi morbi retentus paulò poſt obiit in villa Luculliana; Alter verò; Tandè apud promontorium Miſeni conſedit in villa cui Lucullus quondā dominus.* Dio lib. 58. *ἔθανε γὰρ ἐν Μισηνῶ μεταλλάξας πρὶν τι αὐτῶν μάθῃν; Miſeni mortuus eſt antequàm de ijs cauſis reſciret. Dum Caius eius mortem acceleraret.*

Haud longiùs C. M A R I I villa. Hanc Plutarchus in eius vita ad Miſenum ponit, magnifica domo, ſumptuoſiore & delicatiore quàm tanto Imperatori militiae alumno conueniret. A Cornelia ccc. ſextertijs empta, pro qua poſtea L. Lucullus centies ſextertium expendit; & miratur tam breui ſpatio ad eò ſumptum excreuiſſe, tertiam enim pretij parrem Lucullus ſuperauit, ſi ſextertiorum rationem animaduertemus. Cùm verò Marius militia ſe abdicaret, adductuſq. eſſet in concionem à Sulpitio Tribuno plebis vt contra Mithridatem bellum gereret, populus in diuerſas partes abiit, alijs Marium probantibus, alijs Syllam vocantibus, & Marium ad Baias ire vt corpus ſenio conſectum ibi curaret, iubentibus. Plinius; *Poſuit in Miſeneſi villam C. Marius v. i. Conſuli, ſed peritia caſtrametandi ſic vt comparatos ei coeteros etiam Sylla felix caecos fuiſſe diceret.* Eos deindè hortos coemit, & coluit. Valerius Aſiaticus qui bis Conſul

Lib. 18. c. 6.

ful fraude tandem Messallinae & Vitellij euerfus est. Tantum vero hisce hortis studuit, vt *inbiantem* dicat Cornelius Tacitus; *Hortis inbians quas ille à Lucullo emptos insigni magnificètia extollebat. Claudius Caesar qui eum perdere cupiebat, cum militibus tanquam opprimendo bello Crispinum praetorij praefectum misit; à quo repertus est apud Baias, uinctisq; inditis ad urbem raptus.*

Cornelia.

C. Gracchus, eius Gracchi frater qui legem Agrariam tulerat, cum eadem de causa acerbissimas in Rep. seditiones excitasset, cumq. duo Flacci pater & filius qui ex aede Lunae in priuatam quandam domum desiluerant, confossi essent, occisus est, & caput allatum Consuli, corpus verò ad Corneliā matrem Misenum oppidum deuectum est. Quae Cornelia Africani maioris filia, Misenu prioris filij obitus causa decesserat, vt scribit Paulus Diaconus lib. 1.

Echini.

Misenates Echinos laudat Horatius.

Murice Batano melior Lucrina, Peloris

Ostrea Circæis, Miseno oriuntur Echini.

Satyr. 4.
Lib. 2.

Ecclesia Misenas.

Misenatem Ecclesiam Cumanae coniunctam fuisse, in Cumana dicemus. Zosimus sub Diocletiano, Eleutherius Episcopus, & Antia mater sub Adriano, martyres Miseni celebrantur. Licet in annotationibus in Martyrologium, Illustrissimus Baronius scribat hallucinatos esse, qui eos Miseni martyres constituunt, veluti & eos qui, Missenij, & Messanae. arbitratur enim, Messapiae esse legendum. Quòdque Rhegino monachus qui floruit anno 919. apud Tritemium scribat, apud Mesenam in Apulia, erroris arguitur, collocato Miseno in Campania.

Martyres

Miseni S. SOSIVS (Sanctus Sosias, à seruando dictus)
Leuiti-

Leuiticum ministerium exercuit ; qui trigessimū annum agens , martyrium cum S. Ianuario Episcopo suscepit 1 x. Calen. Octobris annō 289. Habet eius corpus Neapolis in aede S. Seuerini. De quo sic Martyrologium ; *In Campania commemoratio B. Sosij Diaconi Misēnatis , quem S. Episcopus Ianuarius cum illius capite Euangelium in Ecclesia legēis flammam videret exurgere , martyrem futurum pronunciauit . Et non post multos dies , cum ipse esset annorum xxx. martyrium cum eodem Episcopo capitis destruncatione suscepit.*

Eius translationem in eius vita describit Eugipius. Cum enim Longobardorū persecutio crudelitatis flammam in toto orbe terrarū , & praesertim in Campania accendisset , Christianorum parietes in Misēnati oppido potissimū lambere ad ruinam videbatur . Auidius illud oppidum petiere , ob Sibyllae Vatis sepulcrum quod indè haud longius aberat . Consciū factus fuerat Sicardus eius gentis princeps , Sosij corpus , qui cum Ianuario & socijs , Puteolis martyrium passus fuerat , Misēni à ciuibz sepulcro seruatum templo eidem condito . Quamobrem cum diū fodisset , corpus inuenire non potuit . Misēsis deindè ab Abate S. Seuerini , Athanasio monacho , & Petro subdiacono corpus inuentum est , & Neapolim translatum , permittente Stephano Neapolitano Episcopo , & annuente Ioanne Episcopo Cumano . Sexaginta annos post Sosij mortem , à Sarra- cenis oppidum Misēnum demolitum fuisse affirmāt , & solo aequatum .

EPISCOPI. BENENATVS cui Cumanae Ecclesiae Visitatori , mortuo Liberio eius ciuitatis Episcopo , eandem Ecclesiam commendat B. Gregorius his verbis ; *Quoniam Cummae Ecclesiae Liberius quondam Antistes de hac luce migrasse cognoscitur , propterea visitationis destitutae Ecclesiae Fraternitati tuae operam sollemniter delegamus , etc.* Illud etiam adiiciens vt nullum de alia ecclesia eligi permittat ibi Episcopū , nisi fortè inter Cumanos clericos vllus esset , quem ad Episcopatus onera euehi posse sibi persuaderet . Ne praeterea

terea laico cuiquam, eam dignitatem aemulari permetteret. Hunc Benenatum Misenatem fuisse Episcopum idem Gregorius exprimit ad Anthemium Subdiaconorum scribens; *Lib. 11. ep. 30*
Comperimus Benenatum Misenatem facinus quod de se per scripturam manu prius professus est, abnegare. Et ideo quia huius sceleris negatio sicuti maiore discussione, ita & maiore indiget vltione. Videtur deinde Pontifex eidem Episcopo pecuniā dedisse qua Miseni castrum extrueret, cuius partem apud se Benenatus retinuit, & tunc priuatus Episcopatu cernitur. Sic enim ait; *Peruenit ad nos quoddam Benenatum Messenatem* *Epist. 36.*
Episcopū pro costruendo illic castro solidos accepisse. Et quia pars eorum solidorum apud eum dicitur remansisse, experientia tua subtili indagatione perquirat, & si quid manifeste de ipsis solidis cognouerit remansisse, Comitatus Comiti praedictae ciuitatis sub de suscepti illud pagina contradat, atque immineat, ut in constructione eiusdem loci sicut sunt dati, Deo adiuuante proficiant; quia ratio nulla permittit, ut proprijs cuiusdam vsibus applicetur, quod pro communi utilitate datum esse cognoscitur. Idem Pontifex lib. 7. epist. 25. Eandem ecclesiam Fortunato Episcopo Neapolitano commendat, & Visitatorem eundem illi iungit; *Cognoscetes Messenatem Ecclesiam sacerdotis regimine destitutam visitationem eiusdem Ecclesiae Fraternitati tuae operam sollempniter delegamus etc.* ijsdem verbis vsus quibus ad Benenatum scripserat. Miseni montis partes tres possidet Archiepiscopus Neapolitanus, aliosq. agros qui ad mare moruum procurrun.

Comitiua.

Ex superioribus Gregorij verbis, Comitiam cognoscimus Misenatem, eiusq. Comitem Comitatum iam inde ab anno 590. quo ad Pontificatus apicem Gregorius est euectus. Cuius etiā aetate Puteolanum Comitem notauimus. Vectanum etiam Comitem commemorat idem Pontifex ad Maurentium Ducem Neapolitanorū scribens, & tunc Fortunatum Neapolis habebat Antistitem.



C V M A E.

Cap. XXV.

Lib. 6. Hist.

Lib. 4. hist.

De rer. var.
lib. 1. c. 4.

Lib. 8. Dec. 2.

Lia. 1.

Lib. 5.

Lib. 6.



ON Cumanas describimus Insulas propè Cubagas & Terarequas ad Septentriones in quibus cõchas margaritarum vrinatores expiscantur vt ait Bembus. nõ Cumanam regionem Perù littoralem, in qua homines parum vident, cùm nebulæ in eorum oculis generentur, vt ait Cardanus; non Cumanos, Cumaniæ populos, Vngaris finitimos, qui descuerant ad Tartaros, vt ait Bonfinius,

Sed C V M A S exiguum oppidum at munitissimum & nõ facile expugnatum, vt ait Agathias (qui πόλις Ἰταλικὸν illud appellat) quodq. plurimorum Ducum virtuti obstitit, paulò post annum octuagesimum belli Troiani absoluti vt placet Paterculo, anno salutis 4113. vt Eusebio, Chalcidenses aedificatum. Chalcidensibus & Cumacis tribuit Strabo, Χαλκιδάων καὶ Κυμαίων παλαιότατον κτίσμα. Eretrienfibus, & Chalcidensibus Dionisius Halicarnassæus. Andrijs & Chal-

Chalcidenſibus aliqui, Plutarchi auctoritate in Quaestio-
nibus Graecis freti, ſimul enim Colonias deduxere. Eu-
boeenſibus Solinus, & Virgilius,

Lib. 6.

Et tandem Euboicis Cumarum allabitur oris.

Qui tamen ijdem ſunt, nam Chalcis Euboeae ciuitas eſt. Lib. 8.
Liuius; *Cumani ab Chalcide Euboica originem trahunt.* Atque Dec. 1.
in eo loco Silij Italici. Lib. 12.

———— *regreſſus ad altos*

Inde Pherecyadum muros ———

docti viri aiunt Cumanos & Neapolitanos Pherecyades di-
ci, à Pherecyde eorum duce. Eufebius in Chronicis ſcri-
bit; *Mycena condita in Italia, quae nunc Cumae.* Opus eſt ora-
culo.

Situs.

Dionyſius in Opicis illud collocat, qui ſecunda pars Cam-
paniae erant. Sed Opici ab Ofcis, Ofci à Chalcidenſibus,
Chalcidenſes à Tufcis eiekti. Erat autem Campania ſic di-
ſtributa, vt vnā partem Auſones, Aurunci, Sidicini, &
Capuani incoherent. Aliam, Cumani & Opici. Tertiā Nu-
cerini. Prima ad mare clariffimis oppidis Sinueſſa & Vul-
turno; intus vero, Gauro, Maſſico, Falerno montibus,
Stellate campo, Sueſſa Aurunca, Calibus, Caſino, Thea-
no Sidicino, Venafro, Calatia, Callicula, Trebula, Caſi-
lino, Silua Gallinaria, & capite regionis Capua. Secunda,
ad mare, Linternum oppidum cum flumine habuit, Cumas,
Miſenum, Baias, ſinum Lucrinum, Auernum, Puteolos,
Neapolim, Heracleam, omniaq. in ſinu qui Crater dici-
tur. intus, Atellam, Abellam, Sueſſulam, Acerras, mon-
tem Veſuuium, Nolam, Pompeios. Tertia, ad mare, Sta-
bias, Surrentum, Mineruae promontorium; in mediterraneis,
Salernum, & Nuceriam. Produxerant enim Campa-
niam à Liri amne ad Vulturum, à Vulturno ad Sarnum,
indè ad Silarim, qui hoc tēpore aliam conſtituit regionem.
Situm ait eſſe oppidū Agathias arduo & difficilem aditum

*Campaniae
diuiſio.*

*Cumarium
fuit.*

habente colle, & veluti specula maris Tyrrheni. Imminet enim littori collis, ut ad eius pedes fluctus illi frangantur. Edigione loco valle cinctum, turribusq. & propugnaculis validissimae structurae.

Antiquitas.

Lib. 5.

Παλαιότατον, appellat Strabo, quod omnibus Italicis, Siculis, Graecisque Colonis deductis antiquitate antecelleret. Et ut nomen originemq. ostenderet, duos classis ductores nominat, Hippoclem Cumaeum, & Megasthenem Chalcidensem inter se qui ita conuenere, ut alterius esset Colonia, alterius Coloniae appellatio. Atque ita Chalcidensibus Colonia debetur, nomen verò Hippocli. Eosdem Cumanos antea in Siciliam appulisse, & condidisse Zanciam scribit Eusebius ducibus Periere Cumano, & Crataemene Chalcidense. Quae cum ijs quae scripsit Pausanias in Messeniis non conveniunt; Ζάγκλιον ὃ τὸ μὲν ἔσχατος κατέλαβον λησταί, & ἐν ἐρήμῳ τῇ γῇ τεύξαντες ὅσον περὶ τὸν λιμένα ὁμηγεσίῳ πρὸς τὰς κατὰ δρομὰς καὶ ἐς τοὺς ἐπιπλους ἐχρῶντο, ἡγεμόνες δὲ ἦσαν αὐτῶν Κραταμήνης Ἑμίος, καὶ Περήνης ἐκ χαλκίδος; Zanciam ab initio praedones tenuere, castellum enim deserto loco circa portum, & excursionum maritimarum receptum quo ex alto appellerent, munierunt. Eorum duces fuero Crataemenes Samius, & Chalcidensis Perieres.

Aut enim antè Messeniorum bellum Zancle aedificata fuerat, aut duo illi duces non Cumanos, sed Messenios duxerunt. Strabo primam opinionem ex Antiocho refert. Est autem Cuma Aeolica urbs in agro Locrensi, Aeolicarum urbium maxima. Hesiodi poetae, & Ephori historici Iocratidis discipuli patria, & fortasse Homeri ut innuit Strabo, & Aretinus in libello de mirabilibus Puteolanis, à Cumaeis Homeros, coccos esse dictos asserit ab Herodoto mutuatus in libello de vita Homeri; ἐν τεύθει δὲ καὶ τοῦνομα Ὀμήρος ἐκπεράττει τῇ Μελισσηγενί ἀπὸ τῆς συμφορῆς. Οἱ γὰρ Κυμαῖοι τοὺς τυφλοὺς, ἐμίρους λεγούσιν; Atque hic primum Homeri nomen Melissigeni inditum; & caecitatis videlicet calamitate. Nam Cumani coccos, Homeros dicunt.

Cap. 13.

dirunt. Cumani Sanni foclam facie Appianus in Syriacis ,
meminitq. Thucidides . Sic autem dicta à Cyme Amazon-
ne, vt ait Stephanus , qui contrà Lesbum eam describit ; *Lib. 3.*
Ἰκαλί το δὲ Ἀμαζόνιον. Et Pōponius Mela ; *Cymen nominauit (pul-*
sis qui habitabant) Dux Amazonum Cyme. Sed paulò post Ste-
phanus eiusdem nominis urbem in Italia ponit ; *ἐν τῇ Ἀργεῖ τῇ*
Ἰταλίᾳ, τὰ αὐτῆς τὸ ἱερὸν Κυμεύς. Alias etiam in Pamphiliā, in
Phryconitide , & in Elide collocat . Insulam præterea hoc
nomine appelleat ad Siciliam . Originis vetustatem ab anti-
quissima Euboeae Cyme proposui. Quare Statius, Cymen *Silu. lib. 3.*
Cumās dixit.

— *Ausonij pridem laris hospita Cyme.*

Felicitas.

Fortunatā urbem initio fuisse Cumas Strabo scribit, nec
alia de causa in Phlegraeis campis Gigātum ortam esse fa-
bulam, quā ob agri fertilitatem, coeliq. amoenitatem,
quibus certatim sibi locum vindicare multi conati sunt .
Eius verba haec sunt ; *Πρότερον μὲν οὐδ' οὐτὸν χεῖρ, τὸ φέγγαν καλοῦ-*
μενον πρὶν ἐν τοῦ περιμάχου τῶν γῶν εἶναι δι' ἀρετῆς ; *Atque ab initio*
quidem urbs ea fortunata fuit ; & quae de Phlegraeis campis fa-
bulantur ac re ibi cum Gigantibus gesta, non aliundè videntur or-
ta, quā quod eam regionem ob soli virtutem multi sibi certatim
vindicarunt. Tantaе felicitati obfuerunt Campanorum &
pestis iniuriae & calamitates . A Campanis multis contu-
melijs affecti sunt Cumani. Haud multò post maxima sunt
peste afflictati, quo circa alias sedes querere coacti sunt.

Nomen.

Ab augurio grauidae mulieris, quam dormientem inue-
nerunt cum primū ex Pichecusis discēdentes vbi post va-
rias nauigationes constiterant, Cumas esse dictas putant,
κύμη, enim vterum ferre significat, quod *κυφορεῖν* etiam di-
xit Lucianus . Et *κύμα*, pro *κύημα*, per crasim id significat
quod in vtero gestatur . Alijs, *ἀπὸ τῶν κυμάτων*, ab vndis ;

ὠνομαῖδι δ' ὄνομα Κύμῳ ἀπὸ τῶν κυμάτων φασί, μαχίωδης προσεχῆς ὁ πλῆσιον αἰγιαλός; *Sunt qui à fluctibus* (hi enim Graecis κύματα) *factum urbi nomen putent. Est enim vicinum littus scopulosis insar dorfi mari obiectum. Quod ab Agathia supra dictum retulimus. Servius lib. 3. Aeneid. ibi,*

Hic ibi delatus Cumaeam accesseris urbem,
 utramque amplectitur opinionem. *Eubaea* (inquit) *insula est, ex cuius ciuitate Chalcide Coloni profecti sunt ad nouas sedes quaerendas, & haud longè à Baijs* (qui locus à socio *Vlyssis* Baio illic sepulto nomen accepit) *inuenerunt vacuum littus, ubi visa muliere grauida* (quod illi foecunditatis augurium interpretabantur) *ciuitatem condiderunt, quam Cumas appellauerunt* ἀπὸ τῶν κύωντος, hoc est à praegnanse; siue ab undis quas Graeci κύματα appellant. Quod si quis Chalcidensium nauigationi tribuendum existimauerit, non displiceret, Cumas quietem significare, cùm post tot maris labores in eo tandem colle quieuerint. κυματίζεν enim, idem quod undis agitari. Et Ephorus qui in rerum gestarum enumeratione cùm nihil haberet quod à suis diceret gestum, & tamen patriae vellet mentionem facere, acclamauit, *κατὰ δὲ τὸν αὐτὸν καιρὸν Κυμαῖοι τὰς ἡσυχίας ἦγον;* *Eo tempore quieti erant Cumani.* Quibus tamen reiectis, nomen ad antiquam Cymen refero.

Strab. lib. 13





CVM AE TYRANNIDE OCCVPATAE.

Cap. XXVI.



Teganio Macerino, & P. Minutio Coss. cum grauior annona Romanam urbem inuasisset, à Senatu in Etruriam, Campaniam, agrumque Pomptinum Legati ad quam maximam frumenti copiam coemendam, missi sunt. Quibusque dominabantur oppidis Tyranni. At in Sicilia Gelo Denomenis filius, Cumis vero Aristodemus cui cognomen Malacho, quod effeminato esset animo. Effeminatum verò, & cum qui muliebria patitur, *μαλακον*, dicebant. Is ad tyrannidem huiusmodi euectus est. Inuidebant Etrusci, Umbri, Daunijq. Cumanorum felicitati tribus de causis. Quod diuicijs & potentia coeteris Italis praestarent. Quod Campaniae felicissimam partem possiderent. Et quod propè Misenum munatissimos portus haberent. Quamobrem eius urbis euer-

Anno 312.
apud Liu.

tendae

tendae desiderio accensi , comparatis ijs omnibus quae ad profectionem pertinerent , cum quingentis equitum , & decem & octo peditum millibus , obsidionem parant . Castris non longè positis , inaudito prodigio Vulturis & Glanis flumina à naturali cursu ab ostijs ad fontes sunt reuocata.

*Prodigium in
fluminibus.*

Quae res tantos Cumanis fecit animos , vt nec timore , nec hostium copijs perterriti , & quòd homines inimico animo ab iniuria & maleficio non temperaturos existimabant , nihil sibi antiquius quàm fortiter pugnare sibi persuaferint . Tripliciq. acie instructa , quarum vna vrbs , alia nauium praesidio relicta est ; tertia quae ad moenia hostem exciperet . Vbi proelium Barbarorum clamore indici Cumani animaduertunt , (barbaros qui Graeci non erant appellabant) tanto impetu hostium phalanges quae tumultuarijs signis accedebant , adorti sunt , vt & virium robore freti , & iniquitate loci quae inter vallis angustias ijs erant impedimento , manus tam acriter conseruere , vt paucis militibus ingentem barbarorum numerum profligarint . Accedit eo quòd Graecis coelum ipsum fragore & tonitrib. imbribusq. opem tulisse visum est , vt victoria eos potituros significaret . Inter proeliâtes Aristodemus summa virtute enituit , qui cum parato animo hostium impetum sustinuisset , ipsum Etruscorum Ducem aliosq. quamplurimos interemit .

Parta igitur victoria , sollénibus sacrificijs factis , iustisq. pro ijs qui in pugna ceciderant persolutis , inter Cumanos disceptatum , cui nam victoriae gloria esset deferenda . Senatus , Hippomedonti Equitum magistro , plebs Aristodemo fauebat . Sed ne ciuilis discordiae ambitione ducti arma caperent , Aristodemum plebi praefecerunt , qui & dicendi facultate qua plurimum poterat , & largitionibus quibus omnium beneuolentiam consecretabatur , plebis animos quae his artibus facillè capitur , maximè sibi conciliarat .

Cumq. Aricini à Cumanis contrà Etruscos auxilium peterent , quorum Rex Porfena Aruntem filium cum copijs miserat ,

miserat, vt Imperium sibi quaereret, Optimates occasionem
 nacti vt Aristodemum perderent, duobus millibus militum
 praeficiendum curarunt, sic enim illum posse occumbere
 arbitrabantur. Qui tamen selecta Cumanorum manu so-
 ciji victoriam adeptus est, multaq. ex ea pugna praeclara
 praedae monumēta reportauit. Indē odium sibi apud suos
 est concitatum. Sed vt omnem fortunam superaret, conuo-
 cari Senatum iussit, vt quae gesta essent explicaret, & con-
 iurationis socijs adhibitis, cum primū de Republica &
 bello agi coeptum est, irrupere sicarij, qui Optimates ad
 vnum iugularunt. Tunc solutis ex vinculis ijs. qui capite
 damnati erant, & Etruscis iuuenibus captiuis ad sui corpo-
 ris custodiam constitutis, habita ad populum concione, de
 diuidendis agris, & de soluendo aere alieno primum egit,
 quibus popularium animos est aucupatus, atque huiusmo-
 di annuentibus ijs, principem ciuitatis locum obtinuit.
 Arma in Deorum templis deponi hortatur & persuadet, fa-
 cilē indē posse ea repeti si quandō opus esset. Quōd si quid
 armorum aliquis occuleret, in eo scelere contra edictum
 comprehensus, illicō interficiebatur. Comparato igitur ex
 perditissimis ciuibus, & seruis dominorū caede pollutis sa-
 tellitio, duobus quoque militum millibus mercede condu-
 ctis, Tyrannidem confirmauit, bona interfectorum inter
 sceleris ministros diuisit, filios eorundem vrbe excedere ius-
 sit, coniuges interemptorum seruis nubere compulit. Qui
 tamen deinceps sceleribus, sordidis moribus, & crudelita-
 te Principatum dedecoris infamia deturpauit, & Gymna-
 sia, armorumq. exercitationes quibus florebant Ephebi,
 sustulit. Cincinnis, reticulisq. iuuenum capillos religari
 (quos Coronistas appellatos ait Plutarchus) calamistris
 componi, cerussa purpurisari, talaribusq. pictis togis indui
 iussit, vt more virginum Cumana pubes in vmbra degeret,
 saltatorum & tibicinum illecebris detineretur, & vteretur
 balneis & vnguentis; & feminae abrafo capite, deposito

*Aristodemi
luxurici.*

*Opusc. de
mul. virtute.*

capillorum ornamento, breuib; suprà crura tunicis se amitterent, flagrarent odoribus, omnem porrò virilem cultum corrumpens. Quo circà in tantam omnium inuidià raptus est, quòd ipsa scelera scelestos odio habere còsueverunt, vt tandem aliquàdò graues Dijs hominib;sq. iam senex poenas dederit, cum x i i i i. annos Tyrannidem obtinuisset. Regiam exules qui Cumis degebant aggressi, vel potius filij ab ipso caesorum qui Capuae erant, & Hippomedontis Magistri equitum filij cum multis cohortibus sequuti, somno vinoq. sepultos custodes inuētos, omnes more pecudum obtruncarunt. Et ad Optimates res Cumana redijt.

Xenocrita.

Alij Xenocritae factum tribuunt. Haec mulier quam ardebat Aristodemus, aegrè ferens à Tyranno non vtili opere, sed vt ciues aerumnis & labore conficeret, agrum Cumanum perpetuis operibus vexari, & fossis cingi; patriae libertati studens, cùm discedente aliquandò Aristodemovultum deflexisset, & alij adolescentes operi tyrannico occupati, percunctati essent, Quid malum Aristodemo tantum oculos & vultum aperiret? respondit; Propterea quòd vnus inter Cumanos Aristodemus vir est. Vos pecora, an mulierculas appellem? Quid malum vos effeminato animo, truculenti hominis mores ferre potestis? Haecine Cumanorum audacia? Quibus verbis còmotos ad libertatem recuperandam eos vehementer inflammauit, & coniurationis principem Timotelem ad eum opprimendum iuuat, cùm Regiae foribus ab ipsa noctu patefactis, cum còiuratis manus ipsa quoque in Tyrannum iniecisset. Cui cùm magnos honores & dona ciues pollicerentur quoniam Cumas in libertatem pristinam vindicauerat, repudiatis omnibus, hoc tantum petijt, vt corpus Aristodemi per ciuitatē sibi efferre liceret recuperatae libertatis Trophoeum. Quod licuit, & in Cereris Sacerdotem eam elegerunt.

*Aristodemi
caedes.*

Exules

Exules. Tarquinius.

Viuebant ea aetate exules qui cum Tarquinio Rege Roma profugerant Cumas. Hi ad suppliciū Legatos frumentarios vocarunt, detentis nauibus. Utq. Tyrannus annueret, miris modis petiere. Sed infecta re postularunt ut saltem sibi liceret pignoris loco eorum corpora detinere, donec ab vrbe Roma quae eos miserat bona reciperent, quae à populo Romano iniuste publicata dicebant, ipsumq. Tyrannum litis iudicem constituerunt. Negantes Legati sese publicae causae agendaе potestatem ullam habere, & ab Senatu ad frumentum comparandum tantummodo missos asserentes, cum animaduernerent Tyrannum esse in exules propensio- rem, dum ad dicendam causam tempus esset erogatum, Cumis aufugerunt. Ibi Tarquinius obiit. Petrar- Tarquinius
obiit Cumis. cha in Itinerario; *Ad laeuam cuius humili colle Sibyllae patriam videbis, ubi Tarquinius Superbus regno pulsus, tandemq. Tusco- rum & Latinorum destitutus auxilijs, exul obiit.* Pleriq. Comi ad Mediolanum vocis similitudine decepti asserabant. Eutropius tamen, tertio anno post Reges exactos cum Tarquinius suscipi non posset in Regnum neq; ei Porcenna qui pacem cum Romanis fecerat, auxilium praestaret, Tusculum se contulisse scribit, ibiq. per xiiii. annos priuatum cum vxore consenuisse. Lapidem Tarquinij Collatini Cumis repertum seruat Neapoli Marcellus Girardus.

D. M.

COLLATINVS. TARQ. DVLCISSIMAE MEAE
CONIVGI. ET. INCOMPARABILI. LVCRE-
TIAE. PVBORIS. AC. MVLIERV. GLORIAE
QVAE. VIX. AN. XXII. M. V. D. XVI.

T 1

CVMA

C V M A N O R V M H O S T E S .

Cap. XXVII.

*Foedus Etru-
scorū & Cu-
manorum.*



AVD diū post Tirannidem eiectam, Cu-
manis ocium fuit. Athenis enim Acesto-
ride, Romae Caesone Fabio, & T. Virgi-
nio Coss. Etrusci (ijdem & Tyrrheni)
Phoenicum coloni, inito cum Poenis foe-
dere, aduersus Cumanos terra mariq. bel-

lum concitarunt. Et cū ij eorum impetum substinere non
posse confiderent, ad Hieronem Syracusanum Legatos mi-
serunt, qui ab eo impensè peterent, vt opem atque auxi-
lium calamitoso tempore afferrent. Is confestim paratam
classē cōtrā hostes misit. Consertoq. certamine, Syracu-
sani victores euaserunt. Atque itā Tyrrhenis partim caesis
iuxtā Himeram flumen, partim fufis submersisq. Siculi Cu-
manos ab hostium crudelitate eripuerūt. Florere rursus res
Cumana coeperat, cū nouum illis cum Campanis bellum
oritur, quos dominandi libido incefferat. Et anno ab v. c.
335. quo tribunitia primum Comitia habita sunt, creatiq.
cū Consulari potestate patricij L. Quinctius Cincinnatus
tertium, Sex. Furius Medullinus iterū, M. Manlius, &
A. Sempronius Atratinus, inter bellorum difficultates, à
Campanis Cūmae, quam Graeci tūm urbem tenebant, ca-
ptae sunt, vt ait Liuius. Multa in eos iniuriarum exempla
Campani ediderunt, qui odio Vatiniano eos insequēban-
tur. illud vero praecipuum existimo, quod tamen liberalis
animus abhorret, quòd γυναιξιν αὐτῶν ὡς σκλάβους αὐτοὶ, vt ait
Strabo; *Rem cum eorum vxoribus habuerunt.* Indignum faci-
nus; quod nec latronum, aut praedonum saeuitiae con-
uenit.

*Cūpanorum
iniuriae in
Cumanos.*

Lib. 5.

Anno deinde 539. antè CHRISTVM natum 213. Cu-
manorum constantia Campanos impulit ad eos sollicitan-
dos

dos, vt à Romanis deficerent. Arbitrabatur enim hoc sceleris genere maiorem calamitatem, quam alicui bello consequuturos. Quod cum ij non sibi esse faciendum decreuissent, dolum compararunt (vt Liuiani verbis utar) quem huiusmodi commenti sunt. Consueuere Campani statis anni temporibus ad Hamas siluam, quam Gallinariam dicunt, fruticosis virgultis frequentem & arboribus, indigentem aquis, in qua Sex. Pompeij Praefecti nauigia aedificarant, cum Sicilia à Romanorum Imperio descuiisset, sacrificia persolvere. Nunciarunt Cumanis in eum locum Senatium Campanum venturum, rogantes vt etiam Cumanus conueniret, & vnà decernerent vt eosdem yterque populus socios hostesque haberet. Armatos praeterea ibi futuros ne quid noui Romani molirentur. Ad Linternum interim T. Sempronius Gracchus Romanus Consul castra posuerat. Legationem Campanorum Romano Consuli Cumani patefecerunt. Is Cumanis iussit vt intra moenia se continerent, & quae in agris bona dispersa habebant, in oppidum comportarent. Copias ipse Cumas ducit. Campani ad Hamas confertim accedunt, in quam se abdiderat cum xxxx millibus militum Marius Albius qui summus Magistratus Campanis erat. Cum sacra nocturna fierent, silenti profectus agmine Gracchus ad Hamas nocte intempesta peruenit. Castra Campana à militibus relicta inuadit. Hos quidem somno stratos, hos verò inermes obtruncat. Ad duo millia hominum, & eò amplius, cum ipso duce Albio caesa. Castris hostium potitus, Cumas continuo se recepit, Annibalem metuens qui ad Tifaram cum exercitu confederat. Nec eum prouida fefellit opinio, quando Annibal celeriter ad Hamas castra mouerat, Consulem ibi Romanum operiri ratus. Profectus cum in eam siluam nequicquam esset, aliorum monitis & precibus impulsus, postridiè eius diei oppugnaturus oppidum, Cumas proficiscitur. In Agrum Cumanum Paeni exarsit ira, quo vastato, operibus & ob-

Legatio Campanorum.

Cumae recipiuntur.

Obsidio Cumana.

Lib. 3. Dec. 3. fidione Gracchum oppugnabat, qui tamē hoc pacto victor euasit, quo Liuius narrat; *Aduersus ligneam ingentem turrim admotam urbi, aliam turrim ex ipso muro excitauit aliquantō altiore; quia muro satis per se alto subiectis validis subleuatis pro solo usus erat. Inde primum saxis sudibusq. & ceteris missilibus propugnatores urbem ac moenia tuebantur. Postremō ubi promouendo adiunctam viderunt turrim, facibus ardentibus plurimum simul ignem coniecerunt. Quo incendio trepida armorum multitudo, cū de turri sese praecipitaret, eruptio ex oppido simul duabus portis facta, stationes hostium fudit, fugauitq. in castra; ut eo die obfesso quā obsidenti similior esset Poenus. Cumae obsidione liberatae. Protendisse hanc victoriam scribit Iulius Obsequens, mare quod arsit, & bouem qui equuleum peperit ad Sinuessam.*

Post ea tempora Cumanos cum Senatu Campano conuenisse aliqui arbitrantur, nam in eorū portu classem Campanam receperunt. Erat in foro Campanae urbis olim lapis, deinde sublatus, in quo haec legebantur,

L. MAGIO. L. F. CAMPANO

ALIGERO. XII. LEGIONIS. FRETENSIS.

Legio Fretensis.

quibus milites qui in freto versabantur maritima classe notari docti viri sibi persuaferunt. Nec illud in mentem venit, Fretensem Legionem inter xxv. Legiones esse numeratam, quae ab Augusto per Romani Imperij fines fuerāt constitutae; & milites Fretenses à Fortia Sarmatiae vrbe esse nominatos, qui Fretenses, Eufratenses, & Fratesenses dicti sunt. Apud Marcellinum, Tricosimani, Decimaniq. Fortenses.

Poeni.

Lib. 1.

Poenorum aliàs furorem Cumanos fuisse expertos Polybius videtur innuere. Cum enim Siciliae loca Amilcar occupasset, quam Carthaginenses classi praefecerant, maritimam Italiae oram ad Cumarum regionem vastauit; *Πρὸς τοὺς μὲν γὰρ ἐν τῷ θανάτῳ κατὰ θάλασσαν, τὴν παραλίαν τῆς Ἰταλίας ἐπὶ ὅσῃ μίχῃ τῆς Κυμαίων χώρας; Nam & mari saepe ab eo loco delatus*

latus in maritimam Italiae oram Cumas usque populatus est.

Gotthi.

In hoc oppidum veluti munitissimum Totilam & Teiam Gotthorum Reges quicquid praetiosae suppellectilis habebant, reposuisse scribit Agathias, ijsq. praefectum Aliger-num cum Herodiano anno C. 552. alij quoque scriptores prodiderunt. Quapropter Narfes quam maximis potuit itineribus Cumas contendit, ut Regijs thesauris occupatis, Italiam praecipua Gotthorum sede deuastata, miseria liberaret. Aligernus autem Teiae qui iam bello ceciderat minimus natu frater, quamuis labefactatam Gotthorū potentiam esse intelligeret, tanto tamen animi robore, tantoq. militari conatu cum reliquis Gotthis oppidum tutatus est, ut Romanus de victoria iam desperans, in Florentinos, Centumcellanos, & Volaterranos vires intenderit, paucis ad Cumas in obsidione relictis. In qua illud memorabile notatur, quod Aligernus Palladium qui apud Narsetem ob corporis vires plurimum poterat, dum audacter murum conscendisset, lorica indutum, cum ipso etiam scuto transuerberauit; tantum sibi virtutis Aligernus arcu comparauerat. Agathias inter coetera in ea obsidione haec describit; Narsetem suos adhortatum, exercitum oppido admo-uisse. Illos verò cum in editiorem collem maximo labore conscendisset, & ad propugnaculum accessissent, contorquendis iaculis in eos qui ad pinnas murorum consistebant omnibus viribus incubuisse, funditores petrarum tempestatem excitasse, & machinas omnes quae oppugnationi vlui esse solent, muros fuisse admotas. Aligerni verò milites è muris ad intermedia turriū spacia confertim nihilo segnius iacula & tela retorquentes propugnasse, saxorum moles in subeuntes proiecisse, securibus, contibusq. acriter vulnerasse, nihilq. omnino quod ad hostium violentiam propulsandam valeret, omisisse. Tūc Aligerni iactus maximè fuisse co-

Lib. 1.

Narfes Cumas contendit.

Romani Cumis repelluntur.

Aligernus Palladium occidit.

se cognitos, quando sagittarum stridore & immani velocitate, coeteris cum viribus praestare omnes praedicabant. Difficilis idcirco obsidio reddita est. Turpe Romanis videbatur post tot labores oppidum in suam potestatem non redigisse. Turpe Gotthis deditionem facere. Ex antro igitur Sibyllae cui pars murorum nitebatur, in spem venit oppido potiturum. Exscisso antri conuexo, & erectis tignis in ordinem substitutis quae muri pondus sustinerent, ne resoluta compages corrueret, atq; milites opprimeret, foliorum aridorum strue adhibita, & immisso igne, ex antro exarserunt. Excitata flamma, sustentacula conflagrauit. Quae cum cessissent ponderi, murus quoq; deiectus est. At Gothi corporibus mutuo murum struentes, sese tanto impetu obiecerunt hostibus, vt potiundi oppidi spe abiecta, ad Florentiam, vt diximus, castra mouerint. Francorum tamen in Italiam aduentu Aligernus commotus, Romanos obsidentes monuit, optare vt sibi ad Narsetē aditus pateret. Quod cum Narsetes rescisset, libentissimè annuit, propterea quod illud vnum maximè optabat, vt in Romanorum potestatem oppidum redigeretur. In agrum Rauennatem tunc profectus est, & ad Classes (locus in eo agro est) Narsetem nactus, Cumarum clauēs illi tradidit. Benignè & liberaliter ab eo acceptus est. Pars copiarum Cumas introducta. pars, ad vicos & castella secessit. Cū Neapolim Totilas obsidisset, cui erat praesidio Conon, partem exercitus Cumas misit in qua ciuitate mulieres ex nobilitate Romana cepit, liberaq; parentibus & viris remisit. Naucerus Gener. 19.

Longobardi.

Romoaldus II. & IX. Dux Benenētanorum anno 715. vt sui Imperij fines propagaret, arcem Cumanam aggressus, arce & oppido potitus est. Mox à Ioanne Neapolitanorum Duce, & Theodimo Subdiacono & Correatore (vt appellat Anastasius Bibliothecarius) oppidum receptum & Longobardi

gobardi penè ccc. cum eorum Castaldeo occisi. Scribitq. Paulus Diaconus, Gregorium V. Pontificem Max. vt eam arcem recuperaret, auri libras exoluisse, quas hac de causa Neapolitanis pollicitus fuerat. Saeuientibus in Puteolos Nortmannis, in Cumanos quoque saeuitum esse, credendum est.

Neapolitani.

A Neapolitanis hoc pacto euerfas Cumas scripsere. Cum anno 1207. Theuthonorum latrocinia atq; iniuriæ totam ferè Campaniam vexarent, atq; ita vt nauigatio conquiesceret & agricultura desereretur, idq; plurimum Neapolitanis displiceret, inito inter eos consilio, tandem decretum est vt milites per pagos, vicosq; distribuerentur, qui ab eorum maleficio Neapolim & Campaniam defenderent.

Quamobrem opem quoq; ex toto Regno proceres Neapolitanis tulerunt. Cùmque Goffridus è Montefusculo viribus animi & corporis pollens, nobilitate clarus, & affinitate Neapolitanis equitibus conuinctus, qui ad eam rem incumberebat Cumas noctu cum lecta militum manu aduenisset, ab Auerfano Episcopo in cuius potestate oppidum tunc erat, in arce hospitio liberaliter acceptus est. Auerfani calamitoso, ac suspicionis pleno tempore permoti, quòd nobilem virum & factiosum ab Episcopo noctu introductum sibi persuaferant, secreti alicuius consilij conscium, vt aliquid ipsis detrimenti afferret, Cumas armatos miserunt, ciues qui non tantùm dicerent se valdè mirari Goffridum Neapolitanum in arcem inconsultis ipsis fuisse receptum, sed etiam arcem huiusmodi tuerentur, vt nullo pacto potuisset à Goffrido occupari. At Goffridus nouitate rei perculsus, ab Episcopo per prodicionem se circumuentum esse existimans, Auerfanos ab ipso accersitos arbitrabatur. Quamobrem ne opprimeretur illicò ex arce in aliam se recepit domum in qua cum ijs qui cum eo venerant prouidè se conti-

*Goffridus è
Montefusculo.*

*Auerfanus
Episcopus.*

*Petrus è Le-
Sera.*

nuit, misso celeriter nuncio qui auxilium peteret suis. Cum rumor percrebuiſſet Comes Petrus è Liſtera Goffridi affinis comparatis copijs in Iulianum pagum contendit, vbi alij milites praefidio erāt atque ijs ſimul iunctis Cumas aduolauit. Quorum aduentu laetatus Goffridus ſacramento milites adegit vt capta turri homines & fortunas in eius manus deuenire paterentur. Tūc illud quoque inter ipſos decretum, vt capta ciuitate eam funditus euerterent vt maleficijs aſylum auferretur, qua de re ſaepius cum ipſis Auerſanis ſacramento adhibito actum eſt, nec vnquam negocium conficere potuerunt. Mox arcem aggreſſi in quam Auerſani & Epifcopus ſe receperant, monitis prius vt indè decederent, & veluti inter ſe conuenerant deuaſtarēt, cum ſibi illud non eſſe faciundum Auerſani diſtarent, tandem adhibitis ignibus alijsque machinis quae ea ferebant tempora, cum vix Epifcopus ignes ſubterfugiſſet, arce potiti ſunt, relictisque ibi militibus qui ciuitatem diruerent, Goffridus, Petrusque ſumma cum laetitia victores Neapolim rediere. Atque ita muhitiffimum oppidum, antiquitate praeclarum, & Gotthorum firmiſſimum praefidiū, quodque cum Campanis militari ſtudio illuſtribus ſaepius contendit, miſerrimè interijt. Et veluti Gotthorum theſauros Romani, Narſete duce, indè extulerunt, ſic etiam Neapolitani ſanctarum reliquiarū theſauros veluti victoriae pompam Neapolim reportarunt. Quod infra dicemus.

*Ad Abbatem
S. Mariae de
Ferraria.*

Quod ad viros illos illuſtres attinet, Goffridum, Innocentius Pontifex nobilem virum appellat, & ſemper profeſto familia è Montefuſculo Neapoli nobiliſſimè vixit. Petrus vero è familia Liſtera, quae & Liſteria, & Loſteria à ciuitate quae non longè à Veſuuiio diſta, is eſt Comes cui Federicus Imperator dum Neapolitano regno potiretur, ad aedem Carmelitanā Neapoli in qua familiae antiqua monumenta cernuntur, agrum dono dedit quem hac quoque aetate Comitibus hortum dicūt. Letterenſis ciuitatis domini fuere.

fuere . Meminit Marinus Freccia dum de Letterensi Episcopo loquitur . Meminere etiam Collenuccius , Carrafa , Constantius in historijs .

Lib. de Subf.

Romani , Paludes .

Fuerant antea Cumae Romana potentia & amplitudine oppressae , idcirco in obscuros creuere vicos , maximè cum Campania Romanorum principum villis luxuriaret . Tum Cumae quasi vacuae , ad secessum tenuiorum , & plebeiorum ciuium patebant . Iuuenalis , Cumas vacuas dicit , & Baia-
iarum ianuam , dum Vmbri-
cij sui discessum ab vrbe dolet ,

*Cumas vac-
uae.*

*Quamuis digressu veteris confusus amici ,
Laudo tamen , vacuis quod sedem figere Cumis
Destinet , atque vnum ciuem donare Sibyllae ,
Ianua Baiarum est , & gratum litus amoeni
Secessus*

Ergo Neruae temporibus quibus Iuuenalis viuebat , vacuas Cumas cognoscimus ; etsi deinceps ob loci munitio-
nem Gotthis frequentes iterum sint redditae . Infrequen-
tes redditas esse arbitror , quod palustribus littoribus con-
tineretur ,

*— & loca foeta palustribus undis
Littora Cumarum*

Quod etiam Strabo affirmat lib. 5. Πλησίον δὲ τῆς Κύμης , τὸ Μισίων ἀκρωτήριον καὶ ἐν τῇ μετὰ τὴν Ἀχέρουσιαν λίμνῃ , τῆς θαλάσσης ἀνέ-
χουσι τὴν τερατώδους ; Cumis vicinum est Misenum promontorium ,
usq. interposita Acherusia palus , coenosa quaedam maris effusio ,
ut inde paludes ortae videantur . In Cumano numismate Rana





Pagurus Dianae sacer.

est, palustria loca significans, cum tamen & Conchylia, & Paguros alia referat, cum Conchylio hordei granum pulcherrimè depictum cernitur in eo quod seruat Ioannes Baptista Macedonius totius antiquitatis arbiter, qui me in Neapolitana historia conscribenda plurimum iuuit. Goltzius pro Conchylio depinxit. Terrae marisque vbertatem significarunt. Sunt qui non Conchylia, sed Purpuram arbitrentur. Pagurus tamen Dianae sacer est, quoniam inter venatores testaceos numeratur, aiuntque eum praecipuè vim Lunae sentire, qua crescente succulentior fiat, & melior. Aliqui Apollini sacrum faciunt, quoniam musica delectatur. Apud Mystas prudentiam Pagurus significabat, idè Dianae Ephesiae collo fuit suspensum, & apud Brutios Dianae caput Paguro ornabatur. Prudentiam ea de causa illi tribuunt, quod cum crustam exuit, veluti armis spoliatus later, viribusque diffusus nullos aggreditur, donec novam recuperaverit. At Cumarum ruinas sic deplorat Sanazarius,

*Hic ubi Cumaeae surgebant inclita fama
Moenia, Tyrrheni gloria prima maris,
Longinquis quò saepe hospes properabat ab oris
Visurus Tripodas Delic magne tuos;
Et vagus antiquos intrabat nauita portus
Quaerens Dedaleae conscia signa fugae,
(Credere quis quondam potuit dum fata manebant ?)
Nunc silua agrestes occulit alta feras.
Atque ubi fatidicae latuere arcana Sibyllae,
Nunc claudit saturas vespere pastor oves.*

Quaeq.

*Quaeq. prius sanctos cogebat Curia Patres,
Serpentum facta est alituumq. domus.*

Plenaq. tot passim generosis atria caris

Ipsa sua tandem subruta mole iacet.

Calcanturq. olim sacris onerata trophoeis

Limina, distractos & tegit herba Deos.

Tot decora, artificumq. manus, tot nota sepulcra,

Totq. pios cineres una ruina premit.

CVM AE COLONIA, MVNICIPIVM,

Praefectura.

Cap. XXVIII.



OST victum ad Actium promontorium Antonium, & praeclaram pacem orbi terrarum partam, duodetriginta Colonias deductas ab Augusto scribit Suetonius; *Vrbaniq. rebus administratis, duodetriginta Coloniarum numero à se deductarum Italiam fre-*

Duodetriginta Colonide.

quentauit. Inter quas, CVM AE. Earum nomina duodecim recēset Frontinus, Soram, Theanum, Sidicinum, Puteolos, Acerras, Aletrium, Atellam, Caudium, Beneuentum, Cumas, Ariminum. Cum de Cumis loquitur, ait; *Lib. 4.*
Cumae muro ducta Colonia, ab Augusto deducta. Iter populo debetur pedes Lxx. Ager eius in iugeribus veteranis pro merito est assignatus iussu Claudij Caesaris. Quod declarat Dio, cum ait Caesarem Romam reuersum ad Rempub. constituendam, militibus, alijsq. pecuniam distribuisse, ijs vero qui sub se perpetuo stipendia fecerant, agros etiam assignasse, & populis qui Antoniū sequuti fuerant deletis, oppida & agros eorum militibus condonasse. Miror tamen id Cumanis accidisse, vt vrbe & agris pulsi fuerint, nulla fidei habita ratione, cum neque Annibali adhaeserint, & Romanos bello Marisco sociorum fide iuuerint. Et tamen anno ab v. C. 415. inter Municipia antè bellum Italicum siue Mariscum (quod

*Cumari &
Suessulani.*

(quod Sociale item appellatum est) constituta, Campanis equitibus honoris causa quia cum Latinis rebellare noluis-
sent, ciuitas sine suffragio data est; Cumanosq. & Suessu-
lanos eiusdem iuris conditionisq. cuius Capuam esse pla-
cuit, vt ad Liuianam accedamus sententiam, cum Velle-
ius Campanis & Sānitibus sine suffragio ciuitatem datam
dicat Sp. Postumio, & T. Veturio Coss. Quo munere per-
functos lapis ibi ostendit;

PILVMO. SANCTISSIMO. GENIO. MVNICIPI
SACRVM. P. IVBENTIVS. ACHARIVS. II. VIR.

Lib. 3. Dec. 3. confirmat Liuius; *Itē vt municipes Cumani essent, pridē quā
populus Campanus à populo Romano defecisset. Maximē vt hoc
ferretur mouerat, quōd quorum hominum essent scire se ipsi nega-
bant, vetere patria relicta, in eam in quā redierant non diū adsciti.*

*Praefecturae
duo genera.*

De Praefectura Festus ait duo eius genera fuisse, vnum in
quas Praefecti irent à populo Romano creati, Capuam,
Cumas, Casilinum, Vulturum, Linternum, Puteolos,
Acerras, Suessalam, Atellam, Calatiam. alterum, in quas
proficiscerentur quos Praetor vrbanus mitteret, Fundos,
Formias, Cere, Venafrum, Allifas, Priuernum, Anagnium,
Frusinonem, Reate, Saturniam, Nursiam, Arpinum, aliaq.
oppida quamplura. Quae hac de causa Praefecturas inco-
modissimo iure senserūt, quōd Annibalem armis defendis-
sent. Idcirco Cumanorum Praefecturam sum admiratus.





ANTRVM SIBYLLAE. Cap. XXIX.



ANTRVM Occidentalem oppidi plagam Agathias antrum Sibyllae describit instar barathri his verbis ; ἐν ταύτῃ δὴ πάλαι φασὶ τῷ Σίβυλλαν τῷ πάντῃ Ἰταλῶν ἐνδαιτωμένῳ , φοιβεληπτόν τε εἶναι καὶ ἐνθουν , καὶ προαγορεύειν τὰ ἐσόμενα τοῖς πεινθομένοις. λέγει τε δὲ καὶ Λινείαν ποτὶ τὸν Ἀρχίσου αὐτοῦ ἀετιόμενον ἅπαντα οἱ τῷ Σίβυλλαν φάναι τὰ ὑστερον ξυσεχθέντα ; His aiunt habitasse olim Sibyllam numine offlatam diuino, & sciscitantibus futura praedixisse. Aiunt etiam Aeneae Anchisae filio, cum eo venisset, Sibyllam quae deinde acciderunt praedixisse. Sed antrum omni ex parte tectum dicit, valdèq. cauum quod adyta quaedam natiua haberet, & sinum ingentem ac profundum καὶ βαρὰ ῥῶδες. Rupem appellat Virgilius,

Insanam vatem afficiet, quae rupe sub ima

Fata canit

Locum sic describit Iustinus martyr, ne ad Aueruum eam habitasse arbitremur ; ἐν θεοσάμεισθα δὲ ἐν τῷ περὶ οἱ γενόμενοι καὶ τινα τόπον , ἐν τῇ βασιλικῇ μετῴσεν ἐξ ἡνὸς ἐξεστρέψεν λίθου ἐξωθεν , πρᾶγμα μί-

Templum
Sibyllae.

γίγον καὶ παρὰ τοῦ θαύματος ἄξιον, ἐνθα τοὺς χρησμοὺς αὐτῷ ἀπαγγέλει
οἱ ὡς τὰ πάντα παρεληφότες παρὰ τῶν ἑαυτῶν προγόνων ἑρασκον; *Vidi-
mus sanè in ea orbe cum essemus locum quandam ubi Basilicam in-
gentem uno fabrefactâ saxo conspeximus, rem profectò maximam
& admiratione dignissimam, ubi Oracula eam edidisse qui res pa-
trias à maioribus suis quasi per manus traditas affirmabant. Ad-
didit etiam in media Basilica incolas sibi ostendisse tria So-
lia ex eodem excisa lapide, quibus aqua repletis iacuisse
ibi Sibyllam, & stola sumpta in penitissimam se Basilicae
aedem abdere, atque in media aede super sublimiori gra-
du & throno confidere solitam, & eo pacto sortes promul-
gasse. Ibi quoque Apollinis Fatidici templum fuit, nam
Virgilius ait,*

— arces quibus altus Apollo
Praesidet, horrendaeq. procul secreta Sibyllae
Antrum immane petit —

Et de Sibyllae loco, *Excisum Euboicae latus ingens rupis in
antrum. Daedalus autem Cumani templi conditor. Auso-
nius in Mosella Idyll. 9.*

*Non hoc spernet opus Gortynius aliger aedis
Conditor Euboicae, casus quem fingere in auro
Conantem Icarios, patrij pepulere dolores.*

Apollo lugens.

In eo Apollinis tēplo quatrīduò simulacrum fleuisse nar-
rat Augustinus lib. 3. de Ciuit. Dei cap. 11. hac historia.
Attalus Asiae Rex testamēto populum Rom. haeredem fe-
cerat Regni. Id Aristonicus Eumenis Attali fratris filius ex
concubina genitus, praecoccupauit. Hinc bellum ei est in-
dictum. Missus eò Licinius Crassus Coss. & Pontifex max.
victus est ab Aristonico. M. Perpenna Consul insequentis
anni, audita Crassi fortuna, magnis itineribus in Asiam
venit, victumq. acie Aristonicum, fame domitum in dedi-
tionem Stratonicae, quò post proelium confugerat cepit.
Eo bello Apollinis simulacrum Cumis quatrīduò fleuisse
nun-

nunciatum est; quo prodigio Aruspices territi, cum id simulacrum in mare putauissent esse proijciendum, Campani senes intercesserunt, atque retulerunt tale prodigium, & Antiochi Syriae Regis quem L. Scipio vicit, & Persae Macedonum Regis bello, in eodem apparuisse figmento; & quia Romanis feliciter prouenisset, ex Senatusconsulto eidem Apollini, sua dona esse missa testati sunt. Peritiores acciti Aruspices responderunt, simulacri Apollinis fletum idè prosperousse Romanis, quoniam Cumae Colonia Graeca esset, suisq. terris vndè accitus esset, idest, ipsi Graeciae luctum & cladem Apollinem significasse plorantem.

Apud Liuium anno ab v. C. 584. Q. Marcio Philippo II. Lib. 45.
& Cn. Seruilio Cepione Coss. Cumis Apollinis statua per tres dies luxit. Apollo Cumaeus hic dictus est. Apollinem autem Comaeum cuius meminit Ammianus, ex vrbe Seleucia opus ambitiosum fuisse scribit Nicanoris Selenci; Lib. 23.
Romamq. perlatum, & in aede Apollinis Palatini à sacerdotibus positum.

SIBYLLARVM NOMINA, NUMERVS,

patriae, vaticinia.

Cap. XXX.



QVIBVS DAM vna tantum Sibylla, à quibusdam duae, ab alijs tres aut quatuor, aut decem, aut plures commemorantur. Quidam tot Sibyllas quot Cupidines Herculesue, aut Ioues (vt fabulosa Graeciae moris est) describere sunt conati. Qui de vna loquuti sunt, aut Apollinis & Lamiae, aut Aristocratis & Hydoles, aut Crinagorae, aut Theodori filiam faciunt. Sed varia de patria protulerunt. Erythraeam, Sardinicam, Rhodiam, Lybicum, Leucanam, Sibyllae cuius filiae fuerunt.
Samiam, Gergithicam denique dixere. Dùm Erythraeam

X nomen,

Lib. 1. hyst.

Sphynx, & Sibylla.

Sibyllae statua.

nomino, non eam intelligo, quā etiam Phaellonis (Σιβυλλῆς ἢ λεγομένη τῆς Ερυθραίας ἢ φαλλοῦς τῆς Ἡπειρώτιδος) commemorat Zosimus, quam non aliarum numero adscribere videtur, sed quod afflata numine quaedam oracula ediderit, quibus fretus Nicomedes Prusiae filius, hortatu Attali, Prusiae patri bellum intulit. De Gergithica, ait Stephanus in dictione Γέργης, fatidicam fuisse, & cum Sphinge in Gergithicorum moneta expressam ex Phlegonis auctoritate in prima Olympiade, & in Gergithij Apollinis templo fuisse sepultam. Qui de duabus loquuti sunt, Erophylen Troianam nominant, eandemq. esse cum Phrygia & Cumaea contendunt; & Symmachiam, quae quamuis Erythre orta fuerit, Cumis tamen vaticinatam esse scribunt. Ex Plinio tres Sybillas colligimus quarum vnus in foro Romano Pacuius Taurus Aedilis plebis, aliarum duarum statuas M. Valerius Messala Augur consecrauit. Ex his verò vna Cumana habita est, quae Cumis Olympiade. L. floruit; & quae libros Tarquinio obtulit; altera Delphica, quae antè Troiana tempora vixit; tertia Erythrea, Herpilis appellata, quae post Troiam euersam vixit. Quod ad tres pertinet, Aristophanis Scholiastes in Auius ait, tres fuisse Sybillas, quarum prima se Apollinis sororem suis versibus dixit; secunda Erythraea; tertia Sardiana nominatur. Aelianus quatuor nominat, Erythraeam, Samiam, Aegyptiam, & Sardianam. Sunt qui Iudaeam, & Cumaeam adiungant. Varro tamen qui citatur à Lactantio eas decem celebrat, Delphicam, Erythraeam, Cimmeriam, Samiam, Cumanam, Helleponticam, Libycam, Persicam, Phrygiam, Tiburtinam.

Ex his omnibus, nostram de qua loquimur Cimmeriam rectius appellari quàm Cumaeam scribit Onuphrius Panuinius, de qua asserit scripsisse Naenium in libris quos de primo bello Punico scriptos reliquit, & L. Pisonem Censorium in Annalibus. Aristoteles verò hæc scribit libro

περὶ Σαυμασι. ἀκουσθ. Εντῇ Κύμῃ τῇ περὶ τῶν Ἰταλῶν δόικυταίτις ὡς εἶκ' ὁ Δάλαμος κατ' ἀγίους Σιβύλλης τῆς χρησμολόγου, καὶ πολυχροιωτάτῃ γυναικί, ἡ παρθένος διαμείναι φασιν, οὐσαν μὲν Εὐρυθαίαν, ὑπὸ τῶν Ἰταλῶν κατοικοῦντων Κυμαίαν ὑπὸ δέ τινων μελάρχησαν καλουμένην. Hanc eandem in agro Troiano natam censet Martianus Capella, & Varro in Cimmerio Campaniae oppido. Quae Cumana dicitur, nomine fuit Amalthea, vel Herophile, vel Demophile, quae nouem, vel ut alijs placet, tres libros Oraculorum ad Tarquinium detulit, cuius sepulcrū in Sicilia sua aetate fuisse reliquum, scribit Solinus. Quamobrem vna Cumana dicitur, quod Cumis vaticinata fuit, quamuis alibi fortasse orta, ad quam diuertit Aeneas & Δημῶ appellatam scribit Pausanias in Phocicis ab Hyperoco scriptore Cumano lib. 10. quem & Cumanos ostendere Vrnulam in Apollinis Vrna lapideam in qua dictitabant esse ossa Sibyllae, idē Pausanias testatur; altera, Cumana quae Cumis oriunda, longo tempore post vixit, de qua Solinus plura scribit. Sunt qui sibi persuaferūt Cumis plures mulieres fuisse vaticinatas, & omnes Sibyllae nomine fuisse insignitas.

Polybist. c. 11.

Earum Vaticinia.

Quid Sibylla profiteretur, indicat Virgilius,

Lib. 3.

— — — quae rupe sub ima

Fata canit, folijsq. notas & nomina mandat.

Quaecunque in folijs descripsit carmina Virgo

Digerit in numerum, atque antro seclusa relinquit.

Illa manent immota locis, neque ab ordine cedunt.

Verum eadem, verso tenuis cum cardine ventus

Impulit, & tenues turbauit ianua frondes,

Nunquam deinde cauo volitantia prendere saxo,

Nec reuocare situs, aut iungere carmina cura.

Inconsulti abeunt, sedemq. odere Sibyllae.

Idq. pertinebat ad scriptum. Voce etiam oracula pronuntiabat.

*Horrendas canit ambages, antroq. remugit
Obscuris vera inuoluens* ———

*Scripto, voce,
& signis prae-
dictabant.*

Et Signis, qualia in Obelisco Romae videri scribit Seruius. Et si nec illud displiceret, si notas litterarum intelligamus, vt vno caractere multa significarent. Sed voce & scripto tantum praedixisse contra Seruij opinionem contendit Nascimbenius. Scripta, in folijs Palmarum exercebantur. sic asserit Varro. Et Donatus in illud Virgilianum,

— sedemq. odere Sibyllae;

Morem dixit Sibyllae, & in quo loco sit, & quo ordine singulorum desiderijs respondeat. Sumit folia. Illic responsa conscribit, ordinat, & dimittit. Veniunt homines, considerant folia, & futura cognoscunt. Sed hoc habet mos ipse contrarium. Quippe si ventus implevit fores, & ordinationem foliorum turbauerit, pereuns consulta, & dubij remeant qui instructi fuerant redituri. Ea de causa Sibyllae folia in prouerbium abiire, quando rem indubitatam significarent. Aristophanes in Pace,

ὃν μετέχω τούτων, οὐ γὰρ ταύτ' ἔπειτα Σίβυλλα.

*Haud equidem agnosco, neque enim canit ista Sibylla.
& Iuuenalis, Credite me vobis folium recitare Sibyllae*

*Sibylla, Iouij
sententia.*

Quae omnia secretiora diuinitatis arcana ostendere, nomen Sibyllae significat, quod *σιῶ βουλῶν*, Iouis sententiam notat. Et, vt τῷ σιῶ, iurabant Lacedemonij, Castorem & Pollicem intelligentes, & Apollinē, de quo sic loquitur Ammianus; *Sol mens mundi, nostras mentes ex sese veluti scintillas diffundens, cum eas vehementius incenderit, futuri conscias reddit, vnde Sibyllae crebro praedicunt ardore torrente, & vi magnarum flammarum multa significant. Vnde quasi Sibyllae dictae.* Et Hieronymus contra Iouinianum ait Aeolico sermonis genere Sibyllas *θεοβουλῶν* appellari. Et Suidas, Romana voce *Prophetissam*, hoc est *vatem*, interpretari posse scribit. Quocirca aliqui ex Platonicis arbitrati sunt, humanū animum remota corporis memoria posse aliquando ad immortalem transire naturam, & quodam sopore detentum futura diuinare. Hinc Sibylla & Bacchides. Hinc *μανία*, & *μαντικῆ*. Hinc etiam

*Multi pos-
sunt diuinare.*

etiam Sibyllas esse dixerunt Manthonem Tyresiae Thebani filiam, Cassandram, Elyssam, Faunam, vel Fatuam, Sabam Berosi filiam, & Carmentam, quam Θερσιπύδων Graeci dixerunt, ut scribit Halicarnasseus, nam ἑδᾶς Romani *Lib. 1. antiq.* carmina vocant. Themis quoque appellarunt. Et sic fatidicam puellam Chorus in Helena commemorat apud Euripidem,

Ἥκουσα τᾷς θερσιπυδοῦ κόρας

Audini ex fatidica puella.

Fatidicaeq. ex tripode cecinisse scribit in Ione

Θάσσῃ δὲ ζυνῇ τρίποδα ζάθεον

Δελφίς, αἰείδους Ἑλλήσι βόας

Ἀς ἂν Ἀπόλλων καλεσθῇσιν.

Mulier verò sedet suprà sacrum tripodem.

Delphica canens Graecis oracula

Quae Apollo illi dicat

Quin etiam omnes Delphicas mulieres fatidicas fuisse in- *Mulieres Del-*
nuit ibidem, *phicae.*

—— τρίποδος ἀρχαῖον νόμον

Σοῖζουσα, πασῶν Δελφίδων ἑξαίρετος

—— *seruationem tripodis*

Seruans electa ex omnibus Delphicis mulieribus.

Inter has numerantur Brutides mulieres à Suida, & Thara Iudicium Hebraeorū aetate. Georgius Cedrenus & Glycas in Annalibus, Reginam Sabam à Graecis Sibyllam appellatam scribit, & Samonaeam cū viueret Iosias. Sphragitides Nymphas Plutarchus celebrat in Aristide, quae in Citheronis vertice oracula reddebant, & multos ibi furore correptos, *Νυμφαιπτεις* esse dictos. Eustathius Homeri Scholiastes Arrianum scripsisse testatur, Dardanum cū ex Samothracia venisset, Teucris Regis filias sibi desponsasse, Nelon, & Batram dictas, & Nelon filiam esse natam Sibyllam Vatem, à qua quotquot mulieres fatidicae fuerunt, Sibyllae dicebantur. Hermias 2. lib. Scholiorum in Platonis *Alia Sibyllae.*
Nymphae Sibyllae.

*Demò &
Saba.*

Viri fatidici.

Lib. 55.

*Germani fa-
tidici.*

*Lib. 1 de bell.
Gall.*

*De morib. Ger-
man.*

tonis Phaedrum, de Sibylla adeò miranda narrari scribit, ut fabulae videri queant. Multas certè Sibyllas fuisse, omnes diuinandi artem amplexas, & ob aliquam fortè causam commune nomen Sibyllae assumpsisse. Pausanias in Phocicis post Demò in fatidicarum numerum Sabam scripsisse Hebraeos ait qui supra Palaestinam sunt, quā patre Berofo, matre Erymante genitam tradunt. Hāc alios Babyloniam, alios Aegyptiā vocasse. Phaennem praeterea apud Chao-nes, & Peleam apud Dodonaeos diuinasse, sed non fuisse Sibyllas vocatas, at Columbas. Peleadas quoque propheticos versus decantasse. Recenset quoque viros fatidicos Euclum Cyprium, Musaeum Atheniensem, Lycum Pandionis filium, & Bacim ex Bacotia, quem Nympharum instinctu diuinasse aserebant. idemq. Pausanias eorum vaticinia praeterquam Lyci se legisse affirmat. Pseudosibyllae inter has numerari possunt, cum apud Dionem, misso Germanico ad bellum Dalmaticum ab Augusto, quaedam mulier litteris aliquibus in brachium incisis, quasi diuino afflatu mota, vaticinia promulgauit. Quam cum ipse optimè nosset, non numine correptam, sed composito ea dicere, fidem tamen eius dictis se habere simulauit, ne magis ad iram populum concitaret. Huc accedit Germanorum consuetudo, ut matres familias eorum sortibus, & vaticinationibus declararent, vtrum praelium committi ex usu esset nec ne; eas ita dicere, *Non esse fas Germanos superare, si ante nouam Lunam proelio contendissent*; ut scribit Caesar. Idemq. ituri in proelica canebant (ut scribit Cornelius Tacitus) & eorum carminum relatu quem Barditum vocabant, accendi animos credebāt, & futurae pugnae fortunam augurari.

Accedit etiam mos Poenorum, qui suas Sibyllas habent, quas furore percitas bacchantesq. multa loquentes, capillis sparsis, ad terram decedentes obseruant ad varios rerum euentus. Caput miris illae modis agitant. Quod Statius in Thiodamante lib. 10. Thebaid. obseruat,

— acies

———— actes huc errat & illuc
Sertaq. mixta comis sparsa ceruice flagellat.

Et Tibullus lib. 2. Eleg. 6.

Iactauit fusas & caput antè comas.

Et Seneca Oedipo,

Incipit lethaea vates spargere horrentes comas

Et pati commota Phoebum ———

Et Virgilius lib. 6.

———— non cultus, non color vnus,

Non comptae mansere comae ———

Mentem deindè recipiunt, & *ἰσθουσία μὲν* ille quiescit.

Quod ad Palmarum folia attinet, ad Apollinis radios ea *Palmarum folia.*
 plerique referunt, vt quae ardore torrente praedicat, in ijs
 quoque praedicat quae cum Solis igne conueniunt. In nu-
 merum digerere, Pythagoricum sapit, vt numeris quoque
 rerum inuolucra notentur. Coeterum tùm ventus folia dis-
 sipauit, atq; ordinem turbauit, cùm Spiritus Paracleti ad-
 uentu & flamine, Sibyllarum oracula euauerunt.

Inter veras & pseudosibyllas Herophyle illa est quae Ora-
 cula canere Delphi confuevit, & cognomine Sibyllae di-
 cebatur; licet aliam antiquiorem primum omnium mulie-
 rum vaticinatam Lamiam Neptuno genitam scribat Pausa-
 nias, & ab Afris Sibyllam nominatam, & Delios remini-
 sci Herophyllis hymnorum, quibus se Dianam vocat, &
 Apollinis sororem, vxorem, & filiam. Alibi immortalī ma-
 tre, eaq. vna ex Idaeis Nymphis, & patre homine Theo-
 doro pastore, se natam praedicat,

Εγὼ δ' ἐγὼ γὰρ γὰρ ἀνθρώπου θεῶν τε

Νόμους δ' ἀθανάτου, πατρὸς δ' αὐτοκράτορος

Μητρίθεν Ἰδρυῆος, πατρὸς δέ μοι ἐστὶν ἱερῆς

Μάρπητορος, μητρὸς ἱερῆς, ποταμὸς δ' Αἰδωνεύς;

Partim ego Cetiuro mortalī patri creata,

Partim immortalī Nympha; me fontibus Ida

Eduxit vitreis, tenuis, glebaq. rubente;

Marpeffus matri patria est, fluminisq. Aidoneus.

Hanc

*Sibyllae se-
pulcrum.*

Hanc Alexandrini Apollinis Sminthei fuisse aedituam dicebant, & Hecubae somnium interpretatam. Sami diutius commorata est, & Clari, quae Colophoniorum vrbs est. Eius sepulcrum in Sminthei luco cum hoc epigrammate; Latinum referam,

*Illae ego sum Phoebi interpres non vana Sibylla,
Hic quae marmoreo contineor tumulo.
Vocalis quondam, aeternum nunc muta puella—
Heu nimis hac fati compede pressa graui.
Mercurio tamen & Nymphis sociata quiesco,
Phebo quod fuerim grata ferens precium.*

Quo ordine praedixerint.

*Sibyllae non
intelligebant
quae diceret.*

Nihil tamen Sibyllae ex Oraculis intelligebant. Plato, ὅταν κατορθῶσι λέγοντες πολλά καὶ μεγάλα πράγματα, μηδὲν εἰδότες ὧν λέγουσι; *Cum multas magnasq. res rectè & verè dicant, nihil eorum quae loquuntur intelligentes* Quo circa Iustinus martyr in Admonitorio ad Graecos scribit, rectam religionem ex parte aliqua, & ea quae proximè ad Prophetarum accedant doctrinam à veteri Sibylla ex afflatu quodam mirifico per sortes ac responsa eos docente, posse percipere. Illud quoque verum esse, non fuisse in Sibyllis sicuti poetis etià postquam poemata scripsere, facultatem corrigendi atque expoliendi responsa iuxta numerorum & dimensio- num in carminibus rationem; sed in ipso afflatus tempore sortes illas suas explicuisse, & evanescente instinctu ipso, simul quoque dictorum memoria evanuisse; ἀλλ' ἐν μὲν τῷ τῆς ἐπιπνοίας καιρῷ τὰ τῆς προφητείας ἐπλήρου. παυσαμένης δὲ ἀπιπνοίας, ἐπέπαυτο καὶ ἡ τῶν εἰρημέλων μνήμη. Id quidem diu me dubitantem retinuit. Non enim persuadere mihi poteram ita compositè, ornatè, potuisse sua oracula Sibyllas edere, atque huiusmodi distincta Acrostichis, historiarum serie, multisq. alijs quae diu cogitando vix possent rectè accommodari. Cum sese mihi obtulit Cicero meà opinionem confirmans; *Non esse autem illud carmen furentis, cum poema declarat, est enim magis artis*

*Lib. 2. de
Divin.*

& diligentiae quàm concitationis motus; tùm verò ea quae Apostolicè dicitur, cum deinceps ex primis versus litteris aliquid connectitur, ut in quibusdam Ennianis quae Ennius fecit; id certè magis est attentì animi quàm furentis; atque in Sibyllinis ex primo versus uniuscuiusque sententiae primis litteris illius sententiae carmen omne praetexitur. hoc scriptoris est, non furentis; adhibentis diligentiam, non insani. Quamobrem, aut non omnes octo libros illos qui circumferuntur à Sibyllis conscriptos afferre libuit, aut aliquem eos cōposuisse, additis aliquibus carminibus quae ex Sibyllinis supererant. At verò ex Prophetarum dictis aliqua similia eliciens, qui litterarum notis, ipsdemq. Acrostichis multa pronuntiabant, ut in vocibus *iaud. silò, velò; Donec veniat qui mittendus est*, ubi Messiae nomen interpretatur Cabalistae, qui sexcenta huiusmodi mysteria in sacris patefaciūt, à mea & Ciceronis, qui illa ignorabat, opinione discedens, illud affirmare non vereor, ità compositè atque ornatè Sibyllas sua carmina esse vaticinatas. Quod si quis negare ausus fuerit, negabit quoque, IESV Saluatoris nomen à Sibyllis editum non fuisse, neque ab ipsdem quae ad eius vitam, mortem, & resurrectionem pertinent explicata, quibus tamen Iustinus Martyr, Lactantius Firmianus, D. Augustinus qui ea apud Flavianum Proconsulem è Graeca in Latinam linguam translata legisse testatur, ad religionis propagationem, ad Catholicae fidei veritatem, offeruarunt.

Cabalistae.

Nec tamen negaverim aliquando non ità numerosa legi oracula, quamvis Virgilius dixerit in numerum à Sibyllis carmina fuisse digesta. Idq. aut quoniam (ut ait Iustinus Martyr) evanescebat aliquando Vati dictorum memoria; aut quoniam qui oracula scripto mandabant, propter imperitiam, in observatione numerorū errabant, & hoc scribit se audiuisse cum esset Cumis, ab ijs quos eorum locorum indices habebat. Idcirco hortatur Graecos, ut relicta carminum exquisita ratione, ad dicta Sibyllarum animadvertentes, non numeros sed religionem sciant. Suidas

numerorum imperfectionem notarijs tribuit; οτι δὲ ἐν εἰχοῖ ἀν-
της ἀτελεῖς καὶ ἀμειβοὶ ἐπισηκονται, ἐν τῆς προφητείας ὅτιν ἡ αἰτία, ἀλλὰ
καὶ τὰς τραχυράτων.

Vaticinum.

At quo pacto oracula promulgarint, Clemens Alexan-
drinus ab Heraclito scriptum tradit nō ex humanitate, sed
ex diuinitate res futuras ostendisse. Et Agathias, spiritu
diuino instinctas. Neque verò Erythraea de Beata Virgi-
ne tam illustria canere potuisset, si hominem tantum cen-
suerimus. Quae autem idem Clemens scribit Graecos di-
ctitasse Sibyllam in Helicone à Musis educatam, & cum
obiisset, è corpore in terrā coniecto herbam prodijisse quam
pecudes depascētes mortalibus in visceribus certam rerum
praemōstrasse significationem, Graecorum sanè inuentum
explodit. Iamblicus in Porphyrium scribit, Sibyllam Del-
phis duplici ratione suscipere solitā. Aut enim per tenuem
spiritū & ignem qui alicubi ex ore quodam antri prorum-
pebat; aut ipsam etiam in adyto sedentem super aeneam
fellam quae tripes, vel quadrupes esset, numiniq. dicata;
diuino illo spiritu actam vaticinia fudisse. Cicero quidem;
Cum duobus modis animi sine ratione & scientia motu ipsi suo so-
luto & libero incitarentur, uno furente, altero somniantē; furo-
ris diuinationem Sibyllinis maximè versibus contineri arbitrati,
eorum decem Interpretes delectos, ex ciuitate esse voluerunt. Atq;
itā per furorem vaticinatos asserit Bacchidem, Boeotium,
Epimenidem, & Sibyllam Erithraeam. Ouidius,

— tandemq. Deo furibunda recepto

Magna petis, dixit ———

& Virg. Deus ecce Deus ———

Lib. 7. c. 33.

Epist. 1. ad
Cbor. cap. 2.

& Plinius, Diuinitas & quaedam coelitum societas nobilissima
ex feminis in Sibylla fuit; ex viris in Melampode apud Graecos,
apud Romanos in Marcio. Ambrosius contrā; Spiritus mundi
hic est, per quem arripiuntur fanatici, qui sine Deo sunt. Est
enim inter mundanos spiritus potior; undē solet coniecturis quae
mundi sunt diuinare, quam Pythonem appellant. Hic est qui per
veri.

perisimilia fallitur & fallit. Hic est qui per Sibyllam loquutus est, sensum nostrorum sequutus, locum uolens inter coelestes habere.

Furorem in Sibyllis multa attulisse beneficia scribit Plauto in Phaedro; *οὐδὲ δὲ τὰ μέγιστα τῶν ἀγαθῶν ἡμῖν γίγνεται διὰ μαρίας θείας πᾶν τοῦ δέουσι δίδουσι;* Nunc verò maxima bona nobis contingunt per furorem diuino quodam munere concessum. Addit quoque, Vatem quae Delphis erat, & Sacerdotes quae in Dodona, furore correptas multis beneficijs publicè & priuatum Graeciam affecisse; quandò & mentis compotes nulla beneficia tribuerunt. ibidemq. *περὶ τοῦ Μανικῆς* multa disserit quae ad Sibyllarum furorem faciunt. Vates appellandos Sibyllam, Bacim, & Amphiltum idem asserit in Theage. Aristoteles, ait multos proptereaquòd calor sedi mentis in vicino est, morbis vesaniae implicari, aut instinctu Lymphatico inferuescere, ex quo Sibyllae efficiuntur, & Bacchae, & omnes qui diuino spiraculo instigari creduntur, cum scilicet id non morbo, sed naturali intemperie accidit.

*Probl. sect.
30. cap. 1.*

Interpretes.

Quaenam in Sibyllinis carminibus obseruarentur, praeter ea quae ab historicis scribuntur, Duumuiris primum, deindè Decemuiris, postremò Quindecim viris librorum custodiam esse traditam, nihilq. Romanos (vt ait Firmianus) sanctiùs custodisse, Flavius Vopiscus in Aureliano patefacit his verbis; *Consulenda Sibyllae decreta, utendum Apollinis beneficijs.* Et paulò post; *Agite igitur Pötifices, quà puri, quà mundi, quà sancti, quà vestitu animiq. sacris commodi, templum ascendite, subsellia laureata constituite, veteranis manibus libros euoluite, sata Reip. quae sunt aeterna perquirite, patrimis matrimisq. pueris carmen indicite. Nos sumptum sacris, nos apparatus sacrificijs, nos aris Ambarualia indicemus.* Deindè epistolam Aureliani subnectit; *Miror vos patres sancti tandiù de aperiendis Sibyllinis dubitasse libris, perindè quasi in Christianorum Ecclesia non in templo Decorum omnium tractaretis. Agite igitur & castimonia Pontificum, ceremonijsq. sollemnibus inuocate Principem necessitate publica laborantem. Inspectantur libri, quae*

*Sibyllinorum
religio.*

facienda fuerint celebrentur, quemlibet sumptum, cuiuslibet gentis captiuos, quoslibet animalia Regia non abnuo, sed libens offero. Neque enim indecorum est Dijs iuuantibus vincere; sic apud maiores nostros finita sunt bella, sic coepta. Tarquinius libris Sibyllinis coemptis, ex illustrioribus patricijs duos viros creauit quibus eorum custodiam demandauit. Et I. I. viri sacris faciundis appellati sunt. Ex quibus M. Atilium quod Petronio Sabino describendos dedisset, culeo insutum, in mare proijci iussit. Sacrificia quae Sibyllinorum oraculorum causa peragebantur, Ioui, Iunoni, Apollini, Latonae, Dianae, Parcis, Lucinis, Cereri, Diti patri, & Proserpinae vouebantur. Zosimus lib. 2. Hist. explicat; & adiungit; τῇ δὲ πρώτῃ τῶν θεωριῶν νυκτὶ δευτέρας ἄρας ὁ αυτοκράτωρ ἐπὶ πλωῖ ὀχλῶν τοῦ ποταμοῦ τριῶν παρασκευασθέντων βωμῶν τρεῖς ἄρας θύει μετὰ τῶν δεκαπέντε ἀνδρῶν; *Prima nocte spectaculorum, ad horam secundam, tribus aris in ripa fluminis constitutis, Imperator cum xv. viris tres agnos caedit.* Chaldaeos sacrificulos & Sibyllinorum oraculorum interpretes coniungit Plutarchus in Mario. Dio Caesarem scribit libros Sibyllinos qui iam vetustate exolescebant, Pontificibus describendos dedisse, vt sua manu describerent, ne quis alius eos legeret; & omnibus qui quadringenta sextertia possiderent, ac magistratus gerere per leges possent, eorum petendorum potestatem dedisse. In Tiberij imperio, cum statua Iani cecidisset, timorem omnibus auxit, tum praecipue quod quaedam oracula pro Sibyllinis caneantur, quae ad sua potius tempora accommodari posse scribit Dionis epithomator, haec scilicet,

Τρεῖς δὲ τριακασίων σεπτακοσίων ἐνιαυτῶν

Ρωμαίους ἐμφυλὸς ἐλθεῖ τᾶσις, αὐτοκρατορίας

ἀποσυνάμα —————

At ter trecentum reuolutis protinus annis

Roma intestina perdetur seditione

Et furor exitium Sybariticus afferet urbi.

Haec Tiberius vt falsa calumniari coepit, librosq. omnes scriptos de vaticinijs inspicere ex quibus eos qui inuti-

les

les esse videbantur damnari atque reijci , coeteros reponi
& retineri iussit.

QVAE MEMORATV CVMIS DIGNA.

Cap. XXXI.

Naufragium.



ERTVM ad diem in Campaniam redire Classē Nero iusserat (ait Tacitus) non exceptis maris casibus. Ergo Gubernatores quamvis saeuiente pelago à Formijs mouere, & graui Africo, dūm promontorium Miseni superare contendunt, Cumarum littoribus impacti, triremium plerasque, & minora nauigia partim amiserunt.

Bellum nauale.

Cū discordiae inter Pompeium, Caesaremque intercederent, atque Antonius Brundisium ex Graecia se contulisset vt Caesarem adiret qui in Etruria erat, & lupi prodigio perterritus reuersus esset in Graeciam; cūmq. Pompeius discitaret Antonium Caesaris causam non probare, atq; indē maiora orta essent dissidia, tandem in Italiam adnauigauit, atque in continentem ingressus hostibus multa damna intulit, multaq. ab ipsis accepit. Tūc à Menecrate Pompeiano, & Caluisio Sabino Caesariano, classium Praefectis, naualis pugna ad Cumas commissā est, in qua Menecrates à Mena occisus est, sed Caesar multarum nauium iacturam fecit. Pompeiani & morte Menecratis perculsi, & veriti ne Caesar in Siciliam transfretaret, Cumis discesserunt.

Dio lib. 48.

Ludi.

Ludi.

Decimo Idyllio Ausonius ludorum meminit qui in Cumano fiebant lictore. Naumachia.

*Haec quoque quàm dulces celebrant spectacula pompas
Remipedes medio certant cum flumine lembi,
Et varios ineunt flexus, viridesq. per oras
Stringunt attunsis pubentia germina pratis.
Puppibus & proris alacres gestire magistros,
Impubemq. manum super amnica terga vagantem.
Dùm spectat, transire diem, sua seria ludo
Posthabet, excludi veteres noua gratia curas.
Tales Cumano despectat in aequore ludos
Liber Sulphurei cum per iuga consista Gauri
Perq. vaporiferi graditur vineta Vesui,
Cum Venus Aethiacis Augusti laeta triumphis
Ludere lasciuos fera proelia iussit Amores.
Qualis Niliacae classes Latiaeque triremes
Subter Apollineae gesserunt Leucados arces,
Aut Pompeiani Mylasena pericula belli
Euboicae referunt per Auerna sonantia Cymbae
Innocuos ratium pulsus, pugnasq. iocantes
Naumachiae*

Vasa Cumana.

Lib. 1.

Horatii locum in Odis,

*Graeca quod ipse testat**Conditum leui*

interpretantur, Vas Cumanum, quòd Cumani qui Pithecusas incoluerunt figlinam exercebant. Quamobrem Varro apud Nonnium, Calices Cumanos recenset; *Dolia atq;*
 Lib. 4. ep. 114 *apothecas triclinares, Melicas, Calenas, Obbas, & Cumanos calices.* Confirmat Martialis,

*Hanc tibi Cumano rubicundo puluere testam**Municipem misit casta Sibylla suam.*

Lib. 2. eleg. 6. & Tibullus,

*Samiae conuiuia testae**Fictaq.*

Pisq. Cumana lubrica terra rota.

Effet ne putidum Cumanos cum Milesijs, Scythijs, Abydenis, Ephesijs, Aetolis, Curetibus, Campanis luxuria & popinis nobilitatis connumerare?

Pisces. Cima. Linum.

Glaucum piscem Cumanum, & Surrentinum laudat Ennius in Phageticis,

Surrenti fac emas Glaucum, & Cimas apud.

Cimas verò laudat Columella lib. 10. de cultu Hortorū,

Frigoribus caules. & veri cimata amittit

Quae pariunt veteres cespicio littore Cumae

Puteolanae nunc laudantur. Inter Lini genera ad Hispanicum Tarraconēse mira tenuitate accedere ait Cumanum Sabellicus lib. 1. En. 1. sed praecipuè ad casses & plagas.

Dentes Apri Erymanthij.

Cumanos in Opicis dentes monstrasse in Apollinis templo suspensos quos Apri Erymanthij esse dicerent, scribit Pausanias in Arcadicis. Quod tamen fabulosum existimare videtur, quippe nihil omnino satis probabile ad fidem faciendam afferebant.

Petronius

Cumis obiit Petronius Neronis familiaris. Tacitus; Tigellini invidia qui crudelitatem Principis in eum concitavit amicitiam Scevini ei obiectans, nouo mortis genere; Neque tamen (inquit) praeceps vitam expulit, sed incisas venas ut libitum obligatas aperire rursus, & alloqui amicos non per seria, aut quibus constantiae gloriam peteret. Nummus Cumis repertus est cum Petronij Triumviri nomine. Refert quoque Fulvius Ursinus in Petronia familia, aitq. ad Cumanam Coloniam ab Augusto deductam, & ad Neapolim ab eodem instauratam referri.

Lib. 16. Hist.

Nummus Petronij.



Hyperocus, Melanopus, Heraclides, Stratonicus, scriptores Cumani, Celbidas.

Pausanias in Phocicis de Cumana Sibylla loquens, quae Cumis in Opicis erat, ait eam esse appellatam *Δημός*, ab Hyperoco Cumano. Post Olenem Lycium quem hymnum in Achaeiam fecisse scribit idem Pausanias in Eliacis, asserit Menalopum Cumanum canticum in Opin & Hecaërgem decantasse, quas ab Hyperboreis venisse testabatur. Heraclidem Cumanum lib. 4. commemorat Athenaeus, quem Persica conscripsisse dicit, & librum praecipue *Παρασκευασίων*. Stratonicum, qui Sibyllina carmina compilauit, Cumanum quoque fuisse tradunt, alij verò Episcopum Cumanum fuisse scribunt. Tritiae urbis in Achaia conditorem aiebant Celbidam, illumq. è Cumis Opicae terrae *venisse*. Idem Pausanias in Achaicis.

Prodigia.

Anno ab V. C. 542. cum murus turesque & quaedam alia Cumis fulminibus icta fuissent, & penitus decussa (sic scribit Iulius Obsequens) Annibal proditione Tarentū cepit. Samnitium agros Romani vastarunt. Capua à Romanis obsessa & capta. Publius & Cneus Scipiones in Hispania occisi sunt. Cùm deindè ibidem anno 552. Solis orbis minui visus fuisset, Claudius Consul naufragium fecit. Incendia sunt excitata. Q. Fabius Maximus obiit. Vermina Siphacis

Siphacis filius à Romanis profligatus est. Anno 585. in arce Cumana Apollo tres dies noctesq. lacrimauit vti diximus. Perseus Rex in Thracia eo anno feliciter pugnavit victis Dardanis. Ad aquas Cumanas Cornelius membris captus ex Albano monte rediens mortuus est. Anno 539. Mare arsit, & bouem equuleus peperit ad Sinuessam. Anno 610. Sanguis è terra emanauit.

Onobatis. Phylactae.

Mulierem in adulterio deprehensam Cumani in forum trahebant. Ibi in saxo quod ab omnibus inspiceretur eam locabant, indè Asino imponebant, ac toto oppidò circumuectam, eodem consistere saxo cogebant. Quapropter reliquam vitā infamem ducebat, & *Onobatis* dicebatur. Ea vox apud Graecos, eum qui Asinum conscendit, significat. Refert id Plutarchus in Quaestionibus cēturiatis Graecis. Quo etiam loco Phylactae magistratus meminit. Qui cū magistratum obtinuisset, carceris deindè custodiae tradebatur. Sed Senatum in concilio nocturno ingrediebatur, ac reges manu educebat detinebatq. dū de ijs malè meriti nec ne essent cognoscebat, in occulto sententiam dicens.

Mulieres in adulterio.

ECCLESIA CUMANA.

Cap. XXXII.



DE Cumana Ecclesia haec leguntur in Decreto, vt duos Episcopatus in vnum redigi cognoscamus; Et temporis qualitas, & vicinitas nos locorum inuitat, vt Cumanam atque Misenatem (sic in vetusto codice B. Gregorij, sed in vulgatis & apud Gratianū legitur, Musitanam) vnire debeamus Ecclesias,

*Decr. p. 1.
caus. 6. que. 1.
cap. 8.*

Z

quo-

quoniam nec longo itineris spacio à se seiunctae sunt, nec (peccatis facientibus) tanta populi multitudo est, vt singulos, sicut olim fuit habere debeât Sacerdotes. Quia igitur Cumani castri Sacerdos cursum vitae huius expleuit, vtrasque nos Ecclesias praesentis auctoritatis pagina vnisse, tibiq. commississe cognosce, propriumq. vtrarumq. Ecclesiarum scito te esse Pontificem. Illustris. Baronius Annal. tom. 8. exponit impensam curam quam egit Gregorius vacantium Ecclesiarum donec eligerentur Episcopi, Nepefinae, Liparitanae, Cumanae (cui Misenam coniunxit) Lisitanae, Tauritanae, Crotoniensis, Velinae, Vxentinae, Blanderanae, Triumtabernarum.

Episcopi.

LIBERIVS, quo mortuo, Fortunato Episcopo Neapolitano Cumanae Ecclesiae visitatio demandatur.

RAINALDVS. Hunc aliqui Cumanum Episcopum esse contendunt, ad quem à Gregorio extat epistola quae cum videtur plurimi facere, hortaturq. vt Romam veniat, tum causa conciliandae pacis cum Henrico Rege, tum pro causa Episcoporum Lombardorum. Id effecit vt hanc opinionem improbarem, & non Cumarum, sed Comi in Gallia Cisalpina Episcopum censeam. Cum etiam apud Luitprandum, cum Berengarius è Sueuia in Italiam venisset, cumq. Manasse Arelatense Episcopo inimicitias haberet, Manasses Adelardum quendam accersuit, promisitq. eum donaturum Episcopatus Cumani dignitate, si quid contra Berengarium moliretur. Deindè non Adelardum, sed Valdonem quendam Mediolanensis Episcopatus gratia, Episcopum Cumanum constituit. Et tamen Cumanos Episcopos simplici nomine, & aliquandò, cum adiectione Campaniae, reperio. Quod autem ad Comum spectat, dum in Concilio Lateranensi sub Iulio II. legitur, Reuerendus P. Dominus **SCARAMVZZA** Episcopus Cumanus, Cumanae

manae nostrae Ecclesiae Antistes esse non potuit, cum ea tempestate Cumae desijissent.

ADEODATVS. In Romano Cócilio sub Hilario fit mentio Soteri Neapolitani Episcopi, Tiburtij Capuani, & Adeodati Cumani. Sic vicini Episcopi coniunguntur.

Soterus Neapol. Episc.

BARBATVS, in Concilio Lateranensi sub Martino Quinto.

PETRVS, in sexta Synodo Constantinopólitana sub Agathone; *Petrus Episcopus Sanctae Cumanae Ecclesiae provinciae Campaniae.*

MAXENTIVS. In actis S. Maximi Cumani martyris, cuius corpus Neapoli conditum est. Sub Valerio & Diocletiano.

IOANNES. eius mentio fit anno 920. in inuentione corporis S. Sossij, Missenis.

LEO. meminere acta S. Iulianae virginis & martyris, quem postremum Episcopum Cumanum existimant, proptereaquòd eius aetate propter habitatium in alitiam ciuitatem Cumanam dirutam, eiusdem acta confirmant, viuentem Anselmo Episcopo Neapolitano.

Anselmus Neap. Episc.

MISENVS, vel MENSENVS. In secunda Synodo Romae sub Symmacho. In aedibus Episcopi Puteolani hunc lapidem vidi, & notauì,

HIC. REQUIESCIT. IN. PACE. MISENVS. EPISCOPVS. P. M. 3. XXVI. DEPOS. III. ID. IANVAR. FL. FELICIS. V. C. ET. SEDIT. ANN. M. X. D. VI.

IOANNES. Anno 1134. & sexto Principatus secundi Roberti, filij secundi Iordani gloriosissimi Principis (sic in diplomate) Capuae, & Comitatus Auerfiae subscribitur, Ioannes Cumanus Episcopus. Illud autem erat huiusmodi; *Gulielmus de Pirollo filius quondam Alexandri eiusdem cognominis qui sum vnus ex Baronibus ciuitatis Auerfiae, pro anima eiusdem & parentum suorum, concedit & confirmat domino*

Z 2 Petro

Petro venerabili Abati monasterij quae dicitur ad Cappellam, quae est sita foris ciuitatem Neapolis, integram Ecclesiam vocabulo Sãcti Petri quae dicitur ad pertusum, regione Bugense, quae esse videtur in territorio castri noui Cumarum, & quae sequuntur. Inter coeteros subscribit, Ioannes venerabilis Cumanus Episcopus.

Anno 1141. anno sexto quo Rogerius Rex Siciliae, Capuae Principatu potitus est. IOANNES II. Episcopus S. Ecclesiae Cumanae, cum cõsilio cleri & populi eiusdem ciuitatis concedit & confirmat Rogerio Abati monasterij S. Mariae de Pasitano, Ecclesiam S. Martini, in agro Cumano. Petitiq. ab eo vt nummos aliquot singulis annis soluat. & inter alia, vt in S. Maximi natali, & in Coena Domini, praesbyterum ad officium diuinum perficiendum mittat. *Signum Crucis manus praenotati Secundi Ioannis Cumanus Episcopi. Marcus presbyter & canonicus Sancti Maximi, &c.* Cumanam Ecclesiam Neapolitana possidet, Alexandri Carrafae Archiepiscopi aetate; & decimam ibi accipit, ex omnibus ijs quae ibidem Fiscus possidet. Non huius Ecclesiae meminerunt Honorius III. in C. *Cumana Ecclesia de electione*, & Innocentius III. in C. *Cum ad sedem de Restitutione spoliatorum*; sed eius quae Comi est.

*Ecclesiae in
agro Cuma-
no.*

Martyres Cumani.

ABVNDIVM Cumanum Episcopũ qui scripsit martyrium sub Valeriano passum, & in eadem ciuitate martyrio quoque fuisse coronatum Sanctum FIDELIEM, legat necesse est Martyrologium, atque discat non Cumas, sed Comum ijs martyribus esse celebrandum, quamuis in tipographia veteris Martyrologij legatur; *Cumae Campaniae ciuitas in sinu Baiarum. Hic Abundius Episcopus migrat.*

IULIANA. xiii. Cal. Martij Cumis in Campania translatio facta est Iulianae virginis & martyris quae Nicomediae sub Maximiano Imperatore primũ a patre suo Africano grauiter caesa, deindẽ ab Euilasio Praefecto cui nubere recusarat, variẽ cruciata, & in carcerem coniecta

vbi

*S. Iulianae
martyr.*

vbi palàm cum diabolo conflixit . Demum ignes & ollam feruentem superans , capitis amputatione martyrium consummauit. Eius translationem sic celebrat officium sacram Virginum quae Diuae Mariae Donnaromatae sunt dicatae.

Lectio prima;

Anno igitur ab Incarnatione 1207. Cal. Martij, cum Ciuitas Cumana propter malitiam inhabitantium destrueretur , venerabilis pater Anselmus Neapolitanus Pontifex , ac religiosa domina Bienna Ecclesiae S. Mariae Donnaromata Abatissa, quae huius Virginis reliquias flagitabat habere , sedulo requisitus pro deferendis eisdem , Leonem Episcopum Cumanum cum pluribus Abatibus & militibus de Neapoli Cumas sollicitè destinauit , qui de Cathedrali Ecclesia B. Maximi gloriosum corpus effodientes , vnde odor nimius exhalauit , & hymnis & canticis ad Ecclesiam Dei genitricis B. Mariae de Pedicrypta detulerunt.

Lectio secunda;

Quo audito venerabilis Abatissa cum sodalibus Virginibus suis & multitudine nobilium Dominarum illuc concita properauit. Et cum omnes in terram prostratae benedixissent Dominum , surgens ab oratione religiosa Abatissa , locellum sanctarum Reliquiarum amplectens , stringensq. cum lacrimis dixit ; Obsecro te, Virgo sanctissima , per eundem pro quo sanguinem tuum fudisti , ne despicias tuam ancillulam . Pro te veni anxia. diu est quod te optaueram . Supplico ne despicias nostram mansuenculam. Credimus sanctissima vt per te fiat amplissima te nobis concedere diuina potentia. Deinde tota nocte vigilantes cum psalmis & hymnis Deo seruientes.

Lectio tertia;

Manè verò surgens praedictus Leo Cumanus Episcopus , simul cum bis quos tu misisti pater sanctissime , deducentes eas , honorifice obuiantes ei Sacerdotes & milites de regione Nili , simul cum magna plebe portantes ramos Oliuae in manibus , cantantes , O sancta in altissimis Deo ; deinde adorantes cunctas reliquias , praebant canentes & dicentes ; Benedicta quae venit in nomine Domini . Et sic canendo peruenerunt ad Ecclesiam B. Nicolai CHRYSITI Confessoris de Castro Lucullano , sitam propè moenia ciuitatis.

Lectio quarta;

Quo adueniens tu pater beatissime cum processione magna totius cleri & populi ciuitatis , mulierum quoq; & infantum turba ad locum

cum ubi sanctae Reliquiae erant, satis deuotè atque humiliter accessisti, quibus cum maxima reuerentia & deuotione susceptis, humerisq. impositis tuis & Episcopi Cuman, aliaq. casula in qua erant Reliquiae S. Virginis & Martyris Iulianae, ac duobus praesbyteris Cardinalibus, suscepta quae praecedebat Iecna ipsius S. Virginis pulchra nimis cum hymnis & laudibus, cereisq. incensis, cum maximo iubilo & exultatione, Te Deum laudamus, canora voce cantando, ciuitatem intrasti, & cum bonore & laetitia maxima ad Ecclesiam B. Dei genitricis, & Virginis Maria de Donnarmata properasti.

Lectio quinta;

Vbi reliquias S. Virginis & Martyris Iulianae quas proprijs manibus baiulabas, satis honorificè reponere studuisti, oratione ibi in Dei laudibus celebrata.

Lectio sexta;

Deindè alias sanctas Reliquias, Martyris uidelicet & Leuitae quae cum eo repositae fuerant, cum bonore & laetitia maxima ad maiorem Ecclesiam B. Ianuarij Martyris satis honorificè collocasti.

Quibus ex verbis elicimus Cathedralem Cumis Basilicam, S. Maximi nomine decoratam fuisse. Anselmum, Neapolitanum Episcopum, Leonem, Cumanum. Eo tempore Cumas antiquatas. Cardinales appellatos tunc Canonicos, quod Pontificum praesentia cõtigerat. Regiones fuisse appellatas eas quas nunc Sedilia Neapoli dicimus; & Milites, quos nunc Equites appellamus. Nili regionem, non Nidi, ob Nili fluminis statuam ibi repertam, esse dicendam, eamq. antiquissimam. Ecclesiam praeterea Monialium eam fuisse quae cum Sedili coniuncta saecularium habitatio ab hinc xxx. annos facta est ab Antonino Castaldo. Dùm ipse puer ibi litteris operam darem, parua aedem recolo, in qua Diuae Iulianae historia depicta erat, & D. Iulianae erat aedi nomen. De eadem Virgine multa in Salernitano Bruniario habentur die 16. Februarij, quae ad eius faciunt historiam. Aliqua tamen sunt quae à verò longè aliena esse videntur. Qui enim fieri potuit vt inualescente persecutione in ciuitate Nicomediorum, Eleusius Senator Maximi

mini Imperatoris habuerit Iulianam sponfam, quae Virgo celebratur ab Ecclesia?

MAXIMVS. Inuenimus Sanctorum gesta quorum nulla à Martyrologio mentio facta est quae ex Longobardorum scriptis excerpta, non pigebit afferre. Cum acerimus Christiani nominis hostis à Diocletiano & Maximiano missus est Fabianus Consul qui omni conatu Christianos ab eorum cultu & religione reuocaret. Erat ibi Maximus eius Ecclesiae Diaconus, CHRISTI fortissimus athleta, quem cum nec minae deterrerent, nec mouerent premia, plumbeis ictibus primùm caesus, in vincula coniectus, consumptus inedia, equuleum passus, tandem capite ad martyrij coronam in loco qui Caballaria dicebatur, multatus est; vbi eius corpus sepultum à XVI. militibus. Hi cum admirabilia in eius afflictione vidissent, Idolorum cultum reiicientes, fidem Christianam amplecti libentissimè voluerunt. Sanctus martyr aliquot post annos religiosissimae cuidam feminae, cui nomē Iulianae, in somnis imperauit vt corpus ab agro in templum transferret, pollicitusq. est, dùm corpus perquirerent, Crucis signum ibi appariturum. Mox femina, populus, clerus ad Caballariam profecti, perspecta Cruce, summa cum laetitia corpus integrum extulere, & Cumis in templo eius nomini dicato condiderunt. Hic Maximus ille est, qui in maiori Basilica Neapolitana seruatur, & cui sollempnia sacerdotes annua celebrant.

*Fabianus
Consul.*

Puer, trium mensium, coràm Fabiano, Maximi sanctitatem diuinitus testatus est. Mēbratim idcirco discerptus, & martyrio Maximum antecessit.

Maxentius, latitabat tunc Cumanus Episcopus, Fabiani crudelitatem extimescens. Sed cum Maximus esset in carceribus, vbi milites ad fidem conuersi detinebantur, & baptizari cuperent, orassetq. Dominum vt opem ei tunc ad illud praeclarum opus ferret, à Domino Maxētius excita-

*Maxentius
Cumanus.*

tus

tus est vt ad Maximum pergeret. Et cùm illuc peruenisset, carceribus ab Angelo reſeratis, Baptiſmate Neophytos abluit, deindè ad eaſdem latebras ſeceſſit. Ex vita litteris Longobardis ſcripta, haec decerpiſit Breuiarium Capuanum 111. Calen. Nouemb.

Lectio prima;

Sub Diocletiano & Maximiano Imperatoribus facta eſt ingens perſequentio Chriſtianorum, ita vt circa domos, circa plâneas, circa lymphas Idola erigerentur, vt ſi quis vellet emere aliquid aut vendere, aut aquam de fontibus haurire, Idolis primitus immolaret. In tantum enim rabies diaboli exaceruat, vt CHRISTI ſidem de omnibus terris expellere ſeſe poſſe conſideret. Trabebantur etiam viri ac mulieres, & diuerſis ſupplicijs pro CHRISTI nomine macerabantur.

Lectio ſecunda;

Interea directus eſt Fabianus Praeſes in Campaniam ciuitatem (Cumas habet vita) vt ibi omnes ad ſacrilegium prouocaret. Cumq. veniret & pro Tribunali ſederet, iuſſit omnem populum ad ſe congregari, & ita ad eos loquutus eſt dicens; Sciatis omnes quia inuiſiſſimi Imperatores Diocletianus & Maximianus, me direxerunt in hanc ciuitatem, vt Deos immortales adoretis; quòd ſi nolueritis, diuerſis poenis afflicti moriemini. Audiens haec vniverſus populus procidentes in terram, adorabant Idola ſurda & muta, & Deum viuum derelinquebant.

Lectio tertia;

Erat igitur in eadem ciuitate vir ſanctus, Deo dignus, nomine Maximus, genere clarus, religione pius, & caſtitate pudicus. Hic igitur trophaeo Crucis armans frontem, in ſaciem Praeſulis ſe obtulit dicens; Audi Praeſes verba mea, qui non effugies iudicium Dei. Quid prouocas homines adorare Idola ſurda & muta quae penitus in nullo poſſunt adiuuare cultores ſuos? Cũq. ad haec iratus Fabianus diuerſa diceret, & audiret, iuſſit latera eius plumbatis tundi, & eum indè in carcerem recludi. Poſt haec cum carbones ardentes, equuleum, ſuſpensionem inuerſo capite, lampades accenſas atq; flagella CHRISTI virtute ſuperaffet, & ſacrificare nollet, nouiſſimè capite caeſus eſt 111. Cal. Nouemb.

PALVS ACHERVVSIA, ET VILLA

Seruiliij Vaciae. Cap. XXXIII.



INTER Cumas & Misenum Acherusiae palus est. *Καὶ ἐν ταῖς μεταξὺ Ἀχερουσίᾳ λίμνῃ, in Lib. 5.*
quit Strabo. Plinius item lib. 3. c. 5. *Acberus-
russa palus Cumis vicina.* Acheruntiam,
Acheruntem, & Acherontem quoque ap-
pellarunt.

Ferrugineis & squalentibus aquis, coenosa maris effu-
sio. Lacum Colutij accolae vocant, maturandis linis ap-
primè comodum. Sunt qui contendant per hanc paludem *Lacus Colu-
rij.*
Auernum intelligi, cùm dicat Virgilius,

Vnum oro, quandò hic inferni ianua Ditis

Dicitur, & tenebrosa palus Acheronte refuso.

Et Strabo ipse paulò post, scribit Artemidorum putasse *Auernus &
Acherusia.*
Auernum Acherusiam paludem, & nonnullos alios, La-
cum Lucrinum; *ἐνιοὶ δὲ τοῦτον αὐτὸν λίμνην εἶναι τῆς Ἀχερουσίᾳς παρὶν;
Ἀρτεμίδωρος δὲ αὐτὸν τὸν Ἀορνόν.* Quae tamen sic coniunguntur,
vt intelligamus Acherusiam in Auernum per subterraneos
meatus refundi. Hinc Silius lib. 12.

Hinc vicina palus fama est Acherontis ad undas

Pandere iter, catas stagnante voragine fauces

Laxat, & horrendos aperit telluris hiatus,

Interdùmq. nūc perturbat lumine manes.

Ideòq. Seruius de aestuarijs Acherontis, Auernum na-
sci scribit. Pausanias in Laconicis ait à tergo Chthoniae
areas tres describi, vnam Clymeni, Plutonis alteram, ter-
tiam Paludem Acherusiam. Est & Acheron fluius Epiri,
de quo Plinius; & Brutiorum, de quo idem, vbi Alexan-
der Molossorum Rex trucidatus est. Ianus Parrhasius in
*Lib. 3. c. 9.
Lib. 4. c. 1.*
Claudianum scribit flumen ad Heraclëam sic etiam appel-
lari,

Iari, ab Acheronte Maryandinorum Rege, quod etiam Saonantes dicitur.

Seruilius Vac-
cia.

Ad Acherusiam, Villa est Seruiliij. Hic P. ille Seruilius Vacia, qui postea Isaurius est appellatus. Consul cum Appio Claudio Ann. ab V. C. 674. bellum in Cilicia cum Piratis gessit, deq. ijs triumphauit capto Corico, Olympo, Phaselide, Isauo. anno 679. Cenfor cum L. Aurelio anno 689. Valerius lib. 8. tit. 5. Cicero, Verrina 5. Eutropius lib. 6. Decessit eo anno quo Caesar. anno 700. Diues per excellentiam dictus. Seneca eius villae sic meminit;

Epist. 36.

Idè diutiùs vèbi perseveraui inuitàte ipso sitorè, quod inter Cumas & Seruily Vaciae villam curuatur, & hinc mari, illinc lacu, velut angustum intercluditur. Et paulò post; In hac villa Praetorius diues nulla alia re quàm ocio natus consenuit, & ob hoc vnum felix habebatur. De se ipso, refert idem, solitum iocando dicere; Hic situs est Vacia; quòd ibi ocio contabuerit. Vita uerat ob Tiberij crudelitatem, Romam, eòq. diuerterat, vt omnes exclamarent; O Vacia, solus seis viuere. Inter illas ruinas aliquot reperta sunt epigrammata.

T. IULIVS. BALBIVS. FRATER
VNA. CVM. FILIIS. SVIS
ET. COHEREDIBVS
SORORI. DVLCISSIMAE.

Aliud,

HIC. EST. POSITA. ALBVCTA. BLESILLA
PARI. EXEMPLO. FEMINA
QVAE. VIX. ANN. XXX. M. VI. D. XIX.
DVLCISSIMAE. CONIVGI. FECIT.

Item,

D. M.

ANTIGONVS. GERMANICVS. QVI. VIX. AN. XVI
C. LAECANVS. EQ. SING. CAES. ARGENTARIVS
HERES. PIENTISSIMO. AMICO. TITVLVM. FECIT.

Praeterea,

T. ANNIVS. CLAVDIVS. V. F. SIBI. ET. FAVSTI-

NAB. CASSIAE. PATRONAE. ET. POMPEIAE
CALPHURNIAE. LIB. CONIVGI. CHARISS.

Aliud,

SOLI. INVICTO
ET. LVNAB. AETERNAB
Q MINVC. PARAT. DED.

&

INVI. VICTORI. TREBONIVS. GALLVS
COS. PORTICVM. EX. VOTO. FECIT
DEDICAVIT. X. K. MAIAS. APPIC. ANNIO
M. ATI. COS.

CRYPTA NEAPOLITANA

Pausilypus.

Cap. XXXIIII.



T nihil huic desit historiae, Crypta quoque Pausilypana addenda est quâ Puteolos itur. Nec Puteolos se vidisse fatebitur qui Cryptam minimè viderit. Maximum & celeberrimum profectò opus, quam sic describit Seneca; Cùm Baijs deberem Nea-

Epist. 58.

polim repetere, facile credidi tempestatem esse ne iterum nauem ex-
perirer. Sed tantam luti tota via fuit, ut possem videri nihilominus nauigasse. Totum Athletarum fatum illo die perpetiendum fuit. Aceromate nos hâpse excepit in Crypta Neapolitana. Nihil illo carcere longius, nihil illis faucibus obscurius, quae nobis praeflant non ut per tenebras videamus, sed ut ipsas. Coeterum, etiam si locus haberet lucem, puluis auferret. In aperto quoque res grauis & molesta. Quid illic ubi se volutatur, & cùm sine ullo spiramento sit inclusus in ipsos à quibus incitatus est decidet? Duo incommoda inter se contraria simul pertulimus, eadem via, eodem die, & luto & puluere laborauimus. Aliquid tamen illa obscuritas quid cogitare dedit.

Cryptae obscuritas.

Hoc in statu Crypta erat ea qua Seneca viuerebat aetate, Cryptae clari-
ut hoc tempore viam Puteolanam, Cryptae commodita-
ritas.

tem, & lumen admiremur. Silice stratum iter, puluerem lutumq. remouet. Amplissima fauces, quae lucem veluti in aperto admittunt. Et locus qui carcer antea nuncupabatur, habetur iam in delicijs. Aliqui aniles sequuti fabulas, à Virgilio magicis artibus perfossam tradiderunt, id quod & de ouo Luculliano somniarunt. Quid tamen Magia cum ferro? Audi Petrarcham. *Inter Falernum & mare mons est saxeus, manibus hominum confossus, quod opus insulsum vulgus à Virgilio magicis cantaminibus factū putat. De quo cum olim me Robertus Regno clarus, & ingenio ac literis praeclarus, quid sentirem, multis adstantibus, percunctatus esset, humanitate Regia fretus iocans nusquam me legisse Magicum fuisse Virgilium dixi. Quod ille serenissimae frontis nutu approbans, non illis Magici, sed ferri vestigia confessus est.*

In Itinerario

Lib. 5.

Cimmerij.

Aliqui Basso cuidam opus illud tribuunt, cuius sanè nemo meminit. Strabo fabulosè dictum existimat à maioribus; Cimmerios iuxta Baias, Lucrinum, & Auernum habitasse (asserit tamen eos antiquissimos fuisse Campaniae populos; & furtis deditos scribit Pōtanus) & cauernis quibusdam inter se cōmeantes metalla effodisse, placatis prius per sacrificia Genijs Manibus, & in speluncis profundis suas diuinationes exercuisse. Addidit tamen Graecos qui regionem illam deinceps incoluerunt, Cimmeriorum fodinas ad hypocausta, thermas, viasq. & alios vltus accommodasse, & Romanos Graecorum exemplo vt eos in magnis operibus superarent, subterranea illa loca plurimum auxisse, cum ibidem aedificia exstruerent, & Puteolanae arenae virtutem ad structuras firmandas cognouissent. Quamobrem Cocceium asserit, Cimmeriorum fortè fabulam sequutum, ab Auerno Cumas vsque cuniculum duxisse alterumq. ad Neapolim ex Dicaearchia, viam optimè per fossas duci ratum. Cuius tamen verba aliqua ex parte corrupta esse non vereor, cū dicat; *Ναὺ δὲ τῶς μὲν ὕλης τῆς περὶ τὸ Λορρον κοπίσσης ὑπὸ Ἀγρίππα· τῶν δὲ χαλκίων κατοικοδομηθέντων, ἀπὸ δὲ τοῦ Ἀέρνου διαρρύζος ὑπὸ αὐτοῦ τμηθείσης μίχρη Κύμης, ἅπαντ' ἐκείνα ἐράνη-*
μύθους

μῆτος τοῦ Κοκκίου τοῦ ποίσαντος τῆς διώρυγας ἐκείνης, καὶ ἐπὶ Νῆαν πό-
λιν ἐκ Δικαιαρχίας ἐπὶ ταῖς Βαίαις ἐπακολουθήσαντες πῶς τῷ περὶ τῶ. Κίμ-
μαρίων ἀρτίως διεχέμετι λόγῳ, τυχὼν ἰσως καὶ πάτριον νομίσαντος τῷ τότῃ
τοῦτῃ διώρυγμάτων εἶναι τὰς οὐδὺς; *Notra vero tempestate cum fili-*
um quae circa Auernum fuit caecidisset Agrippa, & loca aedifi-
cij occupata essent, actuq. infra Auernum Cumas usque cunicu-
lus, omnia ista fabulas esse liquidò apparuit, cum quidam Cocce-
ius, qui cuniculum istum duxit, & alium à Puteolis ad Neapolim
suprà Baias tendentem, serè sequutus sit fabulam istam de Cim-
merijs modò relata, ac fortasse etiam loco huic antiqua consuetu-
dine putauerit conuenire, ut per fossas viae ducantur. Quid illa,
à Puteolis ad Neapolim suprà Baias? At quo pacto à Puteolis
ad Neapolim suprà Baias cuniculus aliquis tendere potuif-
set? Quare corruptè legi cuique patebit.

Pontanus nescio quàm feliciter Cocceium Neruae auum *De Magnif.*
introducatur; *Refertur ad M. Cocceium (nescio an is fuerit M. cap. 10.*
Cocceius Neruae Augusti auus, qui Romae aquarum curam ba-
buit, tulitq. maximam Architecturae laudem) refertur, inquam,
ad hunc, siue ad alium Cocceium crypta Neapolitana, & quae se-
quuntur. Aliam in Pausilypana commemorat Seiani cry-
ptam, ea parte qua mons in mare protenditur, quam ru-
pium casus occuparunt. Alij Cocceio Puteolani templi Ar-
chitecto adscribunt. Quod omninò rejicio, cum antè Augu-
stum multos annos Strabonis Cocceium fuisse sciamus.

Crypta Seia-
ni.

Nullo pacto Luculli opus dicendum. Licet enim Varro
dicat; *Contrà Neapolim L. Lucullus posteaquàm perfodisset mon-*
tē, ac maritima flumina immisisset in piscinas quae reciproce flue-
rent, ipse Neptuno non cederet de piscatu; ea tamen verba cry-
ptae huic non conueniunt, quando nec maritima in ea flu-
mina immitti, nec reciproci maris fluctus excipi, nec pi-
scationes exerceri potuissent; nec nisi ad itineris commo-
ditatem factam, opus ipsum ostēdit. Scimus praeterea om-
nem serè oram Pausilypanam quae ad meridiem vergit,
fuisse perfossam; inter se enim adhuc antra migrāt. Et Plu-
tarchus Lucullianum hoc opus non praetermisisset, qui
eius viri opera omnia diligentissimè describere conatus est.

Crypta Neap.
nō est Lucul-
lo adscriben-
da.

Et

Et meminisset Strabo qui paulò post Lucullum superuixit. Blondus Varronis verba ad eam Luculli villam refert, cuius ruinae Agnàno Balneo supereminent. Quid si dicerem Cumanos eam excidisse, vt Neapolim commodiùs accederent, cùm nouae condendae vrbis rationem iniuerunt? Quid si Palaepolitanos, vt Puteolana balnea adirent? An cum Blondo dicam, *Quis autem id memorabile opus fecit, ignotum est nobis?*

Illud affirmare possumus, nullas Neronis aetate qua Seneca scripsit speluncam habuisse luminū fenestras, aut spiracula. Obstruxisse tamen luminibus vel terraemotus, vel aliud quidpiam credendum est, cùm Strabò qui sub Augusto floruit, varijs fenestris per montis iugum eam lumen accepisse scribat, ne spiracula illa noua credamus. Petrus Razanus Siculus Lucerinus Episcopus, antè sua tempora annos centum quinquaginta foramina nulla fuisse testatur, vt omnes ingressum perhorrescerent, durissimis vepribus obstructis faucibus. Tùm postea ab Alphonso primo Rège viam complanatam (quod Pontanus antea docuit) latiorē, & faucibus altioribus, lucidiorem esse redditam. Petrus è Toletò Regni Vicarius qui Puteolanos hortos voluptatis causa parauerat, adeò magnificè amplificatam ornavit, vt perpetuum octingentorū, & eò amplius, passuum iter, claro vtrinque ostiorum lumine, iucundum ac facile sit patefactum.

Quisque verò memorabile illud opus ausus fuerit, immortali laude ab omnibus est afficiendus qui difficile & longum iter aegris auertit ad Puteolanas thermas proficiscentibus; aduenis qui ex intimis orbis partibus eò se cōferunt; Puteolanis qui iumentis & carris quos duplices locus capit, fructuum varietatem Neapolitanis suppeditant; Neapolitanis ipsis qui ad rura diuertētes, magnam itineris partem absque solis & pluuiarum molestijs conficiunt; vina, ligna importanda, lina in tepidis Agnani aquis maturanda curant.

curant . Et laudandus is est qui in medio specu igne prae-
lucet , vt Deiparae imagine recreentur iter facientes . Il-
ludq. praecipuè animaduertimus , nunquam ibi aliquod
scelus fuisse perpetratum , dixitq. Petrarca in Itinerario ,
Et nullis vnquam latrocinij attentum patet.

• Pausilypus.

Mons in quo crypta perforata cernitur , PAVSILY-
PVS est , nouus Musarum Sannazarij domicilio , & Vir-
gilij sepulcro Parnassus , nouae deliciarum oblectamentis
Baiae , vndè curarum moerores longissimè abiguntur . Idq.
nomen inditum ἀπὸ τῆς παύσιος τῆς λύπης . Ibi Bacchus λυσιπότης
est quoniā λύει τοὺς πότους . Ibiq. quando bibimus , Anacreon-
tium illud in memoriam venit ,

ὅταν πίνω τὸν οἶνον

ἰνδύουσιν αἱ μέριμναι

Caesaris gratiam aliquos aucupari voluisse ex antiquo la-
pide didicant ,

Pausilypus nosler qui nunc dat nomina monti ,

Sic dicta à magno Caesare villa fuit ;

Quod foret insanis requies fidiſſima curis ,

Et portum fessae redderet ille rati.

Ad eius loci imaginem Virgilium effinxisse cāpos Elisios
ait Pontanus , cum inquit ,

Secreti celant calles , & mirtea circum

Silua tegit

Quamobrem sic laudat M. Antonius Flaminius ,

Lib 3.

O vtinam ille suo me fistat numine sancto

Ad fortunati numina Pausilypi ;

Littora diuino quondam celebrata Maroni ,

Et patrio Minci flumine cara magis ;

Littora quae toties viderunt Calliopeam

Didicant in Vati carmina docta suo.

Nihil Baianis cessisse videtur piscinis Pausilypus , quan-
dò inter coeteras piscinae Caesaris muraenarum numero
collem

Lib. 9. c. 53.

Pollio Pausilypani Augusti hæredem facit.

collem nobilitarint. De quibus sic Plinius; *Pausilypum villa esse Campaniæ baud procul Neapoli. In ea Caesaris piscinis à Pollione Vibio coniectum piscem, sexagesimum post annum expirasse scribit Annaeus Seneca, duobus alijs aequalibus eius ex eodem genere tùm viuentibus.* Ideò tamen piscinæ Caesaris, nam Pollio Pausilypanum Augusto legauerat; *Τελυτίας δὲ Πωλίον τῷ Ἀυγούστῳ τὴν οἰκίαν, καὶ τὸν Πάυσιλυπον χάριον τὸ μεταξὺ Νέας τῆς πόλεως καὶ τῆς Πευτείλων κατέλιπον; Moriens Pollio (inquit Dio) Augusto domum & Pausilypanum propè Neapolim & Puteolor reliquit.* Atque is erat Vibius ille, vel Vedius quem idem Dio scribit Muraenas in piscinis habuisse, quas humana carne vesci docuerat, quibusq. mancipia morti destinata obijciebat, quare non ad delicias sed ad poenam eas parasse dicerem. Coenauit apud eum fortè Augustus. Et cum puer qui erat ad cyathos vas christallinum fregisset, in piscinam Muraenis erat obijciendus. Obscrauit puer Augustum ne eo mortis genere occideretur. Dimitti puerum Augustus iussit, & quicquid esset chrystallinorum apud Pollionem afferri, & allata perfringi, & immitti in piscinam. Fuit Caesari sic castigandus amicus (inquit Seneca) & benè vsus est viribus suis. Quis diuinasset fore vt Pausilypanæ muraenæ deinceps delicatissimæ essent existimandæ? Pollionis aedes post eius obitū hac de causa funditū euerit, & ex eius reliquijs circumducta porticu Romæ, Liuiæ nomine exornauit. Arbitratus essem aliquandò eas piscinas inter Nesidem & Pausilypum fuisse positas quarum extant ruinae (Copinum, appellant) crustato adhuc pariete, oblongae, cymba nauigabiles, ad quas per gradus qui extant descendebant; nisi Lucullum maiora ibi fecisse scirem, qui exhausta infernè terra, vt scribit Plutarchus, colles pensiles efficiebat, cursusq. in mari, piscoso transitu aedibus suis circumducto, habitationibus in mari extructis, quarum vestigia sexcenta in eo littore cernimus, quapropter à Tuberone Stoico, togatus Xerxes fuit appellatus. Maris transitus in pluribus locis cōspiciuntur, & inter præ-

In Lucullo.

praeruptas speluncas ruinosi utrinque aditus per cryptas reliqui . Notat Pollionis luxus Tacitus lib. 1. & aliorum quoque Varro ; *Sic nostra aetas, inquam, luxuria propagauit leporaria, ac piscinas protulit ad mare, & in eos pelagios greges piscium reuocauit.* Lib.3. dere. rus.

Hic igitur celebris ille Pausilypus Romanorum quondam quies. In littore (Latus vocat Sannazarius

——— *dùm Pausilypi latus omne pererro*)

quae nam admiranda se offerunt ? Dirutae antiquae artis Architectonicae reliquiae , quae iam non ab Heroicis viris , sed ab Ostreis , Cochleis , Echinisq. tenacissimè incoluntur . Quae quoniam in scopulos maxima cum vetustatis iactura immigrarunt , muscoso supellectili , & vdis siluarum densitatibus , dulces Muraenas , vt diximus , non conferendas cū ijs quae intrā Siculi freti angustias capiuntur ab Apuleio celebratis , octopedales Congros , pilosos Paguros , turbinatas cuiusq. generis phalanges , vt etiā purpureos reddant scopulos dùm purpuram vomunt , captiosos Culices alunt.

Mare flauum manè conspicitur , coeruleum meridie , Faunio nascente purpureum . A Sole verò & Luna collucet , albescit , & vibrat , & maxima cum voluptate conglobatur vndique aequaliter , neque redundat vnquam , neque molestius effunditur . Tepestcit Zephyro agitato , & vt sua pte natura tranquillum , nec agitari , nec turbari , nec difficiliore aestu efferuescere potest . Piscatorum vestigijs arena continuo premitur , infelicemq. eius contactus ablegat podagram . Retia , grypos videas Cephalis saltantibus infidias parantes , Nassas , Labyrinthos pelago sepultos , Detritices armatos , rubeas Locustas allicientes ; Thynnos , Pelamedesq. carceribus funeis detrusos , *Βοονιδας* , Acus , Clupeas hamo captas ; arundine , setisq. pisces passim deprehensos dùm lōgos desides piscatores amplectuntur Soles ; Chelidona volātem ; Loliginum , Sepiarumq. nigro colore

Bb vndas

vndas commisceri; Polypos tenaciùs faxis admotos. Cochleas vndique eruas. Mytilos odorata ex arena colligas. Echinatorum decies centenis millibus humidulas cistas inter marina folia impleas.

Sedentes interim frugalibus conuiuijs vacantes sexcentos comperies, coeterosq. palâtes, vel nudas genu mulieres cum crispulis vndis quae ad littus vento compelluntur colludêtes. Hinc frequentius lembis & mare legi; hinc multorû in canendo certamine delectaberis. Heroes classe vehi dicas. Sinus grata Doride, Musisq. refertos saepius adeas necesse est. In exiguis vallibus ad littus decurrentibus, apricis Solis radijs quos inter versicolore frondes emittit, tûm virgultorum quae ad opacanda loca patulis sunt diffusa ramis vmbra mirificè delectamur. Sed in tanta amoenitate locus luxu nimio maximo detrimêto est Neapolitanis. Accedit ad Baianas comessationes Senecae improbatas. Qui saepius ea praternauigauit littora, aut in mortis scopulos immaturè allisit, aut aeris alieni pelago miserrimè submersus est.

Quod si iugum subieris, Lyaeum musto madidum, aut pampinantem, aut liquantem meliora Falernis, Caecubisq. generosa vina purpurea & alba, Graeca item Vesuuinis suauiora reperies. Vina quidem Aminaea aliqui esse contendunt cûm dicat Plinius; *Post vina Gauri montis, vina quidem in collibus Neapolim vicinis oritur, Aminaeum nuncupatum, sed tenue & aquosum.* Eaq. vina idem affirmat magis esse generosa quàm quae in Sicilia & Bithynia nascûtur. Omnem gratiam commendat in hoc vino Andreas Baccius qui vinorum conscripsit historiam. Commendamus nos qui quotidie gustamus. Sincerum, odoratum, sapidum; sub maximis caloribus stomacho gratum; facilè descendens, vrinâs promouens, nec hepati nec renibus infestum, nec caput feriês. In vsu idcirco apud Romanos Principes, si quandiù seruetur tota aestate, est enim alterabile, & medio-

cris

Vina aminata.

cris substantiae, vt non facilè maris patiatnr labores, quod eius bonitatis praecipuè est argumentum.

Praeter vina hic Pomonam sapidissimos omniũ fructus in quasillis concinnantem videbis. Rem rusticam, & nobiliorem agriculturam in hortis pomorum vbertate, & varietate, maximè laudabis, quae aut cruda ex arboribus vellantur, aut cocta decidunt, non tantum gustatu, sed etiam odoratu & aspectu sunt valdè iucunda. Ficus fert Africas, Albulas, nigras, Calphurnianas, Cucurbitinas, Duricorias, Herculaneas, Numidicas, Tellanas, Atras, Biferas, Praecoces quas nostrates Gentiles vocant, quae inter omnia ficuum genera familiam ducunt. Vuas quoq; & terrae succo, & calore Solis augescentes, quae suauissimè dulcescuntur, Atruscas, Apicias, Bumammias, Duracinas, Malampsithyas, Maronias, Pilleolatas, Rhodias, Variolas, Pergulanas, sed Appianas in primis quas Moscatellam nuncupamus. Quod si quando ficus & vuas infolatas gustaueris, nihil sanè dulcius. Quicquid tandem ibi nascitur dulcius & delectabilius est quam coetera quae in tota Campania nascuntur.

Doctissimè ibi accolae piscatoriam norunt. Mulieres agricultura exercentur, sed in colendo lino cuius optimi loca illa feracia sunt, nimis accuratae. Assurgunt hinc Pirus, indè turres, & Villarum culmina prominent, florumq; & herbarum stramina laetissima arbuta tegunt. Rupes passim sic littori adiacent, vt nihil arenae adimant venustatis, florumq; suauitatem redolètes cum alga Thetidi ferta contextunt. Palumbium exercitus magnam cladem aucupio accipiunt. Aduenae coturnices in Accipitrum vngues retiaq; decidunt, lepores laqueorum metu in mare defiliunt, atque huiusmodi piscatu, aucupio, venatione, agricultura, habitatores felicissimè viuunt.

Virgilij sepulcrum.

Pausilypus montium pulcherrimus, pulcherrimam ciuitatum Neapolim, Pausilypum verò & Neapolim tumulus qui Poëtarum principis Pausilypanam cryptam ab oriente ingredientibus suprà rupem obijcitur, exornat. Quis neget omnem Neapolitanae vrbis gloriam mortuo Virgilio, in eo sepulcro fuisse sepultam? Et quis neget eos cineres, eas tumuli reliquias, Neapolitanam amplitudinem quotidie ad vitam reuocare? Periere Neapoli Musarū cantus, Neapoli inquam quae Amorum & studiorum mater habita est, cum Musae & studia coeteras vrbes Nouercas habuerint; at verò Musarum parentis & alumni memoria ibidem perpetuò viuēt. Maiorem honoris gradum quàm Regni dignitate quae maximum nomen apud exteras gentes illi vrbi comparauit, Virgilij cineribus est consequuta. Mirum illud sanè, & virtutis illud est trophoeum, quòd absumptus in eo tumulo lapillus, quauis Regia clarior habetur. Loquitur de eo Petrarca, locum designans quem non potuisse ab ipsis inueniri scribūt Blondus, & Razanus, his verbis; *Sub finem fusci tramitis* (Puteolis discesserat) *ubi primò videri coelum incipit, in aggere edito, ipsius Virgilij busta visuntur, peruetusti operis, vnde haec forsàn ab illo perforati mōtis fluxit opinio.* Id quidem maximè honoratum fuisse à Silio Italico scribit Plinius nepos ad Caninium Rufum, *Virgilij antè omnes, cuius natalem religiosius quàm suum colebat. Neapoli maximè, ubi monumentum eius adire, ut templum, solebat.* Et veluti templum veneratur Statius,

Lib. 3.

Lib. 4. Silu.

———— & geniale sequutus
*Littus ubi Ausonio se condidit hospita portu
 Parthenope, tenues ignaro pollice chordas
 Pulsò, Maroneiq. sedens in margine templi
 Sumo animum, & magni tumulis adcano magistri.*

Lateribus structura composita est, in cuius medio nouem columnas Vrnas sustinentes fuisse tradidit Alphonsus Heredia

redia Arianensium Episcopus, ex Canoniconū Regulatium familia, qui bonas litteras viuens coluit. Vnā marmoream cum disticho quod à Donato recolitur,

*Mantua me genuit, Calabri rapuere, tenet nunc
Parthenope. cecini pascua, rura, duces,*

Se uidisse scribit Petrus Stephanus qui ab hinc annos x l. opus de Neapolitanis templis edidit. Ioannes tamen Villanus, Vrnā cum cineribus Mantuanis petentibus Neapolitanos concessisse asserit. Inepti sanè fuissent. Aliqui, Longobardos Canonicos sustulisse fatentur. Idemq. Episcopus affirmabat, Vrnā, columnas, & parua quaedam simulacra à Cardinali Mantuano, Canoniconum patrono, ablata, ab eodemq. Genuae relicta, cū ibi in itinere obiisset. Quòd si aut Genuae, aut Mantuae tanti viri reliquiae essent, quo pacto ab earum ostentatione abstinerent? Mantuae inquam, vbi in nummis Virgilij, veluti Lesbij Sapphus, & Chij Homeri, effigiem cudendam curarunt. Illud quidem admiratione dignum inter parietinas illas Laurum creuisse, summi poetarum encomium. In antiquis monumentis hoc Epigramma repertum ferunt,

SISTE. VIATOR. QVAESO. PAVCA. LEGI-
TO. HIC. MARO. SITVS. EST.

In lapide hoc sculptum,

*Quae Cineris tumulo haec vestigia? conditur olim
Ille hoc qui cecinit pascua, rura, duces.*

Haec item fuerunt adscripta,

*Quòd scissus tumulus, quòd fracta sit urna, quid inde?
Sat celebri locus nomine Vatis erit*

Anno ab V. C. 684. Idib. Octob. in pago Ande non procul à Mantua Vates natus est. hinc Silius,

*Mantua Musarum domus atque vbera cantu
Euecta Andino* ———

Lib. 3.

sic enim legendum, non, *Achiuo*; Cremonae educatus, ad septimum aetatis annum Mediolanū, indè Neapolim profectus

fectus, vbi cùm Graecis, Latinisq. litteris operam dedisset, Mathematicis tandem & Medicinae indulgit. Ibiq. suauissimè vixit, & obiit. Seruius sepultum fuisse scribit ad 11. lapidem cryptam Pausilypanam versus. Vmbra per nemus illud Poetae cerni solitam, fabulosè aliqui crediderunt. M. Antonius Flaminius,

Tu ne sacrum felix aluisti terra Maronem?

Tu ne pias celas ossa beata sinu?

An ne etiam, ut fama est, Vatis placidissima saepe

Inter odoratum cernitur umbra nemus?

Felices oculi, fortunatissima silua

Et quicquid sancto cernitur in nemore.

Cui non sit dulci patria tua dulcior ora?

Quis non te lucis praeferet Elysjs.

Ad quod allusit Hieronymus Fracastorius in Siphili,

Parthenope placidusq. cauo Sebethus ab antro

Plauserunt, umbraeq. sacri manesq. Maronis.

Et Pontanus in Hortis Hesperidum,

Floreat Vrna tui qua conditur Vrna Maronis.

Nemus ad mansuetiores Musas fuisse accommodatum, scripta ostendunt, ibi enim τὰ γιοργικά, & βουκολικά confecit.

Locum à Silio Italico emptum innuit Martialis,

Silius haec magni celebrat monumenta Maronis

Iugera facundi qui Ciceronis habet.

Heredem, dominumq. sui tumuliq. larisq.

Non alium mallet nec Maro, nec Cicero.

Lib. 3.

Plinius secundus, Neapolitanum Silij, appellatum scribit. Patulcidem quoque appellarunt quòd fortasse Patulci ibi essent aedificia, quae describit lapis ille celeberrimus in quo est agrorù sententia, quem libro primo Neapolitanae historiae posui. Haec praeter alia leguntur, LOCI VERO SIVE AGRI QVEM ADIACENTEM AEDIFICIIS AELIVS ABASCANTVS PATER RVFINI AB HAEREDIBVS PATVLCIDI OCLETIS AEQVE MERCA-

TVS

TVSEST. Vbi multa de Sepulcrorum ratione. Coeterrum tota illa ora Pausilypana sepulcris referta est, loculis in scopulis excauatis. quapropter totus ager sepulcris dictus videbatur. Et cum locus Antiniano colli sit proximus, Pontanus Patulcidem Nympham. Cum Antiniana Nympha poeticè coniungit,

— tuq. ò mibi chara Patulcis

Prima adsis, primosq. mibi Dea collige flores,

Impleat ut socios tecum Antiniana quasillos.

Patrusculum montem vulgus appellat.

Sannazarij sepulcrum.

Quos locus, virtusq. coniunxit, disiungere nefas est. Ad Pausilypi radices Mergellinam veneramur. Villa est quam Federici Regis munere & liberalitate Iacobus Sannazarius possidebat, in qua tum alia, tum lectissimas Eclogas piscatorias, dum pisces mergerentur (hinc Mergellinae nomen) composuit. Doctorum quoque virorum opinio est sic dictam quòd contrà Megarim; veluti apud Megarenses scopulus Mineruae Aethyiae (quae vox Mergum apud Graecos significat) commemoratur à Pausania in Atticis, ut Graecos imitatus doctissimus poeta qui omnia studia Mineruae addixerat, celebrioribus eorum locis uti velle videretur. Est autem Megaris parua insula, quam Ovi castrum dicunt. Turrim ex qua latissimè maris prospectus patebat, Philibertus Dux deturbandam iussit dum ipse Vates Federicum Regem in Galliam fuerat sequutus, vbi dolore Aragoniae domus (ut ait Paulus Iouius) funditus euerfae, & odio in externos factus amarior aliquantò, condendae Satyrae, quàm pungendis heroicis aptior videbatur. Moerore itaque affectum hac de causa interiisse affirmant anno 1533. & antè mortem dixisse; *Excedam è vita hoc meo non inani voto laetus, postquam barbarus Musarum hostis, ultore Marte, immanis iniuriae poenas persoluit.*

Tem-

Templū ibi aedificauit Actius anno 1510. Virginis Partui dicatum cuius etiā laudes eximias cecinit suo illo poemate ex quo plurimum laudis sibi comparaturum viuens existimauit, cū tamen mortuo vota non successerint, quando ex Arcadicis illis ludicris scriptis, quibus vulgus hominum cui seria displicent maximè est delectatum, poetae nomen doctissimo viro videtur esse acquisitū. Familiam Seruorum in id templum introduxit anno 1524. qui à Philippo Florentino medico Anachoreta fuerunt instituti. Eius ibi sepulcrum nitidiore marmore quàm Parium, sculpturae opus eximium profert. Ad viuum eius efficta imago, ex cuius ore mella exuggere videntur apes. Apollinis & Mineruae signa quae tamen sacro nomine mutarunt Iuditham & Dauidem appellantes, ne sacer ille locus Ethnicorum simulacris videretur prophanari. Sculpsit Frater Ioannes Montursulus Seruita, qui ad Florentiam in pago quodam ortus fuerat, Frācisçi Taddae socius qui in Carrarae montibus marmora diligentissimè scalpebat; atque indè opus perfectum Neapolim detulit. Duo etiam signa, alterum D. Iacobi Apostoli, alterum D. Nazari. Praeter tabulas pictas & Pistoriensis cum Michaele Archangelo, & Theodori cum coena Dominica cum picturae maxima laude. Petrus Bembus Cardinalis amplissimus doctissimusq. tumulo hoc inscripsit epigramma,

*Da sacro cineri flores. Hic ille Maroni
Vicius Musa, proximus ut tumulo.*

VIXIT. AN. LXXII. A. D. M. D. XXX.

Viuens hoc distichum confecerat Sannazarius ipse,

*Actius hic situs est, cineres gaudete sepulti,
Iam vaga post obitus umbra dolore vreat.*

Id quod poetico more dixit, non quòd à Christiano cultu Christianus eques abhorreret, vt obrectatores & inuidi obiecerant. Huiusmodi etiam in illo epigrammate loquutum scimus,

Post

Familia Seruorum.

Ioannes Montursulus.

Post obitum non ulla mihi charchesia ponet

Aeacus, infernis non viret vna iugis,

poetico lusu alios aemulatum. Quo pacto enim temerè loqui poterat, is qui de Verbo, Virgineq. tam sincerè loquutus fuerat? Testatur id ipse verbis quae ad Clemètem VI I. scripsit,

Magne parens, custosq. hominum cui ius datur vni

Claudere coelestes, & referare fores;

Occurrunt si qua in nostris malè firma labellis,

Deleat errores aequa litura meos.

Imperijs, venerande, tuis submittimus illos,

Nam sine te recta non licet ire via.

Et Sixtus Senensis hoc encomio eum celebrat; *Vir ad illu-* Lib. 4. Bibl.
strandam sacrosanctam Christianorum poësim felicissimo sidere
natus. Ut tandem fileant grammaticuli terrae filij.

Hoc templum eo quem Sannazarius legauit redditu, familiam retinet. Auctum aedibus à Ioanne Camillo Mormili ipsius herede; auctū praetereà à Ioanne Simone Moccia, qui viuens tantum hereditatem sequitur, post multos annos moriens heredibus Antonij Mormilis concessurus.

In eius loci littore mare semper adeò tranquillum, vt domus, rupes, frondes, coelum ipsum in vndis splendide iacentibus transpareant. Nec venti fremunt, nec aestu turbantur vndae. Pontanus in Hortis,

Lib. 2.

Qualem praerupti sub vertice montis, adesto

Littore, siccissu in molli, sub rupe cauata

Et Baccho felix, felix Amathuside Myrto

Frondenti, & Lauro Neptunia Mergelline

Laeta colit, non aestus eam, non frigora tentant.

Aquarum dulcium scaturigines in ipsa arena,

— & è terris occurrit dulcis amaro

Nymphamari —

Fontes quibus aquae pluuiæ colliguntur in imbres, inter opaca citriorum nemora, varijs casibus, hydraulico sonitu prorumpunt in hortis Ioānis Bernardini Longi medici

*In Lucull.
quaest.*

& philosophi peritissimi, qui dùm haec scriberem in aeternas sedes euolauit. Hortos alij pensiles aedificarunt. Antonij Sanseuerini amoenissimos recessus celebrat Bartholomaeus Maranta. Sed his verbis Flaminius,

*Si mihi post tantos terrae marisque labores
Contigerit vestrae limina adire Deae,
Limina quae Vates specula fundauit in alta
Aëthus. Eois clarus & Hesperijis,
Hic ego pileolum figam, & calcaria, & ense,
Et quaecunque vagus arma viator habet.*

NESIS INSVLA ET EYPLOEA.

Cap. XXXV.



CCVRRIT Puteolos proficiscentibus Nesis, quam non Insulam, sed continenter fuisse facilè arbitraretur, quin & Pauli promontorium, nisi Ciceronis locus ex x. Philippica apertè insulam ostenderet, sic enim de Bruto ait; *At hunc ipsis ludorum diebus videbam in insula clarissimi adolescentis Luculli propinqui sui.* Et hanc, insulam Nesidem fuisse ad Atticum scribens declarat; *Bruto tuae litterae gratae erant, sui enim apud illum multas horas in Neside, cum paulò antè tuas litteras accepissem.* Et epistola 3. eiusdem libri; *Haec ego conscendens à Pompeiano tribus aëtuariolis, decem scalmis Brutus erat in Neside, etiam nunc Neapoli Cassius.* Ecce tibi insulam, & in Luculli potestate. Nomē idipsum declarat, *Nesis* enim parvam insulam significat.

Lib. 16. ep. 17

Lib. 19. c. 8.

Lib. 6.

Plinius Nesidis asparagum laudat. Lucanus & Papinius tetrum loco tribuunt aërem. Alter,

— *tali spiramine Nesis
Antraque letiferi rabiem Typhonis anbelant.*

Alter

Alter verò, _____ indè malignum.

Silu. 3.

Aërare spirat pelago circumflua Nefis.

Et Nefis, non Nessus, legendum. quid enim Centauro cum insula, cum praecipue Inarimem adiungat? Vicina loca adhuc coeli grauitate occupantur. Insula tamen excisis siluis, sub clemēti coelo hac aetate videtur posita. Quam siluam commemorat Statius,

Siluaq. quae fixam pelago Nefida coronat.

Quidam tamen in Itinerario,

*Post hanc apparagis plenam Nefida videmus,
Pars haec Pausilypi quondam, maris insula nunc est.
Multos ibi seruat furtiua Cuniculus antra,
Antra Typhoneos quondam spirantia fumos,
Et circà Eumenidum nebuloso tristia luco.*

Locum fabulae dedit Sannazarius,

*Te quoque formosa captum Nefidis amore
Pausilype irato compellat ab aequare quaestu.*

Pontanus dūm Nympham describit, maris in quo posita est proprietates narrat,

*Illum Nisa tenet deserti ad littoris algam
Nigra genu, croceisq. genis & lumine glauco.*

Parua quidem insula, mille & quingentorū passuum ambitu, Amalphitanorum Ducum habitatione nobilis. Ab Alphonso Piccolomineo primo loco tribus millibus & quingentis aureis coēmp̄ta, in qua tamen grandis pecunia, celebrandis conuiuijs consumpta est. A Piccolomineis ad Scyllacensium Principem, à quo ad Neapolitanam ciuitatem, indè a Conchanorū Principem, mox iterum ad Neapolitanam ciuitatem lite licet cohorta. Portu Pauone qui ad meridiem vergit, Cuniculorum copia, Phasianorum olim volatu, & oleis, & vinea, & fructibus, & piscatione illustris. Omnibus nauigantibus ob tutissimam nauium stationem cognita. Arx in ea rotunda est, quae vndique prospecta, speculatrix tota illa ora colitur. Nec displiceret si

quis dixerit hanc insulam Graecorum aetate Nisaeam appellatam fuisse, cum longè Megaris quoque insula extet, cumq. Athenienses eius nominis Insulas inter se proximas plurimum fecerint.

EVPLOEA, parua quoque insula (scopulus potius) inter Tyrrheni maris insulas meruit annumerari. Et quoniam ibi reconditus sinus est, ex quo maris aestus, & vndarum tempestates detruduntur, Gaiolam dixere. Gratissimus nauigantibus recessus. Nobilissimus itidem aedificiorum vestigijs quae ciuitatem referunt, & omnem antiquitatis gloriam redolent. *Felix omen* locum appellauit Statius in siluis,

Lib. 2. Silu.

Indè vagis omen felix Euploea carinis

Et in Hercule Surrentino, *Numen,*

Et placidus Limon, Numenq. Euploea carinis.

Quae verba efficiunt vt credam, templum cuius aliquot ibi sunt ruinae, Euplocae numini marino fuisse dicatum. At verò Veneris Euplocae numen illud erat. Veneris enim aedem mari proximam Graeci venerabantur, veluti in Atticis scribit Pausanias, apud Gnidios praesertim, qui Venerem Doritidem, Acream, & Gnidiā colebant, & hanc ipsam ab iisdem Gnidijs Euploeam appellatam affirmat, *νιότατον δὲ, ὡς Κνιδίαι οἱ πολλοὶ, Κνίδιοι δὲ αὐτοὶ καλοῦσιν Εὐπλοίαν.* Sannazarius Nympham facit,

— *totidem vitreis Euploea sub vndis*

Seruat, adhuc plures Nefis mihi seruat Echinos.

Vitreas illas vndas, & algarum cōfertissimos hortos, manu tractare ne pigeat dùm praeternauigaueris.



VNDIQUE PUTEOLOS GENTES

conueniunt.

Cap. XXXVI.



VOCARVNT tandem ad sese Puteoli ex toto orbe summos viros, qui miraculorum insigni admiratione irretiti, in posteros deindè eos vidèdi cupiditatem profunderent. Quid ergò recensèbimus antè Imperium Annibalem (Athenienses Duces antè ea tempora praetereo) quo cum Poena quoque nobilitas & Hispana confluit? Quid in Imperio maximorum Principum habitationem, exterorum ad eos quotidie praeclaras legationes? Graecorum Imperatorum accessus, quis enim aut Constantinum, aut Constantem ab eorum locorum aspectu reuocasset? Gotthorum, Longobardorum Reges, Duces, Exarchos nobilissimos illos viros Patricios, qui in Italiam venientes Puteolos maximo desiderio inuiserunt? Cui nam ex Gallia aduentanti dùm Gallorum res in hoc Regno maximè florerent, aut ex Germania, cum Regni quoque fasces Imperatores obtinerent, Puteolanae non patuerunt rupes, antra, parietinae, Balnea, sulphura, ignes? Quis in eius litoris non confedit alga? ex ea arena non collegit, non osculatus est, non seruauit Conchylia, lapillos, numismata? Vt tunc se beatum aliquis existimauerit, cùm Puteolis in patriam rude aliquod eius loci monumentum portauerit. Adhuc Germanos, Gallos, Belgas coeterosq. omnes inuitant, vt singulis diebus summi Proceres, & vulgus omne cum primùm Neapolitanas delicias gustauerint, nihil sibi antiquius faciundum existiment quàm Puteolos accedere, terra marique colles, antiquitates, littora perlustrare. Locupletantur eorum pecunia locorum indices qui venientium obseruatores

uatores, aliquandò Neapoli quoque excipiunt. Plurimum commoditatis afferunt hospicio; oppidumq. frequentissimum reddunt. Quantum utilitatis allatum Gallorù & Aragonaeorum domicilio, Regia ibi ferè semper constituta? Quantum ex Neapolitanorum Proregum consuetudine, qui non tantum ex Hispania eò primùm appulere, sed delicias postea ea sibi elegerunt loca in quibus nunquam Petri è Toletò praecipuè hortis, aedibus, fontibus, statuis, fama erit interitura? Quantum Eduardi Fortunati Badèsis Marchionis aduètu, Gristani Ducis Saxoniae anno 1592. Maximiliani Ducis Bavariae anno 93. Ioànìs Comitis Gourensis ex Scotia, anno 96. Augustoiunioris Ducis Lininburgensis anno 1600. Bruni Comitis Mansfeltij, Ioannis Federici Ducis Vircenbergèsis, Aloysij Ducis Anheltenensis anno 1601. Philippi Iulij Ducis Pomeraniae anno 1602. Ioànìs Comitis de Nellau, Henrici Domini de Bohan Gallorum Regis nepotis, & Henrici Marchionis Boniuitensis anno 1604. Quantum denique Vincentij Gonzagae Mantuanorum Ducis praesentia, quem augustissimū Principem inter Augustos Baianae obstrepentes vndae, Puteolana ardentia compita salutarunt dùm Neapoli esset accipiendus? Magni sanè Puteoli. Sed cum Vincentio Gonzaga, Puteolis nihil maius, cum Gabriele Zinano vidimus.

Finis Puteolanae Historiae.



ADDITIONES.

Pagina 20. Cum de Neptuno loquimur. adde. Hunc lapidem ibi reperimus.

D. M. M. VALERIVS. DEXTER. LIB. NEPTVNO. MANIPVLARIS. C. CALBISIVS. CEREALIS. IIII. DACI. COHERES.

Pag. 45. in fine. Nicolaus de Ariano Puteolanus cum Capuae habitaret, primus in fluuio Castrimaris ad Vulturum lintribus et scaphis Capuam versus nauigandi modum reperit; quamobrem à Ladislao Rege Consul donec viueret creatus est anno 1393.

Pag. 49. vers. 24. Artēmas nobili genere natus, in ipsa scilicet Puteol. ciuitate.

Pag. 74. ver. 32. Veteres scribebant vel stilis, vel calamis; quia autem eis utroque non licebat, & stilis, & calamis ad necem inferendam abutebantur. Sed illis frequentius. In historia Ecclesiastica & apud Prudentium multos martyres graphijs confectis animam Deo reddidisse legimus. Et apud Plutarchum in Graecis perit Antyllus quidam, ὑπαρχὸς περὶ ἀλοῖς κερτοῦρατος. Isidorus refert cautum aliquando Romae ne ferrea graphia quisquam haberet, sed ossea. Euagrius lib. 3. Stephanum Antiochia Episcopum à pueris interemptum κατὰ πόλεϊς ἵσα δ' ὁράσιν ὁ ζωνοῦντος.

Pag. 81. ver. 23. Angelus Episcopus Puteolanus, anno 1278. ex Archiepiscopo S. Laurentij in Aversa vrbe.

Ibid. ver. 14. Puteolanus & Cumanus Episcopi, interfuere consecrationi Ecclesiae S. Gregorij Neapoli, à Sergio Neapolitano Archiepiscopo celebratae anno 1187.

Pag. 96. vers. 10. De seropha tamen, sic Aurelius victor; Quippe meminerat Venerem sibi aliquando praedixisse (de Aenea loquitur) cum in externo littore esurie compulsi, sacratasq. mensas inuasissent, illum condendae sedis fatalem locum fore. Seropham etiam iacentem; quam cum è naui produxissent ut eam immolarent, & se ministrorum manibus eripuisset, recordatum Aentam quod aliquando ei responsum esset, vrbi condendae quadrupedem futuram Ducem. assert auctores Caesarem lib. 1 et Lucatium lib. 2.

Pag. 100. ver. 30. Aurelius victor aliquorum refert opinionem, qui dixerunt Aeneam ab Euxinio sinu inter Misenum & Avernum commiserisse Sibyllam mortalibus futura praecinere in oppido quod vocabatur Cimbarionis, ibiq. de statu fortunarum suarum sciscitatum, aditisque satis vetitum ne is cognitam in Italia sepekeret Prochyta

Prochytam cognatione sibi coniunctam. Volcacium, & Asilium Pisonem affert auctores.

Pag. 121. ver. 13. *Gilbertus Mompenserius ex Borbonica familia à Carolo VIII. Dux creatus est qui primum Regij exercitus agmen duceret. Cū Rege Neapolitano Regno potiundo interfuit, ibiq. Vicarius relictus est. Post aliquot menses cū Aragoni Regnum recuperassent, Mompenserius cum reliquis Gallis Baia s profectus est, ubi aëris inclementia percitus Dux obijt. & ex Gallis qui ad quinque millia fuerāt, vix quingenti superfuere. Regnī cupiditate ductus Ludouicus XII. anno 1501. Neapolim exercitum misit. inter coeteros, vnus ex Mompenseri filijs venit. Is Puteolos accedens vt Paternum sepulcrum inuiseret, summo dolore affectus, post multas lacrimas, mortuus in idem sepulcrum decidit. Guicciardinus lib. 5. Hist.*

Pag. 128. ver. 12. *Sextus Aurelius Caesarem in Pontificalibus citat lib. 1. Qui Misenum non gubernatorem sed tubicinem fuisse tradit, ideoq. Maronem vtramque opinionem sequutum dixisse,*

remumq. tubamq.

quamuis auctore Homero quidam asserant tubae usum Troianis temporibus etiam tunc ignoratum. Misenon urbem a Miseni sepulcro dictam.

Pag. 136. vers. 23. *Maximus Episcopus Misenas in Concilio Romano sub Martino I. anno 650.*

Ibid. ver. 27. *Concordius Episcopus Misenas in Concilio Romano sub Symmacho. Agnellus Episcopus Misenas subscripsit Epistolae synodali Agathonis Pontificis, hoc pacto; Agnellus Episcopus Ecclesiae Misenatae prouinciae Campaniae.*

Pag. 180. ver. 17. *Destructa Cumana ciuitate, eius Ecclesia Neapolitanae cum omnibus iuribus fuit unita, vt ex Actis Caroli I. qui singulis annis Neapolitano Archiepiscopo fructuum decimas quas Reges ex agro Cumano excipiebant, & ad Cumanam Ecclesiam ante spectabant, exsolui iussit anno 1277. Ex Inuentario bonorum Ecclesiae Neapolitanae Regum iussu conscripto, cū Alexander Carrasfa Neap. Ecclesiae praefset, haec leguntur; Item tenet idem Archiepiscopus in Cumis Ecclesiam Cumanam cum infrascriptis iuribus & possessionibus, &c. Inter suffraganeos Neapolitanae Ecclesiae Episcopos, Cumanus quoque numeratur. Prouinciale omnium Ecclesiarum, quod à libro Cancellariae Apostolicae deductum est; quod confirmat Antonius Monebiasenus Democares lib. 3. c. 15. de sacrif. Missae.*

BALNEARVM

QV AE

NEAPOLI, PVTEOLIS, BAIIS,

Pithecusis extant, virtutes.

THERMARVM, ET BALNEARVM


apud antiquos structurae, vsus, ministeria.

Ad aegrorum commoda.

AD ILLVSTRISS. ET REVERENDISS.

Cardinalem

MONTelparvm.



NEAPOLI;

Apud Constantinum Vitalem. MDCIV.

DAVID HARRIS

1860

WILLIAM HARRIS

1860

WILLIAM HARRIS

1860

WILLIAM HARRIS

WILLIAM HARRIS

1860

WILLIAM HARRIS

1860



WILLIAM HARRIS

1860



ILLVSTRIS. AC REVERENDISS.

GREGORIO PETROCHINO

S. R. E. CARDINALI AMPLISS.

PATRONO MAXIMO.

IVLIVS CAESAR CAPACIVS S.



PUTEOLANA regio (Princeps Illustrissime) naturae diuitijs affluens, balnearum, thermarumq. copia ex quibus veluti ex promptuario corporum salus elicitur, felicissima habenda est.

Quod cum Salernitani medici, ut fama percrebuit labefactarunt, ultimam Puteolani iniuriam intulere. Ea tamen non toleranda, quod scriptorū inopia earum aquarum virtutes prorsus ignoramus. Vetus auctor scripsit aliqua ut ea tempora tulerant, quae visa sunt coeteris lumen praetulisse. Dicaunt ea Franciscus Aretinus Pio II. Summo Pontifici, quae ab Ioanne Eliso medico Neapolitano fuerunt repetita, licet antea Matthaeus de Plantimone Salernitanus de iisdem scripserit. Multa adnotauit Joannes Franciscus Lōbardus Neapolitanae Ecclesiae Canonicus in quo tūm linguarum, tūm disciplinarum lumina elucent. Addidit plura Baccius Romanus cuius laboribus cultius quā Ro-

manorū opibus thermae sunt exornatae. At verò ex scriptore ab Aretino in lucem reuocato quasi ex capite à posterioribus scriptoribus duos poetas, Alcadinū Siculum, & Eufasium Materanum somniādo deduxerunt, nunquam enim ea quae circumferuntur ab ijs scripta sunt, sed ab Ebolitano quodam (nō Euboico) qui Federico Regi opus illud dicauerat, id quod apud me testatur manuscriptus codex, quem Joannes Simeon Moccia totius antiquitatis arbiter, ex naufragio librorum Joannis Antonij Pisani celeberrimi nostra aetate medici seruauit, & quem hoc libro typis mandandum curauit. Debent tamen aliquid Puteoli Michaeli Sauanarolae, Ugolino de Montecatino, & Mengo Faentino aliquorum Italiae Principum medicis, qui pauca de eius loci balneis meminerunt, cū coetera Italiae balnea illustrauerint. Debent mihi aliquid, qui cōfragosas earum rupes virtutum memoria, antiquitatis nobilitate, variarum gentium usu conatus sum exornare. Tuo numini non balneas à quibus incolumitas te semper arceat, sed hanc in tuam amplitudinem animi mei propensionem dicare libuit, feruet enim vt in thermis amor in te meus & obseruātia, cuius neq; mors flammās reslinguet. Dicare, inquam, me totum, liberos, domum libuit, vt ex tuae humanitatis candore hunc laudis fructum extorqueam, quòd absens impensa voluntate & memoria à me coli internoscas. Vale Cardinalis amplissime, sacri Senatus splendor, & Romanae exemplar Maiestatis. Neap. Cal. Aug. 1604.

DE BALNEIS LIBER.

SACRAE BALNEAE. Cap. I.



QUAM rerum omnium originem Thales existimauit, quod veluti Heraclitus in ignem corpora resolui, sic in humorem ipse pronunciauit. In vulgus ea dimanauit opinio atque ita vt poeticè canerent,

Ἀριστον μὲν ὕδωρ

Optima quidem aqua

quae verba Pindarus praeter coeteros grandiloquus, ve- *In Olymp.*
luti secretioris materiae titulum suo praeposuit poemati.

Homerum quoq; ferè diuinum, aquas ideò plurimum alere cecinisse scribit Athenaeus. Hinc maxima veterum in aquis superstirio. Si quis enim corpus aqua abluisset, peccatorum quoque lue ablutum arbitrabantur, quod expressit Euripides,

Lib. I.

Θάλασσα κλύζει πάντα τ' ἀνθρώπων κακὰ

Abstergit mare omnes hominum culpas.

quapropter & ῥυπτικὸν ὕδατος, *Aspergentis aquae*, arbitror Homerum meminisse. Paulatim tantum creuit opinio, vt laucris inprimis vt optimum & relligiosum iudicaret. Nollem intermiscere quae Mystae in aquis creationis initio, *super quas Spiritus Domini ferebatur*, praedicarunt. Id quod aliae translationes patefecerunt quibus & *Fouere*, & *Incubare* Deum aquis, scripsere. Quod etiam ad Regenerationis lauacrum indè apud Christianos esse translatum nemo ambigit; quapropter flumen ex maceriae cauernis prorumpens, vberimos latices in Caluarij fonte coegit, quibus Ecclesia irrigata, foecundas gloriae & maiestatis virtutes toto terrarum orbe diffudit. Atqui sacrarum rerum indagatores Hebraeorum mysteria quae ex aquis amanabant ostendere conati

Aquarum sacrarum mysteria.

conati sunt in amplissimo illo Salomonis opere in quo Mare fusile in rotundo labio quod x i i. boues sustinebant, & posteriora celantes, absconditas rerum causas aperire videbantur. Hinc aquarum elogium in quas profectus est Moyses diuina mysteria accepturus. Hinc & Virgae symbolum quae ex petra aquarum fluentia elicit, qua corporis sitim sedarunt, quemadmodum spiritus sitim gentes erant sedaturae. Et Dei viuentis aquarum fontes & putei, ex quibus quod abdita multa dedicerint, aquarum celebritates promulgarunt. Quid putas inesse virtutis in vtre illo Agarico, in Cisterna Dauidica, in Rachelis puteo? At verò procul este prophani; earum aquarum sanctitas cum balneis non est inferenda. Haec innitere sacrae balneae coegerunt.

Lib. 3. eleg. x. Poetae sacras quoque dixere. Tibullus,

Nunc autem sacris Balnearum maxima lymphis.

*Cur aquae
sacrae.*

*Aquae Vul-
caniae.*

Mephitis.

Lib. 9.

Aristoteles sua aetate celebre dictum proponit, *Sacras balneas*; qui tamen quae ad diuinorum rationem spectant cum non intelligeret, dixit ea de causa sacras appellari, quod in defluxu fluminum flamas & sulphura elambunt. Et Plutarchus in Problematicis admirari se ait aquas calidas nasci, non autem mirari frigidum fontem; quamobrem aliquid sacrum continere videntur. Idemq. arbitrati sunt qui ob calorem terrestrem aquis insitum, Vulcanias dixerunt. Neptuno item sacras fecere aquas, Nymphisq. & quae sulphur olent Mephitis, quod numen marem alij & connexum Leucotoae veluti Veneri Adonis, aut Dianae Virbii, alij feminam faciunt, & Iunonem esse asserunt. quae quoniam Aër est, corruptionem aeris, Mephitim dicunt & putorem, quod aquae genus ubiq; Puteolis reperitur. Apollo Thermites à Syracusanis adorabatur, & Strabo de Thermophyllis loquens, καὶ Θερμοφυλλας (inquit) ἐστὶ γὰρ καὶ θεῖα πλυσίον ὕδατα τιμώμεθα αἰς Ἡρακλέους ἱερὰ; *Ac Thermophyllae à calidis lauacris quae vicina sunt, & Herculi sacra habentur.* Albulas in Italia Iciae sacras legimus, Veronenses Iunoni, Clusinas Aesculapio, Lati-

Latinas Iuturnae, Auernas Plutoni, Cumanas Sibyllae.

Dicerem hanc aquarū sanctitatem veteres Romanos esse veneratos quandò aquae calidae potus in coenis fuisse adhibitos docet Seneca; *Iraſcuntur boni viri pro ſuorum iniurijs; ſed idem faciunt ſi calida non bene praebeatur, ſi vitrum fractum*, &c. & Martialis,

*Caldam poſcis aquam, ſed nondum frigida venit,
Alget adhuc nudo clauſa eulina foco.*

Sed praecipuè Paulus Iuriſconſultus; *Nec multum refert inter cacabos & aënum quod ſuprà focum pendet. his aqua ad potandum caleſcit; in illis pulmentarium coquitur.* Doctiſſimus autem Varro lib. 4. ſcribit Calicem à caldo dici, quòd in eo calida pulſ apponebatur, & calidam eo bibebant. Plautus in Rudente Thermopolium appellare videtur cauponam in qua venibat calida. Et Caligula Cauponè interfecit quòd per dies funeris Drufillae calidam vendidiſſet. Quocirca voluptatis potum videtur innuere, idemq. confirmat Philo, qui aquam frigidam coeteris datam, calidam ſenioribus ſcribit. Et Tiberius, Biberius, Caldus, Mero dictus eſt, quòd aquae calidae potui nimis indulgeret. Qua de re plura collegit Lipſius in Electis. Hunc morem Iaponenſes ſeruafſe vidimus qui ad Gregorium x i i i. Summum Pontificem Legati miſſi ſunt, qui praeter voluptatem aliquid in ea ſuperſtitionis collocant.

BALNEARVM VSVS. Cap. II.



BALNEARVM vſum vetuſtiſſimum videtur innuere Homerus, qui earum delicias Vlyſſi proponit,

*Αἰεὶ δ' ἡμῖν τε φίλη καθαρίετε χοροῖτε
Εἶματα, τ' ἐξημοῖράτε θερμὰ, καὶ εὐναί;*

*Semper à nobis conuiuiumq. gratum, citbaraq. choriq.
Veſteſq. mutatoriae, & lauacra calida, & cubilia.*

Et

Lib. 18. Odysf. Et Penelope Eurynomen alloquitur ,

Εὐρυόμη , μὴ ταῦτα παρὰ νύκτα κηδεμένη περ
 χρεῖται ἀπονίπτειν , καὶ ἐπιχειρεῖς ἀλοιφῇ ,
Eurynome , non haec loquere dolens , licet
Corpusq. lauare , & ungere unguento.

Lib. 1.

Hinc Agamemnonias legimus Thermas , & Achilleas apud Cassiodorum . Et voluptati deditam vitam Pheacum scribit Athenaeus , qui & Mercurium Calipsum domicilium ob hasce illecebras fuisse admiratum affirmat . Apud eundem Eurypilus vulnera fouet , & perfundit aqua calida , quae dolorem mitigat , & placat cruciatus , & quāvis apud illum τὸ λιαρὸν comperies , quod tepidam aquam significat , idem tamen est quod θερμὸν , calida . Putat quoque Athenaeus tepidam esse , ex qua vapor igneus , fumusq. feruens exhalat .

Lib. 1. Silu.

Thucydides à Laconibus vsum balnearū initium habuisse scribit , qui primi post luctarū puluerem lauari coeperunt , cū anteā ad ludos Olympicos linteo amictu succincti , in luctam descenderent , & Romae post gladiatoria munera obseruauerunt . Et agonialibus laboribus vsui fuisse explicat Papinius ,

———— *Neronea qui modo lotus in unda* ————

Hic iterum sudare negat ————

Et Neronianae Thermae iuxta Agonalem Circum erant . Ideo Thermarum amplitudinem cernimus post angustas illas & tenebricolas , quales ad Linternum Scipionis Africani Thermas describit Seneca ad Lucillum . Et Palaestrae ijs fuerunt adiunctae , veluti Neronianae Thermae ostendunt quae cum Theatro coniunguntur . Idq. deindè semper obseruatum , vt vbi Theatra , ibi quoque Thermae essent . Et dedicato Amphitheatro Vespasianus Thermas celeberrimas extrussit ad exercitationis commoditatem in ludis . Syris aliqui initium tribuunt , Medis alij , alij Aegyptijs , licet ad delicias quoque ab ijs balneas institutas constet ,

flet, proptereaquòd in Palaestina Balneas, Natatoria, Piscinas, addo etiam conuiuia, coluerunt. Et Piscinas ab Herode in Augusti gratiam augustissimè conditas commemorat Iosephus.

Quisque tamen fuerit qui lauacra inuenit, eam posteris opinionem reliquit, vt omnem curam omnemq. ornatum ijs adhibere voluerint, & Aedilitiae cognitionis erat Thermis consulere, ne scilicet immundae essent, & ne nimis aestuarent. Tùm primis originibus cùm paucae essent Balneae & nullius cultus, vt loquitur Seneca, quid enim ornaretur res quadrantaria, à quadrante qui Balneatoribus dari solebat? & Romani rarò lauarent, & brachia & crura tantum labore fatigati abluerent, & toti in Nundinis lauarent; & quamuis haec scribat Athenaeus, *προσφάτως δὲ καὶ τὰ* Epist. 86.
Βαλανεῖα παρῆκτε, ἢ ὡς ἀρχαῖοι ἐνδὲν τῆς πόλεως ἰώντων εἶναι αὐτὰ; Lib. 1.
Nuper quidam Balnea in usum venerunt, quae principio inter Urbis pomperia aedificari non sinebant; & Antiphanem testem adducat,

Εἰς μακαρίαν τὸ λουθρὸς ὅς διεδικέμεν
Εφθὲν κομὴν πεποικίλην ἀποκναίσειεν ἄν
Καὶ ὅς τις ὄν μοῦ λαβόμενος, τοῦ δέρματος,
Οὕτω σφοδρὸν πρᾶγμα θερμὸν ἰδὼς ὕδαρ;

*In rem malam aufer Balneas. Horum incendia
Sic elixarunt corporis mei cutem,
Vt vulsam quivis possit abradere,
Adeò violenta res est aqua feruida,*

Et Hermippum duo detestantem mala, inebriari, & calida lauari, quae virum probum nullo modo decent; post aliquot tamen aetates Balneas & Thermas quàm plurimas exaedificarunt puplicis, proprijs vsibus, magna mole & sumptu, Alexandrino & Numidico marmore, latis speculationibus, nobili coelatura & arte, quae plurimùm aduersari videbantur obscuris Balneis, & gregali testorio indutis. Neque calidum videbatur antiquis nisi obscurum. Nec vlla Romae regio erat quin priuatas publicasq. Bal-

neas & Thermas contineret , vt ad octingentas P. Victor huiusmodi distribuerit.

Balneae & Thermae Romanae.

In prima regione Balneum Torquati, Vestij Bolani, Mamer-
tini , Abascentiani , Antiochiani . Thermae , Seueria-
nae, Commodianae. Balneae priuatae lxxxi. In se-
cunda , Balneae priuatae . In tertia , Traiani Caesaris ,
Philippi Caesaris Balnea . Balneae priuatae lxxx. In
quarta , Balneum Daphnidis . Balneae priuatae lxxv.
In quinta , Lauacrum Agrippinae, Thermae Olympiades ;
Balneae priuatae lxxv. In sexta , Thermae Diocletia-
nae, Constantinianae. Balnea Pauli . Balneae priuatae
lxxv. In septima , Balneae priuatae lxxv. In octaua,
Balneae priuatae lxxv. In nona , Thermae Adriani ,
Neronianae, Agrippae . In decima , Balneae priuatae
xvi. In vndecima , Balneae priuatae xv. In duode-
cima , Thermae Antonianae . Balneae priuatae xlii.
In tertiadecima , Thermae Varianae . Balneae priuatae
lxxii. In decimaquarta , Balneum Ampelidis , Pri-
scillianae. Balneae priuatae lxxxvi.

Alibi xii. Thermas scribit , Traiani , Titi , Agrippae ,
Syriacas , Commodianas , Seuerianas , Antonianas , Ale-
xandrinās vel Neronianas , Diocletianas , Decianas , Con-
stantinianas , Septimianas . De Titianis Iulius Capitolinus
cū maximum in Senatu loquentem inducit ; *Quid enim
opus est de restitutione templorum , de Basilicae ornatu , de Ther-
mis Titianis , de exaedificatione Amphitheatri agere , cū immi-
neat Maximianus , & quae sequuntur .* De Antonini Carac-
allae Therms sic Spartianus ; *Opera Romae reliquit , Ther-
mas nominis sui eximias , quarum cellam solearem Architec-
ti ne-
gant posse vlla imitatione quae facta est fieri . Nam & ex aere vel
cupro cancelli superpositi esse dicuntur quibus cameratio tota con-
credita est spaciū , vt id ipsum fieri negent potuisse docti Mecha-
nici in vsu maxime Romanae plebis frequentatae .* De Gordia-
nis

nis, Iulius Capitolinus; *Opera Gordiani Romae nulla extant, praeter quaedam Nymphaea & Balneas.* Traianus commemorat lapis,

IVLIVS. FELIX. CAMPANIANAS. V. C.
PRAEFFECTVS. VRBI. AD. AVGENDAM
THERMARVM. TRAIANARVM. GRATIAM
CONLOCAVIT.

Constantinus suas aedificauerat, quas tamen ferè perditas Petronius Perpenna restituit

PETRONIVS. PERPENNA. MAGNVS. QVADRA-
TIANVS. V. C. ET. INL. PRAEF. VRB. CONSTAN-
TINIANAS. THERMAS. LONGA. INCVRIA. ET
ABOLENDAE. CIVILIS. VEL. POTIVS. FERA-
LIS. CLADIS. VASTATIONE. VEHEMENTER
ADFLICTAS. ITA. VT. AGNITIONEM. SVI. EX
OMNI. PARTE. PERDITA. DESPERATIONEM
CVNCTIS. REPARATIONIS. ADFERRENT. DE-
PVTO. AB. AMPLISSIMO. ORDINE. PARVO
SVMPTV. QVANTVM. PVBLICAE. PATIEBAN-
TVR. ANGVSTIAE. AB EXTREMO. VINDICA-
VIT. OCCASV. ET. PROVISIONE. LARGIS-
SIMA. IN. PRISTINAM. FACIEM. SPLEN-
DOREMQUE. RESTITVIT.

Alterum deindè Constantinum filium Rhenis Thermas ex Regio aerario desumpta pecunia liberaliter condidisse legimus in alio lapide,

IMP. CAESAR. FLAVIVS. CONSTANTINVS. MAX.
AVG. SEMPITERN. DIVI. CONSTANTINI. AVG.
F. TOTO. ORBE. VICTORIIS. SVIS. SEMPER
AC. FELICITER. CELEBRANDVS. THERMAS
FISCI. SVI. SVMPTV. A. FVNDAMENTIS. CAE-
PTAS. AC. PERACTAS. CIVITATI. SVAE. RHE-
MORVM. PRO. SOLITA. LIBERALITATE
LARGITVS. EST.

Quam etiam liberalitatis speciem alij Romanorum Imperatores in huiusmodi operibus ostentarunt, nihilq. se Ro-
manis

manis gratius facere arbitrati sunt quàm his Thermarum delicijs eos irretire. Quapropter in Thermis Maximianis,

*CONSTANTIUS. ET. MAXIMIANVS. INVICTI
AVG. SEVERVS. ET. MAXIMIANVS. CAESS.
THERMAS. ORNAVERVNT. AC. ROMANIS
SVIS. DEDICAVER.*

De Felicibus Thermis Diocletianis, quas omni cultu perfectas maximè laudavit antiquitas, multa leguntur in Romano lapide. Constantius quoque & Iulianus Spoletinis Thermas igne consumptas sua largitate constituere. Minerunt etiam lapides Thermarum Philippi Imperatoris,

L. RVBRIVS. GETA. CVR. P. CCC. XXIII.

D. N. PHILIPPI. AVG. THERM. . . .

Multos quoque priuatas Balneas gratis aedificasse scimus, & pecuniam ad eam rem legasse. At quidem tantum abest vt Roma Balneis carere potuerit, vt Alexander Seuerus eas omnibus Romanis regionibus addiderit quae non habebant, vt scribit Lāpridius. Quare plures Balneas quàm priuata aedificia Romae conspicias. Vt autem Victorem intelligamus, scito, veteres Balineum & Balneas, Balneum & Balneas dixisse. At Balineum & Balneum, publicum lauacrum aliquod; Balneas & Balneas priuata significare. Balnea praeterea dici in quibus lauamur; Thermas verò siccas quasdam cryptas (vt in littore Baiano) calidi aëris plenas, nam θερμη calorem significat, cùm Balineum dicatur ἀπὸ τῶν βαλάνων, à glandiū corticibus; vel ἀπὸ τοῦ ἀποβάλλειν τὰς ἀνίας, quia curas repellunt. Et in Thermis calor sufficit, in Balneo etiam lauacrum includitur, licet Laconicum Balneum dicamus in quo solùm sudabant.

IMPERATORVM LVXVS IN

Balneis.

Cap. III.



NERONEM inusitatae luxuriae & sumptuum fuisse indè arguit Eutropius, quòd exemplo C. Caligulae in calidis vnguentis loco calidarum aquarum lauaret, *ινολούετο μὲν γὰρ μύροις θερμοῖς μὲν ἀντὶ θερμῶν ὑδάτων;* tantumq. honoris Balneis tribuit, vt exilio multauerit Cecinam Tuscum qui lauisset in Balneo quod sibi venturo Alexandriam paratum fuerat. De Caligula, Suetonius ait, nepotinis sumptibus omnium prodigorum ingenia superasse, commentum nouum Balneorum vsum, & portentissima genera ciborum. Idem auctor Balineas Neronis marinis & Albulis fluètes aquis in domo illa aurea commemorat, quibus etiam Augustus (rarò tamen) vsum fuerat, de quo his verbis scribit; *Infirmi- tatem magna eura tuebatur, inprimis lauâti raritate. Vngebatur enim saepius, sudabat ad flammam deindè perfundebatur egelida aqua, vel Sole multo calefacta. At quoties neruorum causa marinis Albulisq. calidis vtêdum esset, contentus hoc erat, vt insidens ligneo folio, quod ipse Hispanico verbo, Duretam, vocabat, manus ac pedes alternis iacêaret.* Apud Dionem, cùm Augustus Còsul esset cum Calpurnio Pilone, morbo tam graui decubuit, vt nulla salutis spes adesset. Antonius Musa medicus, quòd nihil Augustus eorum quae maximè ad valetudinem opus essent posset facere, lauacris frigidis, & frigidis potionibus sanitati cum restituit. Quamobrem praeter pecuniam & statuam ex aere propè signum Aesculapij, annuli quoque vsum accepit cùm esset libertus, idemq. omnibus medicis concessit. Albulae quidem in Tiburtino agro sunt, sed natura calidae, nam sulphureae. Martialis,

*Neronis vsum
in balneis.
C. Caligulae.*

Augustus.

Lib. 52.

*Antonius
Musa.*

*Medici an-
nulum acci-
piunt.
Albulae aquae.*

Lib. 1. epig. 13

Itur ad Herculei gelidas qua Tiburis arces

Canaq.

Canaq. sulphureis Albula fumat aquis.

Lib. 1. Silu. 3. & Statius, *Illic sulphureos cupit Albula mergere crines.*

Lib. 3. c. 6. Et Albulis ita utebatur calidis Augustus, vt Tibure aduectas in Balneis Romae calefaceret. De marino balneo, haec Plinius; *Medendi modus idem & marinis erit quae calefiunt ad neruorum dolores. Ferruminant & fracturas, ossaq. confusa, item corpora sicant. Qua de causa frigido mari utuntur.*

Agrippa. Agrippam, scribit Dio, Balnea gratis per annum viris mulieribusq. concessisse, & praedia ad hoc Augusto tribuisse, & vt populo placeret, clxx. Balnea siue lacus in prouinciarum formam Romae gratuita praebuisse, in quibus & si calida prius ablueret, postea vt à Balneis corpora multa frigida stringerent constituit, nec prius vngi quam lauissent. Traianus moribus consulens edicto prohibuit ne iisdem locis viri cum mulieribus lauarent simul. Xiphilinus in Adriano, *Καὶ γὰρ λουέσθαι καὶ τὰ ἀνδρῶν αὐτοῖς προσέτεθεν* Et Spartianus, *Lauacra pro sexibus separauit*, Dixerat Martialis,

Lib. 7. epig. 34.

Sed nudi tecum iuuenesq. senesq. lauamur.

Iulius Caesar. Lib. 13. ep. ultima.

Idem Adrianus, antè octauam, nisi valetudine laboraret, publicis Balneis admisit, tempusq. lauandi à meridie ad vesperam destinauit quo tempore prostare meretricibus permillum. Obijciebatur aliquandò quòd publicè cum amicis lauaret. Iulium Caesarem eandem horam prioribus saeculis seruasse, obseruauit Hieronymus Mercurialis, ex Cicerone qui haec scribit; *Ille tertijs Saturnalibus apud Philippum ad horam septimam, nec quemquam admisit, rationes opinor cum Balbo; inde ambulauit in littore, post horam octauam in Balneum.* Titus Vespasianus plerumque in Thermis admixta

Vespasianus.

Alexander Seuerus. Heliogabalus

plebe lauauit. Alexander Seuerus Balnea mixta exhiberi prohibuit, quod antè prohibitum Heliogabalus permiserat, qui nunquam in piscinis lauabat, nisi croco & vnguentis essent infectae. Idem Thermis & suis, & veterum frequenter cum populo vsus est, & aestate maximè, balneari veste ad palatium reuertens. Hoc tantum habebat Imperatorium, quòd lacernam coccineam accipiebat. Idem ad-

didit

didit oleum luminibus Thermanum, cùm priùs non antè auroram paterent, & antè Solis occasum clauderentur.

Subdit Lampridius; *Opera veterum Principum instaurauit, ipse noua multa constituit. In his, Themas nominis sui iuxta eas quas Neronianae fuerunt, aqua indueta quae Alexandrina nunc dicitur. Post lectionem operam Palestrae aut Sphaeristerio, aut cursui, aut ludaminibus mollioribus dabat. Atque inde vnctus lauabatur, ita vt caldarijs vel nunquam, vel raro, piscina semper vteretur, in eaq. propè vna hora maneret. Egressus Balneis, mulsum lactis & panis sumebat, oua, deinde mulsum. Atq; his refectus aliquandò prandium inibat, aliquandò cibam vsque ad caenam differebat.* Heliogabalus Balneas multis locis fecit, ac semel lauit, statimq. destruxit ne ex vsu Balneas haberet. Semper in ijs cum mulieribus fuit, ita vt ipse eas psilothro (vn-

Psilothrum.

Antoninus.

Tacitus.

Carinus.

guentum depilatorium id erat) curaret. Antoninus Pius, Balneum quo vsus fuerat sine mercede populo exhibuit, vt scribit Iulius Capitolinus. Tacitus Imperator apud Vopiscum, Balneis raro vsus est, idemq. validior fuit in senectute. Idem Themas omnes antè Incernam claudi iussit, ne quid per noctem seditionis oriretur. Carinus ita frigidis vsus est, vt solent esse cellae suppositoriae, frigidarijs semper nivalibus. Cùmq. hyemistempore ad quèdam locum venisset in quo fons erat aqua pertepida (vt anni tempus ferre solet) eaq. in piscina vsus esset, dixisse Balneatoribus fertur, *Aquam mihi muliebrem praeparatis.* In Plutarcho legimus antiquiores mollibus & moderatè calidis Balneis vsos vt Alexàder in lauacro etiam febriens, & Galatarum mulieres pultis ollas ferentes vnà cū pueris lauarentur, & manducarent. Romanorum postea tempestate maximè calidae in pretio habitae fuerunt, quales Neronianae. Martialis, *Lib. 9.*

*Si temperare Balneum cupis seruens
Fausinae, quod vix Iulianus intraret,
Roga lauetur rhetorem Sabineum,
Neronianas is refrigerat Themas,*

tanta is rhetor verborum & sententiarum frigiditate scatebar,

Galenus. bat, vt calidissimas Balneas potuisset frigidas reddere. *Galienus.* Galieni aetate vsque adeo calidae non fuerunt. Malè Cōstantius Balneis vsus est, qui obtento totius Romani Imperij regimine, Crispum filium necari iussit, & Faustam vxorem in Balneas ardentes coniecit. Malè Getae hostes, qui eius Imperatoris partes sequutos in Balneo caenantes percusserunt. *Caracalla.* Thermas Caracallae dici Antonianas scribit Spartianus, & in vsu Romanae plebis frequentatas. *Commodus.* Commodus tanto studio Balneas prosequutus est, vt septies atque octies singulis diebus lauaret, quod de Gordiano & Galieno proditum est, qui aestate quinquies, hieme bis in die lauabat. At Commodus cū vel Balneis vel epulis operam daret (inquit Herodianus) nullum habebat praestitutum quieti tempus, οὐδένα καὶ οὐκ εἶχε εἰς ἀτάκτως ἀρισμενον.

Diuerfarum gentium ritus.

Carthaginenses. Carthaginenses distinctas inter plebeios & patricos Balneas habuerunt. Graecis nulla distinctio, sed promiscui lauabant. Coeterum tanta cuiusque hominum generis multitudo aliquandò in Balneas diuertebat, vt Balneatores iniectis carbonibus, grauis odoris odio pertaefos fugarent. *Graeci.* Germani lauabant in fluminibus, quare natandi peritissimos fuisse scribit Herodianus. Caesar verò de Sueuis; *Germani.* Atq; in eam se consuetudinem adduxerunt vt locis frigidissimis, neque vestitus praeter pellis habebant (quarum propter exiguitatem magna est pars corporis aperta) & lauentur in fluminibus. Si quando tamen lauarent Balneis, calida abluebantur, & vesebantur lauti. *Aethiopes.* Aethiopes Macrobij fonte abluebantur, de quibus sic Herodotus in Thalia; θάψμα δὲ ποιούμενον τῶν κατακτόπων περὶ τῶν ἐτίων, ἐπὶ κρύλῳ σφίη γίγνεται, ἀπ' ἧς λουόμενοι λιπαρώτεροι ἐγίνονται, κατὰ περ ἐνί, ὅθεν δὲ ἀπ' αὐτῆς ὠσεῖ ἰόν; Et cū exploratores de numero annorum mirarentur, ad fontem quendam eos adduxit in quo loti efficiuntur perindè atq; oleo inuncti. violam olentes. Macrobius fontem appellat, quoniam longaeuos lauantes efficit. Celtiberos narrat Strabo lotio diu seruato in Balneis lauasse

Lib. 3.
Celtiberi.

lauasse, & dentes ac gingiuas pumicasse. Aegyptiorum *Aegyptij.*
 Sacerdotes interdù ter, noctu bis frigida lauari, scribit
 Herodotus, & Dardanis & Illyrijs ter solùm lauare per- *Dardani.*
 missum, natali die, in nuptijs, & in obitu. Lusitanos, ait *Lusitani.*
 Strabo, ad Durium amnem incolentes, Laconica vsos vi-
 tae ratione, bis vnguento vtentes, & candentibus lapi-
 dibus calefacientes, & frigida lauantes. Spartanis lauari *Spartani.*
 calida vetitum, quòd Apollonius Tyanaeus senectam ho-
 minum Balneas appellauerit. Philostratus in eius vita ad-
 didit Antiocheneses in Balneis inclusos vitijis maximis in- *Antiochenesi.*
 dulgere solitos. Scythas, scribit Herodotus, nullo fon- *Lib 4.*
 te lauasse, sed vxoribus aquam fundentibus, cupresso & *Scythae.*
 cedro corpora confricasse. Thuris quoque ligno perfri- *Lib. de morib.*
 ctum corpus, cum intumuisset, medicamentis oblinire, *gent.*
 scribit Ioannes Bohemus. Assyrij apud Strabonem, la- *Assyrij.*
 uantur manè priusquàm aliquid attingant. At post coi-
 tum, & in morte praecipuè; vnguntur etiam Sefamo.
 Quinquies in die Sarraceni omnes orationibus vacant fa- *Sarraceni.*
 ciebus ad meridiem versis. Antequàm tamen id faciant,
 perfectissimam corporis mundiciem habere coguntur; a-
 num, aures, os, brachia, nares, oculos, capillos, pedes
 lauare, praesertim post coitum & egestionem, nisi aegro-
 tauerint, vel in itinere fuerint. Quod si aqua defuerit (id
 quod rarò contingere poterit nam in omnibus ciuitatibus
 paratas ad hoc habent Balneas) pulueres mundaes & re-
 centis terrae adiumento perficiunt. Antè ablutionem
 cum nullo colloquuntur, & à nullo videri se aliquandò
 permittunt.



OPERO SA BALNEORVM

Structura.

Cap. IIII.



LAVDAT Scipionis Africani mores Seneca quòd in eius villa ad Linternũ Balneolum reperit, in quo eximij viri gloria elucebat. Angustum illud erat & tenebri-
cosum. Non pacata lauabatur aqua, sed sæpè turbida, & cùm plueret vehementi-
tius penè lutulenta. Nec illud lotioni aliquid afferebat in-
commodi, proptereaquòd sudorem non vnguētum, & cor-
pus rusticis laboribus fessum cupiebat abstergere. Quòd si
quis illum appellauerit immundissimum nam coeno potius
lauari videbatur; dicat etiam tantum virum, militiam, la-
bores, triumphos, non incestuosum, ebriumq. aut pastillos
oluisse. Erat inter vnguenta Caligula; at inter scortorum
sordes hircum & libidinis fetorem olebat. Inter picturas
Tiberius; at Spintriarum famosa luxuria verè caprineus. Ne
Hostij portentosos concubitus, cum specillis adjiciam.

*Scipionis laur**Antiquæ
Balneæ.*

Rustico erant opere apud antiquos extructæ Balneæ, cùm esset bona illa antiquitas nullo cultu cõtenta, vt etiam fides sine vllo fucò omnibus pulcherrima obijceretur, & laudis plurimum habebat is cui dicebat Plantus,

Vir antiqua fide ———*Balnearum
luxus.*

Coeperunt deindè parietes magnis & pretiosis orbibus fulgere, & marmora Alexandrina (sic Seneca loquitur) Numidicis crustis distingui, & variata picturæ circumli-
tione contegi, in quibus obscoenæ histrionum personæ, & lubrici palæstritæ, & lasciuæ pugilum inuolutiones. Quantum præterea, ait, statuarum, quantum columnarum est nihil sustinētium (videntur Romæ in Thermis adhuc immanes columnæ) sed in ornāmētum positarum im-
pensæ

penſae cauſa ? Quantum aquarum per gradus cum fragore labentium ? Et illud maximè deteſtari videtur , quòd eò deliciarum peruentum fuerit, vt niſi gemmas homines calcare noluerint . Sidonius Apollinaris ad Domicium idem *Ep. 2. lib. 2.* ferè his verbis , ruſticam ſuam domum deſcribens ; *Iam ſi marmora inquiras, non illic quidem Paros, Charyſtos, Proconiſſos, Pbryges, Numidae, Spartiatae, rupium variatarum poſuere cruſſas; neque per ſcopulos Aethiopicos & abrupta purpurea gemino ſucata Conchylio ſparſa mihi ſaxa ſurfurem metiuntur.* Cùm ſuperiùs dixiſſet; *Non hic per nudam piſtorum corporum palebritudinem turpis proſtrat hiſtoria, quae ſicut ornat artem, ſic deueniſſat artiſicem.* Nihil enim ſceleratiùs excogitare inter alia potuerunt quàm varia illa Elephantidis impuriſſimi ſcriptoris ſimulacra , quibus Tiberius impuriſſimus in ſeceſſu Caprearum delectabatur . Sidonij tamen & Senecae deſcriptio , eadem cum Statij deſcriptione videtur eſſe quae ad Neapolitanum Balneum valdè ſuperbum pertinet, *Silu. lib. 2.*

*Vna tamen cunclis procul eminet vna Diaetis
Quae tibi Parthenopem direſta limite ponti
Ingerit. hic Graeis penitus deſectis metallis
Saxa, quod Boae reſpergit vena Syenes,
Synade quod moeſta Pbrygie fodere ſecures
Per Cybeles lugentis agros, vbi marmore piſto
Candida purpureo diſtinguitur areagyro.*

& quae ſequuntur.

Accedit ad Balneorum ſtructuram opus illud ab Antonino Caracalla excogitatũ qui Thermàs nominis ſui eximias quas ſuprà cõmemorauimus, aedificauit quarũ cellam Solarem Architec̃ti negabãt poſſe vlla imitatione fieri . Accedunt & ſpacia Thermarum ampliſſima, vt quasdam vndecies millies pedum tota area cõtinuiſſe affirmet Leo Baptiſta in libris de Architectura; praeter membra quae centum habuiſſe partitiones in Diocletianis, patet. Vt erò antiquotum modeſtiam cognoſcamus , per rimas tantũ Balneae ſolem diemq. admittebant, vt idem Seneca de eadem

Scipionis Balnea ; Rimae magis quàm fenestrae fuerunt , muro lapideo excelsae , vt sine iniuria munimenti lumen admitterent .

Factum postea vt intrà Conclaue succensum (idem quod quod Hypocaustum) solidus dies , & abundantia lucis inclusae , verecundos quosque compellat se aliquid plus putare quàm nudos , ait Sidonius . Ideò Blattaria vocabantur Balnea quae totius diei Solem fenestris amplissimis non reciperent , & nisi ex Solio lauantes agros & maria prospicerent . Blattae siquidem , Lucifugae Virgilio & Cololumellae , quae in Balneis largiter proueniunt . Plinius .

Lib.3. Greg.

Lib.9. c. 7.

Lib.11. c. 28.

Lib.1. ep. 3.

E' contrario tenebrarum alumna Blattis vita. lucem eae fugiunt , in Balneis maximè humido vapore prognatae. At Plinius nepos ; *Quid Balneum illud , quod plurimus Sol implet , & circumit ?* In triclinijs enim coeterisq. Conclauibus maximus erat vsus luminum . Statius de Balneo Etrusci ,

*Multos vbique dies , radijs ubi culmina totis
Perforat , atque alio Sol improbus vritur aestu .*

Per ampla igitur specularia , & per cameras vitro absconditur (vt Seneca verbis vtat) solidus dies , atq; ita vt vel nubilo die Solis vicem redderet Hypocaustum , addita luce quae ex flammis Balnearibus emicabat .

Solia.

At nec Solia expetebantur in Balneis , quandò sufficere videbantur viuo sedilia saxo , antiquae simplicitatis symbolum apud summum Poetarum . Tum apud posteros nullius pretij ea fuissent , nisi ex Solio omnia prospicerentur .

Lib.1. cap.1.
tardar. pass.
3. sent. tit. 7.

Sella haec erat balnearis de qua Coelius Aurelianus , & Paulus Iurisconsultus . Festus Alueum appellat . Glossae veteres , ἡμίσαιον . Cùmq. esset dimidiati rotundi forma , Hemisphaerium dicitur Vitruuio .

Sella.
Sigma.

Aliae Sellae erant in Sigmate , & tot erant quot sigma (quae mensa erat) capere poterant , quam sic describit Ditmarus lib.4. Chronic. *Solus ad mensam quasi semicirculū factam , loco coeteris eminentiore sed. ba*

sedebat. Capiebat autem Sigma septem vel octo. Martialis, Lib. 14. epig. 87.

Septem Sigma capit _____

& alibi, *Accipe lunata scriptum te studine Sigma*

Octo capit _____

Alterius generis Sellam his verbis describit Cassiodorus; *Lib. 2. ep. 39.*
Hic desuper Sella composita, quae humanis necessitatibus in obsidis speciem perforatur, aegros suscipit interno humore defluentes. Vbi dum fessimimo languore confederint, vaporis illius delectatione recreati, & lassa viscera reficiunt, & humores noxia infusione laxatos vitali ariditate constringunt; ut quasi aliquo desiderabili cibo refecti, valentiores queant protinus inueniri. Quibus non tantum ad voluptatem paratas Balneas, sed etiam ad medicamenta cognoscimus.

Partes.

Balnearum distributiones, cum ipsa simul magnificentia, sic proponunt Plinius secundus, & Sidonius Apollinaris. Alter, *Sed ante Piscina quae fenestris seruit ac subiacet, strepitu visusq. iucunda. Nam ex edito defiliens aqua, suscepta marmora albescit. In cubiculum hieme tepidissimum quia primo Sole perfunditur. Cohæret Hypocauston, & si dies nubilus, immisso vapore Solis vicem supplet. Indè Apodyterium Balnei laxum, & hilare, excipit cella frigidaria, in qua Baptisterium amplum atque opacum. Si natare latius aut tepidius velis, in area piscina est in proximo puteus, ex quo possis rursus abstergi si poeniteat teporis. Frigidariae cellae connectitur media cui Sol benignissimè praesid est, Caldaria magis, prominet enim. In hac tres descensiones, duae in Sole, tertia à Sole longius, non longius à luce Apodyterio suppositum est Sphaeristerium, quod plura genera exercitationis plurisq. circulos capit. Non procul à Balineo scalae, quae in Cryptoporticum ferunt prius ad Diaetas tres. Harum alia areolae illi in qua Platani quatuor, alia prato, alia vineis imminet, diuersasq. coeli partes ac prospectus habet.*

Alter verò ad Domitium; *Balneum ab Africo radicibus nullo merosae rupis adhaerescit, & sicaedua per iugum silua truncetur, in ora fornacis lapsu velut spontaneo deciduis, struibus impingitur. Hinc aquarum surgit cella coetilium, quae consequenti unguentariae spatij parilitate conquadrat, excepto Solis capaxis hemicyclo,* *Epist. 2. lib. 2.*

micyclo, ubi & vis feruentis undae per parietem foraminatum fluxilis plumbi meatibus implicata singultat. Intra Conclauē succensum, solidus dies. Hinc frigidaria dilatatur quae piscinas publicis operibus extructas non impudenter aemulatur. Primum tepidi apice in conum cacuminato, cum ab angulis quadrifariam concurrentia dorſa ciſtarum, tegulis interiacentibus imbricarentur, ipſa verò conuenientibus menſuris exactiſſima ſpecioſitate quadratur, ita ut miniſteriorum ſeſe non impediēte famulatu, tot poſſit recipere ſellas, quot Sigma perſonas, fenestras è regione conditor binas conſinio camerae pendentis admouit, ut ſuſcipientium uſui fabreſactum lacunar aperiret.

Succendebatur Conclauē Sidonio, Hypocaustum Plinio coeteriſq. Fornaculam appellamus. Καίον enim incendere eſt; cuius vapor, & vaſaria ſuperimpoſita, & locum ad ſudationem calefaciebant, Eius os, Praefurnium. Tres de-

Calidarium. indè Cellae, Calidaria (*calidarum cella coctilium* Sidonio.)

Tepidarium. Tepidaria quae & Vnguentaria, & quae altercatione Epiſteti, Tepidaria Vnctuaria dicitur, Plinio Vnctorium, &

Frigidarium. Frigidaria quam piſcinalem cellam nominat Apollinaris in carminibus, & Piſcinam Plinius, quae ut Palladius docet in aeſtiuiſ Balneis lumen à Septétrione accipiat, & in Hiemalibus à meridie; Milliarium quoq; dicitur *μυλιάριον* Graecis, maximi aheni inſtar, ac teſtudinata ad circinum à mille

Lib. 10. Methodi. librarum capacitate, Vas in quo ſeruabatur aqua. Gale-
nus eas partes quatuor enūmetat, Calidarium, calidam lau-
ationem quam *λουδρον* vocat, Frigidam lauationem, &
quartam in qua ſudores detergeretur. In Frigidario aquae nullius mentio fit, quae in Frigida lauatiōe ſeruabatur.

Laconicum. Neq; in Calidario (quod à Vitruuio & Celſo Laconicum dicitur) aqua continebatur; ſed erat ad prouocandum ſudorem inſtitutū, quare Calida Sudatio à nonnullis ea cella, à Cicerone & Celſo, Aſſa nuncupatur, Clibanum quoq;

Aſſa. concamerata ſudatio haec erat, fornaculam habens, *κλιβα-
ρον* Graeci, *κρίβανον* Attici dicunt. Calidariū *πυριπτήριον* Graeci dicunt. Tepidarium, *βαπτιστήριον*. Huiuſmodi autem fiebat calida; *Vbi & vis feruentis undae per parietem foraminatum*

flexilis

flexilis plumbi meatibus &c. Sidonius. At Seneca; *Et impres-* *Epist. 90.*
fos parietibus utros, qui ima simul, & summa fouerent atquiter.
 Idemq. ad eam rem efficiendam scribit vti solitos Draconi-
 bus, Milliarijs, & quamplurimis formis in quibus aere re-
 nuui fistulas statuebant per decliuè circumdatas, vt saepè
 eundem ignem ambiens aqua per tantum flueret spacij,
 quantum efficiendo calori satis esset. Frigidam ità intrare;
 effluere calidam. Laconicus sudor in Vaporario elicieba-
 tur, quod exactè describit Vitruuius, qui Laconici curua-
 turam ad circinum extruxit. De eo sic Dio inter Agrippae
 opera, τοῦτο δὲ τὸ πυραστήριον τὸ Λακονικὸν κατασκευάσει; *Sudatorium*
Laconicum fecit. Idemq. Balneum idem auctor *γυμνασίων* ap-
 pellat, nam Lacedemonij nudari corpora, & inungi oleo
 praecipuè videbantur. Et quoniam vapore exhausti, mox
 peruncti frigida more Lacedemoniorum lauabantur, La-
 conicum est dictum. Martialis ad Oppianum,

Ritus si placeant tibi Laconum

Contentus potes ariolo vapore

Cruda Virgine, Martiaq. mergi.

Alcibiadem in ea re Plutarchus damnat. *Apodyterium*, *Apodyterium*
 pro exercitatoribus spoliandis communis locus, qui cum
 Laconico coniunctus erat. *Apodyterium* & *Tepidarium*
 idem esse aliqui arbitrantur. In *Sphaeristerio*, *Sphaeristerio*
 plura exer-
 citationum genera, vbi sacella aequis vndique spacijs sta-
 tuarum. Per Platanones patebat aditus ad natationem. *Platanones*,
 Xysti ex Platanis, id nominis addiderunt. Ibidem, *Palae-*
strae, *Porticus*, *Ephedra*, *Atria*, *Diaetae* sic dictae quòd
 in ijs per diem edebatur, ait Varro; apud Iurisconsultos,
Diaetae,
 habitationes amoenitatis causa in hortis exaedificatae.
Diaetas tamen *Hypocaustas* dicebant ad aliarum differen-
 tiam, quibus hieme utebantur. Quis numeret *Corycea*,
Conisteria, *Stadia*, *Theatridia* & coetera id genus? adeas
Andream Baccium, & *Hieronymum Mercurialem*. In La-
 bro tamen quod sibi parari scribit ad vxorem Cicero lau-
 bantur. *Tabrum*.

Zethae.

bantur. Pila quoque dicebatur, cuiusmodi Romae in Pantheo. Zethae, loca in aedibus erant ad omnem animi corporisq. voluptatem. Plinius iunior. *In capite Xysti deinceps Cryptoporticus horti Zeta est. Amores mei. reuera amores ipse posui. In hac Heliocaminus quidam, alia Xystum, alia mare, utraque Solis, cubiculum autem valuis, Cryptoporticum fenestra prospicit, mare contrà parietem medium Zeta per quam eleganter recedit. Idemq. alia epistola, Contrà medium serè porticum Zeta parum recedit. Cingit areolam quae quatuor platanis inumbratur. Inter has marmoreo labro aquae exundat circumiectasq. platanos, & subiecta platanis leni aspergine fouet. Est in hac Zeta dormitorium quod die clamorem somniumq. excludit.* Et cùm idem auctor in descriptione villae Laurétianae laudet Balnei cellam frigidariam, duo Baptisteria, Vinctuarium, Hypocaustum, Piscinam calidam, Zetas, Heliocaminum, & Stibaidum, hoc sanè non praetermitteremus. Est siquidem amoenitate vallatus locus, quem candido marmore Vite protegi idem scribit, & Vitem quatuor columellas Caristias subire, dùm è Stibadio aqua velut expressa cubantium pondere syphunculis effluebat. Cauato lapide suscipi, gracili marmore contineri, atque ità occultè temperari, vt impleat, nec redundarit. Στιβάδιον Graecis torulus ex herbis. & σίβαδοποιεῖν, ex gramine sibi lectum comparare. Quid igitur Balneis nobilius, magnificentius, voluptuosius? Nec ostia Balneorum praetereunda. Tertullianus libro de Idolatria, ostiorum Deos recensens, Cardeam à cardinibus, Forculum à foribus, Limentinum à Limine, Ianum à Ianua, & Apollinem Δυπαῖον, & Antelios daemones, ostiorum praesides, Balneorum quoque ostia adorari scribit, idemq. insculptos Genios & Lares.

Stibadium.

Balneorum ostia.

BALNEARVM MINISTERIA.

Cap. V.



PSYCHROLUTES vocabatur qui frigida corpus abluebat. Seneca; *Ab hac fagitatione magis quam exercitatione in frigidam descendi. Hoc apud me vocatur parum calida. Ille tantus Psychrolutes qui Calendis Ianuarijs in Euryppum saltabam, qui in anno nouo quemadmodum legere, scribere, dicere aliquid, suspicabar in Virginem desilire, primum ad Tiberim transfuli castra, deinde ad hoc solium, quod cum fortissimus sum, & omnia bona fide fiunt, Sol temperat. Non mihi multum ad Balneum superest.* *Psychrolutes. Epist. 83.*

FORNACATOR, Paulo Iurifconsulto, qui fornacem succendebat, cuius os Praefurnium Catoni. De fornace Vitruuius, Palladius, Constantinus & Sidonius. **MANCIPIA** lignorum, qui lignorum in thermas subuectionem curabant. In Codice Theodosiano, *Mancipia quae populo R. lauacris inseruiūt. Et Symmachus lib. 1. ep. 13. Quae vrenda lauacris ligna comportant. Et ne lignorum strues ad eum vsum congesta subriperetur Praefectus Urbis curabat. Quod ad ciuitatis gratiam acquirendam proponit Casiodorus, Si exhibitio salubriter accensa Thermarum rapinarum ardoribus non tepest. Dendrophoros hos diximus in Corporibus Puteolanis. ALIPTES, vnctor apud Coelium Aurelianum. Alipta, Ciceroni. **PILICREPV S**, qui pilas pice illitas in Vaporarium conijciebat vt incalesceret. In Isidori Glossis, Pilicrepus, Piliarius, Alipillus, qui alas depilabat. Papinius de Balneo Etrusci,*

Fornacator. Lib. 5. c. 11. Lib. 1. tit. 40. Lib. 2. c. 3. Mancipia.

Lib. 6. ep. 4.

*Quid nunc strata solo referam tabulata, crepantis
Auditura pilas ubi languidus ignis inerrat
Atq; debiles, & tenuem voluunt Hypocausta vaporem?*

AQVA RII, qui aquam spargebant lauantium corporibus. Aquam argenteis Epistomijs saepe effundebant.

Lib. 2. Flori-
dorum.

SYPPILONE S, qui Strigilibus corpora diftringebāt. AMPVLLA olearia, in qua oleum seruabatur quo se lauantes vngabant. Sic eam describit Apuleius, *Qui magno in coetu praedicauit, fabricatum semet sibi ampullam quoq; oleariam quam gestabat, lenticulari forma, tereti ambitu, pressula rotunditate.* GVTTVM, vel AMPVLLAM, ex osse Monocerotis habebant Imperatores, cum alij haberent è vitro, vel bubali cornu. Fundebant ex his olea Roseum, Liliacenum, Crocinum, & vnguenta Myrrhinum, Gleacium, Nardinum vel Spicarum, quod ad luxuriam potius quàm ad vtilitatem erat accommodatum. E floribus Populi, & oleo Sabino vnguentū citrà astrictionem tenuissimum erat. Laudat id Galenus, veluti vnguenta è Solis floribus, vt Camaemelinum ad omnes lassitudines. Erant & Diapasmata, sicci pulueres, qui deterfo sudore iniiciebantur. Et Psilothrum, Vnguentum depilatorium. PATINA, instrumentum quoque Balinei apud Iuvenalem, qui de patina Domitiani ait,

———— sed ex hoc

Tempore iam Caesar filij tua castra sequantur.

Velleius inter Tiberij sarcinas bello Germanico & Pannonico meminit, sed in vsum aegrotorum, non ad delicias Tiberij; *Iam medici (ait) iam apparatus, ubi iam in hoc solum importatum instrumentum Balinei, nullius non succurrit valetudini.* STRIGILES, quibus corpus fricabant. Quapropter semper simul Strigilis & Ampulla. Aristophanes à Suida citatus,

οὐδ' ἐστ' αὐτῇ στεγγίς, οὐδ' ἄλκυβος.

Lib. 4.

Et Iulius Pollux, *Τοῖς δὲ παρασίτοις πρόσκειται στεγγίς καὶ ἄλκυβος;* quasi vero parasitorum insignia fuerint qui ad Balneas, & conuiuia ventitabant. Strigiles aut è ferro, Plautus Stichos,

Rubiginosam Strigilem, Ampullam rubidam,

Parasitum inanem, quo recondas reliquias.

Lib. 12.

Aut ex arundine; *Καλαμίνας* Plutarchus vocat in Laconicis, quibus utebantur Lacedaemonij. Aut ex argento, quas

quas Aelianus Agrigentinis tribuit. Aut ex aere, aut ex Lib. 12.
ebore quorum meminit Strabo. SPONGIAE. Delica- Lib. 25.
tiores Romanos Strigilum loco Spongijs fuisse vfos Plinius
scribit, easq. purpura tingi solitas. Et Hippocrates libro
de morbis acutis; καὶ αὐτοῖς χεῖρας ἀντιελεγχίδας. LINTEA
quibus abstergebantur. Petronius, *Video Gitona cum linteis
& strigilibus parieti applicitū, tristem confusumq.* TINTIN-
NABVLVM; dictum quoque aes Thermanum, quo è
Gymnasio lauaturi vocabantur ad Thermas, inquit Coe-
lius Rhodiginus, Iuuenalis,

Tot pariter pelues, tot Tintinnabula dicas.

& Martialis; *Redde pilam, sonat aes Thermanum ludere pergis?
Vixit vis sola lotus abire domum.*

CAPSARIVS, qui seruandas in Balneis vestes susci-
piebat. De quo Paulus Iurisconsultus in Digestis, de Prae-
fecti Vigili officio loquens; *Aduersus Capsarios quoque qui
mercede seruanda vestimenta suscipiunt iudex est constitutus, ut
si quid in seruandis vestimentis fraudulentè admiserint, ipse co-
gnoscat.* QVADRANS, qui Balneatori soluebatur,
Iuuenalis.

Caedere Siluano porcum, quadrante lauari.

& Horatius *_____ dum tu quadrante lauatum
Rex ibis _____*

Quamobrem apud Senecam, non, *Res Quadratoria*, sed *Res quadra-*
Quadrantaria, legendum docet Rhodiginus. Sic Cicero in *toria.*
oratione pro M. Coelio; *Nisi fortè mulier potens quadranta-*
ria illa permutatione familiaris facta erat Balneatori; quaestum
ferè meretricium exprobrans Claudiae quae pro quadran- *Clodia meret-*
te cum Balneatore coiret. Et centum quadrantes, vel Spor- *trix.*
tula diuidebant diuites clientibus qui vnà lauabantur. *Lib. 1. ep. 60.*
Quod sic expressit Martialis,

Dat Romana mihi quadrantes sportula centum;

Inter delicias quid facit ista fames?

Redde Lupi nobis tenebrosaue Balnea Grylli;

Tam malè cum coenem, cur benè Flacce lauor?

Lupus & Gryllus Balnea habebant meritoria, pauperibus accommodata. Et sublati sportulis, idem doluit,

Centum miselli iam valent quadrantes

Anteambulonis congiarium lassi,

Quod diuidebat Balneator elixus,

Regis superbi sportulare resesserunt.

Baianam idem sportulam, optimam intelligit lauationem. BALNEATORES, Λουπηκόους appellat Xenophon, Hos non nisi seruos suos habuit Alexander Seuerus Persas Reges in ea re imitatus. Eosdem quoque aliquando fuisse Pancratiastas docet antiquus lapis in quo inter alia, *ἐν ἀρχῇ καὶ ἐν βαλάνιον τοῦ Σεβαστοῦ*, legimus, *Pontificem, & à Balneis Auguri.*

B A L N E A E, T H E R M A E

uarijs in locis. Cap. VI.



IN Isthmo Methana oppidum. Indè stadia fermè x x x. calidarum aquarum Balneae. Aquas eas è scatebris primùm erupisse aiunt Antigono Demetrij filio in Macedonibus regnante, ac prius repentinis ignibus eum locum aestuasse scribit Pausanias in Corinthiacis, & sua aetate etiam manare calidas & vehementer salsas. Ibi qui lauerint frigidis perfundi non possunt, quoniam neque dulces vllae propè sunt, neque potest quisquam sinè periculo se in proximū mare natandi causa mittere, tùm propter alias belluas, tùm verò canes, quorum copiam pelagus illud gignit. Ad Thermopilas Lamiacus sinus maximè coenosus est propter aquas calidas, quae indè in mare influunt. Idem in Atticis. Modico à Marathonijis campis interuallo mons est Panis, in quo specus, cuius est ingressus perangustus, vbi verò penetraueris, &

ris, & cellas videas, & lauacra. In Thermis Aetolicis comitia fuisse creādis magistratibus patrio more, scribit Strabo. *Lib. 10.* Suprà Amasenum agrum Thermae sunt Phazemonitarum admodum salubres. Idem. Sunt Astyra calidarum *Lib. 12.* aquarum Balneae contrà Lesbum, in eo vico qui Atarneus appellatur. vbi aquam nigram etiam commemorat Pausanias in Messenicis. idemq. sua aetate ad Puteolos (quod Tyrreni maris accolarum Dicaearchia Graecis dictum) scribit aquam existere tam acuto calore efferuescentem, vt intrā paucos annos plumbeos per quos fluit tubos resoluerit. Lebidorum Balneae hominibus salubres, & admirandae. Sua sunt etiam Teijs lauacra in monte Macria, partim elaborata è cauernoso saxo erumpentibus aquis, partim ad opum ostentationem exornata. Habent quoque Clazomenij lauacra. Adea Agamemnon colitur, ibidemque antrum Nymphae quae Pyrrhi mater dicitur. In Erithraeis est Chalcitis regio à qua tertia ipsorum tribus nominatur. Porrigit se ex Chalcitide in pelagus promontorium, in quo marinarum aquarum scatebrae Balneas efficiunt omnium quae in Ionia sunt aegris maximè vtilis. Iuxta Genesat Stagnum, aquas esse calidas refert Iosephus. *Lib. 18.* Athenaeus cum multarum aquarum mentionem fecisset, & Aegis in Cilicia, & Tragasis ad Larissam, & Troadis circà Magnesium, & eius quae in Melo, Lipara, & Prusa; & eius quae Olympo Mysiae adiacet, quam Regiam vocant, & eius quae in Asia circà Thralles quam dulcem scribit esse, tandem ait aquam quae ad Baias, Baianumque est sinum, bibi non posse. At verò cum infelices aquae sint ad Thermophilas quoniam maximè coenosae, & monstra varia gignunt; felicissimas aquas Baianas existimauerim, quippe nec vlla monstra generant, & dulcibus aquis quae erumpunt finitimae, & mari adeò puro, & tranquillo, vt nemo se in illud immittere, quamuis natandi imperitus, non exoptet. Plinius aquis Satyellis in Liguria, & Sextijs in Narbo-

Narbonensi prouincia Baianas praestantiores esse affirmat. Cum Baianis aquis cōferunt aliqui Helaene Balneas apud Corinthios, in quibus aqua quae in mare è saxo multa fluit & salsa, nihilo calidior est quàm quae igni primùm intepuerit. Alias quoque passim Corinthios habere scribit Pausanias publica pecunia extructas, & quas impensa sua Adrianus Imperator aedificauit. Thermas quoque Brigenses aiunt his non inferiores quas celebrat Munstherus interceptas montibus & flumine Rhodano. Sulphurea aqua est, quae externas in corpore plagas ex corrosione sanat, surdis auribus, spasmo, tumori, scabiosis, vlcerosis, & sterilibus feminis prodest. Aprili, Maio, Septembri, & Octobri vtuntur. Caueant qui febre laborant, & qui debili sunt capite, quique renes calidos habent. Thermas item Badenses in Heluetia, ad mulierum foecunditatem, ad neruorum vim languidam, ad lethargiam, apoplexiam, ad viscerum tormina accommodatæ. Tum autem ad lasciuiam, & amores, ad quos conciliandos superstitiosi, ignaui, nec Christiani homines ad eam confluunt; tantum diaboli valet industria, vt etiam in aquis medicatis venena infundat. Geppinenses quoque in Germania, quae hepatis obstructioni, & spleni medentur; hydropicos, & ictericos iuuant; tertianam expellunt. Aquae sunt amarae. Meminit Gregorius Nazyanzenus Balneorum Xausaridis quibus medicorum consilio sibi vtendum necesse erat, vt scribit ad Olympium. Meliorum Balneorum Galenus, apud quem etiam publica Balnea in ysu erant Antiochi Medici aetate. Et publicorum etiam dicebat curam habuisse Theodoritus Episcopus, ἐπεμελίσθη δὲ τοὺς αὐτῶν κοινῶν.

Epist. 77.

Balneae Italiae.

Aquae Patavinae.

Quid verò Italicas commemorem Balneas, ne Puteolanas tantum in ijs gloriam habere dicamus? Patauinas proponimus, Ebani, S. Petri, Domus nouae, Montis Grotti, S.

ti, S. Bartholomaei, S. Helenae, montis Orthoni, Portetae. Quae praefectò salsae, & aluminosae, cum aliqua aliquandò sulphuris, & cineris parte, bituminosae, asphalti naturam redolentes. Romandiolae quoque, S. Mariae, *Romandiolae.* vel de Turri apud Franciottum, De medio, Dominorum, sulphure, alumine, ferro, & aere participantes. Lucenses, de Corteno, Balneum rubeum, & de Villa, sulphureas, *Lucenses.* aluminosas, nitrosas, salgemmosas. Pisanae, S. Iuliani, *Pisanae.* vel Balneum vetus, Balneum sanorum, Balneum Reginae, Sauiae, Balneum magnum, aluminosas, vehementer sulphureas, frigidas & humidas aegritudines habētibus conferentes; in quibus macerrimus quidam propter debilitatem attractivae virtutis, cum hemorroidum fluxu curatus est; alius ex fluxu stomatico, alius ex fluxu hepatico, multi vero ex podagra. Vulterranae, quas plurimas scribunt *Vulterranae.* eadem minera participantes, multo scilicet alumine, & paucò sulphure, montis Groti aquis similes. Habet etiam ferreas, habetq. Lacones (lacus scilicet) in quibus maxima ebullitio cernitur, & maxima vaporum effusio, quibus ad superficiem corpuscula quaedam effunduntur, Aves praeteruolantes cadunt, atque illicò comburuntur. Senenses, in quibus Balneum de Petriolo, quod sulphuris *Senenses.* emittit odorem. sulphurea in superficie adest spuma, & quodam vinctuosum, quod in igne proiectum ardet, & alumine participat. Farinae, maximè calidum. De Cornetis, tepidum, remissumq. Caldenarum, ferreum & aluminosum, atque in sua caliditate temperatum. De Macerato, sulphureum maximè acutum. Rapolani, valde sulphureum. De Auinione, ferreum, aluminosum. S. Philippi, subtilioris substantiae. Aqua Borla Nitrosa, & solutiva. Viterbienses, quae decem praeclaris in Balneis existunt; De Grotta, aurei coloris, aurique vim tenere contendunt. Vallis Chaim, vel Dominarum, calidissimae; à mulieribus facilius tolerantur. Cruciatorum, sulphureae,

phureae, aluminosae . S. Mariae in Felice, sulphureae, ferreae ; leuissimae dederunt aquae suauium nomen . Prati, potu suauissimae, nec tamen plurimum sulphuris inest . Paganelli, nitrum, sal, & alumen habet . Asinellae, aeneae, non nimio sulphure participant . hydropi vehementer conferunt . Esculanæ, non nimis calidas, Veronenses, quae Calderianae dicuntur, easq. sua aetate repertas scribit Menghus . clarae sunt, frigidaeque in triplici minera, ferri, aluminis, salis constitutae ; ad fluxus hepaticos admirabiles . Urbis veteris, quae ciuitas nouem quoque Balnea celebrat . Della terra, vim habet expultricem, ideòq. lapides arenulasque explodit . Calidaiae, maximè calidum Ad scabiem . S. Mariae valdè calidum, & siccum . Caldagnae, calidum quoque & siccum ; aluminosum magis quam ferreum . Ficuncellae, in caliditate temperatum . Grotæ, ad lepram, scabiemq. S. Georgij, valdè siccum, vlcera antiqua consolidans . Poti, sudoris prouocatiuum . De Luto, ad crurium crassitiem tollendam . Accedunt Perusinae aquae, nigrae, & foetidae, in quibus sulphur, & asphaltum . Accedunt & Catinenses, quibus ad tamarisci paludem, ad podagram, & articulorum dolores rustici vtuntur . Aliae quoque, quae nouum Balneum dicuntur, Florentinorum vsui commodae . Ventrem soluunt, vomitum prouocant, renibus prosunt . Propter Aquas, quae ciuitas ad montem Ferratum posita est, duo sunt Balnea, articulorum dolorum vtilia . Ad Aquarium, quod Rhegio x xv. millia passuum abest, frigida scaturit aqua, odore suauis, quem ad Camphoræ odorem accedere aiunt . nitrosa, & salsa . Carpensia praeterea Balnea à brutis aquam bibentibus inuenta . Aliquid habent sulphuris & aluminis, quae exiccant renibus prosunt, & calefactae tollunt humiditates . Et Aponianae Patauinæ . Praeter alias quas Natura vbique peperit humanis necessitatibus consulens, vt cum terrae quoque venas vario mi-

rio minerarum pabulo enutrire voluerit, ex ijsdem saluberrima ad vitam propagandam medicamenta eliceret. Quaecunque tamen Thermae fuerint, quid cum Baianis?

*Nec si Baianis veniat nouus hospes ab oris
Talia despiciat. fas sit componere magnis
Parua*

*Statius in
Balneo Etrn
sci.*

C V R C A L I D A E A Q V A E,

& medicatae. Cap. VII.



Q V A S calidas à Solis radijs calefieri plerique censent. Alij, à vento vehementius in terrae viscera impulso, & quasi in carcerē detruso, quo postea in aquas incumbente, in ijsdem calorem excitari.

Maximum, dicunt alij, terrae inesse calorem, in ijs locis in quibus calidae reperiuntur. Alij tandem materiam ipsam per quam fluunt aquae, ipsis inferre calorem. Quorum facile opiniones refelluntur, cum ignem tantum, cuius vnus proprium est res in altissimo caloris gradu collocare, aquis calorem suppeditare dicemus.

Quod Vitruuius expressit; *Neque enim calidae aquae est ulla proprietas. Sed frigida aqua cum incidit percurrrens in ardentem locum, effervesceat, & per calascia egreditur per venas extraterram. ideo diutius non potest permanere, sed breui spacio fit frigida; namque si naturaliter esset calida, non refrigeraretur calor eius.* Et Manilius in Astronomicis.

Lib. 8. cap. 2.

*Sunt autem cunctis permixti partibus ignes,
Qui grauidas habitant fabricantes fulmina nubes,
Et penetrant terras, Aetnamq. imitantur Olympo,
Et calidas reddunt ipsis in fontibus undas.*

Illud in dubium aliqui reuocarunt, vtrum subiectus ignis canalibus aquarum eos calefaciat, an in suo canales ipsi

E

contineant

contineant ignem alueo ; quamobrem Empedocles sibi persuasit aquas subterraneas ignibus calefcere si subsint solo per quod ipsae praeterlabuntur, veluti ahenis suppositis ignibus quotidie aquas calefcere experimur . At quidem cum terrae canales non ex metallis consistant, sed ex saxis, & iam planè cognitum igne saxa perfringi, aquas tot saeculis calorem retinere haud potuissent . Hinc factum est vt ab Empedoclis sententia docti viri discederent, atque statuerent, spiritum feruentem qui ex occultis terrae incendijs, venisque oritur, per saxorum rimulas in canales aquarum ingressum, interiores eorum parietes calefacere . Sed nunquam tantum caloris à feruenti spiritu accipient aquae, cum ignis tantum illud efficere queat . Affirmandum itaque canales ignem in alueo continere, aquis perpetuum calorem praebentem.

Saepiùs tamen, ait Baccius, Graecos scriptores, cum Thermarum mentionem faciunt, spontè calidas nascentes intelligere . Atque has quidem vel actu & potentia esse calidas, veluti sulphureae, bituminosae & eiusmodi, quae tepentes sunt, calidae, & feruentes; vel calidas solum potentia, frigidas actu ex terra promanare . alias contrà calidas actu scaturire, calefaciendi tamen nullam habere virtutem, quas etiam neque medicatas, neque mixtas appellandas esse assererem . Rarissimae enim aquae sunt quae calidae scaturientes, non etiam & mixtae sint, & medicatae, quemadmodum etiam & mixtae & medicatae à natura raro reperiuntur quae frigidae sint omnino . Quae si aliquae frigidae emergunt, id potius accidit quòd per longum terrae locum ferantur vbi non subsunt ignes, & à terrae frigiditate contrariam accipiunt qualitatem .

Aquae ex mineris accipiunt qualitates.

Aquas verò medicatas, & minerales, & metallicas eas intelligimus, quae ex metallorum primis mineris suas vires habent, quae illorum prima sunt origo, & quasi foetus recens editus, hoc est immaturum metallum cum substantia

stantia liquida non dùm obdurata, & perfecta per metalli-
cam & corpoream coagulationem. Et huiusmodi optima
illa metalli pars quae subtilior est cum aquis illae permeā-
tibus commiscetur, & aquae dulces vim illam mineralem
accipientes, iam ijs copulantur. Ideoq. has aquas in Bal-
neis sulphuris substantiam continere, argenteas, ferreas,
bituminosas, aluminosas, nitrosas, salis partem habere di-
cimus. De quibus sic Plinius; *Emicant benignè passimq. in* Lib. 31.
plurimis terris medicatae aquae, alibi calidae; alibi frigidae, iun-
ctaeque naturae è cunctis animalium, hominum tantùm causa erū-
pentes. Nusquàm tamen largiùs, nec pluribus auxiliandi gene-
ribus, quam in Baiano sinu. Aliae sulphuris, aliae aluminis, aliae
salis, aliae nitri, aliae bituminis, nonnullae item acida, variaque
mixtura, & vapore quoque ipso aliquae proficientes Erant haec
sanè loca plurima, quorum instaurationem Federico Re-
gi Pontanus tribuit. Obruta tamen incendio & cinere.
Quae supersunt, ab Antonio Peronoto Cardinali aliqua
ex parte restituta. Calorem huiusmodi proposuit Pon-
tanus.

*Aquae Baia-
nae, coeteris
praestantiores.*

*Baiano sed ne fumare in littore thermas
Mirere, aut liquidis fluitare incendia venis;
Vulcani fora sulphureis incensa caminis
Ipsa mouent, latè multum tellure sub ima
Debacchari ignem, camposque exurere opertos.
Indè fluit calidum referens ex igne vaporem
Vnda fugax, tectis feruent & balnea flammis.*



BALNEAE VTRVM PROSINT

an noceant. Cap. VIII.

Lib. 3. c. 9.



LEMENS Alexandrinus in Pedagogia, quatuor ob causas ad Balneas homines accedere asserit; ob mundiciem, ob calorem, ob sanitatem, postremò ob voluptatem. Voluptatis lauacrum reiiciendum docet. Mundicie, mulieribus tantum conuenire.

Caloris causa lauari putidum esse, cum quod frigore horridum euaserit, possit aliter recreari. Quòd cum sanitatis tantum causa reliqua sit, nec eam amplectendam confirmat, quandò frequens earum usus vires adimit, naturalem roboris vehementiam dissoluit, & saepae ad animi deliquium deducit. Ideoq. veteribus Balneas ἀρροτογνασίας, hoc est, *fullonicas hominum infirmitas* esse dictas, cum antè tempus consenescere cogant. Ad stipulatur Plinius, qui ad pridianas ingurgitationes concoquendas balneas introductas scribit, & ita obedientissimos homines efferri ad sepulcrum. Satyricus Aquinas,

*Poena tamen praesens, cum tu deponis amictus
Turgidus, & crudum pauonem in Balnea portas.
Hinc subitae mortes, atque intestata senectus
It noua, nec tristis per cuncta fabula coenes.
Ducitur iratis plaudendum funus amicis.*

Et Columella; Mox deinde ut apti veniamus ad ganeas quotidianam cruditatem Lyconicis excoquimus.

Hippocrates (quòd febri laborantibus utilia esse Balnea aliqui contendebant) aliquibus assidue vtendum, aliquibus non item persuadet, in libro de victus ratione in morbis acutis; *λουτρὸν δὲ συχνοῖσι καὶ νοσημάτων ἀνήγοι ἀνὴρ χρωδύσειν, ἐς τὰ μὲν ξυμπεχίας ἐς τὰ δ' οὐ.* Minus aliquandò ijs esse vtendum subdidit, propterea quòd ad Balnea homines sunt imparati, quandò

quandò non quaeque domus necessaria habet instrumenta, nec ministros ad eam rem necessarios. Quòd si quis non benè lauerit, detrimenti plurimum accipiet; tùm præcipuè si Medici Balneorum virtutes ignorauerint. Et ad benè lauandum, tugurio fumum non habente opus esse scribit, & aqua larga, & balneo multo, & non valdè largè effuso. Defricationem abesse. Si quis verò defricetur calido vtendum esse ipso defricatorio medicamento; multa insuper aqua & citò perfundendum. Breui quoque via ad Labrum opus esse, quò facilis descensus pateat, facilisque indè exitus. In eo qui lauatur, laudat moderationem & silentium, nihilq. ipsum operari iubet, at coeteros perfundere, & defricare; spongiarum item parari pro strigili, & non valdè siccum corpus inungi. Tandem magnam lauationis partem aegro tribuit, si sanus Balnei fuerit amans, & lauari aduersus; tunc enim magis appetit, & lotus vtilitatis sibi plurimum afferri sentiet; sin secus, laedetur. Peripneumonij verò magis quàm ardentibus febribus conuenire affirmat, ἀρμίζει ὅτι ἐν ἀεὶ πλεονασμοῖσι μάλλον ἢ ἐν καύσσοις τοσπύταν.

Eorum deindè vtilitatem eiusmodi commemorat, vt dolorem lateris, pectoris, ac dorsi leniant, sputum maturum faciant, & educant, spirationem facilem reddant, lassitudinem expellant, dùm articulos, & cutis superficiem molliunt; sed vrinam etiam cient, capitis grauitatem soluunt, & nares humectant. Vt tamen rectè lauetur, caput resiccatum expetit, vt sponsia extergeatur; neque perfrigerari caput iubet, neque extremas partes. Neque Balneo adhibendum qui recens potum, aut sorbitionem sumpserit; neque mox post Balneum sorbendum, aut bibendum.

Minimè tempestiuè dicit eos lauare quibus alius in morbis liquidior iusto est; itemq. eos quibus plus iusto adstricta. Debilitatos quoque, & ex ciborum fastidio nauseantes, aut vomentes, aut biliosum eructantes, vel eos quibus sanguis è naribus erumpit. Eos qui Balneo delectan-

tur,

putridis quantum possibile est. Galenus ad Glauconem, ijs qui ex multitudine laborant, membra quamplurimum fricare non oportere docet; à vino & cibis abstinendum, & Balneis etiam si febricitauerint. Quae ad putridas febres referuntur, idem quippe Galenus 10. lib. Therapeutices scribit eos qui hectica febre laborant, & qui iam marasmodò feбриunt, modò ijs nulla febris, nec ex putrescente humore, nec ex phlegmone sit adiuncta, audacter esse lauandos. Ergò si ex putrescente humore fuerit, lauare ex eius sententia non expedit, cum vires exhauriat Balneum sensibili caliditate, febrim, viscerumq. aestum intendat, humores agitet, abscessuum causa sit, frigiditate essentiali, calorem naturalem perdat, humiditate etiam obstruat, augeatque putredinem.

Alij contrà Balneum paratum ex aqua potabili ad tuendam bonam valetudinem esse summum praesidium dixerunt, siue compositum, siue simplex. Et intemperiei absque materia calidae affirmarunt Balneum mederi sensibilter frigidum, frigidae calidum, Aneti, Camomeli & similium virtute recepta, siccae tepidum, humidae calidum, quae omnia in balneis reperiuntur. Dixerunt praeterea morbos declinare materiales, humores absumere, & destruere, & cohibitam transpirationem cutim referantem, tollere. Et calidum praecipue Balneum obstructionem referare, fuliginosum, fumidum, atque acre excernere, crudum concoquere, idemque concoctum exhaurire. Quod si Galenus in febribus humore existente crudo interdicit Balneo; huiusmodi cruditatem dicunt habere gradus, eumque de maxima cruditate intelligere, quae Balnei caliditate concoqui non potest; & acerbiores succos Balneo ad maturitatem deduci posse, medico tuente sanitatem, idque dixisse ipsum Galenum lib. 3. de sanitate tuenda; *Si probe Balneum adhibeas, ipsum quoque apoteraphiae pars est, si quidem duras densasque partes emollit, excrementum putreq. si quod in-*
tus ad

tus ad cutem haeret . euocat . Idcirco aquarum qualitates esse animaduertendas, nam dulcium calefactarum aquarum, si media temperie fuerint, vis calida & humida est, si tepidiores, humida & frigida; si iusto calidiores, calida quidem, sed non perinde humida.

Dicebat itaque Ioannes Franciscus Brancaleo Neapolitanus medicus in ea disceptatione, quae coram Paulo III. Pontifice morbo affecto habita est, duo potissimum consideranda ijs qui huiusmodi affectionibus afferrent medicinam, percoctionem crudorum quas ante sanguinis perfectionem fuerint, & educationem acrium & mordaciū quae secunda sunt, & sanguine posteriora. Abstinerere eos conueniat ab omni valido motu, blādè vnctos atque oleo perfrictos perfrictos perquàm suauī lauare Balneo; indè in ocio esse atque etiam somno si fieri possit. Et addit; *Cum igitur primo die experti an facile finita lassitudo sit. similiter grauatum hominem cernimus, tū mittendus in Balneum est etiam secundo die; tū quiete, abstinentiaq. habendus. a quē verò & si iterum & tertio oportere videris, itidem ieiunium lauabis quietem & somnum ipsi lauationibus interponens.* Atque vt antiquorum in Balneis vsū, praeter febres, laudaret, Hippocratis affert auctoritatem qui scribit dulcem aquam madefacere & refrigerare, cū corpus humidum reddat; calida Balnea ieiunum emaciare, & non lauari nec vngi, humido consumpto siccare. Et cū Balnea varias morborum affectiones curauerint, non esse summum Imperatorum in Balneis studium admirandum.

Cardanus distinguit Balneorum aquas in calidam, tepidam, temperatam, frigidam. Balnea è calida aqua beneuolentibus nihil prodesse asserit, ne quisquam cupiat elixari. Tepida dissoluere vires scribit, & corpus labefactare. Frigida verò gratiora esse, eiusque vsū antiquis illis qui more belluarum vivebant, peculiarem fuisse, quos iuuabat ficcis frondibus se detergere, & mundioribus inuoluerē, Cū postea ad humaniorem cultum essent mortales redacti,

Ati, Balneorum vsum adeo creuisse, vt nihil esse tota Italia
Thermarum nomine vulgarius. Temperati Balnei com-
moda ex Galeno profert qui 8.lib. artis curandi ait, Balnea
aperire poros, sudorem prolicere, sitim sedare, somnum
prouocare, mundare atque purgare cutim, sordemq. om-
nem ex illa detergere, humectare corpus, adiuuare coctio-
nem tertiam, corpus impinguare, gracilibus prodesse, &
claram vocem efficere. Et praeter vsum quem praestant in
morbis, de tuenda tantum sanitate loquutas, ait iuuenem
exercitatum iam parum, Balneo parum indigere, vt qui ex
mediocri exercitatione & apotherapia omnia iam sit con-
sequutus; si tamen commodè ipsum adhibeas, duras, ten-
sasque partes mollire, excrementum, si quod erit, ad cu-
tim reuocare. Et cum commendasset Balneum tres ob cau-
sas, quòd os siccum humidum reddat, sitim extinguat, &
corpus calidum & arefactum temperet, mox quid obsit te-
statur. Insuetis persaepe grauius nocet. Et vt in fluxioni-
bus ad ventrem est vtilissimum, sic etiam sanguinis fluxum
grauiter irritat. Nocet Plethoricis, & crudis, & vterum
ferentibus. Dissoluit vires, effeminat homines, nocet in-
flammationi, erisipelati; putredini obstat, gignit, & au-
get. Neque lauari debent qui destillatione aut grauedine,
aut capitis dolore ex ardore, neque syncope ex cruditati-
bus laborant.

Frigidam natationem idem scribit corpus corroborare,
& caput, & calorem naturalem confirmare, sitim sedare,
ciborum appetitum excitare, calorem externum tollere,
renibus, & vesicae conferre, refrigerare, & simul aut sub-
stantia aut facultate humectare. Ex accidenti verò calefa-
cere, calorem intrò repulso, & in vnum coacto, & propte-
rea vehementiore facto quippe cutim adstringit, ac densat,
& sic periclitantem nimia exhalatione innati caloris sub-
stantiam reprimat, & vires adauget, nec ab estrinsecus ad-
uenientibus tam facillè laeditur. Sed antequàm quis frigi-

da lauerit cauere debet ne corpus plethoricū, aut cacochimum sit. In plethorico, humores crudos intus premit, & conculcat. In cacochimo, fuliginosos vapores includit. Iuuenis praeterea sit destillationibus non obnoxius, qui bene dormiat, nec angatur curis. At nec lauetur pleno ventriculo, nec post Venerem. Probare ait Galenum post calidum, Balneum frigidum iuuare. temperatè tamen frigidum, non niuem quam dicebat Hippocrates. Aestatis tempore, & sub vmbra frigidam laudat lauationem. Quae omnia ad medicorum diligentiam reijcimus, dum tamen non aegros ad Balnea compellant, cum medicamentorum amiserint disciplinam.

*BALNEAE NEAPOLITANAE,
Puteolanae, Baianae, Pithecusanae. Cap. IX.*

Lib. 55.



IRIPLICI ordine has Balneas distinximus, vt Neapolitanas, praeter illas quas Strabo commemorat, atque aquas non inferiores Neapolim habuisse Baianis, & Balnearum regiones in eadem ciuitate sub Graecis Imperatoribus leguntur, eas intelligam, quae extra cryptam, Balneolum vsque continentur. Eas inquam quae in ijs locis reliquae extant. Puteolanas quae indè ad Tritulum. Baianas, quae Misenum vsque reperiuntur. Ordo verò hic est;

Sudatorium S. Germani.

Neapoli Puteolos discedentibus, post cryptam quae in Pausilypano colle est, ad dexteram Agnanus lacus occurrit, circularis, collibus vndique conclusus. Per apertum ferro montem immensae maris vndae, excisi rupiū parietes, cauiq.

cauiq. specus ad piscium stabula, atque recessus facti, limo nunc & arenis oppleti. Ranis nunc & serpentibus domicilium, quorum globi verno tempore è summis rupibus in aquas prouoluuntur, aquaticis auibus esca. Qua propter nulla ibi piscium societas. Linis maturandis aptissimus. Mons Spina paulò suprà sentibus, & viperis redundans, squalore erat obsitus. Ad cultum paucos ab hinc annos redactus, inter hortos Neapolitanos numeratur, & eodem pacto quo Neapolitani, accolae immunes habentur. Ad lacus oram cellae sudatoriae concameratae sunt, sub quibus è solo calidi vehementer erumpunt vapores, vt si quis vel nudus introierit, repentè quàm maximos sentit è corpore sudores effundi. Hinc loco nomen datum. Conferunt haec vaporaria plurimùm podagricis. Noxios ac nimios humores eliciunt. Vlcera interiora sanant, & ad multiplices corporum morbos valent.

S. Germani & Paschasij historiã ex D. Gregorio adscribam ad suffragia pro defunëtis contra haereticorum deprauatam opinionem commendanda; *Cùm ad huc effem iuuenculus (inquit) & in laico habitu constitutus, narrari à maioribus audiui quod Paschasius huius sedis Apostolicae Diaconus mirae sanctitatis vir fuerit, elemosynarum operibus maximè vacans, cultor pauperum, & contemptor sui. Post multum tempus mortis eius Germano Episcopo Capuano medici dictauerant pro salute corporis, vt in thermis angularibus lauari debuisset, Qui ingressus easdem thermas, praedictum Paschasium stantem, & obsequentem in caloribus inuenit. Quo viso vehementer extimuit, & quid illic tantus vir faceret inquisiuit. Cui respondit, Quod nulla alia causa in hoc loco poenali sum deputatus, nisi quia in parte Laurentij contrà Symmachum in Pontificatu sensi. Sed quaeſo pro me Dominum deprecare, atque in hoc cognosces quod sis exauditus, si huc rediens me non inueneris. Quòd post paucos dies ita factum est.*

Lib. 4. Dial.
cap. 40.

Cùm de Paschasio in poenis mancipato loquitur Illustris. Baronius verba Gregorij; *In sua tamen sententia usque ad diem sui exitus perstitit, declarans, ait exclusiuè illud esse intelligendum. Etenim omnium est receptum assensu,*

6. Tomo An.
narium.

non posse in coelum admitti, qui in terra se ab Ecclesia separavit. Grauis illa quidem Paschasij culpa fuit quòd post receptum à Sancta Synodo Symmachum in Romanum Pontificem, ei minimè communicare voluerit; venia tamen factus dignus, cùm in exitu ipso, facti poenituerit. Textus praeterea quem idem citat, *In Angularis Thermis*, habet. Melior lectio quàm, *In Angularibus*. Non longè à Sudatorio antrum est, cui Canes dedere nomen, quos cùm in antrum iniiciant, moribundi extrahuntur, & in lacum immissi ad vitam illicò reuocantur. Pestiferae indè erumpunt exhalationes. Os Plutonium ad Hierapolim commemorat Strabo, & specus Corycium & Typhoniaei, Pomponius Mela. Pontanus ad Massicos montes quid simile narrat.

Balneum Bullae.

Praeter hunc Lacum Bulla est, quasi aqua bulliens, ob Soli feruidi naturam, in quo effossa scrobe, & aqua superinfusa frigida, mox concalescit, & sulphuream virtutè adipiscitur. Aërem aquae densa caligine obnubilant, quã obrem nullas ibi aues videre licet. Ad quartum caliditatis gradum eas accedere medici dicunt, quae deductae ad priuatos vsus in Balneis, mirificè frigidis omnibus capitis morbis, & articulorum opitulantur. Subtilis tamen cùm sint essentiae, ac digerentis facultatis, eas nitri, atque aeris obtinere mixturam coniiciunt, idcirco auribus, & oculis mederi, nutritoria instrumenta corroborare, splenem attenuare, vterum flatibus discussis abstergere. Eadem alienam aquam ibi calefactam virtute loci efficere animaduenerunt. Mederi praecipuè oculis hasce aquas scribunt, easq. cum ijs connumerant, quae S. Anastasiae, Iuncariae, Petrae, plagae Romanae in Aenaria dicuntur; tùm verò cum Sudatorio in Minio Hispaniae fluuiio, cum scopuli aquis Viterbiensibus, & cum ijs quae ad Viuares in Delphi-

Delphinatu, atque ijs quae de Trigorio in via Ostiensi dicuntur. Addit & Solini fontes in Sardinia, & Bracculas aquas Baijs, oculorum nebulis percommodas.

Astruni.

Cùm ad Septentriones perrexeris, mirabilis efficaciae lauacrum occurret, quod à Strunis nomen accepisse scribit auctor is qui ad Federicum opus scripsit de Balneis. Astranam vocat Sauanarola, & Strumam Vgolinus. Asturium appellandum potius aliqui censent ab earum aujum venatione. Sex millium ferrè passuum circulo locus inter montes circumscribitur, inter quos peramoena vallis est quae paulatim ad mille passuum latitudinē cogitur vt Amphitheatrum repraesentet. Siluae ceruorum, & aprorum greges alunt, volatiliū praesertim maximam copiam. Regiae venationi locus dicatus est, & praefectus hac de causa constitutus. Ferunt Reges Neapolitanos ibi venatoria spectacula edidisse inspectantibus è iugis collium ciuibus. Memorabile illud narrant quod ab Alphonso Rege est editum, collocata nepte Heleonora Federico III. Germanorum Imperatori, cui cum tota ferè Germana nobilitate interfuit, compluribus etiam cum Hispanis Principibus qui Heleonoram ex Hispania deduxerant. Exhibita tunc venatio fixis ad Agnanam paludem tentorijs. Fontes è vario vini genere constituti, mensae appatae, in quibus ad xxx. millia hominum discubuerunt. Solem in hoc magnificentiae genere nihil quicquam vidisse magnificentius, asserit Pontanus. Spiritus ibi semper sulphureus, & calidae passim scatentes aquae. Aliquae adeò temperatae, vt neque in potionibus medicatis incommodae habeantur. Ventriculo auxiliantur, pectus leniunt, appetentiā excitant. Dentibus, faucibus, voci, capiti, & omni rheumatum generi, siccando, digerendo, corroborando, sunt adiumento. Nitrata, aerata, sulphurea, mate-

*Lib. de ma.
gnif. c. 16.*

materiam obtinere optimi medici arbitrantur . Mengus etiam alumine constare asserit . Oculorum suffusionibus non adeò Hypochrysi confirmata potus auxiliatur . Cum Duccia S. Philippi, & Badenia in Helueticis, tum Grotta Viterbiensi ea in re conuenire eas aquas scribunt . Ebibitum Balneum Anginas, & Pleuritides arcet . Frequentis vsus praeter coeteras Puteolanas Balneas habentur, nam praeteriti incendij minore calamitate affectae sunt, & integram suarum aquarum naturam retinent . Vere, aestate ineunte, & autumnii parte vtilēs .

Foris cryptae .

Retrogrediendum est, vt rectà deindè incedamus, & litoris oram perlustremus . Triptam hoc lauacrum vocat Sauanarola, re tamen ipsa à crypta Pausylipana nomen accepit, ex qua cùm egressus fueris, ad maris oram occurrit . Apud Elisum ex Sauanarola aqua haec potu, & operatione dulcissima est, ignitos artus refrigerat, desiccata febribus membra rigat, pulmonem laesum, iecur, pectus sanat . Debilitatē stomachi tollit, sed nocet hydropicis . Ad tussim, vtilissima . Aufertq. cutis infectiones .

Iuncariae .

Iuncariam, Deiuncaram vocat Sauanarola, confortare ait stomachum & haepar, pectus lenire, letificare animum, gaudia inducere, suspiria tollere, alacres in muliere efficere vires, renes confortare, excitare coitum; sed haecticas primae & secundae speciei iuuare, non credit . Giuncaram, & Vincaram Franciottus . Iuncaram, auctor Balneorum . Eius mineram nitrum, ferrum, & aurum arbitratur Menghus . A iuncis ibi nascentibus nomen habet . Potu haec aqua impinguat, viribus tamen non languidis . Venerem iuuat, renes confortat, & chronicas febres decernit . Pectus roborare ait Vgolinus eas sequens, exicationis

cationis causam remouere, & inter coeteras esse saluberri-
mas. Inter portulentas aquas numerantur.

Balneolum, vel plagae.

Balneolum ab Elisio in radice Olibani montis, quā
Nesidem protenditur versus, describitur; *Sed tanta virtutis,
& efficaciae eius praestantia, ut infirmus non solum aquam ibi,
sed Deum adesse putet.* Caput, stomachum, & coetera mem-
bra confortat, oculorum nebulam fugat, consumptos &
debilitatos reficit, quartanae cōtinuae & quotidianae ma-
teriam destruit, à doloribus ex quocunque morbo vel fe-
bre praecedentibus liberat. Olibanus verò ad Puteolos
mons est ex praedura silice (saxa hodie appellant) in fum-
ma omnium rerum sterilitate constitutus, quapropter, ἄλος
βάρος, totus sterilis, dicitur. Hunc montem à Caio excisum
ad Italiae vias silice sternendas aliqui dixerunt, nam Sue-
tonius dixit; *Iactae moles infesto ac profundo mari, excisae ru-
pes durissimi silicis, & campi montibus aggere aequati, &c.* Eli-
ciuntur nunc indè Pontonibus saxa ad molem Neapolita-
nam vndique firmandam, ne maris aestu, & fluctuum im-
petu labefactetur, & ad vias ciuitatis sternendas.

*Mons Oliba-
nus.*

Cap. 37.

Petrae.

In extremo hoc littore Petrae est lauacrum. Ab effectu
nomen inditum, calculum enim frangit, & educit arenu-
las. Caput à doloribus liberare scribunt, detergere ocu-
los, auribus auditum praestare, cōrdi & pectori opitulari.
Eius aquae potus interiora expurgat. Nitrosa est. idcirco
laudatur ad internas & calidas affectiones hepatis, renum,
vteri, vesicae, ut aqua portulenta, & remissae admodum
caliditatis, & mediocriter digerentis facultatis. Qualis
etiam superior Plagae aqua, Tritulae, & aliae. Idcirco
represso per Balneum temperatum (inquit Baccius) fer-
uore visceris, phlegmonae arcentur, abscessus, caufones,
aliaque

aliaque pernicioſa vitia . valere item in febribus cum Plagae aquis & Tritulae , ſed pituitofis .

Subſidij hominum .

Sic appellat Franciottus , quod vulgus , *Zuppa d'buomini* . Mengo nitroſum & ferrugineum eſt . Vgolino cauſas frigidas remouet , pectoris defectum tollit , & conſert articulis . Obſtructae ibi aquarum venae ſunt fonte relicto , quae tamen ſub arena infra cryptam & mare perquiruntur Maximam ijs medici tribuunt ſalubritatem , ex qua nominis emanat ſignificatio , mirum enim in modum aegrotis ſubuenire dicuntur . Ad podagram plurimum valere ſcribit Altimar . Eliſius , tumidi ventris onera deponere , omnemque doloris ſpeciem auferre . Debilitatis tamen reſtaurationem praeclarè lauantes adipiſcuntur .

Orthodonici .

In Olibani radicibus in Puteolani Epifcopi hortis lauacrum eſt ad quod per multos gradus deſcenditur , quapropter flante Aſtro calor intus inclufus , exhalationis expers , intrantes enecat . Graue ibi proſecto olens ſpiritus , & Mephitis . Auditas ibi aliquandò lugentium voces ſaepe mihi aſſeruit Leonardus Vairus Epifcopus . Aqua tamen educta corpora febribus conſumpta reſtaurat , ſtomachi nauſeam expellit , ephemerās & errantes febres tollit , & maxime ad phthiſim paratas . Ad ſudationes , & in Balneis ſumitur .

Calaturae .

Celaturam Franciottus , Collaturam Vgolinus , Calaturam vulgus . Deſcendit aqua ex rupis latere , quae turpes ex ore notas remouet , ſtomacho ſubuenit , tuſſim fugat , praeteritas crapula ſdigerit , mentem corroborat , cor laetificat .

S. Anastasiae.

Ad monasterium S. Anastasiae defossa scrobe in arena ipsa littoris, aqua erumpit clara, ad arenulas detrudendas, & calculos confringendos aptissima. Habet cum proximis aquis aliquam aeris simul cum nitro portionem, atque idcirco oculorum caligini & suffusionibus medetur. Franciottus Anastasij nominat. Olim hic erat Adiutorij Balneum.

Cantarelli.

Cantarelli Balneum (inquit Baccius) à *Canthari forma per quam fluit, dictum perbibetur*. Cuius cum primaria olim esset gloria in Puteolanis utpotè quòd mirandis modis tum occulta persanaret vlcera, tum ossium quoque fragmenta, quae opere indigerent chyrurgico, extraheret, immò fluentem vndique sanguinem supprimeret, vterumque ferentes summopere iuaret, coeterum post incendium ad Tripergulas cui vicinum id Balneum extiterat, pluri ex parte submersum cinerem, nec satis post aliquam adhibitam operam restitutum, tota iam laus in Aenariae Balneis defluxit, quae tam genere, quàm copia, & foelici vsu praesertim Gurgitelli ac Furnelli aquae praestantes, similes, ac maiores etiam obtinent facultates. Quamobrem non desunt qui hisce & Cantarellis, occultam proprietatem è benigno quopiam coelesti aspectu tribuant. Ferri & Magnetis habet operationes.

Fontanae.

Aretinus haud longius à sua aetate repertas aquas scribit. Formam, alio nomine dixerunt. Nitrata in ijs & bituminosa mixtura, & inter suaues annumeratae, hoc est quae vel odore, vel sapore nullam praeseferunt insuauitatem, sed quae dulcibus non sunt comparandae velut etiam Iuncaria, aliaeque. Balneac in Puteolano, & Baiano. Proprietates his carminibus describit Lombardus.

*Fert somnum, ventrem reddit fluxumq. soporem
 Conciliat pueris, lac citò multiplicat.
 Saxa mollificas, renes expurgat arena,
 Cuncta luacra super, nausea fit procul bine.
 Vesicam referat, lapidem frangitq. potenter;
 Affectis podagra, vulneribq. nocet.*

Ciceronis, vel Prati.

De Prata, vulgò aquae dicuntur. Opus Ciceronis creditur in Academia extructum. Spontè tamen ibi nascentibus aquis. Diuus Gregorius libro 1. Dialogorum meminit monasterij quod Balneum Ciceronis vocabatur. Eas verò aquas, quòd oculis medicinam afferunt aeratas arbitratur esse Georgius Agricola. Ad lippitudinem mirum in modum celebratae. Conferunt etiam viscerum torminibus. Sed totum ferè corpus languidum restaurant. Ob illud iuuandi oculos experimentū, arbitrantur aliqui aquas Cadmia participare, quae in Cumano agro naturalis est, Dioscoride auctore, ac in Baiano. Quippe ibi quoque Chalcitis, Myfi, Sori, Melanteria, Chalcantum; *ἡ δὲ ἐν τῇ Κύμῳ λίθος διαρκέμερος* (inquit)

Arcus.

In sinistra Auerni lacus parte, in qua Balnearum copia cernitur (decem commemorat Aretinus) ab aedificij forma, Balnea Arcus nuncupatur. Consumptos corporis artus restaurat, corpori robora addit, ventrem exonerat, pelli cutim restituit, stomacho praesto est, & interiora omnia iuuat. Caueant splene & iecore laborantes.

Rainerij.

Ab inuentore haec aqua nomen accepit. In Tripergulis collocat Aretinus. Aquas tamen etiam Trituli ad sanitatem exposcit. Scabiem & impetiginem sanat, putridum corpus

corpus mundat, restaurat cutim, leprosis prodest, inquit Elisius. Salsi phlegmatos hostis aqua est.

Tripergulae.

Vgolinus totius corporis debilitatem, & segnitiem auferre dicit, superfluumq. dolorem pellere. Elisius, mentis defectum auferre scribit, alleuiare corpus, cor exhilarare, membrorum profugare onera, stomachi varios dolores arcere, pedum grauitatem remouere, symptomata explodere. Balneum vetus dicitur.

S. Nicolai.

Elisius; *Omnia Balnea potentes, aut magis solliciti occupant; hoc solum mirifici Confessoris pauperibus subuenit, & ideo S. Nicolai dicitur. Haec aqua ab alijs descripta non est, nec ab intelligentibus satis experta. quantum tamen compertum habeo, debiles fouet, consumptos reficiat, stomachum conformat, & vires reparat.* Lombardus.

Infirmos refouet, consumptis praestat opemq.

Confirmat stomachum robur aqua haec reparat.

Scrophae.

Vnda mirabilis (inquit Elisius) Sic dicta, vel quod scrophulas sanat, quod Christianissimorum tantum Gallorum Regnum sputo tribuunt; vel quod scropham in ea volutari viderint. Scabiosis & leprosis prodest, impetigines sanat, ventris sarcinam, & pondus deponit. Articulos iuuat. Lombardus;

Isic latex dictus sic est, quia χοιπάδας aufert,

Aut vnda hac volui scropham reperta quod est.

Leprosi prodest; scabiem (mirabile dictu)

Salsi Lichenas phlegmate purgat aqua haec.

Articulis confert, deponit pondera ventris,

Nodosae eximium pharmon est podagrae.

*Vteris his scrophae quicunque salubribus vndis
Cum tumidis vites falsa leguminibus.*

S. Luciae .

Quòd oculis aquae S. Luciae subueniunt, id nominis sibi compararunt . Suffusiones oculorum recentes, & nebulas destruunt . Et quamuis Elifius scribat , has aquas aliquandò caecos illuminasse; neminem tamen id vidisse scio. Articulorum & capitis dolores pellunt . Surdis maximo sunt adiumento.

Arculi, vel S. Mariae .

Huius etiam nominis aquae ad Παλαιόπολιν, Romandiolam, Senas, Viterbium, & Flaminiam . Quae non minus frigidum caput calefaciunt, quam Porrectae aquae ad Bononiam . Aedificium lauacro nomen dedit . Hepar calidum aptat (ait Elifius) à nimia frigiditate, ac rheumate absoluit, oculos ab ophthalmia seruat, stomachum roborat, somnum nimium, superfluamq. vigiliam propellit, aureamque mediocritatem inducit .

S. Crucis .

Ea quae in hac aqua miracula enumerat Elifius, hoc sanè tempore minimè cernimus, ait enim quamplurimis id euenisse vt alienis brachijs & pedibus huc adducti, vel baculis nitentes, sanos deindè, & nullius auxilij indigentes discesse . Omnes contractiones, etiam ex vulnere, nervis, aut iuncturis oblaesis mirificè iuvat; ob quam proprietatem ad peduum ac manuum vulnera & distentiones quas sanat artuum nomen & insignia obtinet S. Crucis . Viscerum insuper, ac ventris inflationes, testiculorum tumores prohibet, podagram discutit, omnium tandem valdè Sulphurearum vtilitatem praebet. Hydropicos, & Hypochondriacos mirificè iuvat. Phlegma extrudit. A podagra liberat.

berat. Crassam ablegat pituitam. Maxima cum voluntate ijs aquis aegri vtuntur. Quòd si ad corroborandum ventericulum, calidis intemperantijs succurrendum est per Balnea quae modicum refrigerent, reprimuntq. astrictoria facultate per initia, potus aquae S. Crucis aptissimus habetur, velut aqua in Villa Lucae, & Porretanae.

Subcellarij.

In Auerno ad Cumanae Sibyllae antrum (vt vocant) Subcellariae aquae sunt, quasi ex cella emanantes, dulces, lucidae, & quas coeteris Baianis aquis antecellere medici existimant. Vgolinus Suttillarium vocat. Vulgus *Scaffa budello*. Decocti caponis iuris habet saporem. Capillos prolixos facit (ait Elisius) labia sanat, dentes & gingiuas mundificat, lentiginem, & scabiem remouet; pulmوني, iecori, spleni, medetur; ardorem & pondus vesicae soluit, vrinam prouocat, arenulas eijcit, quartanam quotidianam, & tepidas febres sanat, tussim tollit, praecipue verò stomachum confortat, torumque corpus exhilarat. Post longas febres, & in Phtificis & Hecticis nondum exhaustis, aliquot medici ex medicatis aquis laudant infusus, non febris ratione, cui plerique quoque aiunt naturales Balneas aduersari, sed ad conciliandum robur stomacho, hepati, alijsque nutritorijs, quod in longissimis morbis potissimum primò quaeritur. Ad eam rem maximè eas aquas comprobarunt, quae mediocriter calidae sunt, nec vltra primum gradum siccantes inter quas Petra, Plaga, Iuncaria, & haec Subcellaria ad Baias probantur, quae sanis conueniunt, nec admodum qualitate excedunt temperatas ac dulces.

Ferri.

Ferri mineram, scribit Plinius, metallorum omnium esse largissimam, & vbique propemodum reperiri. Ferè semper ali-

per aliquid ferrugineae naturae cum coeteris mineris in hisce aquis reperitur. Sed potissimum in hoc lauacro, quod ferri colorem referre videtur. Idcirco oculos, aures, caput mirificè inuat, soluitque Hemicraneas affectiones. Aqua ebibita iecori, spleni, ventriculo, renibus, vtero, omnibus interaneis vitijs, à relaxatione ortis, opitulatur. Ex aliqua bituminis participatione pulmone confert. Siccat, abstergit, roborat. Quod si aqua Plagae Romanae quae in Aenaria est (cuius fontes maximo cum labore, & maxima cum aegrotantium vtilitate aperuit Iulius Iasolinus nostra hac aetate medicus celeberrimus) cum ferreae sit minerae, & ferruginei coloris, phlegma falsum deijcit, sanguinem & pruritum oculorum tollit, lacrimas inhibet, gingivas exasas sanat, dentes firmat, ossium fracturas firmat, & fluxiones sistit; eadem profecto aquas has Baianas effecturas non vereor.

Palumbariae.

Lauacrum Palumbarium, vel crypta Palumbaria dicitur, à Palumbibus ibi nidificantibus. Hoc si quis vti voluerit, à falsis & frigidis caueat necesse est. Cardiaci, arthritico morbo, renibus, oculisque plurimum prodest. Vrinae meatus aperit, oculorum nebulas expellit, stomachi passiones aufert.

Saluianae.

Sic dictas aquas à quadam muliere alij scribunt; alij Siluiam appellant, & Silviae Deae antiquos dedicasse scribunt. Nugae. Salmariam vocat Vgolinus, aitq. eas non permittere, vt menses mulierum vltra suos periodos fluant, & vteri inueteratas affectiones curare. Quamobrem mulieribus plurimum confert, cum etiam steriles foecundet.

Tritulae.

In Baiano littore Balneae, & Sudatorium eodem nomine appellantur. Trietolas, à fricando dictas scribit Blondus, atque indè Tritulas appellatas. Alij sic dictas asserunt, à Tertianâ febre sananda, quae apud medicos *tertiana* *πυρετός* dicitur. Trifoli alij dixerunt, & monti Trifolinum vinum adscribunt. Vbi vegeta in primis natura ignis, cuius communes causas explicat Vitruuius, qui aut ex sulphure, aut alumine, aut bitumine sub his collibus loca, vario caloris gradu afficiat. Infrà ad mare calidis abundat aquis, quae perenni vena, & sub praeruptâ rupe Balneas efficiant, vbi semota ab imbribus & ventis habentur semper vtilissima. Imaginum ex plaste ibi pictarum aliquot fragmenta supersunt, quae cuiusque Balneae virtutem exprimebant. *Ardores esse in his locis* (addidit Vitruuius) *etiam haec res potest indicare, quod in montibus Cumanorum, & Baianis sunt loca sudationibus excavata, in quibus vapor feruidus ab imo nascens ignis vehementia perforat eam terram, per eâque manando in his locis oritur, & ita sudatorium egregias efficit utilitates.* Sudatorium sic in Itinerario à quodam docto viro describitur.

*In primis celfo sita Sudatoria monte,
In tria diuisus Specus est ceu brachia, quorum
Sulphureos extrema tenent fumantia fontes
Solis inaccessus radijs sub rupe cauata.
Ingressu via longa patet, cinis impedit albes
Atque calens mediae prodientes agmine fossae.
Ingrediendo caue tollas caput, arduus vnda
Fumus agit, totoq. fluunt corpore riuus;
Visceribusq. trabens animam vapor aestuat intus.
Sin submissus eas, & cautè lumina serues
(Nam sine luminibus nulli est intrare potestas)
Victoreris. nimium sed non tentare sinistram
Dira tibi mens sit; necat intus perfectus aer,
Profuit & nulli tacitas quae fuisse latebras.*

Cornelius

Cornelius Celsus de eo sic loquitur; *Sudor eius duobus modis elicitur, aut sicco calore, aut Balneo. Siccus calor est, & arenae calidae, & Laconici, Clibani, & quarundam naturalium sudationes, ubi è terra profusus calidus vapor aedificio includitur, sicut super Baias in Mirtetis habemus. Quamobrem Mirteta ad Tritulum fuisse dicunt. Balnei tamen locum penitus ignoramus. Idq. tantum scimus quod Vitruuius, & Celsus scripsere. Quasi mortetum dixerunt, pro funesta mirti significatione. Omnibus tamen aegris lauacrum erat inuisum,*

Sulphura contempti, vicus gemit inuidus aegris.

Morbo Gallico laborantibus plurimum prodest, atque ijs qui capitis fluxionibus afficiuntur. Viris, mulieribusq. statim horis locus datur. Iuuat sudantes colloqui atque canere, dum caloris molestias blandis sermonibus muleire concitantur. Quique dimidia hora sudauerit, strenuus profecto ad eam rem habetur. Trituli Balneas Diuus Hieronymus viduis, virginibusque Christianis vitandas admonuit. Omnium Balnearum virtutes habere dicuntur.

Aquae S. Georgij.

Huius nominis aquas ad Ducciam commemorat Baccius, strenui ac Diui militis nomine insignitas, quae ad foeda vlcera perferenda habent facultatem. Ferrea, atque aera minera nostra haec aqua nitrosa quoque est, lapidem frangens, ad ferrum è corpore eliciendum admirabilis. Sed quoniam subterranea est, quasi $\pi\tau\tau$, Georgij nominatam, aliquibus placet.

Pugilli.

Nitrosas hasce aquas esse scimus, eandemque cum proximis habere naturam. Ventris solutionem compescunt, & hemorroidarum fluores, calidum, aeremque inemptiorem

riem remouentes . Qua propter nec à ferro videntur alienae . A longis febribus liberant . Caput & splenem efficacissime adiuuant , eorumque dolores arcent , confortant debiles , & consumpta membra restaurant . A breuitate id nominis sunt affecutae .

Culinae , vel Culmae & Petrolei .

Inter bituminosas Petrolei nomine multae aquarum scabrae , quamuis & nitro constent , blandè purgantes , subamarae , & graui odore reperiuntur . In Italia multis in locis scatent , & Senis non longè ab Arbia flumine , ibidemq. ad viam maritimam Petroium Castellum , vbi Petroleum emapat . Et Viterbij non procul à fonte Grottae percelebri , calore tactu & essentia temperatae , quapropter pueris , & delicatis naturis perutiles . Multae itidem in Baiano Tripergulanae , Solis & Lunae eo nomine celebrantur . Tùm Culma ad Auernum , in quibus tamen maior sulphuris portio dignoscitur , idcirco exiccando valentiores , minusque emollientes . Huius tamen generis aquae absterforiam habent virtutem , omnesq. cutis maculas , pruriginosas simul & ichorosas exiccant . Contractae emolliunt , distenduntque conuulsos nervos , crassa extenuant corpora , fluxiones sistunt , grauedines ac raucedines , & coetera id genus epotae corrigunt . Eodem omnes aquae imbutae sunt vapore , quae soporem inducunt , vel caput grauant , sensusq. obrundunt . Habet has bitumen operationes . A monte qui supereminet , ob altitudinem , Culma à Franciotto dicitur , & corruptè Culina .

Solis & Lunae .

Ob aquarum excellentiam quae coeteris praestat , hoc praeclarum nomen paruum hoc Balneolum est consequutum . Per ruinas antiquorum aedificiorum eò descenditur , directumq. inuenitur , & mari occupatum . Sed desossa a-

rena, scatet aqua, sulphuri commixta, quae tamen ferri partes obtinet praecipuas, ac nobilem ex Magnete virtutem, quamobrem infixa spicula ferrea mirificè extrahit, calefacit egregiè, exiccat, atque corroborat. Ruptis, laxatis, fractis mirum in modum confert, & antiqua crurum vlcera compefcit. Diuinum hoc appellarunt Balneum cum praecipuè omne guttarum dolorumq. genus tollat, fluentem sanguinem sistat, vlcera sanet, podagram subleuet.

Gibborosi.

Haec inter nitrosas aquas potabilis quidem, ac praeter coeteras in renibus iuuandis efficacissima perhibetur, meatus vrinarios aperiens, abstergens, firmans; arenulas & mures his locis adhaerentes extrudens; fluores muliebres ex locorum imbecillitate maximè sistens.

Episcopi.

Nobile hoc Balneum vel ab aliquo fortasse Episcopo instauratum, vel ad Episcopum Puteolanum pertinens, vel quòd Praelati vtantur plurimum, quibus podagra solet esse familiarior. Roborat stomachum, prouocat appetitum, extrahit ferrum, & omnia membra exhilarat.

Fatarum.

Podagricis quoque vtile & familiare. Stomaco vires addit, nauream expellit, appetitum prouocat. de quo sic Lombardus,

*Confortat stomachum, viuacem reddit opem,
Dat podagrae auxilium, nausea fit procul hinc.
Extrahit absconsū atque latens in corpore ferrum,
Exhilarat nimis hic omnia membra late.*

Bracculae.

Ab humilitate, & loci depressione sic dictum. Vgolius

nus Bretolam vocat, fortasse vocis similitudine deceptus. Inter nitratos fontes constituitur, qui tamen aere simul & sulphure non mediocriter participat. Quocirca non adeò soluit ob sulphuris tenacem siccitatem, temperatè calefaciens. *Ex natura tamen aeris* (inquit Elisius) *grossas fauces subtiliat*, Broncaulas vocant. Raucam vocem ebibita claram reddit; oculis & coeterorum sensuum vitijs opitulatur. Longas febres remouere credunt.

Speluncae.

Sic dictum à Spelunca in qua lauacrum est. A Galeno scriptum tradunt, si quis quinque drachmis huius calentis aquae singulis diebus biberit, in membris quae diaphragmae adiacent, opem & robur comparaturum. Quem tamen locum nusquam in Galeno reperiēs. Hydropicis, tussi, guttae est adiumento.

Feniculi.

Inter mare mortuum, & Misenum montem, inter agrestes feniculos aqua emanat, cui frutex ille nomen attulit, quae & lippos oculos abstergit, & eorum vlcera sanat, & maculas delet, & oculorum aciem reddit illustriorem.

QVAE PITHECVSIS EXTANT

Et Chirurgiae doctrina, & Balnearum in Aenaria Insula inuentione, Iulius Iasolinus maximam sibi gloriam comparauit. An verò huic viro Aenariam tantum debere dicemus? Orbem ipsum plurimum debere affirmabimus, cui ad sanitatem tuendam, ad depellendos morbos in ea felicissima Insula saluberrimae aquae eius opera patent. Debet quoq. Francisco Lombardo qui eas quas nouerat carminibus illustrauit.

Aquae Fornelli.

Quartanae spuriae, verae, Lienis, Hydropisi, capitisque dolori medentur. Hypochondriacam affectionem, vel migrachiam incipientem sanant. Calculo laborantibus, & Apoplepticis sunt subsidio. Vesicam aperiunt, podagricis sunt adiumento, nauseamque stomachi sedant. Astmaticis utiles si tamen parossismo cessante, purgatoque corpore aquas introierint. Aurium tinnitum, surditatem, vertiginem tollit, & paralysim. Quod si coeno utaris tumores pituitosos expellit, articulorum duricies quae reliquae sunt ex vulneribus, fugat frigidam atque humidam intemperiem remouet. Primam substantiam tenuis sulphuris habent, secundam nitri, tertiam salis, quartam aluminis, & quintam ferri. De quibus sic Lombardus,

Quartanae confert, spleni, capitisque dolori,

Subuenit Hydropi, phlegmaticaeque feбри.

Vesicam referat, lapidem perfringit, arenas

Educit, prodest mirifice Podagricis.

Omnia languentis stomachi fastidia sedat;

Furnelli à furni schemate nomen habet.

Scatet ad D. Petri ad Pantanellum ex montis radicibus.

Fontanae.

Cuique plagae sunt medicamento; & quasi miraculo quodam ex humanis corporibus ferrum eliciunt. Hepati, pulmoni profunt, fractaque ossa mirum in modum trahunt, Scabiem purgant. Capillos nitidos & longos efficiunt, corporumque vires restaurant. Coercent, refrigerant, siccantque. Argentea natura, & aluminosa cum Magnete, terraeque aliqua salis parte, & nitrosa.

Succurrit plagis, ferrum extrahit impete magno,

Pulmoni confert, Hepatis atque malo.

Consumptos reparat citò, prolongatque capillos,

Emundat scabiem, fragmina ab osse trahit.

Casti-

Castiglionis .

Calidissimae ac lucidissimae aquae , quae quamuis aliò perducantur , diutiùs tamen quàm reliquae calorem retinent , atq. in ipsis crassitiem cognoscimus . Sulphur olent , minori spiritu cum frigida fuerit aqua . Potu , & ablutione his utimur . Cùmq. biberimus , intestina purgant , renum obstructions aperiunt , vrinam cient , lumbricos enecant , disenteriasq. remouent . Frigido rheumati , strumosis tumoribus , ventris profunt inflationi . Hepatis auferunt maculas , omniaq. arcent scabiei genera . Aquarum quae Senis , Auinioni , Pisis enascuntur , vim retinere affirmat Baccius in libro de Thermis .

Languentem reficit stomachum , ut bene eo concoquat urget

Morpheam humano vultu abigitq. Lepram

Visum acuit , cor confortat , plagisq. medetur ,

Ventriculum soluit , prouocat usq. famem .

Speluncae, vel Scrophae .

Quibus sanè aquis suo loco uti non licet, maris enim undae in cuius margine positaè sunt , & nimia caliditas impediunt . Quibusque fluxionibus commodae , nervorumque & articularum doloribus . Frigidis ac flexuosis viscerum morbis Vere praesertim & Autumno aduersantur . Foemorum , artreticum dolorem , tussimque sanāt . In labro (tantum in eo caloris inest) ijs utamur necesse est . Inter sulphureas quarto gradu calidas numerantur .

Aluum subducit , tussim & nephritida pellit ,

Anthritim , Chiragram , Ischiada & Podagram .

Gurgitelli .

Praeclarissimae à medicis hae celebrantur . Sterilibus profunt feminis . Consumpta ferè corpora reficiunt Stomachum recreant . Calculum extrudunt . Hepati subueniunt .

niunt. Scabiem explodunt. Cibi appetentiam reuocant. Ferrum ex humano corpore extrahunt. Atque diuinitus factum videtur vt hisce aquis omnia ferè mala curentur. Et quoniam in summa temperie sunt constitutae, viscerum intemperiem moderantur, gracilia corpora pingua reddūt, & scirrosos tumores a lenta pituita exortos, propulsant.

Hepaticis prodest, à psora purgat, è p^{er}it^{er}iv.

Proritat, ferrum mirificèq. trahit.

Stomachi.

Cum aquis Gurgitelli conueniunt, puriores tamen ac tenuiores quasi ex Stillatorio deductae. Stomachum roborant, phlegma vacuant, purgantq. vterum. Post portionem ad vncias octo, nec dormito, nec aliud quidpiam bibito, aut edito. Biliosis (vt cum Celso loquar) mirificè profunt.

Cum ex aquis Gurgitelli discesseris, iter ad dexteram faciens Orientem versus alia reperies aquas ex radicibus Epomei scatètes claras, pellucas, gustarui dulces, & crassae. Antiquis vulneribus praestò sunt, aluminis vigorem praefereutes. Morbo Gallico, Aphris, Sporae, Hepati subueniunt, & potione, & ablutione, & fomentis.

Dentium.

Praedominatur aurum his aquis, ferrumq. subsequitur, exilisq. sulphuris vapor. Parua enim huiusce aquae portio, nunquam liquefcere potuit, nisi aquae chimicae auxilio, salis armoniaci parte addita. Dentium dolori, gingiuisq. excarnificatis affert medicinam potu & gargarizatione. De quibus, haec carmina;

Est & ad Occiduum partem quae vertitur vnda

Languentem stomachum quae reparare valet.

Quiq. Orientales spectat calidissimus oras

Fons, Dentem baud vlla parte dolere finit.

*Fons quoque ad Occiduam plagam conuersus, oculis
Prodest, & capiti mite leuamen adest.
Quam vulgo Sinigalla vocant, podagrae, atque dolori
Iuncturae, Ischiadi praestat opem & Chiragrae.*

Cotti, vel Caiuncarum.

Ex vno erumpunt capite; mox deriuantur. Aes, Chalcantum, sulphurq. redolent. In petrosis rupibus coguntur & ex quadam materia guttae prorumpunt, quae musco, licheni, vel pulmonariae comparatur. Guttam oculorum, gingiuarumque affectiones iuuant, capitisque fluxiones praesertim atque calidas. Visum, auditumque recreant. Asmaticis maximo sunt adiumento; curantq. vulnera igne, aqua, oleo calidis, tùm etiam bombardarum ictibus inflicta.

*Confert affectis arthritide, pondera Splenis
Aufert, inflatum ventriculumq. premit.*

Ferri.

Aqua mediocriter calida, clara tamen dulcisq. sulphure^r olens, quem tamen odorem translata amittit. Potione, ablutione, & gutta est in vsu. Et quoniam ferri naturam continet, roborat viscera, sanguinisque sputum coercet, quod omnibus ferratis aquis contingere scribit Auicenna. Hepatis, renum, vesicae intemperiem moderatur, stomachumque reficiendo, vomitionem retinet. Ictericum, hydropissim, nocturnas pollutiones, scabiem, & gomorraeam sanat. Podagrae, paralysi, rheumati strumis, putridis vlceribus, articulis, flatui, spleneticis subuenit.

Auri.

Aureae quidem aquae naturae miraculo obseruatione dignae. Cùm enim fons plenus est, aquarum superficies aureo

aureo velo obducitur, atque ità vt totus fons auro pellucidus confpiciatur; tunc verò maximè cum aquae à Solis radijs verberantur. Quod fi quis Balnei virtutem noscere cupit, Auri virtutem non ignoret.

Argenti.

Propè Aureum Balneum, exiguo fonte, nitidis dilucidisq. aquis Argenteum est, quod argentea quoque tela tegitur. Et quae in Auro insunt, in Argento quoque inesse nemo est qui vereatur. Eaque re tantum differunt, qua & industria & naturae actione differre coguntur.

Calae Vmbraſchi.

Saliens aqua, quae illicò veluti ex rupe praecipitat. Calida, lucida, dulcis, aeris, aluminisq. mixtione. Capitis, neruorum, articularumq. morbos soluit.

Colatae.

Calidissimae, quibus linteis abstergendis lixiuij loco mulieres vtuntur. In ipsis oua coquunt, glabrant sues, coeteraque conficiunt, quae calida ad ignem aqua confici solent. Quamobrem caliditate coeteris antecellunt. Excrementa nitida apparent, atque idcirco aliquid aeris ostendunt. Morbos frigidos & humidos; oculorum, aurium, capitis affectiones, tum in ptimis Eemicraniam, pituitamq. expellit. Paralicis, Epilepticisq. medetur. Frigidas ex memoria superfluitates eijcit. Astmaticos iuuat. Perpetua aestate, tum regnante Canicula prodest. Si qua mulier lacte caruerit, panemq. in hac aqua intinxerit, ederitque lac copiose prouocabit.

Sinigallae.

Odoratis aquis, lacteo colore, liquidi aluminis mixtione, etsi argillosa ibi terra, cinere, calce, gypſo illita. Non tantum

tantum adultis, viribusq. valentibus, sed etiam puerulis, veluti Balnea Gurgitelli, & Fontanae est vtilitati. Pituitosos morbos, neruorum articularumq. dolores, membrorum contractiones subleuat. Nullusque morbus est ex busto ad pedes, quin aut prorsus sanet, aut aliqua ex parte leuet. Luto Balnei ad membrorum contractiones sanandas vtuntur.

Bagnitelli.

Exiguum profecto Balneum, sed aurium surditati praesto est. Cuius rei Figuli quotidie periculum faciunt, cum accenso in fornacibus igne, sibilo, surditateque laborare consueuerint.

Fontis retis.

Visceribus, renibus, & vesicae est medicamento.

Conuulsiones, scabiem, Lienis morbum sanat. Lentiginis; impetiginis, capitis & stomachi dolorem, oculorum lacrimas, & Egilopas aufert. Vini, & vomitionibus prodest. Phlegma soluit. Lombardus,

Deterget scabiem, neruos mollescere cogit,

Fit procul hinc capitis, fit stomachiq. dolor.

Constringit lacrimas, vomitum, pellitq. rigorem,

Phlegma liquat, grauidis est medicina potens.

Capitelli.

Saltis aquis, sulphureisq. secundo gradu calidis, quae affectiones per cutem serpentes, & scabiem, impetiginis, Dothienosq. apud Graecos, sanat.

S. Restitutae.

Calidas habet aquas exiccantes, roborantesq. Podagricis af-

cis afferunt vtilitatem . Inflationes Hypochondriorum prohibent . Flatuosam congeriem , ventrisq. & vteri tumorem dissoluūt . Cholicos dolores repellūt , albasq. humiditates in mulieribus purgāt . Nemini hoc Balneum , nisi Isafolino cognitum .

S. Montani.

Calidum , salsum , pellucidum , cui sal , sulphur , aes dominatur . Articulorum doloribus , colli praesertim , Ischiadis , podagris , crurum tumoribus , stomacho est valdè commodum . Crassos humores dissoluit . Intestinorum ventum fugat . Mulieribus , quae abortum facere solent , vterum reficiendo , nimis familiare .

Citaræ.

Balneum phraeneticis , thenasmo , sterilibus mulieribus , capitis dolori , quartanae nimium confert . Semine viros auget , & mulieres lacte . Conuulsiones , anusque onus deprimit . Vomitionem prouocat , aluumq. ciet porione . Vires roborat , & Venereum excitat .

Tinesinum , sterilem , curatq. pbrenitida , spasmō

Succurrit , capitis hinc dolor omnis abest.

Quartanam delet , mammis lac , testibus auget

Sperma virum (Iuuenes quod faciunt hodie .)

Agnonis .

Aquis ad littus calidis , falsis . sulphureisq. scabiem , furunculos , dotrenas , psoam , impetigines , pellis asperitatem tollit .

Soliceti.

Perennibus . calidissimisq. aquis , Colatae , & Gurgitelli similibus . Sulphureo odore , ferreo colore . Calefaciunt , & siccant vehementer . Morbo articulari , podagrae , renibus

renibus, asmaticis, ossium fracturis, scabiei, vtilissimum.

Gradonis.

Tertio caliditatis gradu, sale & bolo Armeno illitum. Calidis morbis sanandis efficax. Crurum tuberibus vtile, eorumq. peruetustis vlceribus. Dilatatis testiculorum venis, digitorum reduuijs, scabrosis vnguibus salubre.

S. Angeli.

Efficacissimè morbos sanat qui ab aquis Calae Vmbraſchi sanantur.

Doiani, vel Vlmitelli.

Secundo gradu calidum, tenditq. ad tertium. Eius origo nitrosa, cum aliqua salis gemmae parte, & alumine, immixto chalcante, & bitumine; quae omnia optimè à Stillatorijs dignoscuntur. Guttam frigidam, stomachi rugitum, tinesmum, calculum, renum dolorem, oculorum lippitudinem, anhelitus difficultatem, olentem animam, spleneticos, cordis palpitationem sanat.

Anthritim pellit lepram, stomachiq. rugitum;

Tinesmo prodest, Iliacosq. iuuat.

Spiritui, lippis, quartanae subuenit, arctum

Dilatat guttur, diminuit lapidem.

Liene affectis, πάλιν κρείσσιν ὑγιάται

Praesto est pulmoni, è corpore pblegma fugat.

Fons Nitrolis.

Extremo Epomei ventre scatet; & quamuis calida aqua, cum tamen friguerit, coquendis cibis, potusq. vsui commodior. Refrigerat, temperatq. viscera, quapropter mulieribus optima corporis habitudo, quae in illis saepius lauant.

Succellarij.

Balneum vesicae morbo, vrinae ardori, calculo, tines-

mo, lentibus febribus medetur. Laetitiae & animi tranquillitati confert. Tussim expellit. Stomachum roborat. Scabiem sanat. Labiorum fissuras conglutinat. Dentium, gingivarum, oris affectiones propulsat. Mulierum faciem purgat, liuorem sanguinis, quem verbera inducere auertit.

Tinesmo, intermittenti confertq. mtaia,

Vesicae prodest, pblegmaticaeq. febr.

Prolongat crines, & frigida membra resoluit,

Deterget vultum, liberat à scabie.

Plagae Romanae.

Quod non longe abest à Succellario, in horti qui fructuum plantarumq. amoenitate, Nympharium, appellantur, aeris, ferrique mixtura. Aquis primo gradu calidis, tantae tenuitatis, vt cum alio transferuntur, subtiliores soluantur partes, virtutemq. amittant. Oculos iuuat. Visus aciem acutiorem reddit. Crurum fracturae confert, calumq. fractis ossibus inducit. Capillos decedentes, dentesq. mobiles firmat. Vertigini, calculo, sterilitati, menstruo, asmaticis, cordis, pulmone, tussi, cholicis doloribus, hemorrhoidibus praesto est.

Pituitae confert salsus quam procreat humor,

Pruritus ex oculis tollere fama refert.

Lacrimulas cohibet, teneros confortat ocellos,

Expurgat bilem, pectora laeta facit.

Cordi imbecillo robur mirabile praestat;

Gutturis amplificat πνδ' uocis atque sinus.

Tussim sedat, neue cadant firmatq. capillos;

Pruritus, & crurum fragmina sanat aqua haec.

Nitrosi.

In eadem plaga, Balneum calidissima aqua emanās. Scabiem & pruritus ab atra bile, & pituita proficiscentem sanat. Iuuatque renum dolores, & Ictericos. Alnum ciet.

Debili-

Debilibus vires addit. Rheuma & tussim remouet. Genitalium quoque pruritum explodit.

Pblegmate pruritum fugat aut ex bile μάλιστα,

Nephritis, tussis, fit procul hinc scabies.

Ventriculum soluit, consumptos recreat artus,

Subuenit Ictericis, rheumaticisq. malis.

Saxi.

Semper incognitum. Alterum inter saxa morbo articuli frigido, alterum propè litus, calido, idoneum.

Sunt duo, quorum unum gelidae est medicina podagrae,

Αλλο δ' τῶν διερμῶν φάρμακον ἰλλογιστον.

Hortorum Pontani.

Potu renum dolores, ictericos, hypocondriacos, atram bilem, impetiginesq. arcet. Sunt & aliae passim aquae, aut inter vepres & saxa, aut inter terrae aggeres obrutae. Quarum aliquando, vt coeterarum, virtus alicuius industria enitebit.

Ebolitani Vatis carmina de Balneis propono. Neque verò syllabarum quantitas quaerenda est, cum rerum tantum naturalium quaeramus auxilia. Imaginis rugas fucio noluit auctor implere; Nos eam tantummodo amemus simplicitatem. Sic in veteri manuscripto Codice.

INCIPIUNT NOMINA ET VIRTUTES

Balneorum.

Inter opes rerum Deus est laudandus in illis

In quibus humanae deficit artis opus.

Res satis est dictu mirabilis horrida vis

A tormentorum prouenit acde salus

Nam quae defunctos aqua feruens punit in imis

Haec

*Haec eadem nobis missa ministrat opem
 Coetera cum rebus curantur regna, syropis,
 Balnea quae curant, terra laboris habet
 Vos igitur quibus est nullius gutta metalli
 Quaerite quae gratis auxiliantur aquis
 Quarum virtutes & nomina maxime Caesar
 Praesens pro vestra laude libellus habet.*

De Balneo quod Sudatorium dicitur.

*Absque liquore domus bene sudatoria dicta
 Nam solo patiens aere suscat homo.
 Antè domum lacus est ranis plenusque colubris,
 Non fera non pisces inveniuntur ibi.
 Ingreditur si quis paruae testudinis umbram
 More ninis tactae corpora Sole madent.
 Euasuat chimos, leue corpus reddit, in ipso
 Quouis apposita est vase calescit aqua.
 Haec aqua languentes restaurat, & ilia sanat,
 Vlcera desecat sub cute, si qua latent
 Hac te Germanus Capuae caput acde repertum
 Hac sacra Paschasij pasqua te retulit.*

De Balneo quod Sulphetara dicitur.

*Mollificat nervos lauacrum de sulphure dictum,
 Cessat in hoc scabies, infectaq; membra novantur,
 Impregnat steriles, capitis, stomachiq; dolores
 Destruit, & lacrimas in lumine stringit aquosas
 Ad vomitum prodest, oculos bene reddit acutos,
 Phlegmata dissolvit, febrem cum frigore tollit,
 Praesertim si preueniat purgatio, terna
 Intrabis securus aquas. nam corpora pura
 Quam semel accipiant servant sine labe salutem
 Inspirant quocunque modo. non Balnea culpes
 Effectum virtutis ama. nam saepe videmus
 Quod fugiunt nares fugat licet à corpore morbos.*

De Balneo quod Bulla nuncupatur.

*Est aqua quae bullit, & ob hoc benè Bulla vocatur
 Humani quantum Bulla timoris habet.
 Ut rogos inspirat saxis crepantibus intusi
 Sic locus ignitus corda fragore mouet
 Quam metuenda magis tanto, magis utilis aegris
 Si studeat in ea saepe lauare caput.
 Et si fortè carent quo possunt membra lauare
 Alterius curent sumere fontis aquam.
 Haec virtute loci praestet calefacta salutem
 Luminis antidotum, seu medicina potens.
 Haec caput emendat, matricem purgat, & inguem
 Liberat, & splenem, congruè purgat epar.*

De Balneo quod Astrumis dicitur.

*Dentibus Astrumis prodesse, quos reuera relaxat
 Hic redit ad solitum si cadat vna locum.
 Faucibus apta satis brancos ex rheumate passis
 Et laesis oculis haec aqua praestat opem
 Pulmonem recreat quem tussis causa fatigat,
 Inflammat corpus cui dominatur aqua
 Irritat os dapibus; stomachi fastidia tollit
 In multis aufert rheumatis omne malum
 Pigriciem tollit; membrorum, pectora lenit
 Vocem ad obsequium pectoris aptat iter.
 Saepius inde solet multis occasio nasci
 Ne fluat à summo vertice pblegma vetat.*

De Balneo quod Iuncarae dicitur.

*Balnea Iuncarae, quae sunt in littore ponti
 Profunt consumptis, ni sit adusta cutis
 Pectoris ammissas reparant in corpore vires
 Lactificant animos, gaudia sumpta fouent
 Quae veniunt per se mentis suspiria tollunt,
 Et faciunt alacres in muliere viros.*

Efficiunt

*Efficiunt veneris renes ad praelia fortes
 Confortant stomachum, lumina laesa iuuant.
 Quas hominum certus febris interpolat usus
 Annihilant, nec non triste medetur epar
 Talibus usus aquis discrimina nulla timebis
 Quas quandoque solent extenuare cutim.*

De Balneo Plagae, quod Balneolum dicitur.

*Inter aquas pelagi propè litus sub pede turris
 Magnus in effectum fons breue nomen habet
 Balneolum dictum tantae virtutis amoenum,
 Vt patiens illic sentiat esse Deum
 De morbo quocunque doles, seu caumate quouis
 Lotus aqua tali tempore liber abis
 Et caput, & stomachum, renes & coetera membra
 Confortat tepidam si renouabis aquam.
 Haec prodest oculis oculorum nube fugata,
 Consumptos reficit quos tenet aegra fames,
 Materiam tritei consumit & amphibimerine
 Hoc gens plus alijs Parthenopenfis amat.*

De Balneo quod Foris cryptae dicitur.

*Limpha Foris cryptae iuxta maris abdita litus
 A stomacho pellit debilitatis onus
 Sed nocet hydropicis cum sit dulcissima potus
 Vim consumendi non habet unde nocet.
 Leuiter ignitos assueto refrigerat artus,
 Pulmonem laesum sanat, & inde iecur
 Pectoris antidotum tussis medicamen amicum
 Desiccata febris caumate membra rigat
 Ipsa per occultos telluris ducta meatus
 Subuenit aegrotis, est quibus aegra cutis
 Vt dicunt veteres satis est mirabile dictu
 Ipsa Foris cryptae Bullae ministrat aquam.*

De Balneo quod de Petra dicitur.

*Cui Petra dat nomen mirum reor esse lauacrum
 Quod lapidem possit frangere nomen habet.
 Et caput à multis facit absentare querelis
 Auribus auditum praeferat, & addit opem:
 Lumina detergit tunicis maculosa fugatis,
 Pectoris, & cordis esse medela potest.
 Vesicas aperit, à renibus erget arenam.
 Huius aquae potus interiora lauat.
 Quamplures vidi calidam potare petrosos,
 In quibus urina post lapidosa fuit.
 Vos igitur quibus est durus cum pondere miestas,
 Assiduus talis potus aquae liberet.*

De Balneo quod Calatura dicitur.

*Pulmoni praebet solitam Calatura quietem,
 Indè fugat tussim quam graue rheuma parit.
 Haec stomacho vires reparat, vim praebet edendi,
 Saepius assumptas decoquit illa dapes.
 Declarat faciem, mentem corroborat, & cor
 Laetificat, turpes radit ab ore notas.
 Formidat quicumque phthibis cum tusse paratam,
 Vt timor abscedat saepius intret aquam.
 Inueterata suis sicut radicibus arbor,
 Nequaquam poterit absque labore capi,
 Non aliter veteris serpentia semina morbi,
 Possunt euelli qualibet arte semel.*

De Balneo quod subuenit homini.

*Ex re nomen habet lauacrum quod subuenit aegris
 Nominis effectum gaudet habere sui.
 Purgat pulmonem, deponit pondera splenis,
 Depurat tumidum certa medela iecur.
 Trisinitiae causam gelido de pectore tollit,
 Humores veteres ventris haec unda leuat.*

Defectum flomacbi tollit, confortat & ipfum.

Vt folito folitas appetat ore dapes

Vocem fincerat, genus aufert omne doloris

Talis amatoris recreat vnda fuos.

Haec etiam deponit onus longaeuas podagrae

Hic datur articulis induciata quies.

De Balneo Sanctae Anaftasiae.

Adfcribunt homines tibi Anaftafa lauacrum

Vfibus humanis commoda multa facit.

Corporis ingrati recreatos efficit artus

Virtutes etiam corporis vnda nouat

Res miranda quidem. quicunque cauabit arenam,

In medio foffae feruida manat aqua.

Ille recens in fonte fuo fymptomata tollit.

Languidus ardorem fi patiatur aquae.

Fonte relicta fuo nihil affert utilitatis

Haec eadem prodeft frigida facta parum

Qui petit ergo fuo cito de languore iuuari

Sentiat auxilium fi renouabit aquam.

De Balneo quod Cantarellus dicitur.

Inter aquas pelagi aqua feruens manat & ipfa

Ni fluat in pontum ficile claudit opus.

Cum mare feruefcit locus oppugnatur ab vndis,

Vix aliquis poterit aeger adire locum.

Cantarus humana fruitur virtute medendi,

Nam plagas veteres confolidatque nouas

Vlcera quae patitur cutis ex humoribus extra

Cantarus astringit, lumina clara facit

Sanguinis obturat venam quandoque fluentem,

Subuenit artheticeis, fit medicina pedum.

Vtilis ad febres, & frigora; fed tamen huius

Vfus aquae lateri continuatus obeft.

De Balneo quod de Prato dicitur.

Est aqua quam populi de Prato Balnea dicunt ,

Creditur à multis hoc Ciceronis opus

Est via difficilis quæ ducit ad inferiora ,

In quibus inuenit quam petit aeger aquam .

Haec bene visceribus fertur conferre molestis ;

Alleuiat corpus quod grauat humor iners .

Dicunt & duros mirè mollire lacertos ,

Et caput & scapulas ad sua iura trahit .

Lipposos oculos declarat , & ulcera tergit .

In toto pariter corpore praestat opem .

In sudore manens fugiat pro tempore frigus

Nec potum sumat dùm sua membra calent .

De Balneo quod de Arcu dicitur .

Dulce satis lauacrum quod nomen sumit ab Arcu

Virtutem magnæ commoditatis habet .

Haec aqua consumptos restaurat corporis artus ,

Confortat stomachum , arida membra rigat .

Si quis in extremis patitur , festinet ad vndam .

Omnia ne dubitet interiora iuuat .

Non tamen ijs prodest tumidis quos sarcina ventris .

Aggrauat , atque dolet splene tumente iecur .

Rem loquor expertam , proprio quam lumine vidi

Teste mihi populo , quæ scio certa loquor

Vidi consumpto tantum cum pelle relicto

Tempore non longo restituisse cutim .

De Balneo quod Tripergula dicitur .

Est lacus Australis quo portas Christus Auerni

Fregit & eduxit mortuos indè suos .

Haec domus est triplex de iure Tripergula dicta

Vna capit vestes . Altera seruat aquam .

Vtilis vnda satis , multum sudantibus , aufert

Defectum mentis cum grauitate pedum .

*Haec stomachi varias facit absentare quaelas.
 Flebile de toto corpore tollit onus.
 Debilis atque piger quibus est non multa facultas,
 Consulimus tali saepe fruatur aqua.
 Huius amator aquae symptomata nulla timebit,
 Incolumi semper corpore laetus erit.*

De Balneo quod Rainerij dicitur.

*Balnea Rainerij quae corpora putrida radunt.
 Est quorum salsi phlegmatis hostis aqua.
 Si sanie, aut scabie pressus celer illa subintret,
 A sanie quavis exteriora lauant.
 Infectionem mundare cutim quicumque laboras,
 Vtere Rainerio, de cute sanus eris.
 Ne tamen incurras iterum discrimina morbi
 Terribiles Trituli sanus adibis aquas.
 Vidi quamplures defastidire lauacrum,
 Fecerat hoc hominum pingue putredo putens.
 Rainerij refrenat aquas aqua frigida flagni,
 Felix perpingues euacuabit aquas.*

De Balneo quod Palumbarae dicitur.

*Cripta palumbarum fuit quia grata palumbis.
 Vel quas quod lumbis fertur obesse parum.
 Unda palumbarum laesos cum vertice renes
 Sanat, & urinae sumpta recludit iter.
 Ex oculis nebulas, ab auribus excutit Euros
 Cardiacam tollit, arthriticamque fugat.
 Et maiora facit si scis seruare dietam.
 A salsis caueas frigida quaeq. fuge.
 Argentis vitabis aquae consuescere potum,
 Vtere limphato quod parit vna mero
 Crede mihi quod aquae faciunt, faciuntq. syrupi,
 Haec, bene seruetur sola diacta facit.*

De Balneo quod de Ferris dicitur .

*Antè domum vatis lacus est ibi dictus Auerni ,
 Grande , ruinosum , praeminet artis opus .
 Hoc lauacrum Ferri , quod habet ferruginis instar .
 Dicitur umbrosum , sed caret vnda domo
 Si quis hemigraneum patitur quandoque dolorem ,
 Siue supercilijs , saepiùs intret aquam .
 Cum vitio capitis nubem caliginis aufert ,
 Tollitur ex oculis sanguis , ab aure sonus
 Si quis aquae talis vires cognosceret aeger
 Collyrio nunquam laesus haberet opus .
 Pannosos oculos sincerat , & effat aures ,
 Congaudet capiti , cellula trina suo .*

De Balneo quod dicitur Saluiana.

*Salvia diua parens inuenit fortè lauacrum .
 De proprio tribuit nomine nomen aquae ,
 Siccat matrices quouis humore grauitas .
 Impregnat steriles , fructificare facit .
 Menstrua si forsam fugiant inuita redibunt .
 Et facit hoc lauacrum ne sine lege fluant .
 Quas patitur matrix causas haec temperat aegras .
 Vnde queri posset foemina causa perit .
 Vos igitur steriles nouaeque insignia prolis
 Ni vetet annos temporis aegra dies .
 Tam vir , quam mulier , te Saluiana frequentes
 Tam vir , quam mulier , frigidus esse potest .*

De Balneo quod Tritulus vocatur .

*Est locus antiqua testitudine ductus in aluum
 Rupe sub ingenti celte cauata domus .
 Plena figuratis morborum conscia formis ,
 Ad quid aquae valeant , quaeque figura notat .
 Res miranda satis , satis est horrendaque visus .
 Sic veniente die mittitur vnda semel .*

Haec eadem

*Haec eadem partim primum petit aequora, partim
 Extenuata fluens refluit undè venit,
 Et plus quam dubium Bethsaida quas semel anno.
 Vni praestabat mota salutis opem.
 Haec aqua quotidie quam multos mota medendi.
 Rheuma fugat, stomachum roborat, atq. Caput
 Liberat hydropicos. hinc omnis gutta fugatur.
 Phlegmaticis prodest, febricitare vetat.*

De Balneo quod Pugillus dicitur.

*Cum maris unda tumet, tanti vacat unda Pugilli
 Pro statione loci tam breue nomen habet,
 Est iter obliquum paruum quod ducit ad undam
 Vix hominum septem creditur illa capax
 Ani tollit onus, ventrem cessare solum
 Cogit, & hydropicos attenuare potest.
 Si patitur cum splene caput, cum frigore corpus
 Februerit, certam sentiet aeger opem,
 Quid de te referam satis ammirando Pugille?
 Quod proprio vidi lumine testor ego.
 Aridus vsus aqua baculis adductus amicis,
 Discessit sanus non ope vectus egens.*

De Balneo Sancti Georgij.

*Est aqua quae poterit bene tunc Georgica dici,
 Abdita telluris vena ministrat aquam.
 Qua nullus poterit flamma non indice fungi.
 Nam via sub terris plena timore latet.
 Quantum mens hominis timet ingrediendo lauacrum,
 Mirificam tantum laeta relinquit aquam.
 Haec lapidem frangit, urinam soluit ad usum,
 In multis prohibet articulare malum.
 Scissaq. si crura, si pes, si brachia, si frons
 Aegrotant, sanctis bis releuantur aquis.
 Hoc bene contestor, quidam cum mingere vellet,
 Euomit lapides virga coacta duos.*

De Balneo Imperatoris ꝑ Sol & Luna dicitur .

*Caesaris est lauscrum quod Sol & Luna vocatur,
 Sicut Sol stellis praeualet istud aquis.
 Omne genus guttae tollit, genus omne doloris,
 Fistula ni violet viribus ossa suis.
 Subuenit antiquae lauacrum Regale podagrae,
 Nisi faciat fractos inueterata pedes.
 Sed tamen ignorat ubi sit tam nobilis onda,
 Obruit antiqua fortè ruina locum
 Vos igitur quos longa dies fastidit & aetas,
 Quos tam longaeuos nutrit aduersa polis,
 Demonstrare locum qui Sol & Luna vocatur.
 Vtilis à multis aedificandus erit.*

De Balneo quod Arculus dicitur .

*Qui breue nomen habet, magnae virtutis habetur
 Arculus à flammis, quod calet, arcet hepar.
 Rheumatis & stomachi vitiam de corpore tollit,
 Liberat à multa frigiditate caput.
 Lyncaeis oculis ophthalmia sana ministrat
 Deficit arculea triste papauer aqua.
 Et si fortè fugit vigilantia lumina somnus.
 Arculus adducto membra sopore fouet.
 Balnea quae Trituli, limpha quoque Culma ministrat,
 Arculus in multis hoc operatur idem,
 Quamuis inter aquas Trituli sit gratior onda.
 Consulo ne dubites hoc breuiore frui.*

De Balneo quod Gimborosus nuncupatur .

*Est aqua mirandi nimium noua dicta lauacri
 Gimborosorum nomine nomen habet.
 Penè per octo gradus patiens descendit ad undam,
 Circinat hic & aquas per latus omne gradus.
 Ilia componit, vacat in matrice dolorem.
 Sanguineos fluxus in muliere vetat.*

*A superis exire cruor prohibetur, & idem
 Ne fluat insolitis inferiora fugat.
 Vexicam curat quotiens urina negatur.
 Nulla patet mulier renibus esse salus.
 Si lapides, vel si pilos patiantur arenam.
 Quolibet à morbo membra grauata iuuat.*

De Balneo quod Culma dicitur.

*Inter aquas alias mirabile Culma lauacrum
 Cuius ad accessum non via recta patet.
 Immò per obliquum modicis acceditur undis.
 Monsrat iter dubium praeuia flammæ tibi.
 Unda latens intus sudorem prouocat intus,
 Et facit ad nervos quos graue rheuma grauât.
 Luminibus lumen reddit, vestigia claudis,
 Passio ni fuerit inueterata diu.
 Rem loquimur certam, non est incognita multis,
 Culma nocet sanis, morbida membra iuuat.
 Hanc igitur caueat, qui non eget arte medendi.
 Nam qui fortè petit vitet in amne moram.*

De Balneo quod Petroleum dicitur.

*Non procul à Culma locus est qui fundit olium,
 Quod lauacrum multum commoditatis habet.
 Hoc vitium leprae, genus hoc serpiginis omne
 Tollit, & à stomacho phlegmata salsa fugat.
 Extinguit cholera, grossos subtiliat artus,
 Exhilarat tristes, cor bene reddit ouans.
 Noxia de gelidis depellit frigora membris.
 Omnia laetantur membra vigore suo
 Cuiuscumque genas nigra si morphæa notatur,
 Haec aqua rugosas delet ab ore notas.
 Virtutem lauacri demonstrat nomen oliui,
 Hoc oleum praestat quod petra sudat aquis.*

De Balneo quod dicitur Spelunca.

Vltima thermarum quae laude Spelunca medetur.

Cuius aqua poterit simplice nemo frui.

Ingenio faciente modum capit vnda caloris,

Sic intrabit aquas ingeniosus homo.

Cuiuscumque velit perimit symptomata guttae.

Hic fugat hydropisis, tussis in aqua perit.

Vt Galenus ait; si dragmas quinque talenti

Quisquis quotidie sumere curet aquam,

Et super & subius quae sunt dia flamma medetur.

Pblegmatis excludit quod nocet omne genus.

Non domus erroris, non est Spelunca latronum,

Crypta salutarem continet intus aquam.

De Balneo quod Succellarium dicitur.

Est succellarium lauacrum quod competit igni.

Lucida quo multum, dulcis & vnda manat.

Pondus & ardorem vesicae soluit in aegris.

Prouocat urinam tentio cuius obest.

Aëus oris varij morbi curantur in vnda,

Dentes, gingiuas, mundificando iuuat.

Passus in aestate triteum, vel quotidianam.

Aut typicas febres, sentiet eius opem.

Pulmonem, iecoris vicio splenisque medetur.

Tussis ob hoc lauacrum pectore pulsa fugit.

Appetit & stomachus ista perlatus in vnda.

Nam benè digestus redditur inde cibis.

Lentigo, scabies, turpis pannus faciei.

Hae curantur aqua quando lauantur ibi.

Reddit prolixos & claros ipsa capillos,

Et totum corpus exbilarando iuuat.

De Balneo quod Braetula vocatur.

Faucibus antidotum bene confert Braetula grossis.

Et vox si fuerit rauca fit apta sono.

*Si patitur capitis puppis vel prora dolorem .
 Si dolet oppressum splene tumente iecur .
 Sique caligo diem noctis germana minorat ,
 Omnibus his vitij Braclula praestat opem .
 Quartanam perimit , nec non necat Amphimerinam .
 Hic intermissae febris origo perit .
 Vos igitur quibus est odiosa planetica febris
 Huius si sapitis quaerite fontis aquam .
 Non opus est intrare semel . nam Balnea quanto
 Quis magis ingreditur , tam magis ipsa iuuant .*

De Balneo quod Fons Episcopi dicitur .

*Nomine fons talis fruitur quod epreat aegris
 Vel quia Pontificis causa reportat opus .
 Arthriticis prodest . tollet genus omne podagrae .
 Hunc habet expertum Pontificale decus .
 Et quia Praelatis requies , requies nocet atque perapsis ,
 In se deficiunt saepe dolore pedum .
 Cum constipatur cibus intercluditur intus .
 Inde dolent ventres ilia tensa crepant .
 Pontifices fontem perquirite Pontificalem ,
 Vtilis est vobis Pontificalis aqua .
 Indulgete cibus ne digestiva fatigent
 Quae morbi causa saepius esse solent .*

De Balneo quod Orthodonicum dicitur .

*Haec aqua mirabilis consumptis est bona valde .
 Restaurat corpus si capit usus aquae .
 Si fecit extremum subtili corpore febris
 Intret aquam talem , saepe frequentet eam .
 Confortat stomachum . nausea postq. fugat .
 Omnibus ephimeris valde paratur aqua
 Haec manet absconsa telluris limpha meatu .
 Hanc non habere potes absque labore graui .
 Cum satur australis ad limpham nemo subintret .
 Nam via sub terris plena timoris habet .*

Vos igitur

Vos igitur cunctis ad quos est beſſica febris.

Cito liberamini fonte fruendo tali.

De Balneo Sanctae Luciae .

Non minus hoc lauacro perutuntur Parthenopenſes,

Nam locus eſt ipſe habitatio ſemper aegrorum

Vel quia non ſapiunt virtute lauacri lucis .

Haec necat ab oculis nebulas & proſit ad aures

Catharatam tollit ſi non ſit inueterata .

Auribus ad ſonitum praefiat magnamq. medelam .

Migraneis prodeſt qui tempore longo laborant .

Fonte relicta nihil aqua confert utilitatis .

Crebrò renouetur limpha ſubente noua

Et vidi quendam de lumine ſtare priuatum .

Tempore non longo reſtituiſſe viſum

Iſtis conſulimus ſaepe fruantur aquis .

De Balneo quod Scrupha vocatur.

Multi mirantur huius de nomine lymphae .

Ignorant cauſam de Scrupha quare vocatur .

Nam fuit inuenta lauari hac ſemel vnda .

Vel quia ad ſcrophulas eſt medicina bona .

Mundat & conſolidat ſcabiem cum chimine lepre

Talibus uſus aquae ſcabies quaecumque medetur .

Tollunt petigines quae ſiunt pblegmate ſalſo .

Haec valet arteticis , & confert atque podagras .

Ad pondus ventris mire iuuare ſcias .

Maximè ſi fuerit haec ſtiptica poſt medicinam .

A ſalſis caueat legumina nullaue ſumat

Vtilis eſt multis aedificanda ſcitur .

De Balneo Sanctae Crucis .

Hoc lauacrum Crucis ſatis eſt laudabilis vnda .

Iam quibus podagra condominiuma fuit .

Confortat neruos , & pblegmata pellit ab ipſis .

Prodeſt hydropicis quae ſit ex pblegmate ſalſo

Ipfam conſumit ſplene tumente iecur

Ventribus vnda lauat . quibus hypochondria grauat .

*Ad guttam frigidam nervis intus remanentem.
 Frequentent lympham quae crescit deuacuata.
 Hoc lauacrum vidi quendam crebrò visitare.
 Qui minimè poterat ad ora porrigere manus.
 Tempore non longo lymphae virtute fruendi
 Teste mihi Christo sanus & binc redijt.*

*Suscipe sol mundi tibi quem praesento libellum.
 De tribus à Domino tertius iste venit.
 Primus habet partes ciuilis in arte triumphbi,
 Mira Federici gesta secundus habet,
 Tàm loca, quàm vires, quàm nomina penè sepulta.
 Tertius orbatus iste reformat aquas.
 Caesaris ad laudem nos scripsimus ecce libellos.
 Firmius est verbum quod stat in ore trium
 Si placet Annales veterum lege Caesar auorum,
 Semper in Augusto nemo Poeta fuit.
 Ebolei Vatis Caesar reminiscere vestri,
 Ut possit nati scribere facta tui.*

F I N I S.

Ab Antonio Ianuario Ladislai Regis familiari accersitum fuisse Notarium Dionysium de Sarno, ipsemet testatur, qui publico diplomate scriberet apud Regem marmoream esse tabellam Puteolis in loco, qui, *Tre Colonne*, dicitur repertam, in qua Salernitanorum Med corum, qui Puteolanas Balneas euertent, huiusmodi memoria erat,

Ser Antonius Sulimela, Ser Philippus Capogrossus, Ser Hector de Procita famosissimi Medici Salernitani supra partem nauim ab ipsa ciuitate Salerno Puteolos transfretauerunt cum ferreis instrumentis inscriptiones Balneorum virtutum deleuerunt, & cum reuenterentur fuerunt cum naui miraculose submersi.

BALNEARVM CANONES.

Medice,

Naturales Balneas experientia cognoscito.
Corporis affectiones optimè explorato.
Si quid erit superuacuum expurgato.
Aetatis, sexus, virium, rationem habeto.
Ab vtentis temperie, tolerantia, consuetudine, normam
sumito.
Certos dies ne praefinito, sed necessitas & robur terminus
esto.

Aegroti ad Balneas accessuri,

Incommoda in itinere cauento.
Commodas Balneas eligunto.
Insalubrem spiritum certis anni temporibus in Balneis mi-
neralibus praesciunto.
Hiemis algores, aerisq. intemperies, ab ijs vos arcento.
Dierum delectum habento.
Imbecilles, biduo saltem quiescunto.
Altero biduo cum peruenire licuerit, quietem seruanto.

Balneas ingressuri,

Vere ineunte, & per aestatem, per totum aequinoctium la-
uanto.
Sole ab ortu ineunte, & à vespers ad Occasum trium ho-
rarum instar declinante, Balneas ingrediuntor.
Praeparationem, si opus fuerit, reiteranto.
Aluum deijciendum adhibita quoque arte, curanto.
Aguas, non nisi facta concoctione, ineunto.
Corpus exercitatione antè lauationem non incendunto.
Varias Balnearum aquas vitanto.

Cum ingressi fueritis,

Animi hilaritatem amplectuntor.

Quantum

Quantum robora patiuntur , tolerantō .

Suauiſſe voſmetipſos componentes, tacento .

Ne praeuaricantor .

Ad humeros cunctanter , vt caliditatem toleretis , vos immerguntō .

Donec digitorum pedes rugas contraxerint , vel ſudor circa frontem apparuerit , lauanto .

Si bis die innatare cupieritis , à matutina innatatione , ad vespertinam , & à prandio ad coenam , octonae horae intercurruntō .

Ex aquis egredientes .

Statim ad cubiculum veſtimentis curioſe inuolutis acceduntō .

Contractam humiditatem linteis calidis exſiccanto .

Per horam plus minus in lecto ſudanto .

Indè paululum ad conceptam ex Balnei calore inflationem ambulanto .

Mox ſi manè fuerit prandento ; ſi vespere coenanto .

Alimenta boni ſucci capiuntō .

Panem benè fermentatum comeduntō .

Pulmentaria ex farina abdicanto .

Vinum mediocriſ ſubſtantiae, minùſ aſterum, neque dulce bibuntō .

Omnia aquae pocula fugiuntō .

Reliquis rebus, etſi interdictis, electis tamen, parcè vtuntor .

Crapulam & ebrietatem vitanto .

Conſueti cibi modum ne tranſgrediuntor .

A prandio nullo pacto dormiuntō .

Venerem longiùſ ableganto .

Sic deinceps aegroti viuant , vt iterum ad Balneas accedere non compellantor .

INDEX.

Indicem Balneis ab Ebolitano descriptis praefixit Arnaldus à Villa Nova illustris sua aetate Medicus. At quoniam Pithecusanas addidimus aquas, indicem amplificare non dubitavimus.

A Nui, Subueniunt aquae
Pugilli. Citarae.
Anginis, Astruni.
Apoplecticis, Furnelli.
Appetitiui, Episcopi. Subue-
ni homini. Fatarum. Gurgi-
telli.
Arenulae, Subcellarij. Gib-
borofi, Fornelli.
Articulis S. Luciae. Bullae.
Scrophae. S. Crucis. Palum-
bariae. Speluncae. Dētium.
Fornelli Calae Vmbraschi.
Ferri.
Auribus, Bullae. Caiuncarū.
Colatae. Palumbarū Petre.
Amphimerinae, Balueoli.
Bracculae.
Ardori, Subcellarij. S. Ana-
stasiae.
Anhelitus difficultati, Vlmi-
telli.

B Illois, Stomachi.
Brachijs, S. Georgij.

C Apillis, Fornelli. Sub-
cellarij. Plagae Roma-
nae.

Capiti, Bullae. Iuncariae. Pe-
trae. S. Luciae. Pugilli. For-
nelli. Calae Vmbraschi. Fon-
tis retis.

Chardiace, Palumbariae.

Cicatricibus, Rainerij

Claudis, Culmae.

Cordi, Petrae. Colaturae.
Tripergulae. Petrolei.

Chiragrae, Speluncae. Den-
tium.

Contractionibus, S. Crucis.
Colatae.

Conuulsionibus, Citarae.

Cruribus, Solis & Lunae.

Gradonis. Plagae Romanae.

Cholicis doloribus, S. Resti-
tutae.

Cordis palpitationi, Vlmi-
telli.

D Ebilitati, Subsidij homi-
Prati. Arcus. Tripergu-
lae. S. Nicolai. Pugilli. Fa-
tarum. Fornelli. Fontanae.
Dentibus, Astruni. Ferri. Dē-
tium. Caiuncarum.

Disenteriae, Castiglionis.

Diaphragmati, Speluncae.
Dorhienis, Capitelli.

E Piplepticis, Colatae.

F Aucibus, Astruni.
Ferro eliciendo. Canta-
relli. Fatarum. S. Georgij.
Solis, & Lunae. Episcopi.
Fontanae. Gurgitelli.
Fluxionibus, Ferri.

Fluoribus muliebribus, Gib-
borofi.

Frigidae intēperiei, Fornelli.
Foemoribus, Speluncae. Dē-
tium.

Flatui, Ferri. S. Restitutae.

Febribus,

Chronicis, Iuncariae.

Errantibus, Orthodoxon.

Hecticis, Subcellarij.

Longis, Pugilli.

Phlegmaticis, Fornelli.

Pituitosis, Petrae.

Tepidis, Subcellarij.

Fronti, S. Georgij.

Fluxu, Gibborofi.

Fistulae, Cantarelli.

G Inguis, Ferri. Dentiū.
Caiuncarum.

Gomorraeae, Ferri.

Guttis, Solis & Lunae. Tritu-
lae. Speluncae. Gibborofi.

Doiani.

H Emicrancae, Ferri.
Hemorrhoidibus, Pugilli
Hepati, Ferri. Petrae. Arcu-
li. Subcellarij. Fontanae.
Castiglionis. Gurgitelli.

Hilaritati, Episcopi.
Hydropicis, S. Crucis. Spe-
luncae. Fornelli. Tritulae.
Hypocundriacis, S. Crucis,
Speluncae. Fornelli. Foris
cryptae.

I Ctericis, Plagae Romanae.
Iecori, Foris cryptae, Ferri
Interioribus, Petrae. Arcus.
Castiglionis.

Impetigini, Fontis retis. Ca-
pitelli. Rainerij. Agnonis.
Interaneis vitij, Ferri.
Iliaci, Gibborofi. Episcopi.
Ischiadi, Speluncae. Dentiū.
S. Montani.

L Acrimis, Ferri. Fontis re-
tis.

Laxatis, Solis & Lunae.

Lieni, Fornelli. Vlmitelli.

Lycheni, Scrophae.

Leprosi, Rainerij. Scrophae.

Vlmitelli.

Lacti, Colatae. Fontanae.

Lentigini, Foris cryptae.

Lapidi, Petrae. Fontanae. S.

Georgij. Fornelli. Gurgitelli

Lumbricis, Castiglionis.

M Entis defectui Triper-
gulae. Colaturae.
Mucoribus, Gibborofi.

Maculis faciei, Petrolei Cul-
mae.

Mulieribus abortum facienti
bus, S. Montani.

Mulieribus sterilibus, Saluia-
nae, Gu-

nae. Gurgitelli.
Morbo Gallico, Stomachi.
Membris consumptis, Icris
cryptae. Orthodoxonici. Iun-
carae. Pugilli. Gurgitelli.
Ma trici, Bullae. Sulphetariae.
Saluanae Gibborosi.
Morphaeae, Petrolei,
Morbo cuiusque, Gibborosi.

N phritidi, Speluncae.
Nauseae, Iatarum.
Fontanae.

Neris, Calae Vmbraschi.
Colatae. S. Cr. cis. Culmae.
Scrophae. Speluncae.

O culis, Bullae. Astruni.
S. Anastasiae. Irtati. S.
Luciae. Arculi. Ferri. Pa-
lumbariae. Bracculae. De-
rium Caiunarum.
Ossium frac uris, Ferri. Fon-
tanae. Saliceti.

P hlegmati, Ferri. Fontis
retis. Stomachi.
Irrigini, Ferri. Culmae.
Petrolei.

Pituitae, Fornelli. S. Crucis.
Colaturae.

Paralyti, Fornelli. Ferri. Co-
latae.

Putredini, Rainerij.
Phthyti, Orthodoxonici.

Podagrae, Subsidij hom. Tri-
pergulae. Scrophae. S. Cru-
cis. Solis & Lunae. Piscopi.
Fatarum. Fornelli. Spelun-
cae. Saliceti.

Pulmoni, Foris cryptae. For-
nelli.

Pollutionib. nocturnis. Ferri.
Pleuritidi, Astruni.

Pectori, Astruni. Foris cry-
ptae. Petrae.

Pforae, Agnonis.

Pilis, Plagae.

Q Vartanae, Balneoli.
Subcellarij. Fornel-
li. Vlimitelli.

R enibus, Iuncariae. Pe-
trae. Fontanae. Ferri.
Saliceti. Doiani.

Rheumati, Ferri. Arculi. Ca-
stiglioni.

Raucedini, Culmae. Braccu-
lae.

Ruptis, Solis & Lunae.

S omno, Fontanae. Arculi.
Symptomatibus, Triper-
gulae.

Scabiei, Rainerij. Scrophae.
Subcellarij. Fontanae. Casti-
glioni. Gurgitelli. Ferri. Ca-
pitelli. Agnonis. Saliceti.

Surditati, S. Luciae. Fornelli.
Scrophulis, Scrophae.

Sanguinis fluxu, Solis & Lune.
Cantarelli.

Sanguinis sputo, Ferri.
Strumosis humoribus, Casti-
glioni. Ferri.

Spleni, Ferri. Subcellarij. Pu-
gilli. Caiunarum.

Stomacho, Foris cryptae.
Iuncariae. Orthodoxon. Co-

laturae. Arcus Triperg. S. Ni-
colai. Arculi. Subcellarij. Pa-
lumbariae. Episcopi. Fataru
Fornelli. Gurgitelli. Stoma-
chi. Ferri. Fontis retis.

T Vssij, Foris cryp. Colatae.
Subcellarij. Spe-
luncae.

Testiculis, S. Crucis.
Testiculorū pruritui, Nitrosi.
Tenesmo, Citarae. Doiani.
Tristitia, Subueni hom.

V eneri, Iuncariae.
Vntri, Astruni. Subsid.

homin. Arcus. Scrophae.
Crucis. Pugilli. Castiglioni.

Voci, Astruni. Bracculae.

Vesicæ, Petrae. Fornelli. Ferri.
Vulneribus Stomachi. Caiu-
narum. S. Crucis.

Visceribus, Ferri. Prati. S. Cru-
cis.

Vlceribus, Ferri. Cantarelli.
Solis & Lunae.

Vlceribus crurum. Gradonis.

Vrinae, Subcellarij. Castiglioni.

Vtero, Ferri. Stomachi. S. Re-
stitutae.

Ventriculo, S. Crucis. Astruni.

Ferri Caiunarum,
Vomitioni, Ferri. Fontis retis.

Citarae.

Vertigini, Fornelli.
Vnguibus scabrosis, Grado-
nis.

Imprimatur. Alexander Gratianus Vic. Gener. Capitul. Neap.

Vidit Cortesius Brana Theol. Specialiter deputatus a Reuerendiss.
D. Vicario Generali.